

Наим Каримов

МИРТЕМИР

Маърифий-биографик роман

«MERIYUS»
Тошкент – 2012

УДК: 821.512.133

ББК: 83.3 (5Ў) –
K25

Каримов, Найм

Миртемир/ Н.Каримов; масъул мұхаррир А.Самад.-
Тошкент: MERIYUS, 2012. - 284 б.

Масъул мұхаррир
Асрор САМАД

Тақризчи:
академик Бахтиёр НАЗАРОВ

ISBN 978-9943-395-61-9

© Н.Каримов, 2012 йил
© «MERIYUS» ХМНК 2012 йил

Саксон ёшли науқирион йигит

Бундан, борингки, 50 йиллар олдин 80 ёшга кирган одамлар асо таяниб юришиарди. Бунинг устига узун соқол, елкалар ҳам буқчайган, иккита зинадаи инқилаб чиқшиарди.

Бугун 80 ёшли йигитни сизга таништирмоқчимиз. Комати адл, хипчагина, қадамлари дадил, шитоб билан қадам ташлайди, иккита зина эмас, ўн-ўн беш зинадан тезкор одимлар билан чиқса ҳам ҳарсилгамайди. Бу 80 яшар йигитнинг бир оёғи Алишер Навоий номидаги Тил ва адабиёт институтидан бўйла, бир оёғи Катагон қурбонлари хотираси музейида. Институт билан музей оралиги таҳминан 20 километр. Уловдан уловга ўтириб борилади. Институт Яланточда бўйла, музей Шайхонтахурда. Бунинг устига 80 яшар бу йигит тинмай китоб ёзади, мақолалар битади, турли ҳисоботлар тайёрлайди, аспирантилар ва докторантлар унинг атрофида, уларнинг саволлари кўп. Бу саволларга живоб беришнинг ўзи катта илм. Ана шу йигит Ўзбекистон Республикаси фан арбоби, Беруний номидаги Ўзбекистон Республикаси Давлат мукофотининг совриндори, жамоат арбоби, филология фанлари доктори, профессор Наим Фотихович Каримовдир.

Наим Каримов 1932 йилнинг 12 декабрида Тошкент шахрида педагоглар оиласида туғилди. Наим аканинг отаси Фотих Карими мактабда физика фанидан дарс берарди.

Агар хотирам алдамаса, 50-йилларда “физиклар за лириклар” деган бир гап пайдо бўлган эди. Ҳар бир ҳазилда жон бўлганидек, бу ҳазилнинг ҳам тагида асос бор эди: аниқ фанлар оммавий эмас, хос кишилар шукулланадиган соҳалар. Бадиий ижод учун ҳам алоҳида катта истеъодод керак, аммо ўспиринлигига қўлига қалам олмаган, лоақал икки қатор шеър ёзив, уни кўпинча тинҳон тутмаган киши бўлмаса керак. Демак, ҳар бир одамда бадиий ижодга у ё бу даражада рагбат бўлар экан. Фотих Карими ҳам эҳтиимол шеър ёзгандир, унисини билмаймизу, аммо шеърни яхши тушунгани ва жуда кўп шоири ёзувчилар билан улфат бўлгани аниқ. Мумтоз адабиёт намуналарини таҳлил қилишиданоқ буни англаслаб бўлади. Унинг китоб жово-

нида фақат физика ёки аниқ фанларга оид китоблар эмас, балки турли хрестоматиялар, шеърий тұпламалар, мұмтоз адабиёт бүйічә құлғаудар, адабиётшүносликка оид қалин-қалин китоблар бұлғаны фикримиз дағылдайды. Болапи оша мұжити тарбиялаши рост. Ота-онанинг китобга ошнолиги Нәим акани ҳам китоб билан дүстлаштирган бўйса ажаб эмас.

Хамма фарзанд ҳам ота касбіни давом эттиривермайды. Гарчи физика жуда қызықарлы фан бўлса-да, Нәим акага адабиёт жозибалироқ түйинди. Оилада кўпроқ икъронлик, айниқса, китобхонлик бўлиши ҳам Нәим акани адабиёт соҳасига етаклаган бўлиши мумкин. Демак, бу ўринда отасининг таъсири бор, албатта.

Мамлакатда Иккинчи жаҳон урушидан кейин болалар мактабга етти еидан қабул қилинган. Ўнгача мактабга қабул қилиши 8 ёйдан жорий эттилган эди. Бармоқ билан ҳисоблаганды Нәим Каримов 1940 йилнёқ мактабга бориши мумкин эди, аммо ўша йилнинг сентябрь ойига келиб унинг ёши 8 ёшга тўрт ойча етмаганлиги туфайли 8 ёйдан анчагина ўтганда мактабга борган. Бунинг сабаби Фотиҳ аканинг педагогик таълим қоидасига қаттиқ риоя қилгани бўлган. Бинобарин, у ишлайдиган мактабга боласини ёши етмасданоқ қабул қилдириши қўлидан келирди. Бу ишини ҳеч ким мұжоками ҳам қилимасди. Аммо суиистемолчиликка қарши андиша уни бу ишдан тўхтатгани рост. Нәим аканинг ўзида ҳам айнан шу хислат бор: у ўзи учун, фарзандлари учун бирон иш қилиб берини, яъни кимга дидир илтимос қилиб, мазлум бир ишини битириши мумкин, бироқ ҳалиги суиистемолчикликка қарши андиша уни доим тўхтатиб туради.

Нәим Каримов ҳозиргидек болалигига ҳам пишиқ-пухта бўлган, бунинг устига құттиқ-қўл педагог отанинг талабчанligи туфайли барча фанларни пишиқ ўзлаштируди. Аммо уни адабиёт фанни ўзига кўпроқ жалб қиларди. Шунинг учун мактабни битиргач, САГУ (ҳозирги Мирзо Улукбек номидаги Миллий университет)нинг филология факультетига ҳужжат топшируди ва барча фанлардан аъло бағылар олиб, университет талабаси бўлди. 1956 йили университетни битирди.

Ажабки, республикадаги барча педагогика институтларыда ҳам, иккى университеттә ҳам филология факультетлари бор, бу факультетларни битириб чиқсан ёшлиларга тиң ва адабиёт ўқитувчиши деган диплом берилади. Лекин иккала университетдаги факультетларни битиргандар нединститутлардан фарқли равишда диплом иши ҳимоя қиласади. Ана шу нареа талабаларга иш жойи

таңлашда бир қадар эркинлик беради. Чунки диплом иши ҳимоя қилиш ҳам илмий тафаккурнинг дебочаси ҳисобланади. Наим ока она шу эркинликдай: фойдаланиб бўлса керак, Ўзбекистон Фанлар академиясининг Тиз ва адабиёт илмий-тадқиқот институтига ишга келди. Дастрраб кичик илмий ходим сифатида илмий малакасини ошириб бориб. 1963 йилда бўлса керак, филология фанлари номзодлиги учун диссертация ҳимоя қилиди. Фан номзоди илмий даражасига эга бўлгач, бир неча ишлар давомиди шу институтда катта илмий ходим бўлиб ишлаб, 1990 йилдан бошлиб XX аср адабиёти бўлими мудири бўлиб ишлади. Шу ишларда (1993 йил) филология фанлари доктори илмий даражасига эга бўлди.

Уйрик адабиётшунослар Ҳомиј Ҷӯбов, Салоҳиддин Мамажонов, Гаффор Мўминов сингари олимлар билан бирга елкамалка түріб ишлади.

Филолог олимлар күп, филолог учун мавзулар ундан кўп. Ҳар бир филолог олимнинг ўз ўрни, ўз овози, ўз тадқиқот майдони бўлиши керак. Наим Каримов ўз овозига, ўз йўналишига, ўз нуктаси назарига эга бўлиб етишган олимдир.

У XX аср адабиётининг тараққиёт ўюни ҳакида, унинг уйрик нақояндалари ижодий йўналиши ҳакида тадқиқот олиб бораар экан, касбдошларидан фарқли равишда мислий тояни асос қилиб олади, шу тараққиёт, шу ижодий йўналишларни ана шу мезон билан тадқиқ этади. Наим Каримовдан кейингина ёш адабиётшунослар бу мезонни илмий-тадқиқот ишларига асос қилиб олганлари сир эмас. Унинг шигордлари филология фанлари докторлари Раъно Иброҳимова, Акбарали Сабридинов, шоир Юсуф Шомансурларнинг илмий тадқиқотлари бунга мисол бўла олади.

Жумладан, Наим Каримов адабиётдаги ҳодисаларни тарихий воқеалар асносига ўрганади. Бадиий асарни тадқиқ этар экан, ёзувчи ёки шоирнинг таржимиши ҳолидан узуқ ҳолда ўрганмайди, балки ижодкорнинг таржимиши ҳолига ёки таржимиши ҳолни бадиий асарнинг мазмунига йўғирган ҳолда тадқиқ этади. Айни пайтда ижодкорнинг маънавий эстетик оламини ҳам унумтмайди.

Филолог олим мен фалон соҳанинг мутахассисиман, деб айтса олмайди; бинобарин, у тиз ва адабиётнинг барча босқичларини, барча нақояндаларини чуқур билиши билан бирга, тарих, этнография, фольклор, этика, эстетика, психология, антропология сингари фанларни ҳам ўзлаштирган бўлиши керак. Шу маънода Наим Каримов том маънодаги филологедир.

Нашр этилган китобларининг ўзиёқ унинг қандай даражадағи филолог олим эканлигини намойши этиб турибди. "Усмон Носир", "Усмон Носирнинг сунгги күнлари", "Ҳамид Олимжон", "Ҳамид Олимжоннинг поэтик маҳорати", "Ойбек", "Ойбек гулшанида қолған күнчалар", "Қўйтон", "Истиқлолини уйғотган шоир", "Мақсад Шайхзода", "Пушкин ва ўзбек шеърияти"... Бу Наим Каримовнинг илмий фаолиятидан наимунашор, холос. Ана шу китобларга назар ташлашнинг ўзидиёқ олимнинг қамрови бениҳоя кенг эканлигига гувоҳ бўламиз.

Бунинг устига олим бир қанча академик номирларни ҳам амалга оширишда иштирок этган. Ҳамза, Ойбек, Ҳамид Олимжон асарлари шу жумладан.

Наим Каримов филолог олим сифатида педагогика фанига ҳам ҳисса қўйсанлардан бири. У мактаблар учун ўзбек адабиёти бўйича дарсликлар ҳам яратди.

Наим Каримовнинг жамоат арбоби сифатидаги ишлари ҳам таҳсинга сазовор. У 1999 йылда Ўзбекистон Республикаси Маврифатпарварлар жамияти раиси, "Қаттағон қурбонлари хотираси" музейи директори, "Ўзбекистон Миллий энциклопедияси" бош таҳририяти хўзоси сифатида ҳам самарали ишларни амалга оширган.

Наим Каримов жамоат ва адабиёт олдидағи хизматыари учун "Эл-юрт ҳурмати" ордени билан тақдирланган.

* * *

Наим Каримов китоб ёзиш ва уни нашр этишдан аввал масъулиятни қўқур хис этади. Агар хотирам алдамаса, ўтган асрнинг 90-йилари ўрталарида, "Турон" кутубхонасидаги бир анжумандан чиқиб келаверишда мен ундан шоир Миртемирнинг китобхонга маълум бўлмаган ҳаётидан лавҳалар ёзиб беришни илтимос қилган эдим. "Яхши, ҳаракат қиласман", деди мени умидлантириб. Шу умидланишга ҳам 15 йил бўлди. Уни қийин-қистовга олишининг фойдаси йўқ эди. Чунки унинг фикри маромига келмағунча, китобхоннинг дидига мос келадиган даражага етмагунча қўллэzmани бермаслигини билардим; у чала ишга тоқат қилолмайди. Нихоят, мен буюртма қилган рисола тайёр бўлди ва у "Тўргай" деб атальди. Лекин ундан олдин қўлингиздаги мана шу китобни берди: "Миртемир. Маърифий-биографик роман". Демак, у "Тўргай"ни ёзишдан олдин мана шу китобни яратиб, кейингисига тайёрланиб олган кўринади.

Дастлабки кўз қараш алдамчи бўлади баъзан. “Роман” сўзига шубҳа билдиридим. Нахотки, улсан адабиётшунос олим роман билан бадианинг фарқига бормаса, деган ўй ўтди хаёлимдан. Аммо қўллэzmани ўқиган сарим унинг роман эканлигига ишона бордим. Варақдан вараққа ўтган сари образлар силсиласи кўз олдимда намоён бўлди. Романнинг бош қаҳрамони — ўзимга таниш бўлган ва бир неча маротаба мулоқотда бўлганим Миртемирни бошқатдан кашф этдим. Ҳа, Миртемир домланинг ҳам бошига кулфатлар тушганини билардим, эшигандим. Бироқ бир вужудга шунчалар оғир кулфатлар ёғилганини, бу кулфатларга Миртемир домла бардош берганини, барча қулфатларни сабот билан енгив, ўзбек шеъриятини авж пардаларга кўтарганигини масаввур қилмагандим.

Тарихий романлар бизда кўп битилган. Аммо маърифий-биографик роман жанри эндигина вужудга келаётган жанрлардан биридир. Бу жанрнинг ҳам ўз тарихи бор.

Албатта, қадимда ҳозирги тушунчамиздаги маърифий-биографик роман жанри бўлмаган. Аммо Плутархнинг “Қиёсий таржимиҳ ҳол” асари, Тацитнинг “Агриколалар ҳаёти”, Светонийнинг “12 Цезарь ҳаёти” китоблари эҳтимол маърифий-биографик романларнинг дебочасидир. Ўрта асрларда яратилган асарлар эса авлиёлар ҳаётига бағишланганлиги билан фарқ қиласди. Фаридиддин Атторнинг “Тазкират-ул-авлиё”, Рабгузийнинг “Қисасу-л-анбиё”, Алишер Навоийнинг “Тарихи анбиё ва ҳукамо” асарлари сингари Европада ҳам авлиё ва руҳонийлар ҳақида жуда кўп китоблар мавжуд бўлган. Агар Европада ўрта асрларда авлиё ва руҳонийлар ҳақида шундай биографик трактатлар яратилишида давом этилган бўлса, Шарқда Алишер Навоийнинг “Ҳамсат-ул-мутаҳаййирин”, “Ҳолоти Сайд Ҳасан Ардашер”, “Ҳолоти Паҳлавон Муҳмад” сингари асарлари шеърий шаклда ёзилган. Бундан ташқари Алишер Навоийнинг “Мажолис-ун-нафоис”, Фаҳрий Ҳиротийнинг “Жавоҳир-ул-ажойиб” асирлари ҳам борки, маърифий-биографик романларнинг дебочаси деса бўлади. Юқорида санаб ўтилган асарлар тарихий бадиий насрчиликнинг ривожига самарали таъсир кўрсатгани равишан.

Ўзбек адабиётидаги Отаёрининг “Миртемир” (у ўз асарини “Эссе” деб атаган). Урфон Отажоннинг “Устозлар хотираси”. Наим Каримовнинг фаол аралашуви билан яратилган Зарифа Сайдносированинг “Ойбегим менинг” асарлари пайдо бўлган ва кенг китобхонияр томонидан хушнудлик билан кутубхонада олинган эди.

Зотан, мазкур роман Наим Каримовнинг қаламига мансуб иккинчи асар; унинг "Ҳамид Олимжон. Мәтирифий-биографик роман" асари ҳам анча йиллар олдин нашр этилган эди. Демак, Наим Каримов бу жанрни давом этитирибгина қолмай, уни янги ногонага кўтаришига интишмоқда.

Юқорида айтиб ўтилган ва Наим Каримовнинг икки романидан келиб чиққан ҳолда шуни айтиб ўтиш лозимки, мәтирифий-биографик романнинг ҳозирда мавжуд бўйлган романчиллик анъанасидан кескин фарқланадиган жиҳатлари бор. Узбек адабиётидан Абдулла Қодирийдан бошланган романчиллик анъанасида асосий воқеа ва у етаклайдиган ёрдамчи сюжетлар, бош қаҳрамон ва унинг атрофидаги персонажлар ёзувчининг бадиий тўқимаси хосиласидир. Лев Толстой айтганидек, ҳамма ёзувчи ёлғонни ёзади, лекин бу ёлғин ҳаётий воқеликка асослангани учун ёзувчи истеъдод билан унга китобхонни ишонтиради.

Мәтирифий-биографик асарда ёлғон ишлатилиши, яъни тўқима бўлиши мумкин эмас. Ёзувчи бу жанрда фақат ҳужжатларга асосланади. Бироқ бунинг битта шарти бор: ана шу тарихий ҳужжатларга бадиий жило бера билиш истеъдодига эга бўлиши керак. Наим Каримов, назаримда, ҳам адабиётшунос, ҳам ёзувчи сифатида Миртемир ҳақидаги тарихий ҳужжатларга истеъдод билан жило бера олган.

Бу китоб ўкувчини қизиқтириши тайин, чунки Миртемир домланинг ўзи айни пайтда жуда содда ва ноёб шахс бўйлган, бу бир томондан, иккинчи томондан, унинг шеърияти ҳалқ қалбидаги из қолдирган. Учинчи, энг муҳим жиҳати шуки, Наим Каримов ҳам олим, ҳам публицист сифатида китобхонлар орасида катта нуфузга эга.

* * *

Наим Каримов отаси Фотиҳ Каримийнинг удумини давом этитириб, зиёли оила барпо этган: ўғиллари Рустам ва Нодир – оиласи; Рустам – шифокор, тиббиёт фанлари номзоди, Нодир эса, тадбиркор. Улардан беш набира – уч ўғил, икки қиз туғилган. Наим ака ва у кишининг рафиқаси, кимё фанлари номзоди Мұхаббат опа эндиликда набираларниг орзу-ҳавасларини, уларнинг уйли-жойли бўлишидек ширин умидлар билан яшаб келишгани. Пир ёшидан ошган, устоз адабиётшуносимизнинг 80 ёшлиги муборак ва хайрли бўлиб, узоқ йиллар давомида маданиятимиз равонақига ҳисса қўшиб боришларини чин дилдан тилаб қоламиз.

Асрор САМАД

Дебоча

Вақт дарёси тоғ шалолалариdek шиðдатли.

Давр ортидан давр, авлодлар ортидан авлодлар етишиб турибди.

Шундай тезкор бир жараёнда ўзбек адабиёти ва санъати, фани ва техникаси тараққиётига улкан ҳисса қўшган, халқнинг генетик фондини ташкил этган ажойиб сиймоларнинг секинаста тарих қаърига сингиб, авлодлар хотираасидан ўчиб кетиши ҳеч гап эмас.

Ўзбек халқнинг кўп асрлик маданий тараққиёти тарихида XX аср алоҳида ўрин эгаллайди. Шу асрда нафакат янги, замонавий адабиёт, базки театр ва кино санъатлари ҳам майдонга келди. Халқнинг миллий уйғониши, маданий ва ижтимоий савијасининг ошишида бадиий адабиёт, айниқса, улкан ишларни амалга ошироди.

Агар XX аср ўзбек адабиётининг ҳар бир забардаст намояндасини тоғ қояси ёки чўққига муқоясга қиласак, ўтган аср бошлиарида миллий адабиётимиз оламида дастлаб Махмудхўжа Беҳбудий, Абдулла Авлоний, Абдулла Қодирий, Чўлтон, Фитрат, Ҳамза, улардан кейин эса Ойбек, Гафур Гулом, Ҳамид Олимжон, Шайхзода, Абдулла Қаҳдор сингари чўққи ва қояларнинг пайдо бўлганини кўрамиз. Бу чўққи ва қояларнинг бири атоқли шоир ва таржимон Миртемир бўлса ажаб эмас.

М. Беҳбудий ўткір нублицистик мақолалари билан мислатни эрк ва ҳуррият байроғи остида бирлашишга даъват этди. Унинг “Падаркуш” драмаси миллий театр санъатининг қалдириғоч асари сифатида маданиятимиз таристидан ўрин эгаллади. Абдулла Қодирий “Ўткан кунлар” ва “Мехробдан чаён” асарлари билан ўзбек адабиётida роман жанрига асос солди. Ҷўлтон Фитрат билан бирга ўзбек шеъриятини янги бадиий уфқларга олиб чиқди, ёш ўзбек драматургиясига шекспирона қаҳрамонлар ва мавзуларни олиб кирди. Ҳамзанинг серқирра ижоди миллий драматургия ва театр санъатининг янги бадиий жилвалар билан товланишида муҳим аҳамиятга молик бўлди.

Аммо даврнинг қонсираб турган ўроғи уларнинг ҳар бирини айни ижодий кучга тўлган қирчила маёшида ўриб-юлиб кетди.

Ўтган асрнинг 30-йилларида бўрон нафаси ва қон ҳиди анқиб турган даврда янги адабий авлод ижод майдонига енг шимариб кириб келди. Бу авлод жабрдийда устозларнинг ҳаёт-бахши анъаналарини давом эттирибгина қолмай, ғоявий мазмун ва бадиий шакл соҳисидаги изланишилари билан миллий адабиёт-тимизни ҳар томонлама янги ва юксак босқичга олиб чиқди. XX аср ўзбек адабиётининг бадиий камолотга эришувида Ойбек ва Гафур Гулом, Ҳамид Олимжон ва Мақсуд Шайхзода. Абдулла Қадхор ва Комил Яшинлар қатори Миртемирнинг ҳам хизматлари оз эмас.

Ўзбек шеъриятининг гўзал оркестрида Миртемир танбуридан таралган ёқимли наволар қарийб ярим аср давомида шеърият муҳлислари қалбига хуш кайфият. некбин руҳ бағишилаб, улар ҳистийгуларини қорли тоғлардан эсиб, шафтолизор боғларни ўтиб келган шабадалар билан ювиб, мусаффолаб, юксалтириб келди. Унинг, Ойбек наъматагидек, она заминдан униб чиққан шеъриятида ўзбек ёзининг жазирама иссиқ ва қишининг аёзли кунларига қарамай, рўзгорини бут, юртни обод қилиш ўйлида тинмай тер тўккан кишиларнинг образлари мағрур қад кўтариб туради. Миртемир шеъриятидаги бу чоиз ва кампирлар, эркак ва аёлларнинг қабартма образларини на Гафур Гулом, на Ойбек, на Ҳамид Олимжон шеъриятидаги қаҳрамонлар билан адаштириш мумкин. Улар қиёфаси ҳам, инсоний сажияси ҳам, сўзлашину фикрлаши йўсини ҳам соғ ўзбекона. Шунинг учун ҳам Миртемир шеърлари XX аср ўзбек шеъриятида аввало ўта миллийлиги билан товланиб-тароватланиб туради.

Одатда, адабиётшунослар бадиий ижоднинг икки турида қалам тебратган ёзувчиларни қўш қанотли қўшларга қиёс қашишади. Агар биз ҳам шу кўхна таъбиридан истиғфода қилиб, Миртемирни қўш қанотли ижодкор деб атасак, унинг бир қаноти шеърият бўлса, иккинчи қаноти бадиий таржимадир. У Шота Руставелининг “Йўлбарс терисини ёпинган паҳлавон” (Амин Умарий ва Шайхзода билан бирга), Пушкиннинг “Руслан ва Людмила”, Некрасовнинг “Русияда ким яхши яшайди?” сингари дос-тоянларини, Бараташвили, Тарас Шевченко, Махтумқули, Абай, Жамбул, Бердақ сингари ўнлаб шоирларнинг асарларини, қирғизларнинг “Манас”дек улкан эпосини ўзбек наволарига зўр маҳорат билан кўчирди ва бу асарларни ўзбек мілданиятининг бадиий

мулкига айлантириди. Шеирнинг хизматлоридан яна бири шундаки, у таржимонлик фэолияти билан мислий шеъриятимизнинг жаҳон шоирлари эришган бадиий ютуқлардан баҳраманд бўлишига катта ҳисса қўниди.

Миртемир ўта камтар, хоксор, саҳоватли, олижсаноб инсон эди. Шунинг учун ҳам Миртемир деб атаган чироқ отрофи парвоналар билан доим тўя бўлган. Шунинг учун ҳам унинг номи ривоятилар ва ҳазиз-мутойибаларнинг турфа гуллари бишан ҳалихануз ўралиб туради.

Биринчи фасл

ШОИР ТУФИЛГАН ТУПРОҚ

*Ха, мен туркис тонык, Туркистонданман,
Олис боболарнинг олтин тупроги.
Мунглик ва жафокаш бир жаҳонданман,
Жафокаш жаҳоннинг қадим аймоги.*

Миртемир

Жафокаш Туркистон

Амир Темур асос солган буюк салтанат бора-бора уч хонликка бўлинди. Шу хонликлардан бири – Кўқон хонлигининг шимол томонида кўхна бир шаҳар бўлиб, Сирдарёning ўрта оқимида, ҳар томонлама қулай жуғрофий кенглиқда жойлашгани учун, айниқса, обод бўлган. Араб манбаларида ёзитишича, ГУ-Х асрларда шу ерда мавжуд бўлган шаҳар Шавгар (Шавежар) деб аталган. XII-XVI асрларда бу шаҳар Яssi деб юритилган. Шарафиддин Али Яздийнинг “Зафарнома” асарида эса Яssi қишлоқ (қаръят) сифатида тилга олинади. XVI асрдан бошлиб бу шаҳар шу вақтга қадэр Туркистон номи билан яшаб келади.

Узоқ ўтмишда барпо этилган шаҳарларнинг тури турли номлар билан аталиб келгани тасодифий эмас. Зоро, инсон зоти дунёга келибдики, яшаш учун курашиб, шу кураш жараёнида улгайиб, ўзини таниб, маданийлашиб борган. Бир манзилдан иккичи, иккичи манзилдан учинчи манзилга кўчиб юрган. Бир оз уюшиб, куч тўплагани ва ўз кучига ишонганидан сўнг эса обод жойларни забт этишга, ўз ҳудудларини кенгайтиришга киришган.

Агар ҳозирги Туркистон шаҳрининг тарихий номларига назар ташласак, унинг бизга маълум бўлган тарихи араб истилоси давридан бошланган бўлиб чиқади. Истилочилар маҳаллий аҳоли орасига сингиб кетгандаридан сўнг, шу ернинг асл эгаси – туркий қавмларга мансуб аҳоли ўз юртнинг жуғрофий хусусиятларидан келиб чиқиб, Шавгарни Яssi деб атай бошлиган. Амир Темур ва Темурийлар даврида

Ясси қишлоғи кенгайиб, ободлэшиб, туркий қавмларнинг марказлашган шаҳарларидан бири сифатида Туркистон номини олган.

Туркистоннинг мусулмон оламидаги машхур шаҳарлардан бирига айланиши Хожа Аҳмад Яссавийнинг мўборак номи билан боғлиқ. Сирдарё бўйидаги мўғуллар томонидан вайрон қилинган шаҳар ва кентлар, шу жумладан, Ясси ҲҮ асрнинг 30-йилларида қайта тикланиб. Аҳмад Яссавий яшаган муқаддас манзил сифатида шуҳрат топди.

Туркий оламнинг тимсол-сиймоларидан бири Аҳмад Яссавий 1103 йилда Сайрамда дунёга келган. Отаси Шайх Иброҳимдан 7 ёшида етим қолган Аҳмад опаси Гавҳар Шаҳноз қўлида тарбия қўрган. У опаси билан Ясси шаҳрига кўчиб боргач, машхур машойиҳлардан бири Арслонбобдан таҳсил олган. Сўнгра ўша даврнинг илмий-маърифий марказларидан ҳисобланган Бухорога бориб, йирик мутасаввиғ олим Юсуф Ҳамадонийдан тасаввуғ илмини ўрганган. Аҳмад Яссавий Бухорода араб тили билан бир қаторда форс тилини ҳам мукаммал эгаллаб, тасаввуғга оид форсийда яратилган асарларни мутолаа қиласи. Туркистонга қайтиб келганидан сўнг эл-юрт ўртасида шайх, пир сифатида эътибор топиб, ислом, унинг қонун ва қоидаларини, азиз-авлиёларнинг ҳаёти ҳамда яшаш ақидаларини тарғиб этувчи диний-маърифий оқимнинг йирик намояндаси ва қуйчиси сифатида шуҳрат қозонади.

Аҳмад Яссавий яшаган даврда турк хоқонлари – қорахонийлар билан қорахитойлар ўртасида кечтан урушиларнинг даҳшатли оқибатлари халқ бошига бало-офат тошлари бўлиб ёғиди. Яссавий халқнинг шу даврдаги оғир ва фожиали ҳаётини ўз қўзи билан кўриб, шеърларида золимларга бўлган нафратли муносабатини ёрқин ифодалади. Яссавий шеърларида халқ ҳаётида учровчи бидъат ва ишлатларнинг кескин қоралангани, вижданли ва имонли кишиларга хос юксак инсоний фазилатларнинг олишишлантани, одеб ва ахлоқ масалаларига доир қимматли фикрларнинг баён қилингани туфаётли халқ уларни ҳикматлар деб атади. Дэргақе, шоирнинг ўзи ҳам панднома мазмунида ёзилган шу асарларини халқка ҳикматлар деб тақдим этган эди.

Яссавий ҳикматларини ўқиган китобхон муаллифнинг ўз ҳаёти сабоқларидан олган хуласалари билан танишибгина қол-

май, турли ижтимоий силсилалар туфайли, кишилар онгида салбий ўзгаришларнинг юз бергани туфайли шоирнинг “На онода раҳм қолди, на отода, Оға-ини бир-бирига можарода”, деб изтироб чекканини кўради. Шу тарзда Яссавий ўз хикматлари билан ижтимоий силсилалар ва шахсий фожиалар ёки омад юлдузининг ўтиқинчи жилвалари таъсир кўрсатганига қарамай, инсон Инсон бўлиб қолишини истади.

Алишер Навоий “Насойим ул-муҳаббат” асарида Аҳмад Яссавийни “Туркистон мулкининг шайх ул-машойихидур. Мақомати олий ва машҳур, каромати матаволий (ҳайратланарли) ва номаҳсур (чегарасиз) эрмиш”, деб таърифлаган ҳамда “анинг мазори Туркистонда, Ясси деган ерлаки, Туркистон аҳдининг қиблай дуосидир”, деб унинг Амир Темур фармони билан бино этилган мақбараси Туркистон аҳолиси учун муқаддас қадамжолардан бири бўлиб қолганини айтган.

Аҳмад Яссавий 1166/67 йили вафот этганидан сўнг ғоят катта ҳурмат ва эҳтиром билан дағн этилади. Унинг сағанаси узоқ йиллар мобайнида Яссавийнинг минглаб муридлари учун муқаддас қадамжо сифатида хизмат килиб, дунёдаги энг бой мақбаралардан бирига айланади. Аммо Олтин ўрда хони Тўхтамиш Туркистонга бир неча бор лашкар тортиб келиб, Яссавий мақбарасики қароқчиларча талади. 1395 йилда Тўхтамиш устидан тарихий ғалаба қозонган Амир Темур шунинг учун ҳам Олтин ўрда пойтахтига ўт қўйиб, Аҳмад Яссавий сағанаси учун янги, маҳобатли мақбара куриш ҳақида фармон берган.

Мазкур мақбара бино бўлган вақтдан бошлаб Туркистон шаҳрининг нуфузи йилдан-йилга ошиб, у мусулмон оламининг Маккадан кейинги муқаддас шаҳри сифатида шуҳрат қозонади. Лекин орадан бир неча асрлар ўтгач. XIX аср ўрталарида тарих саҳнасига чиққан Россия билан Англия дунёни бўлиб олиш мақсадида кураш боштайди. Рус кўшинлари Ўрта Осиё чегараларини бузиб, 1864 йили Туркистон шаҳрига кириб келганида, полковник Верёвкиннинг буйруғи билан Аҳмад Яссавий мақбараси тўпга тутилади. Мақбара 11 жойидан қаттиқ шикастланиб, маҳруҳ бир ҳолга келади.

Мусулмон оламининг икки марказидан бири қарийб XX асрнинг ўрталарига қалар шу тарзда – ҳароб бир ҳолатда яшашда давом этди.

Ийқон қишлоғи

1864 йилнинг 4-6-декабрь кунларида рус қўшинлари Туркистон шаҳридан 15-20 километр узоқда бўлган Ийқон шаҳрини ишғол қилди. Хонлик лашкари саркардаси Алимқули истилочилар қиличидан омон қолган Ийқон аҳолисини Тошкентга кўчириб келтирди. Улар Янги шаҳарнинг ҳозирги Мустақиллик бекати яқинидаги кўчалардан бирига жойлаштирилди ва бу кўча Ийқон номи билан аталди. Аммо бошқа манбадарга қараганда, бу кўча рус қўшинларининг Ийқонни забт этишлари ва навбатдаги жанговар ғалабага эришгандари шарафига Ийқон деб аталган. Бизнингча, сўнгти манбада берилган маълумот ишончlidir.

“Ийқон” ёки “Ийқон” топоними қачон пайдо бўлган ва у қандай маънони англатади? Афсуски, бу саволга шу вақтгача илмий жиҳатдан аниқ ва асосли жавоб берилмаган. Туркистонлик тарихчи Мухаммадризо ўғли Тўхташ Мамаев “Ийқон ва иқонликлар” (Тошкент, 2003) китобида шу масалага алоҳида ўрин ажратиб, мазкур топоним маъносини иқонликлар ўртасида тарқалган бешта ривоятдан ахтариб топишга уринган. Бу ривоятларнинг бирига кўра, “Ийқон” топоними гўё қишлоқ яқинидаги Қоратоғдан олтин, кумуш, қўроғин каби қимматбаҳо маъданлар қазиб олингани учун “кон” сўзи билан боғлиқ; бинобарин, бу сўз аввалбошда “Ийқон” (Ийқон) эмас, балки “Икон” (Ийқон) бўлган. Иккинчи ривоятга қараганда, бу сўз аслида “Итқон”нинг бузилган шакли бўлиб, гўё Ийқон учун бўлган жангларда ҳатто итларнинг ҳам қони тўкилганини англашган. Учинчи ривоятда қайд этилишича, жабру ситамларни бошидан кечирган бир гурӯҳ хоразмликлар Яссига келиб паноҳ сўраганмишлар. Яссиликлар уларнинг қанчалик ишончли кишилар эканини синаб кўриш учун улардан ўн нафар йигитни тантаб, уларга бир қанча олтин-кумушу жавоҳирларни беришган, учқур арабий отларга миндириб, сотиб келиш учун қаергадир юборган эмишлар. Хоразмлик йигитлар синовдан муваффақият билан ўтгач, ишончнинг кубровий тарикатидаги бешинчи босқичи – икон “унвон”ига мұяссар бўлган эмишлар. “Ийқон” топонимининг тўртинчи муқобилида бирор тайинли гап йўқ. Бешинчи муқобили эса Миртемирнинг шу ҳақда шогирди Отаёрга айтган сўзларида ўз ифодасини топган. “Ийқон асли, – деган Миртемир, – “Ийқон” сўзига

этизак-да. Ундоқ түшгүнтирганда, ишонишилик дегани. Ёхуд тагин аниқроқ ёндашилса, эътиқод, имон, самимият, илиқлик (ҳарорат) маъносига тушунилса ҳам бўлади...”

Чиндан ҳам. “ийқон” сўзи араб тилида ишонч, эътиқод, самимийлик, яқинлик маъноларини англатади. Миртемирнинг Ийқон қишлоғи номи қачон ва қандай пайдо бўлгану қандай маънени англатганини билиш учун тарих китобларини, араб-ча-руслча луғатларни варақлаб кўргани шубҳасиз.

Аммо, назаримизда, “Ийқон” топонимидан олис даврлар нафаси келаётгандек. Бу қишлоқ ёки кент мўғул истилосидан аввал пайдо бўлмаганимкин? Сирдарё ўзанидаги бошқа обод шаҳар ва қишлоқлар сингари, Ийқон ҳам уша даврда вайрон этилмаганимкин?.. Каминани шундай саволлар ўйлантирас экан, “Ийқон ва ийқонликлар” китобидаги кўйидаги сатрларни қайта ўқийман:

“Юртимиз (яъни Ийқон – Н.К.) эрамиздан сўзинги Ў асрда Хоразмдаги афригийлар сулоласи қўли остида булган.

Милоддан илтәриги III-I асрларда эса Қарн давлати ихтиёрига ўтган...

Эфталитлар давлати милоднинг Ў аср иккинчи ярмидан VI асрнинг ўргаларига тўғри келади.

Турк хоқонлиги VI асрнинг иккинчи ярмидан (тарихда турклар хун, хунлар деб аталган) VII асрнинг охирларигача давом этган.

YII асрда Мовароуннаҳр араблар томонидан истило қилинди. Яъни 714 йили Кутайба ибн Муслим томонидан босиб олинган ва исломга даъват этилган” (146-бет).

Муайян илмий асосга эга бўлган бу сўзлар Ийқоннинг узоқ тарихга эга бўлганидан шаҳодат беради. Агар шу тахминдан келиб чиқсан, “ијон”, “ийқон” сўзлари илдизини араб тилидан эмас, балки қадимги туркий тилдан ахтариш тўғрироқ. Йирик туркшунос олим Э.В. Севортяннинг “Этимологический словарь тюркских языков” (Москва, 1974) китобида қадимги туркий жалқлар тилидаги “ий” ўзагининг бошқа сўз ёки қўшимчалар билан кўшилган ҳолда турли маънолари англатиши қайд этилган. Чунончи, у ейдеш (ийдеш)-уйдеш шаклида келганида, этилган, қийшиқ маъносини билдиради. “Ий” кўпинча феъл вазифасини бажариб, бирор ҳодисанинг ҳараратнинг рўй берганини англатади. Агар “ий” ўзагининг феъл вазифасини бажаришини назарда тутсак, “ийқон” сўзи қон

тўкилди. деган маънони билдиради. Бизнингча. “Иқон” топоними аслида “Ийқон” бўлиб, бир замонлар шу тарихий заминда кўл қон тўкилганини англатади.

Шоирниң болалиги

Миртемир 1910 йилнинг айни саратон кунларида Ийқон қишлоғида дунёга келган.

“1910 йили, – деб ёзган эди Миртемир “Ўз тўғримда учтўрт оғиз...” деб номланган таржимаи ҳолида, – буғдой ўргида шу қишлоқда туғилибман”. Шоирниң бу сўзларига қараганда, унинг туғилган куни ва ҳатто ойи ҳам аниқ эмас. Тахмин қилиш мумкинки, у 1910 йилнинг июль-август ойларида туғилган.

Шоир туғилган қишлоқ Қоратоғ этакларида жойлашган бўлиб, бу жой “кўклам тошқинларидан лабларини хўллаб олгувчи сойлар, қизғиши қирлар ва чексиз сайҳонлар. онда-сонда бир учрайдиган музбулоқлар, тошқинлардан қолганди кўллар...” (Миртемир)дан иборат эди.

“Мен туғилгэн қишлоқнинг кунботарида, – деб ёзади шоир, – қадим Туркистон шаҳри, жанубиша Ўтрор, Бойбатх ҳаробалари, ундан нари – Сирдарё...

Минг уйлик қишлоғимиз тўрт қопқоға бўлинарди: Улуғ қопқо, Кичик қопқо, Саҳоф ота, Довуд бобо. Қишлоқ ўртасидан Чимкентга катта йўл ўтади, қадим ипак йўли, нима учунлир қора йўл дейишади. Чингиз ёки кетма-кет қалмоқ босқинларидан кейин шундоқ ататандир балки...

Қишлоқда, негадир, ҳалигача бир неча уруғ эсланади. Масалан, қашқарлик, бобой қараган, қаламқош. қалмоқ қараган, яссилик, ўтрорлик, тўкли қараган ва бошқалар. Менинг уруғим – қоровул бобо... қишлоқ ўртасида баланд ва кўламлик култепа бор; тепасидан қадим шаҳарларнинг қолдиклари, ҳатто олис Туркистон, Яссавий мақбараси кўринади. Култепа ўртасида Темур ё Улуғбек ўрнатган улкан сандиқдай кўктош бор. Етгинчи бобемгача шу тепада қоровуллик қилибди. (У кезларда қишлоқ айланаси кўргон экан-да!) Боболарим бари полвон, яъни аскар экан. Олистан ёв кўринса, ногора уриб, ҳамма кўргонга тиқилар, аскарлар кўргон дэрвазасидан чиқиб, ёв билан олишар экан...”

Шу ерда шоирниң сўзларини бўлиб; “Иқон ва иқонлик-

лар” китобидаги “қишлоқдаги уруғ-авлодлар” деб номланған фаслга назар ташлаш жоиз күринади. Китоб муаллифи қирқдан зиёд ийқонлик уруғ-авлодлар ҳақида маълумот берип, қоровул бобо уруғи тұғрисида қулогига чалинган бундай сўзларни ёзған: “Бұ уруғнинг келиб чиқиши қозоқ миллатига мансуб. Ули жуз, ўчоқты уруғидандир. Қоровул бобо унинг асл исми әмас. Унинг эси пастроқ ўғли бұлади, уйлантиришга қызы топа олмай юрганида, у кишига ийқонликлар тогда сувга қоровул бўлиб ишлашни таклиф этадилар. Шунда у киши ўғлимга бир қызы топиб берсаларинг, умрбод сувларингизга қоровуллик қила-ман, дейди. Ийқонликлар қызы топиб, унинг ўғлини уйлантира-дилар. Қоровул бободан тарқалғанлар кўп йил давомида сувга қоровуллик қилиб ҳаёт кечирадилар. Шулардан тарқаганлар қоровул бобо уруғи номи билан аталади”.

Китоб муаллифининг бу чўтчакнамо сўзларини ўқыған киши унинг Ийқонда яшаган бошқа уруғлар ҳақидағи маълумотла-рига ҳам шубҳа билан қараши табиий. Негаки, муаллиф қоровул бобо уруғини тубли ийқонликларга қарши қўйибгина қол-май, унинг қозоқ уруғидан тарқалғанини ҳам мазкур “риво-ят” билан асосламоқчи бўлган. (Биз бу масалага қўйироқда яна қайтамиз.) Бир ўйлаб кўринг-а, борди-ю қоровул бобо ав-лодлари сув бошига капа тикиб, сувни кўриқлаш билан умр-гузаронлик қилған бўлсалар, Ийқондаги бошқа уруғ вакилла-рига нисбатан жисмонан бақувват, забардаст ва паҳлавон ки-шилар бўлиб етишармиди?! Хуллас, китоб муаллифининг қоровул бобо уруғи ҳақида берган тасаввурни Миртемирнинг тарихан ва мантиқан асосланған сўзлари олдида союн кўпигидек гап.

Миртемир ўзи ва қишлоғи ҳақидағи хотираларини давом эттириб, яна ёзади:

“**Қишлоғимизга** Қоратоғдан икки ариқда сув келарди, ле-кин ер чексиз. Шу важдан сув жанжаллари, ола-суронлар тез-тез бўлиб туардиди. Экиннинг тури кўп: ёзлик ва кузлик буғ-дой, тарик, нўхот, арпа, пахта... Асосий мева – қовун. Ёпи-рай, у қовунлар!. Қовунқоқи, қовунқурти, шинни қилмаган уй кам бўлади. Шунинг учун бизнинг қишлоқ лақаби – мўнди. Шаҳарга мўл-кўл шинни, кўлбола шароб мўндиларда олиб тушилганидан шу лақаб тўқилгани аниқ...”

Қишлоқ аҳлининг тўй-томошаси улоқ, ё пойга, кураш ту-шиш ё бўза ичиш билан ўтган. Ҳатто чоллар ҳам жўра бўза ичиб, масжидга бораверишган. Жўра бўзанинг қонун-қоидала-

ри қатъий бўлиб, биринчи қор ёқдан кундан тўй-томуша, қорхат гаштаклари бошланиб кетарди. Уйлар чорхари бўлиб, шип ўртасида туйнуклар бўлар, уй ўртасида гулхан ёқилиб, туруни туйнукдан кўкка ўрлар. каттакон ҳум эса бўза билан тўла бўлар эди. Эшикнинг ўнг томонида бий, чап томонида эшик оғаси ўтирас, давра — кундуз эшик оғасининг, оқшом чоғи эса бийнинг ихтиёрида бўларди.

Уйда қирқ йигит. Дазра эгаси, яни эшик оғаси (ё бий) қаяча коса жўра бўза исса, ҳамма шунча ичиши шарт эди. Ичолмаган айбордor ҳис обланиб, даврадан чиқариб юбориларди. Даврадан чиқиб кетган киши ё ов қилиб, бирор жонвор отиб, ҳеч иложи бўлмаса, бир кучоқ ўтин кўтариб киради. Агар жўра бўзадаги биронта одам ўзга жўрага меҳмонга чақирилса, бийдан рухсат олиши лозим эди. Агар у борган жойида бирон номаъкулчилик қиласа борми, жазога тортилар, бий буйргуғи билан музлаган ариқ тешилиб, гуноҳкор устидан қирқ чеълак сув қуйиларди. Шундай пайтларда ҳеч ким уни ажратиб ололмас ҳам, ўртага тушолмас ҳам эди. Фақат масжиддан биронта мункиллаган чолни олиб келишса, ўша тилаб олиши мумкин эди, холос.

Миртемир болалик кезларида бир гуноҳкор устидан қалин қор ёқдан, аёзли кунда йигирма чеълак сув қуийша бошлагани, чолларнинг аранг ўртага тушиб, бечорани қутқариб қолганини ўз кўзи билан кўрган эди.

Шундай жўра бўза билан ўтган қиши кунларида қўшиқ ҳам айтиларди.

“Бўза бирин-кетин қирқ уйдан ўтади, — деб ёзади шонир. — Кечаси базм. Қуш-қуш бўлиб кўна дунё (қўшиқ) айтишади, қўшиқ айтмаган ё ўйнамаган одам кам. Кўна дунё шу қадар мунгли, дардли қўшиқда замондан зорлик садолари. ҳасрат ва ҳикмат лим-лим...

*Бўза ичди, бошга чиқди ҳумори,
Ёр қўйнида қолди бўйним тумори.
Ҳеч баҳона тоопмас эрдим боргани,
Хўп баҳона бўлди бўйним тумори.*

*Даричадан ой тушибди юзима,
Сендан ўзга ёр кўринмас кўзима.
Сендан ўзга ёр кўринса кўзима,
Ўшимни раво кўрай мен ўзима... ”*

Миртемир болалик чоғларида эшигтан яна бир гўзал ҳалқ қўшигини келтириб, ҳикоясини бундай давом эттиради:

“Мен бу сатрларни болалигимда эшигтанман, қаранг, ҳануз эсимда, бъозан варақлаб ўтириб, ўша бслалигим ўтган қишлоқ ва ўша ғарид ҳаёт кўз олдимдан ўтади. Ўша кунлар мағзини чақсам, бўза ёз бўйи тиниб-тинчимаган дехқоннинг қиши ҳордиги, кўнглини ёзиши ва кўна дунё бўзагарининг ноласи экан, холос. Чунки, қишлоғимизда тўқма гап деган йигинлар ҳам бор эди, бу йигинларда сўқим сўйилар. қази-қартагик, норину ҳасблик баркашлар тортилар, яъни давлатмандларга хос... У йигинларда шаҳардан (яъни Туркистондан – Н.К.) хонандалар келар, созандаю баччалар (қирқ кокил) аёл кийимида ўйнатилар, қийқириқ баравж ва шишалик шароблар гардун пиёлаларда айланарди”.

Йўқошлик бошқа уруғ-аймоқлар сингари, қоровул бобо авлодидан етишиб чиқкан кишилар ҳам XX аср бошларида шундай турмуш кечиришган. Улар ҳавас қиласи даражада сөғлом бўлганилари боис сўнгти йилларда дехқончилик ва чорвачилик билан машғул бўлишган. XX аср бошларида Ийқонга маърифат шабадалари кириб кела бошлагандা, қоровул бобо авлодининг ўша йиллардаги оқсоқоли Умирбек ҳожи Усмон ўғли шундай кишилар билан яқинлашиб, улар билан қариндошлиқ ришталарини боғлашга аҳд қиласи. У фарзанди Турсунмуҳаммадга мамай уруғига мансуб Исомиддин деган маърифатли кишининг Моҳирўй деган жисми исмига яраша гўзал қизини олиб беради.

Мамай уруғи қандай эди?

“Ёшлигимизда, – деб ёзади “Ийқон ва иқонликлар” китоби муаллифи, – кексалардан шундай ҳикоя эшигтанмиз: “Бир Мамай деган татар киши қишлоқга келган экан, биз унинг авлоди эканмиз. Бу гапни Аширматов Тоҳихон айтгани эсимда. Шу уруғта мансуб Субатов Тоҳихон буни рад этиб, уларнинг авлодлари қозоқ эканлигини таъкидлайди. Аниқ бир фикрга келолмадим-у, лекин Тоҳихон Аширматовнинг сўзи ҳақиқатга яқиндир”.

Умирбек ҳожи Усмон ўғли ҳам, Турсунмуҳаммад Умирбек ўғли ҳам мамайлар қавми билан қариндош бўлганилари, бири Моҳирўйдек иффатли ва қўли гул қизга қайнота, исқинчиси зса эр бўлганидан ғоят мамнун бўлдилар. Аммо ёш ойланинг биринчи фарзанди Абдулҳамид гўдаклик чоғидаёқ ёруғ дунёни

тарк эгди. Ундан кейин түғилган Ҳожимурод ҳам акаси кетидан нариги дунёга тезда равона бўлди. Бу икки зурёдининг чехраси га тўйиб улгурмаган ота билан она қайғусининг чеки-чегараси бўлмади.

Орадан кўп вақт ўтмай. Турсунмуҳаммад бобо рафиқаси билан ими-жимини қилиб, ҳазрат сағанасини тавоғ этиб келгандаридан сўнг. Моҳирўй ая янги фарзандга ҳомиладор бўлди. Аммо улэр учинчи фарзанднинг дунёга келишини ҳам кувонч, ҳам ташвиш билан кутдилар. Ниҳоят, чақалоқ дунё юзини кўрган куни кўй сўнилиб, қишлоқ оқсоқолларидан фотиҳа олингач, улар истаги билан янги меҳмонга Миртемиршо деган исм берилди. Бу исм тагида оқсоқолларнинг Ахмал Яссавий мақбараасини бино қилиш ҳақида фармон берган Амир Темурнинг барҳаёт кудратига хурмат бор эди.

Шундай қилиб, 1910 йилнинг буёдой пишиғида ўзбек халқининг бўлажак атоқли шоири Миртемир Турсунмуҳаммад ўғли дунё юзини кўрди.

Миртемир улғайиб, нафақат халқнинг севимли шоирлардан бири, балки кўплаб шогирдларнинг устози сифатида ҳам хурмат қозонди. Унинг шогирдлари орасида Отаёр Наҳанов деган ёш шоир ҳам бўлган. Отаёр устози ҳақида асар ёзиш иштиёқи билан яшаб, у билан бир неча бор судбат курган, у билан бирга Ийқонга сафар қиттан. Хуллас, Миртемир ва унинг ийқонлик жигаргўшалари билан қилган сухбатлари натижасида унинг дастлаб “Миртемир” (1986), кейин “Қуёшни кўргали келдим” (1991) китоблари майдонга келди.

Отаёрнинг мазкур китобларида Миртемирнинг бобо ва момоси тўғрисида ҳам айрим имо-ишоралар бор. Бу китобларда ёзилишича, Умирбек ҳожи уйланишни ихтиёр қилиб, Биби Зайнабни бўлажак тан маҳрам сифатида танлаганида, ёр-дустлари орасида: “Сенга Аллоҳнинг шу қақилдоқдан бошқа атагани йўқми?” деганлар ҳам булган. Аммо Умирбек ҳожи бир оз шаддошлиги ва қақажонлиги учун уларга ёқмаган Биби Зайнабга уйланиб, кимнингдир ҳавасини, кимнингдир ғашини келтириб, у билан аҳил умр кечирган. Умирбек ҳожи билан Биби Зайнабдан беш қиз ва бир ўғил туғилди. Бу ўғилнинг исми бизга таниш Турсунмуҳаммаддир. Агар шу яккаю-ягона ўғилнинг исмига эътибор берсак, Умирбек ҳожининг ҳам Турсунмуҳаммадга қадар дунёга келган ўғиллари турмаган кўринади.

Турсунмуҳаммад Умирбек ҳожининг ёлғиз ўғли бўлгани сабабли унга алоҳида меҳр қўйди. Уни ҳеч нарсадан укситмай вояга етказди. Турсунмуҳаммад айтгани айтган, дегани деган кишилардан бўлиб улғайди. У отамерос ердан батраклар ёрдамида унумли фойдаланиб, Ийқоннинг кўзга кўринган бойчаридан бирига айланди.

Турсунмуҳаммад шу мавқеи берган имтиёзлардан фойдаланиб, беш маротаба оила қурди.

Миртемир юқорида тилга олинган таржимаи ҳолида отабоболари тўғрисида бундай маълумот берган:

“Отам деҳқон ва чорвадор, она томондан бобом (яъни Исомиддин домла – *H.K.*) мулла, мактабдор. Ота томондан бобом (яъни Умирбек ҳожи – *H.K.*) узун бўйли, полвон жуссали, қизил юзли одам эди. Иргий асосини “тўқ-тўқ” ерга уриб юрганда, ер титраётгандай. Она томондан бобом ўрта бўйли, чараклаган қора қўзли, қора ва чечан одам эди...

...Онадан уч қиз, икки ўғил эдик. Лекин ўзга уч онадан ҳам укаларим бор эди. Иккинчи онам қозоқ (терскайлик), учинчи онам татар, тўртинчи онам ўзбек қизи эди. Ўз онам оламдан ўтгандан кейин қозоқ онам ўз боласидай менга меҳрибон бўлди. Тўртинчи онам узатилиб келмасдан ажал тирноғида кетди. Ёш тэтар онам ҳали ҳам тирик”.

Тўхташ Мамаевнинг мазкур китобида Турсунмуҳаммад Умирбек ўғли тўғрисида ҳам мухтасар маълумот берилган. Муаллифнинг ёзишича, у отасининг яккаю ягона ўғли бўлиб, жуда сахий бўлган. Шунинг учун у бойвачча номини олган. “Ута саводли, билимли, ақли табиб эди, – деб ёзади муаллиф. – Турсунмуҳаммад бобо дориларни ҳам буюрар, ҳам ўзи тайёрлар эди. Талабалик давримда бир неча марта Самарқандан занжабил (имбир) олиб келиб берганман. Тиббиёт ходимлари тўхтата-олмаган бурундан қон кетиш касалини даволаганини биламиз. 1962 йил дунёдан ўтди”.

Миртемир адабиётшунос Салоҳиддин Мамажоновнинг саволига жавоб бериб, отаси ҳақида бундай деган эди: “Отам саводли – мактаб ва рус-тузем мактабида ўқиган одам эди. Лекин... тўрт онам бор эди – ўз онам энг улкани, кейинги онам қозоқ, учинчи онам татар, энг кичик онам яна ўзбек қизи – бу, ҳаёт тафсилотсиз ҳам сизга тушунарлидир. Мен эсимни билгандаёқ онам бўлак уйда турад ва ўз кунимизни ўзимиз кўрардик. Мен кичикликдаёқ дала ишига кўнилкан-

ман. Окам, укам ва ёнтишларим ҳам. Кейин ҳаммаси ишчи бўлиб кетди. Бошқа оналаримдан булган укаларим ҳам мени пана тутишади ва ғоят ҳурматдаман”.

Миртемирният улгайишида Биби Зайнабнинг хизмати катта бўлган. Биби Зайнаб ўрни-ўрни билан қаттиққўл ва меҳрибон бўлган, фарзанд ва неваралар унинг нима дейишини кўз қарашларидан илғаб олишган. Биби Зайнаб бош-қош бўлган маъракалар кўнгилдагидек ўтган, шунинг учун ҳам уни ий-қонликлар ҳурмат қилишар эди. У ўзига хуш келмаган бирор ҳодиса устидан чиққудек бўлса борми, ҳаммаёқни остин-устун қилиб юборар, айниқса, жужуқларнинг ҳўрланишига асло йўл қўймас экан. Миртемирният “Бувим чўпчакларидан” туркумидаги шеърлари унинг ёрқин хотираси нурлари билан йўғрилган. “Момом” шеъридаги мана бу сатрлар эса унга – Биби Зайнабга бағишлиланган.

*Момомнинг отини Зайнаб дердилар,
Келади сақиҷни чайнаб, дердилар.
Келса ҳам келсин-да булоқдай жимиб,
Келмасин қумғондай қайнаб, дердилар.*

Момо невараларга қанчалик меҳр кўрсатмасин, барibir, она ўрнини боса олмайди. Миртемирдек онасини севган, она мусибатидан ўртаниб, ўз жонига қасд қилган фарзанд бу дунёга бошқа келмагандир, балки.

“Онам, кичкина, қора, сриқ, меҳнаткаш, ўта мушфиқа, ўта мақолгўй аёл эди. Сўзи мақолсиз бўлмас эди. Бувим билан бирга турардик. Бизни гўдакликдан меҳнатга ўргатган онам бўлди...”

Қишлоқ манзаралари

Ийқон - Коретоғ тизмаларидан 35 км. жанубда, Сирдарёдан 45 км. шимолда, Туркистон шаҳридан 20 км. шарқи-шанубда, қадимги Буюк Ипак йўлида жойлашган қишлоқ. Агар ёдингизда бўлса, Миртемир қишлоқ манзараларини тасвирлаб, култепа устида ўрнатилган сандиқдай кўктошни тилта олган эди.

Эски тепалик устида турган сандиқка ўхшаш бу “қабр тоши” қишлоқнинг ёши ҳақида маълумот беради. “Тошкентдаги Юнус-

обод масжиди имоми Олимжон ҳожи Жалиловнинг қабр тошидаги ёзувларни ўқиб, гувоҳлик беришига қараганда, — деб ёзган эди Тўхташ Мамаев, — тошнинг ён томонларига Куръон оятлари ёзилган бўлиб, бош ва қути томонига Султон Фозий ўғли Султон Нур исми ва хижрий йил билан ёзилган сана бор. Уни милодий ҳисобга айлантирилса, 1550 йилга тўғри келади. Демақ, бундан тўрт ярим аср илгари ҳам тепалик ҳозирги ҳолатида бўлган экан”.

Тўхташ Мамаев ўз китобининг бошқа жойларида бўлганидек, кўк тош ҳақида ёзганида ҳам илм-маърифатдан узоқ кишиларнинг сўзларига таяниб, кўк тошни “қабр тоши” деб атаган ва шу “қабр тоши” ҳақида мантиқсиз фикрларни баён қилган.

Бироқ Ийқон қишлоғининг ўтмиши ва кейинги даврлардаги ҳаётига доир маълумотлар нафақат қизиқарли, балки ишончли ҳамdir.

“Иқонликларнинг асосий қисми, — деб ёзилган китобда, — азалдан деҳқончилик билан шуғулланганлар, шунингдек, чорвачилик ва паррандачилик маҳсулотлари ҳам етиштирсанлар... Тоғ сувларининг камайиши, аҳолининг кўпайиши натижасида сув танқислиги сезила бошлаган. Иқонликлар кам сув талаб қилгани учун узум етиштирсанлар ва уни атрофдаги шаҳар, қишлоқларга олиб бориб сотганлар, ўзларига керакли буюмларга алмаштирганлар, ортиб қолганларидан эса шинни, мусаллас тайёрлаганлар. Куз ва қиш ойларида сопол идишларга (кўза, мұнди) қуйиб, сотиш учун яқин шаҳар ва қишлоқларга олиб бориб сотганлар. Ҳозир ҳам қўшни қишлоқлilarнинг “иқонлик мұндилар” деб ҳазиллашиши шундан қолган...

...Иқонликлар азалдан буғдой унидан қилинган таомларни хуш кўрганлар. Ноnлар, кулча, патирларни ер тандирларида катта-катта ҳажмда тайёрлаб пиширадилар. Буғдой гўжа, қўғирмоч, ҳалим, талқон ва шунга ўхшаш таомлар тайёрлангандар...

Бу сўзларни ўқир эканман, ийқонликларнинг 1905, 1917, 1933 ва 1943-1945 йилларда даҳшатли очликни бошларидан кечирганлари хотирамга келади. Балки Миртемир ҳам “қўғирмоч” деган шеърида етти яшар бола пайтидаги очлик кезларини тасвиrlагандир:

*Буғдой ўроғига ҳали ҳафта бор,
Хампарларда ун йўқ, унсиз-ку кун йўқ.
Ўрсқ тушганича кун ўтар ночор,
Тушда мўриларда ҳатто тутун йўқ.*

*Ҳар тонг олис қирга кетардик тўп-тўп,
Тоғдан эсар хушбўй ва салқин сабо.
Тўргаю бедана ўлан айтар хўп,
Буғдойзор чайқалар -- қандоқ дилрабо!..*

*Бу кез тансиқ ҳатто бир ҳовуч оқшоқ,
Бу кез кулбаларда кўпроқ кўк шўрва.
Ҳар ким ўз чекида узади бошоқ,
Үйга қайтар эдик -- лиммо-лим тўрва.*

*Кейин бошоқларни уқалаб, пуфлаб,
Онам қовуради бизга қўғирмоч.
Талашиб ер эдик пуфлаб ва суфлаб,
Хорғин онажонга жилемайиб қийғоч...*

*Шундоқ ўтар эди қишлоқ ҳаёти,
Ҳали ҳам оғизимда қўғирмоч томи...*

Миртемир таржимаи ҳолида иқонликларнинг асосий меваси қовун эканини айтиб, қовундан қовунқоқи, қовунқурти сингари ноз-неъматлардан ташқари, шинни ва “қўлбола шароб”нинг тайёрланишини завқ билан нақл қилган. Зарифа Сайдносирова ҳам “Ойбегим менинг” деган хотира-қиссасида Туркистонда етиштирилган қовуннинг бир неча навларини санаб, бундай ёзган эди:

“Қовунлар хилтининг ҳисоби йўқ; оқ новвот, кўкча, абужамил, бухор қовун, шарбати, сўйилганди оқиб турадиган, юмшоқ кампир қовун, оқ қовун, қора қовун, адрас қовун...”

Кечга яқин оқ новвот ёки кўкчани танлаб, полиздан ўзим кўтариб чиқардим. Пичоқ теккизганимда, тарсиллаб ёрилиб кетарди. Баъзан полиздан узаётган вакътдаёқ азбаройи пишгани ва шира тортганидан ёрилиб кетарди...”

Чамаси, шундай ширин ҳолатни болалик кезларида Миртемир ҳам бошидан кечиргач. Лекин ҳаётда шундай ҳолатлар ҳам бўладики, не-не умидлар билан экканинг қовун ёки тарвуз

ёзният серёмғир келгани ёки, аксинча, сув етишмагани туфайли ўсмай, қовжираб кетади. Шоир хотирасига тушған воқеа бир оз ўзгача. Бечора бобо қовун полизига уч бора сув бериб, ҳосилнинг яхши бўлишига ишонади. У эҳтимол қишининг аёзли кунларида бола-чақанинг қорни оч қолмаслиги учун қовун қоқи, қовун қурти ёки шинни дегандек заҳира таомларни тайёрлаб қўймоқчи бўлгандир. Аммо афсуслар бўлсинки, вақти-вақти билан қараб турилмагани учун полизни ажриқ босиб кетган экан...

Миртемир 1965 йили Самарқандга борганида, нима учундир хаёлига шу аянчли воқеа келиб, “Шумгия” деган шеърини ёзади:

*Тиззадан тупроқ чопиб,
Тиззадан жўяқ олиб.
Бобом қовун экканди,
Жаннатдек бўлди полиз.*

*Ҳар палак худ қирқтаздан
Тулу тугунак солиб,
Саратон яллиғида
Сув сўрсан эди ёлғиз...*

*Бобо дехқон-да бобом,
Уч гал сув берди, холос.
Чопики тўрт бўлувди,
Уздик ҳатто ҳандалак.*

*Бобом бир кун полизда
Кўтарди айюҳаннос:
“Шумгия!” деб шум кўкат
Юларди, жони ҳалак.*

*Бутун умид шундайди,
Йиллик ризқу рўзида,
Саҳарлар қарсиллаши,
Шинни-ю қовун қоқи.*

*Бир алам ёнар эди
Бобогинам кўзида,
Сўкиб қўярди тажсанг:
“Ҳа, сени, манжалақи!”*

Қовун ийқонликларнинг иқтисодий-маиший ҳаётида қанчалик муҳим ўрин тутган бўлмасин, улар тақдиди буғдой, арпа, сули сингари маҳсулотларга боғлиқ эди. Ҳар бир оила аъзоларининг оз ё кўплигига қараб 1-3 тоннагача буғдой ва арпа ун қилиниб, тунаклаги ханбар (хамбар)ларга босиб қўйиларди. Ханбардаги ун келгуси буғдой ўроғига қадар ачимай, курт тушмай гуриши учун кузда қопларга солиб совутилган. Ханбарларга тўкилган ун тоза оёқ билан жисплаб босилган ва шундай тадбир туфайли келгуси йилга қадар ачимай, курт тушмай сақланган. Ундан шилппин (беш бармоқ), умаш, бошмалдоқ, чалпак, узун ош ва бошқа таомлар тайёрланган. Ўстрилган жўхори донидан бодроқ, талқон, гўжа, унидан эса зогора тайёрлагачлар.

“Йилқирапдэн, – деб давом этади Тўхташ Мамаев чорвачилик масалаларига кўчиб, – куч-кўлик, кўпкари чопиши, ер ҳайдаш, юқ ташиш учун фойдаланганлар. Биялар соғилиб, қимизи ичилган. Кузда йилки гўштидан қази-қарта тайёрланалар. Йилқининг ёғини, думини кузаб (қирқиб олиб) қил чилбирлар эшганлар. У чидамли арқон бўлган. Қорамоллар суг, гўшт учун боқилсан, ер ҳайдаш ва дон янчишда ҳам улардан фойдаланилган...

Хунарманлчилик юксак даражада ривожланмаган бўлса-да, ўзига хос хунарлари бўлган.

Иқондаги ҳар бир хонадон аҳти керакли кулол идишларини ўзи тайёрлаган. Кулолчилик айрим хонадонларнинг тирикчилик манбаси бўлган. Улар Оқтепадан тўй (тупроқ тури) олиб келиб, соғ тупроққа аралаштирганлар ва қоришмадан сопол идишлар: кўза, малак, каваш, чарчак, бокрок, коса, тогоралар ясад, тандир ёки маҳсус хумдонларда пиширганлар. Тайёрланган идишлар мой бўёқлар билан сирланган.

Аёллар учун узук, билакузук, чўлпи ва бошқа тақринчоқлар тайёрланган...

Ўйлаймизки, ўтган аср бошларидағи ийқонликлар ҳаётига оиласу шу сўзларнинг ўзи Миртемирнинг болалик йиллари кечган мұхит ҳақида озми-күпми тасаввур уйғотса ажаб әмас.

Ўқиши истагы

Аёл зотига ҳирс қўйган кишидан меҳр қочади.

Турсунмуҳаммад ота қишлоқнинг олди кишилариңан бири эди. У Тошкентда нашр қилингани “Туркистон вилоятининг газети”га обуна бўлиб, қишлоқ аҳлини унда чоп этилган янгиликлар билан таништириб борар, уларни оламда рўй берадиган ўзгаришлардан вақти-вақти билан воқиф этиб турарди. Туркистон ва Ийқондаги чор маъмурлари рус тилини яхши билгэн ва оқ-қорани таниған кишилар бўлгани учун Турсунмуҳаммадга эгри кўз билан қарашмас ва бу Ийқондаги ўзига тўқ кишилардан бирининг ҳаёти равон издан борарди. Шунинг учун у бир-икки әмас, беш хотинга уйланиб, большевиклар тили билан айтганда. бой феодалга айланган-қолган.

Аёллари кўп бўлган кишининг ташвиши ҳам қўпаяди, хенадонидан файз-барака ариб, тинчлик ва хотиржамлик деган илоҳий неъматлар йўқолиб боради. Шундай майший муаммолар унинг хотини Моҳирўй ва фарзанди Миртемиршо билан муносабатларига ҳам кўланка ташлади. У оиласига, фарзандига бўлган меҳр-муҳаббатни юрагидан секин-аста ситиб чиқара бошлади. Турсунмуҳаммад Моҳирўй тўтига ҳам, ёи Миртемиршога ҳам эътибор бермай қўйди. Ундаги бу ноҳуш ўзгаришни кўрган Исомиддин ҳожи қизига ҳам, небарасига ҳам раҳми келиб, улар ҳаётини меҳр-муруват нурлари билан ёритишига уринди. Тўрт-беш ёшга тўлиб, оқ-қорани таний бошланган Миртемиршони ўз мактабига чорлаб, унга араб имлосини ўргатди.

Турсунмуҳаммад отанинг узоқ умр кўрган синглиси Биби Саҳро шоирнинг болалик кезлари ҳақида туркистонлик жигаргўшаларига бундай ҳикоя қилган эди: “Моҳирўй кеннойи-мизнинг дадалари Исомиддин ҳожи билимдон, хурматли киши эдилар. Улар Миртемиржоннинг иштиёқини кўрилар-да, ўз тарбияларига оғдилар. Унинг лиққатини ёшлигидан ўқиши-ёзишига тортилilar. Ўшанда болагинам уч-тўрт ёшларда эди, чоғи. Бир пайт қарасак, Миртемир қўлита тушиған нарса билан эшик-леворларга, ҳатто ерга ҳам ёзадиган одат чиқарди”.

“Мен, – деб эслаган эди шоир, – бир-икки йил шу бобом мактабида ўқидим. Бирор дастали таҳтага ёзуғли алиф, бе, тө, сени қайтаргани қайтарган (шифтга қараб). бирорда ҳафтияк. бирорда чоркигоб, бирор Куръон ёдлаш билан банд. Фовур. Бобом ҳам тўрда ўтирас, ҳар кун эрталаб талабаларни бир синовдан ўтказар, кейин ўзи ҳам далойилга гушиб кетар, ўтирган жойиза мудраб ҳам қоларди...”

Еш Миртемирнинг эски мактабда ўқиган даври 1914-1915 йилларга тўғри келади. Бу даврда Туркистон бўйлаб жадидчилик ҳаракати авж олган, янги усул мактаблари ташкил этилиб, жадид газета ва журналлари нацир этилаётган, театр санъати вужудга келиб, аҳоли маърифат масканлари сари талинина бошлиған эди. Эски усулдаги мактабларнинг янги тарихий давр талабларига жавоб берса олмаётгани аллақачон сезилган эди. Шундай мураккаб бир шароитда баъзи тараққийнарвар тадбиркор ва савдогарлар Қозон, Уфа, Оренбург сингари шахарларга бориб, фарзандларига замонавий билим бериши мумкин бўлган маърифат аҳдини ўзбек диёрига чорлаб келдилар. Туркистонда илмли кишиларга катта эҳтиёж борлигини сезган татар ва бошқирд миллатига мансуб бошқа маърифатли кишилар ҳам ўз хоҳиши-истаклари билан серкуёш ўлкага кўчиб кела бошлидилар. Шундай кишилардан бири Ийқон қишлоғига кўчиб келиб, янги усул мактабини очган ва маҳаллий болаларни маърифат бобининг тансиқ меваларидан баҳраманд қулаётган эди.

Тўхташ Мамаев берган маълумотга қараганда, ўтган асрнинг 10-15-йилларида янги, дунёвий фанларни ўргатувчи тўнгич мактаб ташкил этилиб, уни руслар “старо-иканское училище» деб аташган. Бу мактабда татар миллатига мансуб Салоҳиддин Асфандиёров ва унинг рафиқаси Хуршида Асфандиёрова – бири эр болаларга, иккимчиси эса қиз болаларга таълим берган. Ерли халқ бу мактабни “нўғай мактаби” деб атаган. Муаллиф шу маълумотдан кейин “нўғай мактаби” да ўқиган бир неча ийқонликларнинг исм-шарифларини қайш этгани ҳолда, нима учундир Миртемир номини тилга олмаган. Унинг сўзларига қараганда, Миртемир кейинроқ “Шариф бойнинг меҳмонхонаси” да очилган “эр болалар мактаби” да ўқиган чиқали. Тўхташ Мамаевнинг юқорида келтирилган маълумоти, шу жумладан, нўғон домла очган мактабнинг руслар томонидан “старо-иканское училище» деб аталгани ҳам, бизнингча, ҳақиқатдан узоқ.

Миртемирнинг илғор фикрли Баҳром амакиси олти-етти ёшлик жиянини Исомиддин ҳожининг эски мактабидан олиб, “нўғой домла” мактабига ўқишига берган эди.

“Мен кейин, – деб ёзади Миртемир, – қишлоғимизда очилган нўғой домла мактабига ўтдим. Домламизнинг оти Асфандиёр эди, хотини Хуршида хоним қизлар мактабини юргизар эди, ута чиройли ва ўта маданиятига хотин эди. Тўқай шеърларини ёд ўқир ва сұхбатида ҳар қандай терс одамни ҳам ўзига ром қилгувчи куч-жозиба бор эди. Нўғой домла жиккаккина, ёқимли ва мулоийим киши бўлиб, урмас-сўқмас, уйлариар эди, холос.

Тез савод олдим. Умуман, чизиб ўтаманки, Туркистон ўлкасида биринчи янги усул мактаблар очган ҳам, биринчи газетачилар ҳам, биринчи ҳарф терувчилар ҳам, рус ва Европа маданиятининг биринчи тарғиботчилари ҳам, таржимонлар ҳам татар қардошлар эди.

Мен ўнлаб ўшандақа фидойи одамларни биламан ва дилимдан ардоқлайман. Жуда кўп ўқувчилар қаторида суюкли ва қимматли Асфандиёр домладан мен ҳам чексиз миннатдорман”.

Бўлажак шоир “нўғой домла” мактабида тез савод чиқарибгина қолмади: унда илм олишга эҳтиёж туйғуси пайдо бўлди. Унда бу истак-эҳтиёжнинг пайдо бўлишига Баҳром амакиси ҳам сабабчи бўлди. Онаси Моҳирўй тўти ҳам, момоси Биби Зайнаб ҳам Баҳром амакиси сингари, унинг Тошкентда ўқиб, мулла бўлишини орзу қилишди. Уларнинг бундай ниятга келишида оиласа вужуда келган мураккаб вазият ҳал қилувчи омил бўлди.

Миртемир ҳаётининг шу таҳтикали даврини эслаб, “...ота панасица кун кўриш. эс таниғандан кейин. оғирроқ бўлиб қолди”, – деб ёзган таржимаи ҳолида.

Аммо Миртемиршони жондан ортиқ севган Умирбек ҳожя ҳам, Исомиддин ҳожи ҳам унинг Тошкентга кетишига қаттиқ, қаршилик кўрсатишиди. “Кўз очиб кўрган неварамиз Тошкентга ўқишига бориб, коғир бўлиб кетади”, деган ҳайиқ уларга курол бўлиб хизмат қилди. Аммо ўзга чора йўқ эди. Миртемир 1921 йили, 11 ёшида, куз кунларининг бирида, ярим кечаси Баҳром амакиси билан бирга яширин равишда Тошкентга жўнади. Моҳирўй тўти кўз ёшларини тўкиб, ўзи тиккан белбоғни “Ой бориб, омон кел!” деб ўғлининг белига маҳкам боғлаб

Қўйди. Белбоққа она юрагидан оғилиб чиққан куйидаги сатрлар ипак билан тикиб ёзилган эди:

*Назар қисам, ичим ҳасрат билан битганга ўхшайди,
Бу дунё можароси мени нотавон этганга ўхшайди.
Нетай, замона зайлар шул эркан, аё биродарлар,
Кон-қаро соч оқариб, пилигим битганга ўхшайди.*

Орадан эллик беш йил ўтгач, Миртемир “мехрибон ва тадбирли бувиси ва онаси” ёрдамида Тошкентга қочиб кетганини эслаб, бундай ёзган эди:

*Мен кетганда авжидайди айни куз,
Пишиқчилик файзидайди дала-туз.
Саҳар пайти қарсиларди тўрлама,
Бир палакдан узар эдик худди юз.*

*Мен кетганда етилганди гўза ҳам,
Чўнг хумларда кўтирганди бўза ҳам...
Мен Тошкентга шайлангандим тугал ой,
Кетар куним санқиб юрдим сойма-сой...*

*Бир қоп нахта терган эдим харж учун,
Оқшом ўтиб, бўлди ахир ярим түн.
Аравасин қўшганида амаким,
Онам юм-юм йиглар эди. жигар хун.*

*Кейин қучиб пешонамни силади,
Қўлин очиб, не яхшилик тилади;
Бувим билан қолди дуо ўқишиб,
Не аломат кун бўлур – ким билади?..*

*Пичирларди: “Майли, мулла бўлиб қайт,
Зора келса мен ҳам жиндан яйрап пайт.
Болагинам, кўрмай сенинг догоингни,
Белботингга тумор тикдим, қўшиб байт”.*

Миртемиршо ўзи сезмаган ҳолда ҳаётининг баҳт ва баҳтсизлик, қувонч ва азоб-уқубат, ёруғлик ва зулмат, шухрат ва беморлик билан тўла янги саҳифасини бошлаган эди.

Иккичи фасл

ШУЪЛАДАР ҚЎЙНИДА

*Ғамъар тарқоқ! Мен уйлоқ! Қалбимда тошқин...
Кўнглимда мұхаббат, умид! Захнам чеккан танамни эркала-
тувчи қуёш бағрида, шуъла қучонида қолдим мен...
Миртемир*

“Алманий” иш мактаби

“Тавба, — деган эди Миртемир узоқ сукутдан сўнг шогирди ва библиографи Отаёрга, 1921 йилдаги ўша унунтилмас кунни эслаб, — мендек шумтака бир қочоққа бувимнинг ўшандада нега бунчалик меҳрибонлик қўлганига ҳали-ҳали ҳайрон қоламан. Бизлар шошиб турибмизу, шўрлик бувим бўлса куймана-куймана иссиқ нон ёпиб, бўғирсоқлар пишириб, йўл халтамизга жойлаб қўйгани кечагидай ёдимда... Ундан кейин десангиз, Тошкентда янги ҳаётим бошланиб кетди. анча пайтгача амакиларим, айниқса, Баҳром амаким ҳолимдан тез-тез хабар олиб турди”.

Ҳаёт бир маромда кечган олис қишлоқдан келганлиги учун Миртемир ўзини бошқа бир дунёга келиб қолгандек сезди. Шаҳар кўчалари одамлар билан гавжум, улар қишлоқ аҳлидек шошмай, осуда одим ташлаб бамайлихотир юрмас, балки қаергадир ошиқсан қилидек югуриб елишарди. Улардан бирор манзилнинг қаерда жойлашганини сўрасангиз ҳам мундоқ бафуржга тушунтириб ўтирумай, бирор кўнка рақаминию бориб тушишингиз лозим бўлган бекат номини айтишарди-да, яна йўлларига равона бўлишарди...

Ўша йилларда республика раҳбарлари олдига қўйилган вазифалардан бири ичичи синфини яратиш бўлган. Тошкентдаги мәориф ва маданият муассасаларидағи хизматчиларнинг катта фоизини маҳаллий аҳоли ташкил қўйтган бўлса-да, саноат корхоналарида асосан европаликлар меҳнат қилишарди. Шунинг учун яқин йиллар ичиде миллий кадрлардан иборат ишчилар синфи ни яратиш кун тартибига қўйилган муддим мисалалардан бири эди. Шу мақсадда Тошкент сингари саноат корхоналари жойлашган шаҳарларда “иш мактаблари” ташкил этилди. Тошкентда очил-

ган шундай мактабга умри ғариблик ва ноҷорлиқда ўтган таниқли шоир Алмай номи берилган эди. Бу мактабга жалб этилган ўқувчилар ўқув юртининг Бешоғоч майдони яқинида жойлашган биносида дарс тинглаб, турли фанлар бўйича билим олишарди. Мактабнинг каттагина боғи ҳам бўлиб, бу боғ Чилонзор даҳасидаги улкан жар ёқасига жойлашганди. Ўқувчилар дарсдан кейин ва бутун ёз бўйи шу ерда меҳнат қилишарди.

“Тўғрисини айтсан, – деб ёзади Миртемир, – бу боғ мактабнинг нонхонаси эди. Чунки, мамлакат ҳали етим-есирларни боқишига қодир эмасди. Ўзимиз экиб, ўзимиз тикиб, ўзимиз йигиб, ўриб, туйиб олар эдик. Жўхори ҳам, мош ҳам, нўхот ҳам, ловия ҳам ўз меҳнатимиздан эди. Думбул бўлди, бас, оғзимиз тинчимасди. пишганда ҳам мактабда ҳар куни бир марта бериладиган бўтқага мадад эди. Айниқса, ҳар қайси кулоч етмас ёнғоқлар бизни тўқ тутар, қўлимиз, оғзимиз қорайиб кетар, қишига ҳам қоп-қол олиб келардик”.

Иш мактабидаги тарбиячилар, ўша даврнинг аксар кишилари сингари, ўта маданиятли, меҳрибон, фидойи кишилар бўлиб, уларга ажойиб педагог Назрулла Иноягов раҳбарлик қиласарди. Мактаб ўқувчилари орасида нафақат Ўзбекистон, балки Ўрта Осиёнинг барча ўлка, шаҳар ва қишлоқларидан ҳам келган болалар кўп эди. Миртемир улар орасида фарғоналиқ, хоразмлиқ, хўжандлик, чимкентлик ва туркистонлик болаларнинг зиёда эканини кўриб, Тошкентта қочиб келганидан яна бир бор мамнун бўлди.

Миртемир билан шу мактабда олдинма-кейин бўлажак адабиётшунос олим ва драматург Иzzат Султон, бўлажак шоир Эргаш, бўлажак адабиётшунос ва ёзувчи Жуманиёз Шарифий, бўлажак олим Абдула Зоҳидов ва бошқалар ҳам таълим-тарбия олдилар. Миртемир “алмайчилар”нинг иту “эски” ва “янги” авлодлари билан инокишиб, улар билан бир умрга дўст бўлиб қолди.

Билим юртида

Миртемир 1923 йилда “Алмай” иш мактабини тутатганидан сўнг амакилари таълим олаётган ўлка ўзбек эрлар билим юртида ўқишини давом эттириди. Бу ўқув даргоҳи ҳозирги Амир Темур хиёбонининг ўнг тарафидаги кўча юзида жойлашган эди. XIX асрнинг 70-80-йилларида шу ерда рус гимназияси ва

бутхона учун маҳсус бинолар қурилган ва гимназия талабалари дунёвий билимларни эгаллаш билан бирга бутхонада ўтказилган диний-мътифий маросимларда фаол қатнаштылар. 1925 йилда бу ҳар иккала бино Ўлка ўзбек эрлар билим юргита олиб берилди. бутхона эса билим юртининг маданий-мътифий тадбирлар утказиладиган клубига айлантирилди.

Иш мактабида ҳам, билим юргита ҳам ўқувчилик ўзлари экиб, ўзлари йигиб, ўзлари тикиб, ўзлари кияр здилар. Ўқувчилик шу ерда ҳам деярли ҳамма ҳунарларга ўргатиларди. Шу мънода билим юрги иш мактабининг давомидек бўлган.

Агар ҳалқ ва мамлакат оғир иқтисодий аҳволда яшаётган бўлса, ҳаётнинг залворли гурзиси ёш болалар ва ўсмирларнинг елкаларини ҳам жароҳатлаб ұтди. Миртемир иш мактабида таълим олган кезларда мактаб боғида унган мевалар, ҳар қалай, унга ҳам, тенгдошларига ҳам мадор бўлган. Билим юртининг Кўктерак мавзенда каттагина, шоирнинг ёзишичг, “юриб у чеккасига етгунча киши чарчайдиган” боғи бўлиб, ундан “турли-туман навли олмазор, узумзор, шафтозор, ёнгоқзор, йўнгичқазор, пахтазор ва бошқа экин-тикинлар” талабаларни боқар эди. Улар ёз бўйи шу ерда ишлар ва улар рангига қон, бўйига жир битиб, қишига яқин шаҳарга қайтардилар. Аммо қишининг аёзли кунлари бошланиши билан кунда икки ёки уч мартадан бериладиган бир бурдадан қора нон ва тушлик бир чўмич бўтқа кундан-кунга ўсиб бораётган ёшларга ҳеч вақо бўлмасди.

* * *

Шоирнинг тўнгич фарзанди Миржалол Турсунов “Ўзбекистон овози” газетаси мухбирининг отаси ҳақидаги саволларига жавоб бериб, қуйидаги мароқли воқеани нақл қилган эди:

“Эсимни таниганимдан кейин отамнинг бир одати менга жуда қизиқ туйилган. Отам тинмай оёқ кийими харид қилардилар. Бизнинг пойабзалимизни ҳам тез-тез текшириб турардилар – ҳеч жойи тешилганми, чоклари бутгуми? – деб. Биринки бор кийган пойабзалимизни уйимизда яшаётган бирон қариндош талабага берардилар. Уйимиз талябасиз бўлмасди. Икендан Тошкентга келган талабалар борки, отамни қора тортиб келаверарди. Улар ўқишига киришга тайёрланишдан тортиб институтни битириб кетгунча бизникида яшарди. Хуллас, бир куни отамдан шу ҳақда сўрашга журыят этдим. Гарчи отам анча

жаттиққұл, бирон гапимиз бұлса онам орқали етказиш одат тусига кирган бұлса ҳам.

— Үзимни-үзим этлаш учун болалигимдан ишлаганман, — дедилар отам. — Бирорнинг уйида отбоқар бұлғанман, бир йили қиша оёқяланг қолғанман. Ұша күнлар ёдымга тушса, ҳозир ҳам оёқларим совуқ қотғандек бұлаверади”.

Бу хотирада тилга олинган воқеа Миртемирнинг Ийқондалық вактида, “Алмай” мактабига үқишиңде олдин сүй берган бўлиши мумкин. Лекин шунга қарамай, ёш Миртемирнинг пўлат янглиф тобланиши 1924 йилга қадар Тошкентда ҳам давом этган.

“1924 йилга келиб, — ёзади Миртемир, — емак тўлиб-гошди. Ошпаз “Бугун тушиликка нима пиширай? Ошми, шавлами, мошкичирими, лагмонми?” деб сўрайдиган бўлди. Эрталаб ва кечқурум биттадан оби нон ва бир неча чақмоқ қанд дастурхонга қўйиладиган бўлди. Бирорда тўн, ўзгасида чориқ, учинчисида аскар тужеркаси, яна бошқасида ямоқ шим, бирор қалпоқ, бирор телпакда, бирор дўппи, бирор шапкада бұлса (яъни ярим юпун), шу йилдан бошлаб ҳаммага бир хил пальто, энгил-бош, “скороход” ботинка, бир хил бош кийим берилди”.

Энди бир хил либос кийған талабалар байрам күнлари сағ тортиб кўчага чиққанларида, Эски шаҳардаги Жанггоҳга етгунларича “ўнлаб қинғир кўчалар”даги ҳалойиқ уларга қараб. “кўнгли тўлиб, жўтмайиб” турадиган бўлди. Ва Миртемир нигоҳига ҳётнинг гўзал жилвалари чалина бошлади.

Шу ҳақда албатта, мавруди билан сўз коритамиз. Аммо ҳозир үқишиш ва ўқитиши машиққатларига кўчсак.

Миртемир таржимаси ҳолида ёзганидек. “билим юртида үқишилар оғир, ўқитувчилар талабчан”, шунга қарамай, талабалар “кечалари айламаҳалгача совуқ бўлмаларда дарс тайёрлар” эди. Шоирнинг шу ҳақдаги сўзларини ўқир эканман, 20-йилларнинг оғир иқтисодий шароитида Ўрга Осиёнинг шаҳар-қишлоқларидан Тошкентта үқишиңге келиб, ўқитувчиларнинг талабчанлиги ва ўзларининг билимга ташналиклари орқасида фан ва техниканинг гурли соҳалари бўйича йирик мутахассис бўлиб улғайған кишилар кўз олдимга келади. Улар атоқли шоир ёки олим, мұхандис ёки врач, агроном ёки транспорт холими бўлиб этишибигина қолмай, ўз мактабларини яратдилар, ўзбек фани, маданияти, техникаси, саноати ва қишлоқ хўжалиги гарақки-

ётига катта ҳисса қўшган кишиларнинг янги-янги авлодлари-ни тарбиялаб етилгирдилар.

Қани энди ҳозир улғайиб бораётган ёш авлод вакиллари фидойи ота-боболарининг тарих сўқмоқтаридан ўтиш жарёйнида қандай ажойиб кишилар бўлиб шаклтандиганларини яхши билсалар ва улардан ибрат олсалар...

* * *

Миртемир билан билим юртида бирга ёки олдинма-кейин ўқиган талabalар кўп бўлишига қарамай, шонир ҳаётининг шу даври ҳақида фақат бир-иккитагина хотира эълон қилинган, холос. Умид қиласизки, бу хотиралар билан танишиш нафақат Миртемирнинг таҳсил йиллари, балки у яшаган мураккаб давр тўғрисида ҳам муайян тасаввур уйғотади, ҳатто шундай мушкүл даврда ҳам ёшлар қалбida романтик орзу ва интилиштар жўш уриши мумкинлигини кўрсатади. Келинг, маориф фахрийларидан бири мархум Тоҳир Зуфаровнинг шоир ҳаётининг билим юртида кечган даври тўғрисидаги хотираси билан танишайлик:

“...1925 йил. Куз. Ўқув йили бошланишига саноқли кунлар қолган. Ҳозирги Амир Темур хиёбонининг ҳар ер-ҳар ерида узоқ-яқиндан Тошкентга ўқишга келган болалар тўпланишиб, нималар ҳақидадир суҳбатлашмоқда. Ҳамманинг фикру зикри ўқишида, билим юрти талабаси бўлиш орзусида....

...Ўлка ўзбек эрлар билим юрти ҳозирги Тошкент курантининг рўпарасидаги бинога жойлашганди. Атрофда бошқа ўқув юртлари ҳам бўлгани учун хиёбон доим талabalар билан гавжум бўларди.

Мен Миртемир билан дастлаб ана шу ерда танишдим. У менга мурожаат қилиб, қаердан келганилигимни, имтиҳондан қандай баҳолар билан ўтганилигимни сўради. Кейин:

— Билим юрти, билим юрти! Мендекларни ўз қалбига гирён қилган билим юрти! — деб қўшиб кўйди.

Шу-шу Миртемир билан ҳар сафар кўришганимизда: “Билим юрти, билим юрти!..” деб қувониб ҳазиллашардик....

...Миртемир жуда хушмуомала эди, ҳеч қачон бақириб-чақириб гапиришмасди. Ҳеч қачон ҳеч ким билан жанжаллашмасди. Синфга, ётоқхона ва ошхонага наъбатчи бўлгудек бўлса, доимо “офарин”га сазовор бўларди. Ҳар қандай топшириқни сидқидилдан бажаарарди. Кичик-кичик шеър ва

лавҳалар ёзишни яхши кўради, бу борада кўп машқ қиларди. Баъзан кечалари ёгоқхонадан чиқиб, коридорда ёқи залда нималарнидир ёзib ўтиради. Гоҳо-гоҳо синф доскасига ҳазиломиз шеърий мисралар ёзив ҳам қўярди. Унинг қандай фанга оид дафтари бўлмасин, шу дафтар ҳошиясида, албатта. бир неча шеърий сатрлар ёзилган бўларди. Мажлисларда, турли йигинларда, кечкурунлари синфда дарс тайёрлаган ვактларидаги ўз яқинларига уч-тўрт сатр шеър ёзив узатиш одати ҳам бор эди. (Бундай шеърлардан иккитаси менинг архивимда ҳамон сакланмоқда.)

Билим юртида Шерали Гинтилло, Абдулла Авлоний. Аббос Алиев, Н.П. Архангельский, Т.Н. Больберг, Сайдолим Шарафиддинов. Қаюм Рамазон, Ойбек сингари атоқли педагоглар, оташин маърифатпарварлар ишташарди. Улар бизга чиндан ҳам чуқур билим ва яхши тарбия беришди. Миртемирнинг шеъриятга бўлган иштиёқини, талантини оширишда, унинг илк шеърларининг матбуотда пайдо бўлишида, хусусан, Сайдолим Шарафиддинов, Ойбек ва Қаюм Рамазон каби тилишунос, адабиётшуносларнинг маълум даражадаги тълимий ва тарбиявий ҳиссаси бор, албатта.

Миртемир адабиётга шунчалик қизиқардики, унинг учун қанча адабиёт дарси бўлса, шунча яхши эди. У билим юрти адабий хаётининг пешқадамларидан эди. Адабиёт тўгараги машғулотларига, “Ёш куч” ва “Шапалоқ” деворий газеталарига фаол қатнашиб туардиди.

Яқинда Миргемирнинг пароканда архивида сакланиб қолган қофозларни титкилар эканман, дафтар варагининг ярмига ёзилган хабарномага кўзим тушиб қолди. Ўнг тарафига араб ва рус ёзувларида ‘Ўлка ўзбек эрлар билим юрти ленинчи ёшлар ячейкаси. Ячейка Л.К.С.М. Уз. при Узбекском мужском институте просвещения’ сўзлари ёзиғлиқ муҳр (штамп) қўйилган бу хабарномада қуйидаги сўзлар ёзилган экан:

“Ёшлар аъзоси: Ақбар Қориев, Миртемир Турсунов, Мирзажон Отажонов ўртоқларима!

Шунинг илан билим юрти ёшлар ячейкасия улум қилинб ёладир, ҳама бичим юрти фирм ёшлиар ячейкасия мастиурким, аларнинг фикр тарқатувчи “Ёш куч” газетасининг қарамоғина чиқадирган “Ёш қаламлар” журналига сизларни ячейка тарафиндан тарғиб қилинди.

Бинобарин, шул ишларингизда давом этажагингизни ячейка тарафиндан таклиф қилинадир.

**Ячейка масъул котиби
Иш бошқарувчи**

**Каримуф (имзо).
Назаруф (имзо)".**

Мухрида “1925 й.” санаси қайд этилгэн мазкур хабарнома Миртемир билан бирга Акбар Қориев ва Мирзажон Отажонов сингари талабалар ҳам билим юртининг “Ёш куч” деворий газетаси ва “Ёш қаламлар” қўлёзма журналида ўз асарлари билан қатнашиб турганларидан дарак берали.

* * *

1924-1927 йилларда мазкур билим юргида таълим олган устозлар орасида атоқли олим ва драматург Иzzат Султон ҳам бўлган. У адабиётшунос Нўймон Раҳимжонов билан қилган сұхбатида билим юрти ва ундаги ижодий муҳит тўғрисида сўзлаб, жумладан, бундай деган:

“Бу даврда бизнинг фикри-зикримизни банд этган асосий нарса Чўлпоннинг шеърий тўпламлари билан Абдулла Қодирий романлари, “Муштум” журнали эди.

Шу вақтларда Чўлпонни бир неча марта кўришга мусассар бўлдим. Чўлпоннинг ҳурмат-обрўси зўрлигидан унга яқин боришига тап тортолмай, юрагимиз чопмай туарди. Беш-үн метр нарида туриб, савол берардик, жавоб олардик”.

Афсуски, Миртемир умрининг сўнгги кунларига қадар қўрқув ва ҳалик иқлимида яшаганилиги боис Абдулла Қодирий, Чўлпон, Фитрат сингари устозлар тўғрисидаги хотираларини бирор кимсага айтмади, уларнинг ўз ижедига кўрсатган таъсири тўғрисида лом-мим демади.

* * *

Билим юртида тил дарсини таникли тилшунос Қаюм Рамазон, адабиёт дарсини эса Абдураҳмон Саъдий ва Олим Шарафиддинов сингари бўлажак таникли адабиётшунос ва тилшунос олимлар олиб боришган. Миртемир бошқа дарсларни ҳам жон қулоги билан тинглаган ва барча ўқитувчилар ҳурматини жойига қўйган бўлса-да, адабиёт дарсига алоҳида меҳр қўйганлиги туфайли Олим Шарафиддиновни айрича ҳурмат қиласади. Олим Шарафиддинов ҳам шогирдига турли тилдаги

қитобларни олиб келар, ёзган машқларини эринмай ўқиб, ютуқ ва камчиликларини кўрсатар, шу камчиликларни бартараф этиш йўлларини ўргатар эди.

“Менинг адабиётга бўлган ихтисим, муҳаббатимни сезган Олим Шарафиддинов кўп топшириқлар берарди, – деган эди Миртемир адабиётшунос Раффор Мўминов билан 1974 йили қилган сұхбати чоғида, – мен унни жон-жаҳдим билан, кунт билан бажарап эдим. Ёзги таътида у кишининг топшириғи билан ҳамқишлоқларимдан дафтар-дафтар мақоллар, қўшиқлар ёзib келардим. У киши мароқ билан ўқирдилар. “Ёш куч” деворий газетасидаги “Танбурум товуши” шеърини ҳам ўзлари кўчириб, “Ер юзи”га элтиб берган эдилар”.

* * *

Одатда мактаб дарсликларида Миртемирнинг 1927 йили “Ер юзи” журналида чоп этилган “Танбурум товуши” шеъри шоирнинг матбуотда эълон қилинган дастлабки шеъри сифатида тилга олинниб келади. Ҳолбуки, шоирнинг ўзи кўп бор таъкишлаганидек, унинг илк шеъри 1926 йили “Ёш ленинчи” газетасида эълон қилинган. Шоирнинг яқин қариндошларидан бири Сайёра Сатторованинг “Бир шеър тарихи” (1991) деган жажжи мақоласи шу масатага ойдинлик киритади:

“Тақдирнинг тақозоси билан, – деб ёзган эди Сайёра Сатторова, – мен Миртемир аканинг кўпгина сұхбатларида бўлганман. Қолаверса, қадимий Туркистонда жойлашган, устоз Миртемир домла туғилиб ўсган Иқон қишлоғида бир неча бор бўлганман...

Бир гал борганимизда Миртемир ака шахсий кутубхонасига ишора қилиб, устози Олим Шарафиддинов ҳақида гап очиб қолди.

– Олим ака менга алабий асарларни танлашни ўргатди. Турли тилдаги китобларни келтириб, мени кўпроқ ўқишга ундар, бўлзан торгиниб ўз шеърларим ҳақида оғиз очганимда, у киши дикқат-эътибор билан тинглаб, фикрларимни маъқуллар эди. Унча яхши чиқмаган шеърларимни эҳтиёткорлик билан танқид қиласа мени чуқурроқ фикрлашга, ўзбек мумтоз шеъриятини яхши тушуниб олишимга даъват этар эди. Олим аканинг маслаҳати билан бир-икки шеъримни “Ёш куч” деворий газетасига бердим. Улар менинг илк машқларим эди.

Миртемир ака токчадан зраб ёзувида чоп қылнгандын кичкина журнални олиб, изоҳ берди: “Бу 1926 йилда чоп қилинган “Ер юзи” журнали”. У журнални аста варактаб, керакли саҳифаны топди-да: “Бу эса Олим ака талаби билан ёзилган илк мақолам”, – деди. – Мен “Ёш ленинчи”га 1927 йили келгандын...”

Миртемир ака саҳифалари сарғайиб кеттган “Ёш ленинчи” газетасининг 1927 йил сонини жуда эхтиёткорлик билан кўрсатди. Бу сонда шоирнинг “Тагин аҳд”, “Баҳт”, “7 ноябрь”, “Комсомол”, “Турк тарихида”, “Ёруғ кунлар йўлбошчиси бўл, ўғлим!” каби шеърлари босилиб чиқдан эди.

- “Ёруғ кунлар йўлбошчиси бўл, ўғлим!” шеърининг ёзилиш тарихини биласизми? – деди шеърнинг яратилиш тарихини гапира кетди устоз. – Тошкентда ўқиб юрган кезларимда қишлоққа камдан-кам борардим. Огам эса хатларида хавотир олаётганини айтиб, уйга қайтишимни таъкидларди. Мен эса ота-онамнинг хафа бўлишини ўйламасдан, ўқишим, ишларим кўплиги учун боролмаслигимни айтиб ёзардим. Бир кун отамдан жавоб хатини олдим. У ўз хати сўнитида менинг ёруғ кунлар йўлбошчиси бўлишимни маслаҳат қилған эди.. Отамнинг ўша гапига бир умр амал қилишга ҳаракат қилдим”.

* * *

Билим юрти жойлашган бино чор ҳоказияти даврида гимназия бўлган. Унда дарс берган айрим тажрибали ўқитувчилар педагогик фаолиятларини билим юргида ҳам давом эттирганлар. Шулардан бири В.Паљмин бўлиб, у Миртемир ва унинг курсдошларига рус тили ва адабиётидан сабоқ берган. Миртемир ифодаси билан айтсак, “демократик кайфиятдаги бу бақувват” киши рус шоирларининг асарларини, айниқса, Пушкиннинг шеърларини, Лермонтовнинг “Исмоилбек”ини шундай қаяжон билан ўқир эдики, бу шеърларнинг гоявий мазмумни ва бадний латофатини ҳали тушуниб етмаган талабалар оғизларини очганча қолардилар. Эхтимол, ўша йилларда олган тассуроти туфайли Миртемир бадний таржима соҳасида ҳийла тажриба ортиргач, Лермонтовнинг машҳур “Исмоилбек” асарини ўзбек тилига ўтирган.

Билим юртининг гимназиядан мерос бўлиб қолган, аммо аксар ноёб китоблари бошқа қўлларга кўчган кутубхонасида мумтоз рус адабиёти намояндаларикинг асарлари бисёр эди.

Хали русча-ўзбекча луғатлар майдонга келмаганилиги сабабли ўкувчилар В.Пальминнинг қистови билан уларни ҳижжалаб ўқишишарди. Шу нарса ғаройибки, талабалар тиҳимсиз ўқиш орқасида бу асарларни секин-аста тушунадиган, улардаги мазмун ва бадииятнинг олтин куқунларини илғайдиган бўлдилар. Миртемир 1926-1928 йилларга бориб, А.Жаров, А.Безименский, И.Уткин, В.Маяковский сингари ўша даврда машхур бўлган рус шоирлари шеърларини ўқийдиган ва таржима қилалигидан бўлди. Кейин шаҳар кутубхонасига, ундан кейин эса Эски шаҳардаги кутубхонага борадиган, татар ва озарбайжон тилларидағи китоблар, газета ва журналларни ҳам ўртоқлари билан талашиб-тортишиб ўқийдиган бўлди.

“Дарсдан кейин, – деб ёзган эди шоир “Шингил эслалик-лар” мақоласида, – юқори синф талабаларига эргашиб, шаҳардаги биронта кутубхонага борардик. Атоқли икки кутубхона бор: бири ҳозирги Навоий номидаги кутубхона, ўзгаси Эски шаҳардаги “Турон” кутубхонаси. Уларда Озарбайжон ва Татаристонда нашр қилинган китоблар ҳам бўларди. Абдилла Шоин, Ўрдубодий, Олимжон Иброҳимов, Фотиҳ Амирхон, Ҳоди Тоқташ ва ҳоказо... қўлга тушганини кўймай, ўқиб чиқардик...”

Ўзбек ҳалқи мустақиликка эришиланидан сўнг кадрлар тайёрлаш, айниқса, баркамол авлодни тарбиялаш масаласига мамлакатимизда алоҳида эътибор берилга бошлади. Сўнгти йилларда мазкур масаланинг муҳимлиги ойдек равшан бўлиб, ҳатто 2010 йил мамлакатимизда “Баркамол авлод йили” деб эълон қилинди, Шу масала бўйигча ҳукумат дастури тузилиб, қатор муҳим ишлар амалга оширилди. Агар ҳалқимиёнинг олис ва яқин тарихига назар ташласак, шу масаланинг кун тартибига бир неча бор қўйилгани маълум бўлади. Хусусан, ўтган асрнинг 20-30-йилларида шу борада озмунча ишлар қилинмади! Лекин ўна даврдаги ёшлар билан ҳозирги ёшларни ўзаро қўйесласак, илм-фан асослари билан бирга турли касб-хунарларни эгаллаш улар учун ҳаётий зарурат бўлгани маълум бўлади. Шунинг учун улар маълум маънода баркамол авлод вакиллари бўлиб етишишган. Ҳозирги авлод учун юқори малакали мутахассис, кенг билимли ва маданиятли инсон бўлиш эмас, балки моддий фаровонликка эришиш масаласи муҳим ва бирламидир. Шунинг учун ҳозирги авлодни қоралаш ножоиз. Зоро, ҳозирги илмий-техник ва маданий тараққиёт даврида улар-

нинг Павел Корчагин бўлиб яшашлари кулгили. Шунга қарамай, 20-30-йилларнинг оғир иқтисодий ва мафкуравий шароитида яшаб, фидойи, олижаноб, камтар, ҳалол, ватанпарвэр ва олий тоифали мутахассис бўлиб улғайган эвлодни кўпроқ хурмат қилгинг, уларга ўхшаган фарзандларни ўстиргинг келади, киши.

Билим юртида, юқорида айтиб ўтганимиздек, талабаларга турли ҳунарлар ургатилган. Аммо талабалар бу ҳунарларни маҳсус дарсларда эмас, балки муқовасозлик,чувакдўзлик, темирчилик, дурадгорлик сингари тўгаракларда ўргаништан. Бу тўгараклардан ташқари, билим юртида Юнус Ражабий раҳбарлик қилган мусиқа, Наби Ғаниев раҳбарлик қилган драма тўгараклари бўлган. Талабалар кўнгил ёзиш кечаларида “Уйрон, уйрон, Туркистон!” сингари шарқийларни айтишган, “Фаргона фожиаси” сингари пьесаларни саҳналаштириб. ҳатто филармония саҳнасида намойиш этишган.

Миртемир адабиёт тўтарагидан ташқари, мусиқа тўгараги машғулотларини ҳам канда қилмасди.

Салоҳиддин Мамажонов 70-йилларнинг ўрталарида Миртемир тўғрисида рисола ёзиш истагида унга бир тезай саволлар билан мурожаат этган. У Миртемирнинг қўшиқнавислик фаолиятига оид саволига жавоб олганидан сўнг шоирдан: “Ўзингиз бирор мусиқа асбоби чалишни биласизми?” деб сўраган. Миртемир бу саволга: “Ўзим танбур чалардим. 1921-1925 йилларда ўлка ўзбек эрлар билим юртида мусиқа тўгарагида (адабиёт тўтарагида ҳам) қатнашардим. Байрам оқшомлари оёқ яланг (бутун тўгарак) саҳнада соз чалганимиз эсимда. Яхши чалардик”, деб жавоб берган. Чиндан ҳам, шоир ёшлик йилларида танбур чертишга гоят ишқивоз бўлиб, бу соҳанинг пири Юнус Ражабийдан бир неча чолгу куйларини ўргантган ва бўш қолди дегунча танбур чертиб, чертганда ҳам яхши чертиб, жаранглатиб, ўзини шеърий сатрлар созлаб турар эди.

* * *

Миртемир қушиқнавис шоир сифагида машхур бастакорлар ва композиторлар билан ҳамкорлик қилган бўлса-да, танбурни қайтиб қўлига олмади. Аммо унинг қалбида шеъриятдан ташқари, яна иккι санъат турига катта мұҳаббат бўлган. Булардан бири мусиқа бўлса, иккинчиси театр эди. У театр саҳнаси учун асар ёзиб. драматург сифатида ҳам ҳалққа муносиб

саҳна асарларини ёзишни орзу қиларди. Ундаги бу муҳаббат ҳам билим юртида уйғонтан. Ўзбек театрининг атоқли арбобларидан бири Кудрат Хўжаевнинг қўйида эълон қилинажак хотираси бизни Миртемир ижодий ҳаётининг ана шу номаълум саҳифаси билан таништирса ажаб эмас.

“Мен 1928 йили, – деб ёзди артист, – шу билим юртига ўқишига кирдим. Юқори курсда ўқиб юрган Миртемир, Ёқуб Алиев, Собир Муҳамедов, Рассоқ Ҳамроев. Исҳоқ Рассоқов ва бир неча ўкувчилар билан танишдим. Улар Ёқуб Алиев ва Рассоқ Ҳамроев раҳбарлигига тузилган ёш ҳаваскорлар драматруппасининг фаол аъзолари эдилар. Мени ҳам шу труппага қабул қилиб олишди. Бу труппада дастлаб “Бағовот” (Фурманов асари) деган пьеса қўйилган эди. Янги қабул қилинган ҳаваскорлар қатори мени ҳам Миртемир акага бириктириб қўйиши.

У киши менинг ўқишим ва тўғаракдаги ишларимда яқиндан ёрдам бериб турдилар.

1929 йил тўғарагимиз Фитратнинг “Арслон” пьесасини саҳналаштирадиган бўлди. Менга пьесадаги имом ролининг ижроси тоғширилди. Спектаклни Ҳамза номидаги театрнинг етук артисти Лутфулла Нарзуллаев саҳналаштирадиган бўлди. Мен ёш бўлсан қандай қипиб имом ролини ўйнай оламан, деб ҳайрон бўлдим. Шунда Миртемир ака: “Ҳайрон бўлма, мен Туркистанда жуда кўп домла-имомларни кўрганман, зартага дарсдан сўнг уларнинг ҳамма қилиқларини, кийинишларини, юриш-туришларини ўргатаман”, дедилар. Дарҳақиқат, шундай ҳам бўлди. Эртаси кунидан бошлаб менга имом ролини ўйнанимда саллани қандай ўраш кераклигини ўргатдилар. Имомларнинг кийим-бошларини кийишни, белбоғ боғлаш, чўкка тушиб ўтириш, чордона қуриб ўтириш, тасбех ўтиришлари ҳақида батағсил гапириб бердилар.

Қироат билан гапириш борасидаги машқимиз эса салкам икки ой тинимсиз меҳнат билан ўтди.

Мен Миртемир акани ҳаваскорлар труппасининг концертларида ўзлари ёзган бир неча шеърларини ўқиб берганларини завқ билан эшитганман. Миртемир ака эрлар билим юртидаги бадиий ҳаваскорлик тўғаракларининг тиним билмас ташкилотчи ва жонкуяр мураббийларидан эди, лесам хато қилмасман.

Айниқса, менинг актёрлик ижодий фаолиятимнинг бошланishiда “Арслон” спектаклидаги имом ролини таъсирчан чи-

қарашимда домла Миртемирнинг қилған хизматлари бутун умр ёдимдан чиқмайди".

Құдрат Хужаев сликаноб инсон бүлганилиги туфайли Миртемирнинг ўша йилларда унга берган кичик ёрдамини умрининг сұнгы күнларига қадар унұтмаган. Миртемирнинг ўзи ҳам азбаройи камтар ва хоксор инсон бүлганилиги сабабли ҳаётининг бундай сақыфаларини эслаш у ёқда турсин, ҳатто билим юртида драма тұғарасы бүлгани ва унинг машғулотларыда иштирок этганини умуман тиілгә олмаган. Ҳолбуки, у билим юртининг қарийб барча тұғараллары ишида қатнашиб, санъатнинг бир қатор турлари билан яқындан танишган. Билим юрти унинг шоир, санъатсебар ва құли гул инсон бүлиб шактланишидағы катта, мұхим роль ййнаган эди.

Сөгти Ҳусаїн тұғараги

Билим юртида "Ёш күч", "Шапалоқ" деган деворий газеталар чиқарыларди. Адабиёт ҳавасманди бүлганса бошқа талабалар қатори, Миртемир ҳам дастлабки машқұзарини шу деворий газеталарда зылон қила бошлади. Айтиб үтганимиздек, устози Олим Шарағиддинов ҳатто шундай шеърлардан бирини күчириб олиб, уни "Ер юзи" журналиға элтиб берди. "Танбур товуши" деб номланған бу шеърдан ҳийла вакт илгари эса унинг илк шеъри "Ёш ленинчи" газетасы орқали тенгдошларининг зытиборини қозонған эди. Хуллас, Миртемир шу вактдан бошлаб билим юртида үтказылған кечаларда умидли шоир сифатидан танила бошлади.

"Ўша вактда, 1926 йилда, — деб эслаган эди таниқли журналист ва ёзуучи Йўлдош Шамшаров, — Миртемир Тошкентда ўзбек билим юртида ўқыр эди. Унинг сози энди жаранглай бошлаганди. Катта йығындарда у стол устига чиқиб шеър ўқирди.

"Ер юзи"нинг 7 ноябрь (1926 йил — Н.К.) соңыда босилған ўша "Танбурим товуши" шеърида ёш шоир:

*Борлыққа тарқалсın танбурим товуши
Торига болласын тош күңгилларни.
Шодланиб, мұнгланиб, құзық қуялаши
Қайнатсан, еритсан ёш юракларни! —*

деб ҳайқириқ солған эди.

Шеъриятдаги ноёб бир ҳол: мисра ва қофияларнинг уйғунлиги, бири иккинчисини қувватлаши, ўйноқылар, равонлик, жўшиб-тошиб янграши — ана шу Миртемир шеъриятига хослик унинг илк шеъридаёқ ўзлигини намоён қитлган эди”.

Йўлдош Шамшаров, Миртемирга бўлган ҳурмати туфайли бўлса керак, “Танбурим товуши” шеърини бир оз зиёда баҳолаган. Аммо шуниси ҳам борки, агар бу шеърни Fafur Fулом, Ҳамид Олимжон, Уйғун сингари 20-йилларда ўзбек шеъриятига кириб келган шоирларнинг дастлабки шеърлари билан қиёсласак, Миртемир шеърининг бадиийлик борасида улардан қолишимаслиги яққол кўринади.

Билим юртидаги юқори синф талабалари орасида Жавлон Раҳмон деган бўлажак педагог ҳам бўлган. У ҳар ҳафтада ўтказиладиган талабаларнинг кўнгилочар кечаларида Миртемир шеърларини мажхорат билан ўқиган. Ёш шоир шеърларида гўё ўз қалбининг тошқин түғёнлари ҳам ифодалангандек, уларни билим юртида ўзгача ҳис-ҳаяжон билан ўқир, шу билангина қаноатланмай, баъзан Наримонов номидаги техникумга, баъзан қизлар билим юртига, баъзан эса Карл Маркс номидаги техникумга бориб, қироат билан ўқирди. “У даврда. — деб хотирлаган эди Миртемир, — бунақа йигинлар кўп бўларди. Радиодан ҳам, театр томошаси бошланиши олдидан ҳам шеър ўқиларди, баъзи топшириқ билан ўзим ҳам чиқиб ўқир эдим”.

1927 йилнинг май ойида Ўрга Осиё коммунистик университетини тутатган Сотти Ҳусайн “Ёш ленинчи” газетасига муҳаррир этиб тасдиқланди. У ўзи учун янги соҳада ишлаш аносисида журналистлик касбини эгалаш билан бирга, бадиий адабиётнинг ижтимоий-ғоявий ва тарбиявий вазифасини англаш ҳамда газета атрофига ёш қаламкашларни тўтилашга, уларни янги тарихий давр талаблари руҳида тарбиялашга интиларди. Унинг ташаббуси билан газета қошида адабий тўғарак ташкил этилди. Тўғарак шу йилларда фаолият кўрсатган “Кизил қалам” адабий ташкилотининг ўзига хос бўлими бўлиб, қисқа вақт ичида ёш ижодкорлар ўртасида эътибор қозонди.

Мазкур университет ҳозир Амир Темур хиёбони яқинидаги Адлия вазирлиги биносида жойлашган бўлиб, Сотти Ҳусайн шу ўкув юртининг талабаси сифатида билим юртига биринтирилган ва ҳар жума оқшомида талабалар қошига келиб, сиёсий аҳвол тўғрисида маъруза ўқирди. У шўро давлатининг шарқий чегараларида рўй берётган ва бошқа воқеалар ҳақида

маъруза ўқир экан, нутқи мақолу латифалар билан музайян бўлар, шу туфайли талабалар вактнинг қандай ўтганини билмай, маърузачининг нотиқлик маҳоратига қойил қолиб ўтиришарди. Маърузадан сўнг, таомилга кўра, ё савол-жавоб кесаси бўлар, ёки мусиқа ва ялла тўгараклари қатнашчилари иштирокида томоша кўрсатилар эди.

Сотти Ҳусайн мазкур ўқув юргини тутатганидан сўнг битириувчилар билан бирга Ленинградга юборилган: шўро давлатининг бу ишонган тоғлари “инқилоб бешиги”нинг ҳавоси билан нафас олиб, тарихий-инқилобий жойларни зиёрат қилишлари, собиқ инқилобчилар билан заводдэ ёнма-ён ишлаб, уларнинг курашларда кечган ҳаётларидан сабоқ олишлари лозим эди. Сотти Ҳусайн ўша ерда – Нева бўйидаги шаҳарда олти ой заводда ишлади. Қайтгач, билим юртига келиб, навбатдаги маърузасини мазкур сафар хотираларига бағишлади. “Москва”, “Ленинград”, “Аврора” сўзларини эшигтану, лекин уларни тушида ҳам кўрмаган талабалар унинг ҳикояларидан сеҳрланиб қоладилар.

Сотти Ҳусайн билим юртида маъруза ўқиши билангина ки-фояланмай, талабалар ҳаёти билан ҳам қизиқар, ёшларнинг деворий газеталарда “чоп этилган” шеър ва ҳикоялари ҳам унинг эътиборидан четда қолмас эди.

Навқирон коммунистнинг ёшлар билан ишлаш маҳоратини кўрган раҳбарлар уни ёшлар газетасига муҳаррир этиб тайинладилар. Сотти Ҳусайн улар топшириғи асосида қаламкаш ёшларни газета атрофига тўплади. Миртемир ҳам газета таҳририятида жамоатчилик асосида ишлай бошлади. Шу кезларда у “этақага келтириш мумкин бўлган шеъру ҳикоялар”га қалам уриб, таҳрир қилинган асарларни муҳаррирга топширас, этақага келмайдиганларни эса муаллифларига жавоб ёзиб қайтарар эди.

“Сотти Ҳусайн, – деб эслаган Миртемир адабиётшуносFaффор Мўминов билан сұхбатида, – ...шу йиллари бир қанча ёшларни ўзи муҳаррирлик қилаётган газетага тортган, мени ҳам жамоат иши сифатида адабиёт бўлимига бошлиқ этиб тайинлаган эди. Ёшлар газетаси қошида Тошкент ёш ёзувчилари семинари иш юритар эди. Машғулотларга ўша даврнинг кекса қаламкашлари Абдулла Авлоний, Аъзам Аюб, Санжар Сиддиқ, Сайдгани Валиев, Тригулов, Сайдолим Шарафуддинов, Faффур Ғулом, Файратий ва бошқалар иштирок этарди. Булар-

нинг ичиди энг кичиги мен эдим. Семинар кескин тортишувлар билан ўтарди. Бу баҳслар... ғоялар қураши даражасида эди. Ёшлар газетасида босилган шеърларимдан кейин ўша давр руҳини ифодаловчи сочма йўлда ёзилган қатор шеърларим газеталар ва “Ер юзи”, “Маориф ва ўқитувчи” журналлариша бирин-кетин эълон қилинаётган эди. Семинарларда ана шу шеърлар ва менга тенгдош бошқа қаламкаш дўстларим ижоди ҳакида қизғин баҳслар борарди”.

Ёшлар газетаси қошида ташкил этилган тұғарак турли манбаларда турлича аталиб, гоҳ тұғарак, гоҳ ёш пролетар ёзуучилар семинари, деб тилга олинди. Тұғаракнинг қандай аталганидан қатъиназар, у Миртемир сингари шоирлар ижодининг шаклланишида озми-қўлми аҳамиятга молик бўлган.

“Сотти Ҳусайн ташкил этган шу тұғракка, – деб ёзган эди унинг иштирокчиларидан бири Иzzat Султон, – у вақтда Faфур Fулом, Яшин, Fайратий, Миртемир, Абдулла Авлоний, Олим Шарафиддиновлар каби кўзга кўринган кишилар иштирок эттанини эсласак, тұғаракнинг маҳсулотларидан бири – 20-йиллар адабиётига тузуккина ҳисса бўлиб қўшилган... “Кўрмана” бўлганини... эсласак, бу гўтаракнинг адабиётимиз тарихида тутган ўрни яққол аён бўлиб қолади. Соттининг ўз эътиқодларини эҳтирос билан ёқлаши ҳам маълум ижодий роль ўйнаганини қайд этмасдан ўтиб бўлмайди. Соттининг табиатидаги ана шу эҳтирос ва қизғинлик унинг айрим кишиларга муносабатида ҳам кўринар эди. Масалан, у Миртемирга жуда ҳам кўнгил қўйган ва ундан умиди катта эканини “Кўрмана”га ёзган бош сўзида қизғин ифода этган эди, ҳатто у ўз оппонентлари томонидан Миртемирни идеаллаштиришда ҳам айбланди, бу “айб”ни бўйнига олишга ҳам ултурди. Аммо Ўзбекистон халқ шоири Миртемирнинг бутунги поэзиямизда тутган ўрни Соттининг ҳақли бўлганининг исботи эмасми?”

20-йилларда кўзга кўринган ўзбек зиёлиларининг бир қисми Тошкент шаҳрининг “Қалдирғоч” маҳалласида истиқомат қилиган. Мазкур маҳалла Навоий театри яқинидаги ҳозир “Нуроний” жамгармаси фаолият кўрсатаётган бинонинг ўнг томонида жойлашган эди. Шу кўчадаги “бир ҳовлиниң тўрида, даҳлиз ва залдек катта хона”да Сотти Ҳусайн яшар, хона, Миртемирнинг элашича, кўп вақт “Кўк кўйлав” қатнашчилари билан тўлиб-тошарди. Бу гўтарак Эски шаҳар ишчи ёшлари учун томоша кўрсатар, Акрам Қодирий, Миртемир ва Сотти

Ҳусайннинг ўзи ҳам тўғарак учун ашула ва лапар матнларини ёзib беришарди. “Кўк кўйлак” чилар сафида Олим Шарафиддиновнинг умр йўлдоши, бўлажак адабиётшунос олима Шарифа Абдулаева, бўлажак педагог Гулсум Раҳимова ва кейинчалик санъат соҳасини танлатан ёшлиар ҳам бўлиб, улар томошабинларнинг меҳр-муҳаббати ва олқишиларига кўп бор сазовор бўлиштан.

Тонг шуъалари

Миртемир рус тили ва адабиёти ўқитувчиси В.Пальминнинг ёрдамида Пушкин, Лермонтов, Некрасов асарларини тушиуниб, ҳис қила бошлайди. Сўнгра, 20-йиллар охири - 30-йиллар аввалида, А.Жаров, А.Безименский, И.Уткин сингари “комсомол шоирлар”, шунингдек, зинапояли антиқа шеърлари билан машхур бўлган В.Маяковский асарларини ўқишга киришди. Устоzlари уни янги давр билан ҳамнафас ва ҳамқадам бўлишга тинмай даъват этдилар. Қайсиadir бир шеърини ҳозирги “Ўзбекистон овози”га юборганида, газетанинг масъул котиби Аъзам Аюб Миртемирга хат йўллаб, унга “Молодая гвардия” шоирларини таржима қилишини маслаҳат беради.

Ёш шоир ана шу тарзда “эски дунё”га қарши бошланган кураш жабҳаларига жалб этилди. У Ийқон қишлоғида кечган ҳаёти билан ўқув юрганида кечаётган ҳаётини ўзаро қиёслар экан, Тошкентдаги ҳаёти янги даврнинг алвон шуъалари билан мунаvvар бўлгандек туйлади. У ёш рус шоирлари таъсирда нафақат “янги давр” манзараларини тасвирлашни, балки шу “янги давр” билан уйғун бўлган шеърий шакллар ва тасвир воситаларини топишни ўз олдига мақсад қилиб кўяди.

Шу даврда ижод қилган ва асарлари “Турон” кутубхонасига тоғу дарёлар ошиб келган татар ёзувчилари орасида Фотиҳ Амирхон, Маҳмуд Мақсуд сингари шоирлар ҳам бўлган. Бу шоирлар қаламига мансуб китоблар орасида сочмалар – насррий шеърлар ҳам бўлиб, улар Миртемирга айниқса манзур бўлган эди. Маҳмуд Мақсуд қаламига мансуб “Қизил чечаклар” китоби эса ёш шоирни ўзига шундай мафтун этган эдики, у ҳатто бу китобдаги айрим сатрларни ўз сочмаларига беихтиёр сингдирив ҳам юборган.

Шу йилларда сочма ўзбек шеъриятига кириб кела бошланган ва унинг баракамол намунасини Чўлпон яратган, унинг

“Клеопатра” деб номланган сочмаси (насрый шеъри) эса, ёшлар томонидан ҳам, катталар томонидан ҳам севиб ўқилгац эди. Аммо 1927 йилда Чўлпонга қарши бошланган кураш алангала-ри у билан ёшлар ўтасидаги кўприкни ёндириб юборди. Шунинг учун ҳам Миртемир Чўлпонга эмас, балки ўзбек шеъриятида сочманинг дастлабки намуналарини ёза бошлаган Яшин билан Шокир Сулаймонга елкадош бўлишни истади. Чиндан ҳам, шу даврдаги Миртемир қалбига нима учундир Ш.Сулаймоннинг “Маориф ва ўқитғувчи” журналида босилган “Кул” деган сочмаси яқин бўлиб, ёш шоир турли кечаларда унинг, айниқса, куйидаги сўнгти сатрларини шавқ билан ўқир эди:

*Кул,
қуллардай авадий маҳкум –
Ва банда бўлмаслар...
Келар кунлар,
Урап соат,
Сўнгги спатларкин,
Дунёда қолган қуллар қолдиги.
- Ярим қуллар
Сармоя тирногида,
Мернат-ла эзилганлар
Куллик тамғасини унумтмаганлар.*

*Сўнгги,
Сўнгги зарба билан,
Сўнгги ҳайқириқ –
бонг билан,
Дунёни янгратар садо – жанг билан
Ўт қўяр,
Ёндирап,
Куйдирап эски дунёни,
Эски турмуши,
Эски қулликни!*

Бу сатрлар замирида “эски дунё”га қарши кураш истаги билан никобланган жаҳон инқилоби тояси ётади. Бу тоя шўро тарғиботи таъсирида ултая бошлаган ёшлар учун бегона эмасди.

20-йиллар ўзбек шеъриятида “сочма” деб аталган янги шеър шаклининг майдонга келиши – ажабтонур воқеа. Уша йиллар-

да шеърият осмонини чақмоқ янглиғ дағынатан ёритиб юборгни бу шеър шаклининг қаердан келгани кўпгина баҳс ва мунозараларнинг мавзуи бўлган. Адабиётшунос Тўхасин Жалолов ҳам 60-йилларда шу ҳақда баҳс юритиб: “Бадий ижоднинг бу ўзига хос шакли XIX асрда Ҳиндистон, Арабистон, Россия, Туркия ва Татаристонда кўрина бошлади. Бу мамлақатлар адабиётида сочма щеърнинг улкан арбоблари бор”, деб ёзган эди. Аслида, бу шеърий шаклнинг илдизлари Урхун-Енисей бўйларидан топилган қабр тошларига бориб тақалади. Шу қабр тошларидағи ёзувлар XX аср узбек шеъриятидағи сочманинг дастлабки намуналариdir.

Навқирон ўзбек шоирининг 20-йилларда бу шеърий шаклга мурожаат этиши тасодифий эмас. У адабий сұхбатларидан биринда шу ҳақда баҳс юритиб, бундай деган эди: “Сочма – щеърнинг тўғонбузар тури. Кўклам тошқынлари-да! Ҳис ва туйғулар шу қадар пўртандаликки, оддий вазн чорчўпи (ҳижо, турофу, қофия) бардош беролмай қолади. Қалб тутёни жилов тутқизмас пайт, асов пайт. Лекин сочманинг, шаксиз, ўз ички дунёси, оҳанти, саромади ва авж пардаси бор. Мен қўлга қалам олган йиллар ўшандай ҳаяжонли воқеаларга бой, ажойиб ва ўхшаши кам йиллар эди...”

Миртемирининг 1926-1927 йилларда ёзган сочмаларидан бири “Баҳт” деб аталган. Шу сочма билан танишар эканмиз, ундаги Эрмат образи ортида шоирининг ўзи турганига шоҳид бўламиз:

“Мунг билан боқади – озгин бола. Кўз ёшиларини қатор чизиб. ўксиз кўнглини эзib боқади – онасининг сир яшишинган кўзларига – Эрмат.

- Она! Нега мени баҳтсиз түрдинг? Нега баҳтсиз түрдинг – мени??!

Нега ёруғ кун бермайлар – бизга?

Онаси, мазлума онаси сиқилади, хўрланади, жэвоб тополмайди – ёлғизининг сўроғига!

Уни юпатмоқчи бўлади.

- Инграма, ёлғизим, инграма!.. Тақдир шундай, ёзмиш – шу! – дейди. Овутади ёлғиз ўклини...

Баҳтсизлар!

Ҳақсиз ҳаётнинг қоронги, золим қумонига титрайдир, эзладир-да. “ёзмиш”дан зорланадир...

Тақдирга бўйсунадир”.

Миртемирнинг Эрмати билан Ш.Сулаймоннинг “Кул”и ўргасида мазмун муштараклиги йўқ эмас. Ҳар иккала муаллиф ўз халқининг ўтмишига назар ташлаб, ундан фақат қора кунларни кўрган. Биз ўша давр адабиёти намуналарини варақлар эканмиз, 1917 йилга қадар бўлган ҳаёт Кеча, кейингиси эса Бугун деб тилга олингани ва Кеча билан Бугуннинг бир-бигрига кескин равишда қарши кўйилганини кўрамиз. Бу, бизнингча, шоир ва ёзувчиларнинг шўро давридаги ҳаётни идеаллаштириш истаги, большевикларнинг шу даврда қилган жиноятлари ва маккорликларини кўрмаслиги туфайли рўй берган ҳолат эмас. Гап шундаки, ўзбек халқининг аср бошларидағи ачинарли ҳаёти 1917 йил арафасида ҳам асло ўзгармаган, аксинча, бир томондан, Биринчи жаҳон уруши, иккинчи томондан, 1916 йил кўзголонлари туфайли мустамлакачилик кишанлари янада таранг тортилган эди. Шундай тарихий шароитда 1917 йил февраль инқилоби ва октябрь тўнтарини ахолининг маълум бир қисмida эркин нафас олиш, тинч рўзгор тебратиш умидини уйғотган эди. Ана шу умид романтик орзулар қанотида яшовчи шоирларда келажакка некбин қараш майлини пайдо қилди. Улар, бир томондан, большевикларнинг миллий тенглик, озодлик ва маданий тараққиёт ҳақидаги шиорларига ишониб, иккинчи томондан, ўзларида пайдо бўлган руҳий уйғониш туфайли мавжуд ҳаёт тарзини ўзгартириш лозим, деган фикр-холосага келдилар. Уларнинг ўтмишга лъяннат ўқишлиари ҳам шу ҳол билан изоҳланади. Миртемир орадан бир қанча йиллар ўтиб, шуридаги қора парда кўтарилиб, “шульалар кўйнида” товлантан жамият биноси чўка бошлагандагина болалик чоғидаги дунёнинг гўзаллигини туйиш, қадрдан кишлоқ ва қишлоқдошларини қўмсаш нацидаси билан яшади.

Миртемирнинг “Шульалар кўйнида” итк шеърлар тўплами ни ташкил этган аксар сочмалар бутун ўз қимматини йўқотган. Лекин 16-17 ёшлардаги шоир сочмаларига ўша давр кўзи билан қараган киши уларда “инқилобий давр романтикаси” нигина эмас, балки паранжи ташлаган қизларнинг ота ёки акалари томонидан бўғизланишидан — ўзбек юртининг, Сакко ва Ванцетти нинг электр стулида қатл этилишидан эса жаҳон афкор омасининг мотам тутаётганини кўради. Бу сочмаларнинг ўз даврида, айниқса, ёшлар ўргасида катта акс-садо бергани ва Миртемирнинг, кутилмагандага, тенгдошларига нисбатан тез машхур бўлиб кеттанининг сабабларидан бири шу эди.

• • •

Инқиlobий суронлар бошқа оламу ўзбек табиатининг сўлим манзаралари бошқа олам. 1927 йил ёзида Фарғона водийсига илк мэротаба ташриф буюрган шоир водийлик қаламкашлар билан бирга Шоҳимардонга борди. Шу вақтда Шоҳимардонда диний хурофот ўчоқларини курган ва Ҳамзининг газаб-нафрatinи келтирган шайхлар оз бўлмаган. Лекин тоғ бағирларидан тошиб-шошиб тушаётган шалолаларни кўриб, табиатнинг бу мўъжизасидан ҳайратта тушган ёш шоир нигоҳи шайхларни эмас, балки Шоҳимардоннинг гўзал манзараларини кўриб, ҳайратта тушади. У “Сув ёқалаб...” сочмасида шу манзарадан олган таассуротини бундай тасвирлайди:

“Сув ёқалаб келиб қолганим бу чечаклар уваси шунчалар гўзал,
дўстим! Бир ёғи: бағри арча ўрмонлари-ла тўла буюк тоғлар,
бир ёғида ўлим даҳшатин сўйлаб тургувчи учурумлар. қоялар.
Яшил дўнглар!. Баланд жардан қараб турсанг, қуқурликда дарё.
Ён беримда раҳонлар, ялпизлар, гуллар... Аста-секин куйлаб,
ошиқиб оққан кумуш ирмоқ шалолача бўлиб дарёга қуяди, та-
бассумкор куёш – япроқлар, тўлқинларни қучиб суяди...

Дўнгларда, сайдонларда кўклим гуллар очмиши-да, қушилар масти-
аласт ўқийдилар. Ялтироқ ҳарсанглар қалин яшиликлар, сун-
буллар, япроқлар қучогида гарқ. Оҳ, шу тошларга ёнбошлаб та-
биатининг бу гуноҳсиз, қанотли шоирларининг юрак наволарига
қулоқ солсанг, бу ёз чоғларида... Чексиз бир завқ қониларга қўши-
либ ўйнап каби...

Бу...

Бу нақадар соғлик, ёруғлик!.. На ярашиқли яшилик бу? На-
қадар юксалган гўзалик бу, ҳей табиат!

Ботиб бораётган қуёшининг олтин шуғласи раксга тушади.
Тоғ қушилари қайгадир уюр-уюр учади. Кечки салқин жаво тани
бутун ўраб қунчади. Ҳамон кўз ола олмайман бу гўзаликлардан...”

Бу гўзал сатрларда тасвирланган Шоҳимардонга шоир қачон
ва қимлар билан борган? Унинг Фарғона водийсига бориши-
нинг бирор баҳонаи сабаби борми?.. Афсуски, бундай савол-
ларга бутун аниқ жавоб беришнинг иложи йўқ. Аммо шу нарса
маълумки, Миртемир 1928 йилда Фарғона водийсига, хусу-
сан, Шоҳимардонга Ҳамид Олимжон билан борган. Бу вақтда
Миртемир ҳали эрлар билим юртини тутатмаган, Ҳамид Олим-

жон эса Самарқанддаги билим юрти билан ҳайрлашиб, ҳатто кечаги синфдошлари билан Москва ва Ленинградга бориб келган эди. Ҳали бирининг оёғи Тошкентдан, иккинчисининг оёғи эса Самарқанддан узилмаган икки ёш шоирнинг Фарғона во-дийсига бирга бориши, аслида, ақл бовар қилмайдигай ҳоди-салардан. Бунинг устига, Собир Абдулла Ҳамид Олимжоннинг 1928 йили Кўқонга борганлиги ўғрисида илк бор хабар берганида, Миртемир номини умуман тилга олмаган ва бундай ёзган эди:

“1928 йилнинг ёз ойлари эди. Шаҳар боғларида саир бошланганда. Самарқандга, Ҳамид Олимжонга мактуб ёзиб, уни Кўқонга таслиф қилдим. Ҳамид ёнида яна бир азиз меҳмон билан Кўқонга келиб, мени топди. Учаламиз ҳам ҳали ижодда ёш, ўзимиз ҳам навқирон йигитлар эдик. Мен қувоғчимга сифмай, қимматли меҳмонимни сайилга, томошаларга олиб бордим. Ҳамид халқ орасида бўлишни, тасодифий учрашувлар, янги ганиш орттириш, ўз-ўзидан бошланиб кетадиган гурутг ва сұхбатларни яхши кўрар эди. У бор ерда ҳамма вақт асосий мавзу – алабиёт. У алабиёт ҳақида ҳамма жойда, ҳамма билан ўнгайини топиб, тап бошлай билар эди. Биз Кўқонда бир неча кун давомида фақат шундай сұхбатлар билан банд бўлдик. Бу тинимсиз меҳнатта ўхшар эди. Мен бир оз хижолат бўлиб:

— Ҳамиджон, меҳмонга чақирдиму, бир оз саир ҳам қилдиrolмадим сизни, — ледим.

У менинг гапимга жуда ажабланди...

Собир Абдулланинг бу сўзларини ўқиган киши Ҳамид Олимжоннинг Фарғона сафарига Миртемир билан бирга борганини хаёлига ҳам келтирмайди. Лекин тасодифни Қарангки, Собир Абдулла Миртемирнинг 60 йиллиги муносабати билан 1970 йили ёзган қутлов сўзида ўша олис йилларни эслаб, Ҳамид Олимжон билан Кўқонга келган “азиз маҳмон”нинг Миртемир эканлигини айтган. Собир Абдулла шу қутлов сўзида юқорида баён қилинган воқеани янги тафсилотлари билан бундай ҳикоя қилган:

“1928 йилнинг ёзи эди. Кунлардан бир куни икки ёш йигит редакцияга кириб мени сўраганларини, улар Самарқанддан келганларини, бирлари Ҳамид Олийон, яна бирлари Миртемир эканлигини таъкидладилар. Бу хабарни эшигга, бу азиз меҳмонларимни хиёбондан топдим.

Ўша кунларда Ўзбекистон Олий Советининг сайёр сессияси Кўқон шаҳрида очилган бўлиб, унинг шарафига халқ сайили чақирилган эди. Водийнинг машҳур санъаткорлари, полвончари Кўқонга тўплантган, “Катта Чорсу” деб аталувчи майдонда дор, кураш, ашула-ю рақс авжиди, халқ қизиқчилари ўз санъатларини кечаш-кундуз намойиш қилмоқда эдилар. Менинг иккала азиз меҳмоним учун бу катта сайил завқу шавқ бағишилади.

Улар иккалалари Кўқонда бир-икки кун меҳмон бўлганларидан кейин гўзал водийнинг бошқа шаҳарларига йўл олдилар. Ҳамид Олимжон, Миртемир билан дўстлашиб шундан бошланди...

Ҳамид Олимжон билан Миртемир Кўқонда бир-икки кун меҳмон бўлганидан сўнг Шоҳимардонга йўл олиши. Ўзбек ёзининг жазирама иссиқ кунларида Шоҳимардон, худди Кавказдаги бутун дунёга машҳур оромгоҳлардек, зиёратчилару шифоланувчилар билан гавжум бўлиб кетарди. Агар уларнинг катта бир қисми шу ердаги “табаррук мозор”ни зиёрат қилиш учун келган бўлса, бошқаси учун бу жой ер юзидаги энг сўлим фароғат ва истироҳат маскани эди. Икки ёш шоир зиёратчиларнинг кейинги қисмига мансуб бўлганлиги сабабли Шоҳимардоннинг узоқ тарихга гувоҳ бўлган тоғларию чолидари билан сұхбатлашиб, тоғли кишлоғнинг бекира манзараларидан олам-олам завқ ва ишқом олдилар.

Бу гўзал манзарани, дунёнинг бу гўзал гўшасини кўриш, айниқса, Миртемир учун эртаклар оламига киришдек бир гап эди. У Шоҳимардонда бир неча сочма ёзиб, биринчи ижодий сафари таассуротларини шу сочмаларга сочиб ташлади:

Унинг “Тоғ эртаси” сочмаси бундай сатрлар билан бошланади:

“Тоғ эртаси сезинч саҳнасини очиб, эртанинг щеърли созини чалди, гуллар иси билан эсган еллари, кўпирган спийлари билан қарши олди...

Ҳар эрта қуёш куляр пайти сой бўйлаб кетаман, уйдай-уйдай тошлиарнинг бири кўкрагида тонгни сайд этаман. Худди мен кўз очган, қуёши юз очган чоқда, телба сой яна бирорни қаршишлаб олади. Том самимият билан қаршишагандай уни сой...”

Бу сатрлардаги “бирор” ким бўлди экан?.. Бу саволга кейинги сатрдан жавоб топгандек бўламиз:

“Бошида желаги бор, қўлида мағаги бор – ошна сойнинг таниши тўлқинларига қарамайди. Қўшиқчи, ҳайқирган сойдан ҳол сўрамайди. Ошна кўпикларнинг ўйинини, жўшишини сайд этмайди-да, ошикиб кетади... сув олади-да, тоғдаги қатлам-қатлам кулбаларга қараб шошиб кетади...”

Эрта тонг билан сой бўйига келадиган бу икки кишидан бири – сочманинг лирик қаҳрамони. Иккимчиси эса тоғдаги “қатлам-қатлам” кулбаларда яшовчи бояти қиз. Бири сойнинг нариги, иккимчиси эса бериги бетида. Соид унга ҳурмат билан қарайди. Аммо “елак кучогида, қонун тузогида” яшовчи бу қиз на соид тўлқинларига қулоқ солади, на бизнинг лирик қаҳрамонимизга қиё боқади. Унинг бундай лоқайдилиги “тонгдаги тоза табиатни, кулаётган ҳаётни ғамнок этади. соид саросима бўлади, ҳайрон қолади...”

Сочма шундай сатрлар билан тугайди.

“Бу даврда, – деб ёзган эди Тўхасин Жалолов, – ёлғиз Миртемиргина эмас, бошқа ёш шоирлар ҳам сочма шеърга рафбат кўрсатадилар. Faфур Fулом, Ҳамид Олимжон ҳам сочма шеърда ўз кучларини синаб кўрганлар. Аммо ўзбек шоирлари орасида ҳеч ким сочма шеърни Миртемирдек кўп ва хўп ёзган эмас...

...Агар Миртемир қалбida завқ-шавқ тўлиб-тошса, эзгу ҳислар тутён урса, қаҳру ғазаб, дарду алам борлигини қамраб олса, шундай кезларда асов ҳисларни одатдаги вазн билан ўтчаши истамай, фикр ва туйғу отини бошоломон қўйиб юбориш учун сочма шеърга мурожаат қиласди.

Сочма шеър ёзганда ростдан ҳам Миртемир отаиззабон шоирга айланади, мисраларидан гўё олов чақнаб туради”.

Инқиlobий йилларнинг ола-ғовури шу давр шеъриятида, хусусан, Миртемир шеърларида ҳам янграётган бир пайтда бундай лирик манзара ва лирик кечинманинг шоҳи иплар билан чизилган тасвири кўшини ҳайратга солади. Миртемир шу давр шеърларида нозик туйғулар рассоми сифатида намоён бўлади. Унинг табиат манзараларини қалб кўзи билан кўриши, унцаги гўзалликнинг нозик ва нэфис рангларини илғаш санъати бизни мафтун этади. Қани энди замон кемаси сокин дengиз кучоқларида сузган бўлса-ю, Миртемирнинг шоирона табиатидаги шундай ҳайрат туйғулари тўлқинида бу Дунёниг Гўзалиги, Инсон қалбининг Гўзалиги, Мухаббатининг Абадий Гўзалиги акс этиб турган бўлса...

• • •

“Шуълалар қўйнида” тўпламида табиат гўзалиғиги шу тарзда акварель бўёқлар билан чизилган, китобхоннинг нафақат кўнгли, балки кўзига ҳам роҳат ва фарогат бағишлиовчи тасвирлар оз эмас. Улар Миртемирнинг ёшлик кезларидаёқ кўнгил розларини маҳорат билан тасвир этиш қудратига эта исходкор бўлганидан шаҳодат беради.

Миртемир, ўша дазр адабий жамоатчилиги эътироф этганидек, Чўлпон, Яшин, Шокир Сулаймон сингари шоирлар туфайли ўзбек шеъриятидаги жилвэ берган янги шеър шаклини ўзининг сочмалари билан бойитди ва бу шеърий шаклнинг бадий-интонацион белгиларини аниқлаб берди.

Миртемир кейинчалик сочма ҳақида фикр юритганида, унинг ентиллик томонлари ҳақида сўзлаб: “Қоғия излаб ўтирамайсиз. Бутун айтмоқчи бўлган гапни тўлалигича қоғозга тушира оласиз. Қоғия излаб кўпинча ўйлаган фикрлар жиловланиб қолади ё қочиб кетади”, деган. Лекин шоир 20-йилларда бу шеърий шаклга мурожаат этганида, унинг навқирон қалби ва шууридаги жўшқин фикр ва туйғулар шалоласи сочмабоп оҳанг ва образларни юзага келтирган, десак. Ўринни бўлурди.

1928 йилда “Шуълалар қўйнида” шеърлар тўпламининг нашир этилиши билан Миртемир ёш ўзбек шеъриятининг энг истеъоддли намояндадаридан бири сифатида танилди ва унинг номи шуҳрат гуллари билан буркалди.

* * *

У шу йили қадрдан Ийқон қишлоғига шуҳрат отига миниб қайтди. Унинг она заминга келганинг хабари бошқа қишлоқларга ҳам етиб борди. Миртемирнинг Тошкентдан келгани хабарини биринчи бўлиб эшитган киши Қарноқ қишлоғидаги мактабнинг тил ва адабиёт ўқигувчиси Сулаймон Амиров эди.

“Бир куни, – деб ёзди унинг шогирдларидан бири Долимжон Сайфуллаев, – у синфга қулиб кирди-да, бир-икки болани четта тортиб:

- Тирик шоирни кўришни хоҳлайсизларми? – деб сўради.
- Хоҳлаймиз, – дедик биз.
- Иқонга Тошкентдан Миртемир келибди, юринглэр, бориб кўриб келайлик. Шоир одам кўп нарсани билади. Бир мириқиб сұхбатлашиб келамиз, – леди Сулаймон ака.

Биз эшакларга миниб. қирлар, сойлар ошиб, Иқон томон йул олдик. Кишлоқдан зргалаб чиқсан бўлсақ, кун ботища Иқонга кириб бордик. Омадимиз юришмаган экан: биз боргунча Миртемир ака Тошкентга қайтиб кетибдилар. Афсус билан орқага қайтдик. Лекин тирик шоирни кўриш умидида бошиб ўтилган икки кунлик йўл ва бу йўлда бўлган куз офтобидай тиңиқ сұхбатлар... ҳануз хотирамда...”

Шингил хотира

1977 йил январида Узбекистон Фанлар академиясининг Тил ва адабиёт институтида Сотти Ҳусайннинг 70 йиллиги нишонланган эди Миртемир шу воқеа муносабати билан устози тўғрисидаги хотираларини тиклаб, “Коммунист қаламкаш” деган мақола ёзди. У ёшлик даврининг Сотти Ҳусайн билан боғлиқ саҳифаларини хотирлар экан, дафъатан шоир ёдига унугилган бир воқеа тушди:

“...1929 йили. – леб ёзади у, – Сотти Ҳусайн тўрт ёзувчи учун саёҳат ўюштирганлиги ҳам эсимга тушди. Туркманистон тупроғидан ўтиб, Ҳазар денгизи орқали Бокуга бордик...”

Шундай сўзлар билан бошланган хотирани ўқиган кишининг шоир исходидан мазкур саёҳат таассуротлари билан тўйинган шеърларни ахтариши табиий. Зоро, Миртемир ёшлик йилларида ҳам, кейин ҳам қаерга борган ва қандай янги манзилларни кўрган бўлмасин, шу жойлардан даста-даста шеърлар билан қайтган. Шунинг учун ҳам Миртемирнинг 1929 йилда ёзган шеърларини қанчалик титқилемай, улардан Боку сафари изларини топа олмадим. Шоирнинг 1928 йилга оид бир неча шеъри борки, улар тагига 1928 йилда Боку, Эдил (Волга) бўйлари ва Москвада ёзилганилиги қайд этилган. Аммо бошқа аксар манбаларда мазкур саёҳатнинг 1929 йилда рўй бергани айтилган. Бу маълумотлар бир-бирини қанчалик рад этмасин. Сотти Ҳусайннинг Ўлка ўзбек эрлар билим юргини тутатиши муносабати билан Миртемирни ва ёшлар газетаси қошидаги тўғаракнинг яна уч аъзосини мазкур саёҳатга олиб боргани ҳақиқатдир.

Сайёҳ шоирлар, Миртемир эслаганидек, устозлари билан бирга, чамаси пёездда Туркманистон даштлари орқали Каспий денгизи бўйларига бориб, у ердан пароходда Боку шаҳрига йўл олганлар. Сотти Ҳусайн Озарбайжон адабиётининг ўша

даврдаги таниқли намояндалари ижоди билан яхши таниш бўлганлиги туфайли шогирдларини тўлпа-тўгри Озарбайжон Йўқсил ёзувчилар уюшмасига бошлиб борган. Ёш шоирлар қардош халқ адабиётининг Жъъфар Жабборли, Сулаймон Рустам, Миржалол сингари агоқли вакиллари билан учрашиб, улар билан сұхбатда бўлганлар. Сұхбатдан сўнг, оқшом чорида Жъъфар Жабборли ўзбекистонлик меҳмонларни хонадонига таклиф этиб, улар шарафига дастурхон ёзган. Сўнгра қўлига нижжак олиб, мафтункор Озарбайжон мақомларини ижро этган. Ким билади, балки шу адабий-музиқий оқшом таъсирида Миртемир ҳам устози Сотти Ҳусайннинг тақлифи билан танбур чертиб, мезбонлар олқишига сазовор бўлгандир. Хуллас, таом ва мусиқа соатлари тугагач, гурунгда ҳозир бўлган Сулаймон Русгам ўзбекистонлик меҳмонларга ўзининг янги “тандирдан чиққан” “Аламдан нашъя” деган шеърлар китобини совға қилган.

Шундан кейин “сайёҳлар” денгиз сайрида бўлдишлар, шаҳар атрофига чиқиб, озар диёрининг, ўша давр таомиалига кўра, дикқатга сазовор ва тарихий-инқилобий жойларини зиёрат қилилар.

Ўша йилларда Каспий бўйларига бориб, Озарбайжон ҳавоси билан нафас оли ан ҳар бир киши 26 Боку комиссари отилган жойни зиёрат қилиб, улар хотираси олдида бош эгмай қайтмасди. Мезбонлар Сотти Ҳусайн ва унинг шогирдларини ҳам ўша жойга олиб бориб, Беску комиссарларининг фожиали ҳалок бўлиш тарихини сўзлаб бердилар. Миртемир шу воқеадан таъсиrlаниб, ўша кунлардаёқ “Қон саҳифаси” деб номланган сочма ёзди. Сочма бундай ҳароратли сағрлар билан бошланган эди:

“Нега қучогингда бу кун тошқин куч олди, Ҳазар? Нега шу даҳшат, шу кучдан қўрқмасдан бағрингда шумли бир кема кезар? Сўйла, табиий куч, ўлимлар, даҳшатлар гувоҳи – теран сув.

Йул берма, сен – буюк денгиз! У, ёзувлар кемаси-ку.

У кемада ўзгариши болаларнинг боғланганини бишмадингми?

Ҳей, тўлқинлар, тўлқинлар! – бу даҳшатни тўймадингми??

Ҳазар, Ҳазар!

Сезмайсанми, болаларнингни боғлаган бир кема қучогингда кезар?

Хей, тўлқингар! – қарши кўкрак очмайсанми? Кирюқларга отмайсанми?..

Ҳазар!..”

Бугун 26 Боку комиссариға бўлган муносабатимиз кескин ўзгарган. Миртемирнинг бу сочмаси ҳам маълум даражада ўз қимматини йўқотган. Аммо бундан қарийб саксон беш йил аввал ёзилган бу сатрларни ўқир эканми, Мирлемирнинг кучли ҳис-туйғулар шоири бўлгани ва сочмани ўзининг ўша даврдаги асосий шеърий шакли деб танлагани тасодифий бўлмаганига ишонч ҳосил қиласиз. Шундай ҳиссиётли шоир, балки маъкур саёҳати чоғи Боку ва бошқа шаҳарларга борганида, яна бошқа бир қатор лирик шеърлар ёзгандир, кундалик туттандир, суратта тушгандир, маҷалий газеталарда шеърлари чиққандир, аммо маълум сабабларга кўра, суронли даврнинг бу тарихий ҳужжатларини ёқиб юборгандир ёки уларни олиб кетишгандир...

“Сайёхлар” “Коммунист” газетаси таҳририятида ҳам бўлиб, қаламкаш биродарлари билан учрашдилар, улар билан ҳам савимий сұхбат завқини сурдилар. Сотти Ҳусайндек ажойиб нотиқ ва хушсұхбат усгодзининг бундай сұхбатлар марказида бўлганидан фахр ҳиссини түйдилар.

Ўша йилларда машҳур турк шоири Нозим Ҳикматнинг “Гунаши ичанлар туркуси” шеърлар тўплами Бокуда нашр этилиб, китоб дўконларида сстилаётган эди. “Сайёхлар” Бокудаги китоб дўконларига кириб, Нозим Ҳикматнинг шу китобчаси билан бирга муқовасида Навоийнинг дарвишона тасвир этилган “Фарҳод ва Ширин” достонини, Ҳусайн Бойқронинг ғазаллардан ибораг китобини сотиб олдилар. Шундан кейин улар озар диёри билан хайрлашиб, қардеш татар ёзувчилари билан учрашиш ва алоқа боғлаш учун Қозон сари от сурдилар.

XIX аср охири, XX аср бошларида ўзбек-татар адабий-маданий алоқаларининг ўрнатилиши икки халқнинг янада яқинлашишига имконият яратди. Татаристон ва Бошқирдистондаги мэърифат аҳлиниң катта бир қисми Ўзбекистонга кўчиб келиб, маҷалий ёш авлоднинг мэърифат ва маданият чашмаларидан баҳраманд бўлишиб муносиб ҳисса кўзди. Миртемир басират кўзларининг очилишида ҳам Туркистонга эзгу ният билан кўчиб келган татар зиёлилари четда турмадилар.

Сотти Ҳусайн қардош туркii ҳалқтар ўртасида XIX аср охири – XX аср аввалида бошланган адабий алоқалар тўхтаб қолмаслиги ва янги тарихий-маданий шароитда давом этиши учун шогирдларини Озарбайжондан кейин Татаристонга бошлаб борган эди. Татар ёзувчилари Ўзбекистондан келган беш кишилик “делегация”ни самимий кутиб олдилар. Қозон шаҳрида бўлиб ўтган учрэшувларда Ҳасан Тўфон, Адил Кутуй, Аҳмад Исҳоқ, Шайх Маннур, Габдираҳмон Минский сингари машҳур татар ёзувчилари иштирок этиб, Сотти Ҳусайннинг Ўзбекистондаги адабий жараён ва ёш ижодкорларнинг шу жарайёнлаги ўрни ҳақиқидаги суҳбатини завқ билан тингладилар. Ўз навбатида, улар ҳам татар адабиётида кечётган ижодий жараён янгиликлари билан таништирилар. Миртемир ва унинг қаламкаш биродарлари ўз шеърларидан намуналар ўқиб бериллар. Шундан кейин улар татар ёзувчилари ҳамроҳигида шахарда, Эдил дарёсида, ўрмонларда кезиниб, тоза ҳаво билан нафас олдилар.

Кўйилаги сатрларда ўзбек шоирининг Эдил бўйлаб қилинган фараҳбахш сафар таассуротлари ўз аксини топган:

“Эдил оқади.

Қирғоқларда яшил ўрмонлар Эдил ойнасига боқади. Сув ойнасида ўзларини кўргач, яшил япроқлар бир-бираига сир очади, бир-бирини ўптиб қучади... Ел эса узоқлардан келиб ўйнайди, учади. Соchlарни долғалантириб, тагин қочади...

Мингларча майин долғалар, қўрқувсиз тўлқинчалар ила оқиб ётган сувга қуёш олтин соchlар армуғон этди. Эдил сийнасида мингларча олтин соchlар, ўт чизикларининг ўйини бошланиб кетди...

Сувни иккига айриб бораётган кеманинг ҳайқириги ҳавони тилади. Юраклар ошиқади, талпинади, юраклардаги гаш ўрнига енгил истаклар тўлади...

Кўзлар кулган қирғоқлар сағрида кулади... Мингларча олтин тўлқинлар билан товузсиз Эдил ҳам мамнун-мамнун кулади...

Эдил кулади!..”

Бу сатрларни ўқиган китобхон ёш Миртемирнинг ер юзи-даги улкен ҳарёлардан бирида сайд қилиб, олам-олам таассурот олгани. қалби чексиз ва поёнсиз нурли туйгуларга гарқ бўлганини сезади. Аммо унинг Эдил таассуротлари муҳрланган

бошқа бир сочмасида ўзга манзара, ўзга қайфият, ўзга руҳ ер юзини ўзининг қора пардаси биңан ўраб турғандек бўлади. Мана ўша сочмадан сатрлар:

“...Тун қора, салқин қора рўмолларда ҳарён ўромлик, қора тўлқинлар кемага келиб, қаҳр сочади. Гоҳ кўтариб ташлаб, гоҳ алиалашга қучоқ очади... Мен оёқ остишиб талпиниб ётган қора тўлқинларни кўраман, кечанинг қоралигини унутгандай, узоқ-узоқ қараб турман...”

Жинни тўлқинлар, телба тўлқинлар... қатор тепалардай бир-бирин босиб келадилар-да, кема қиррасига урилиб, алланарсалар дегандай қочадилар, яна келадилар, яна ўша қарниш... яна қочиш...”

Бу сочмада Миртемирнинг – шеър лирик қаҳрамонининг Татаристон пойтахтини тарк этиб, Москва томон кетаётган пайтидаги манзара – Эдилнинг тунги манзараси ўз тасвирини топган. Ёш шоир қора тун бағридаги оч тўлқинларнинг девор-девор, тепа-тепа бўлиб отилиб-ҳайқириб келишини ва кема қирраларига даҳшатли қуч билан урилишини кўриб, ўзишаги аввалги некбин қайфиятни, кутгилмаганда, бой бериб кўяди. У қудратли дарё тўлқинларининг тун пайтидаги ҳамлаларини кўриб, дунёда катта бир қудратнинг, инсонга ўз жиловини тутқизмайдиган бошқа қудратнинг борлигини сезгандек бўлади. Шу сезги вужулидаги ҳар бир томирга кириб олгандек, уни ўзининг даҳшатли оғуцига тортади. У инсоннинг, шу жумладан, ўзининг ҳам ер юзидаги энг ожиз банда эканини чуқур хис қиласди.

Балки шоирни кучган шу мунгли ҳолатда унинг яқинчашиб келаётган фожиали кунлари ўз чехрасини кўрсатгандир. Балки шоир шунинг учун ҳам сочмани бундай ҳазин сатрлар билан якунлагандир:

“Мунг!
Мени қуршаб, қучиб олган мунг...

Тоғ ош, чул ош...

Марҳабо, ҳей, тонг!

Биламан, енгил дардларим қоронгиликдай қочади, истакларим ҳудди сендай ёргу юз очади...

Тасалли ахтариб келган эдим - ҷўлларни кезиб, қуч мени.

Зарварақларингни оч кўзларим олдида...

...Ха, мен тўлқинлардай ҳовликай, кўтирай, тошай, яшай!.
...Сен бўлса, мунг – қоч, қет. Йироқлаш! Узоклаш!"

Сафар чогида турли гаассурот ва қайғиятлар гирдобига тушган Миртемир устози ва қаламкаш биродарлари билан бирга Боку ва Қозон шаҳарларини тарк этгач, Москва ва Ленинградга йўл олди. У Россиянинг бу марказий шахэрларидағи қандай тарихий-маданий обидаларни бориб курган, қайси санъат кошоналарида бўлганикин? Бу бизга қоронги. У фақат Москва ва Ленин ҳақида сочмалар ёзганини айтган. холос. Лекин Миртемир Тошкентдаги “Халқ кутубхонаси” ва “Турон” кутубхонасидаги қироат соатларида озарбайжон ва татар ёзувчиларининг ғасарлари билан танишганлиги, саёҳат туфайли шу асарларнинг муаллифларини ўз кўзи билан кўрганини фахр туйғуси билан айтганки, бу сўзлар шоирнинг ижодий шаксланиш йўуларини маънода ёритгандек бўлади.

Зафар ва хатар

Янги очилган булоқ сувлари ўз йўлини топиб, бўйларида ялпизу чучмомалар ўсган ариқлар очиб, равон изга тушгунинга қадар қандай тошу тепаликларга урилиб, қандай қаршиликларга дуч келмайди, дейсиз. Табиатдаги ҳар бир тирик мавжудот яшаш учун қураш қонуни асосида ҳаракат қылганидек, ёш ижодкорларнинг исходий ўсиш жараёни ҳам шу қонундан четда кечмайди.

Миртемир “Шуълалар қўйнида” сочма шеърлар тўпламидан сўнг, “Зафар” (1929), “Қайнашлар” (1931), “Бонг” ва “Коммуна” (1932) шеърий тўпламларини, шунингдек, “Бонг”, “Жанг”, “Барот”, “Агроном” (1930), “Социализм” (1931), “Хидир” (1932) достонларини эътон қилди ва шиддат билан адабиётга кириб келди. Бонгқа кагта ва кичик ёзувчиларнинг бир гурухи “Йўловчилар”, иккинчиси “сўл йўловчилар”, учинчиси эса “ўнг йўловчилар”га ажратилиб, уларга ўгай кўз билан қарай бошланган бир даврда Миртемирнинг ёш “йўқсил шоир” сифатида “ардокланиши” адабиёт атрофида ўрмалашиб юрган кимсаларнинг гашини келтирди. Бундай нокуш ҳолатнинг пайдо бўлишида Сотти Ҳусайннинг “Шуълалар қўйнида” тўпламига ёзган сўзбоси ҳам сабаб бўлгани шубҳасиз. “Андак...” деб номланган ушбу сўзбошида Сотти Ҳусайн бундай ёзган эди:

“Кўлингиздаги гўплам ўзбек адабиётига янги кўзголон, янги умидлар бағишлийди.

Бизда шу чоққача социализм қуришда ўтган йўллар, курашларни адабий тилда қониқарли куйлаб берган асар йўқ. “Шуълалар куйнида”ги сочмаларда ҳақиқатан кураш, исён, зафар тароналарини тинглаб оларсиз. Буржуа миљлатчи адабиётчиларининг ҳозирги ҳаёт, курилиш адабий асар, санъатга гўзал материал бўлолмайди, деган сўзлари пролетариатга бўхтон ва тұхмат эканини очиқ англаймиз.

Бу тўплам ёш Миртемирнинг пролетариат адабиёти майдонига биринчи армутонидир. Ўзбек ишчиси, дехдони ўз ҳаётини, курашини шу китобдан ўқиб кўрали, завқланади, лаззат олади. Шунинг учун санъатда юксак, кучли ва нафис пролетариат шоирини ўзбек адабиётида яратиш қаҳрамонлиги нишони умиди ёш Миртемирга тақиладир.

Ўнг шоирлар ва бошқаларнинг таъсири бўлиши ва жузги етишмовчиликлар учраши мумкин. Бироқ бу хатолар Миртемирнинг кўп ишлаши, “бошқа”лардаги санъат бойлигидан тўғри фойдаланиб, адабиётимизга юксак, соғлом асарлар баҳш этиши билан ҳал бўлади.

Комсомол каби маданий ҳавасли, ўйноқи, инқилобий рухли ёшларга бу тўплам яхши ибрат бўла олур.

Марксист таҳлилчи, танқидчиларнинг тўғри таҳлили ва танқидий-ижтимоий қурилишнинг мустаҳкамланиши ёш Миртемирни юксак санъаткор шоир, кучти, иродати ёзувчи қилиб пролетарит дунёсига тақдим этар..., умидидамиз”.

Сотти Ҳусайн бу сўзлари билан Миртемирнинг илк ижодига юқори баҳо берибина қолмай, уни адабий жамоатчикликка бирдан-бир ёш йўқсил (пролетар) шоир сифатида тақдим ҳам қилган. Бу, ҳозирги кун нуқтаи назаридан ёқдашганда, Миртемирни шўро мафкураси билан заҳарлана бошлаган шоир сифатида алқаш билан бэрбардир. Аммо Сотти Ҳусайннинг мақсади йўқсил (пролетар) адабиётини яратиш масаласи кун тартибига қўйилган бир пайтда Миртемирга ўхшашибкор ёшларни тарбиялаш ва бошқаларни унинг изидан етаклаш эди.

Миртемир билим юртида ўқиган йилларида, чиндан ҳам, шўровий тарбия олганми? Унинг йўқсиллар шоири сифатидағи илк шеърлари билим юртида ўқиган кезларида ёзилганмийкин? Наҳотки, 20-йиллар аввалида ташкил этилган билим юрти

унинг юрагига йўқсиллар мафкурасини қуювчи тарбия маскани бўлган бўлса?!. Бундай саводларга билим юргига Миртемирдан бир йил аввал ўқишга кирган ёзувчи Мирзакалон Исмоилийнинг куйидаги сўзлари билан жавоб беришни истардим. М.Исмоилий ўттан асрнинг 50-йилларида қамоқхонада ўз қўли билац ёзган кўрсатмасида ўзининг миллатчилик фоялари билан “заҳарланиш” тарихини билим юртида кечган кунларидан бошлаб, бундай баён қилган эди:

“Миллатчилар илҳомчиси ва уларнинг содиқ жарчиси Чўлпон, Боту, Фитрат, Абдулла Қодирий, Шокир Сулаймон, Элбек ва бошқаларнинг китоблари ҳамиша қўлларда, тилларда эди. Уларда талқин этилган фикрларнинг асл маъноларига ва замирада кўзланган мақсадларга у вақт ўзимда бўлган заиф онг ва саёз билим билан лозимий қадар тушуна олмасам-да, уларни ўқир экан, завқланмас эдим, дея олмайман, зеро, атрофимда кўриб ва эшишиб турғанларим, уумуман, билим юргини ўраб турған мұхит китоб сахифаларидан кам фарқ қиласр эди. Мен буни кейинча, билим юргини битирганимдан анча кейин, очик-ойдин тушундим. Натижала мен ҳам ашаддий миллатчилар: Собир Қодирий, Носир Сайдий, Олим қори Усмонов каби директорлар, Кайюм Рамазон, Абдулла Авлоний, Нуриддин Худоёрхонов каби муаллиmlар тебратган миллатчилар бешигида тарбиялангачлардан бирин бўлиб чиқдим”.

Собиқ талабанинг бу сўзларига қараганда, билим юрти муаллиmlари ёшларни миллий тарихга, миллий урф-одатларга, миллий маданият дарғаларига ҳурмат руҳида тарбиялаганлар. Миртемир шундай мұхитда таълим ва тарбия олған эди.

Муаллиmlар маълум вақтгача билим юргига “янги давр фоялари”нинг кириб келишига йўл қўймадилар. Аммо шўро давлатининг мустаҳкамлана, социалистик қурилиш учун курашнинг эса авж ола бориши билан билим юртидаги сокин ҳаёт долгалана бошлади. “Бу курашда, – деб давом этади М.Исмоилий, – билим юрти ҳам четда қолмади. Мамлакатнинг ички ва ташқи душманларига қарши курашда мамлакатни социализм асосида қайта қуриш, одамларни коммунизм руҳида тарбиялаш курашида чиникдан асл совет қишиларининг фош қилувчи овози билим юрги деворлари ичида ҳам янграб кетди. Талабалар орасида ўзининг троцкийча фикрлари билан танилган бир-икки ўқувчи умумий мажлисда муносиб

равишида дўтпосланди, юзларидан троцкийчи ниқоблари олиб ташланди, аммо... мактабдан қувилмадилар..."

Шундай қилиб, 20-йиллар охирида билим юргига "асл совет кишилари" билан бирга шуро мафкураси ҳам кириб кела бошлади, десак, хато бўлмас. Агар шундай тасаввур асосида Миртемирнинг илк шеърларига назар ташласак, уларда ёшлар газетаси қонидаги тўғарак раҳбарининг таъсири катта бўлгани ойдинлашади. Сотти Ҳусайн ёш шоирни ўз тўтарагига жалб этиб, саёҳатларга олиб борибгина қолмай, унга янги даврнинг қандай сиёсий-ижтимоий мавзуларида шеърлар ёзишни ҳам тавсия қилган бўлиши эҳтимолдан ҳоли эмас.

Хуллас, Сотти Ҳусайн, ҳалқона ибора билан айтганда. қош кўяман, деб кўз чиқарди. У, бир томондан, ёш шоирни "йўқисиллар адабиёти"нинг боши берк кўчаси томон етаклаган бўлса, иккинчи томондан, "Андак..." сўзи билан "янги қўзғолон"га шай унсурларнинг унга туҳмат ва маломат тошларини отишларига сабабчи бўлди.

Кашшоф Тригуловнинг "Нафис адабиёт жабҳамизни соғломлаш йўлида" ("Қизил Ўзбекистон", 1928 йил, 4-5 июль) мақоласи билан бошланган бу мунозарада Олтой "Нафис адабиётга соғлом мафкура ва соғлом танқид керак" (ўша газета, 1928 йил, 7, 10 август). Ботир (Ғуломов) "Нафис адабиёт тўғрисидаги мунозараларга" (ўша газета, 1928 йил, 5 октябрь), Юнус Латиф "Бу кунги шеъриятимиз ва "Шуълалар қўйнида" (ўша газета, 1928 йил, 10 август), "Пролетариат адабиёти тўғрисида" ("Ёш ленинчи", 1928 йил, 5 апрель) сингари мақолалар билан иштирок этдилар. К. Тригулов Миртемир ижодидан айрим жузъий нуқсонлар топган бўлса-да, "бу алангалик ва энг умидлик комсомол шоиримизнинг нафис-фосиҳ сўзлар чашмаси" чукур эканлигини мамнуният билан қайд этди. Ўз моҳиятига кўра, бу мулоҳаза ҳам Сотти Ҳусайннинг ёш шоир ҳақидаги фикрига яқин эди. Шунинг учун ҳам шоир Олтой Миргемирга қарши бошланажак танқидий чиқишлиарга муайян йўналиш бермоқчи бўлади.

Шу даврда ўзининг футуристик машқлари билан танилган ва бошқа йўналишларига шеърий изланишларни тан олмаган шоир (Олтой) бундай деб ёзади: "Бу ёш комсомол шоирни тўғрисида бир нарсани қатъий айтишга тилим бормайди. Ҳақиқат, бунда талант борлигига шубҳам йўқ. Бу талантини қайси йўлда (русло - оқим) тараққий эттириш масаласи бор.

Ул фақат сочма усулида ёзадиган бўлиб қоладими? Бу номаълум". Олтой Сотти Ҳусайннинг "Андак..." идаги сўнгти парчани келтириб, яна давом этади: "Миртемир - ҳали оқни қорадан энди ажратай деб турган бир ёш бола. Бу қадар ортиқ баҳо бериш, менимча, нотўри. Балки келгусида шундай бўлиб... чиқмас. Ҳозир бир нарсани қатъий айтиш мутлақо келишмаган бир нарса. Бу ёш шоир ҳали ўзининг қатъий бир йўлини белгилаб олгани йўқ".

Юнус Латиф ҳам «Шуълалар қўйнида»ги айрим нуқсонларга гарчанд ўта танқидий муносабига билдирган бўлса-да, ўша вақтга қадар ёзилган сочмалар орасида Миртемир сочмалари ажралиб турганини эътироф эттан.

Шундай қилиб, аксар шоир ва мунаққидлар "Шуълалар қўйнида" китобини самимий қарши олдигар. Миртемирнинг ижодий келажагига нисбатан Олтой туйган шубҳалар унтилгандек бўлди. Шу орада Миртемир "Зафар" (1929) деб аталган иккинчи шеърлар тўпламини шеърият мухлисларига ҳадя этиб, қайноқ илҳом ва янги ижодий ниятлар билан яшашда давом этаттанини намойиш қилди.

Билим юртидан сўнг...

Шўро давлати бадиий сўёзининг катта ғоявий ва тарбиявий аҳамиятта молик эканлигини кўриб, ижод аҳлидан самарали фойдаланишни ўз олдига мақсад қилиб қўйди. Шу мақсадда 20-йилларнинг ўрталарида йўқсил ёзувчиларнинг республика ва вилоят уюшмалари тузилди. Айни пайтда ҳали йўқсил ёзувчилар қаторидан ўрин олиши маҳол бўлган ижод аҳли учун "Қизил қалам" деб номланган адабий жамият ташкил этилди. Йўқсил ёзувчилар уюшмаси ҳам, "Қизил қалам" жамияти ҳам Россиядаги шундай уюшма ва ташкилотлар андозаси асосида ташкил этилган бўлиб, улар шўро давлати манфаатларига хизмат қилиши лозим эди.

1926 йилда Самарқандда тузилган "Қизил қалам" жамиятига Шокир Сулаймон раҳбар этиб сайланди. Лекин орадан кўп ўтмай, мазкур жамиятга раҳбарлик қилиш вазифаси Отажон Ҳошим билан Фитрат зиммасига тушди. Шу даврда жамиятни гарчанд бу икки адабий ва олим бопшарган бўлсалар-да, асосий раҳбарлик Акмал Икромов қўлида бўлиб, у ёш қаламкашларнинг Абдулла Қодирий, Фитрат, Чўлпон сингари "кекса"

ёзувчилардан сабоқ олиши ва уларнинг миллиатпарварлик анъ-аналарини давом эттиришлари лозимлигини тушуниб, шу ҳақда йўл-йўриқлар бериб турди. “Қизил қалам” чиларнинг шу даврда олиб борган фаолиятлари ҳақида муайян тасаввур ҳосил қилиш учун жамият томонидан нашрга тайёрланиши режалаштирилган бир альманахнинг мундарижаси билан танишиш мақсадга мувофиқ.

Альманах шу йилларда ижод қилган асосан “кекса”, яъни йўқсил бўлмаган ёзувчиларнинг асарларидан иборат бўлиб, унда “Кум сахролари”, “Қора кунлар”, “Ёлғизликда”, “Ишқимнинг харобалари”, “Кўзлар”, “Бўсалар”, “Ҳижрон”, “Фироқ”, “Висол”, “Тасодиф учрашиш”, “Ваъда”, “Алданиш”, “Коронги тунлар” сингари рукилар ва рукиларга мос асарлардан иборат бўлиши лозим эди. Бу мундарижага қаратанда, “Қизил қалам” чилар шўро давлати яратмоқчи бўлган йўқсил адабиётнинг бирор намунасини альманахга киритиш ниятида бўлмагилар. Шунинг учун альманах нашр этилмай қолди ва жамиятнинг гоявий йўналишини ўзгартириш мақсадида раёсатга Отажон Ҳошимдан ташқари, Боту, Зиё Сайд, Сотти Ҳусайн, Анқабой, кейинчалик эса Уйғун, Ҳамил Олимжон, Миртемир ва Ойдин аъзо этиб киритилди. Ҳуллас, “Қизил қалам”-нинг адабий-ижтимоий йўналиши ўзгариб, жамият секин-аста “шўролаша” бошлади.

Миртемир 1929 йил мартауда билим юртини тутатганидан сўнг, Сотти Ҳусайннинг маслаҳати ва ёшлар ташкилотининг йўлланмаси билан Самарқандга бориб, республика Марказий Ижроия Комитети раиси Й.Охунбобоевга тўртинчи катиб бўлиб ишлай бошлайди. Бу, Сотти Ҳусайннинг фикрига кўра, турли тоифалаги кишилар билан учрашиб, турли шаҳарларга бориб, қайноқ ҳэёт билан танишиш имкониятини берадиган лавозим эди. Миртемир, устози назарида, шу лавозимда хизмат қилиш асносизда ҳалқ ва мамлакат ҳаётини яқиндан ўрганиши ва шу ҳол унинг ижодий ўсишига самарали таъсир кўрсатиши мумкин эди.

Миртемир уша кунларни эслаб, адабиётшунос С.Мамажоновга бундай деган эди: “Сотти оға кўп одам, кўп воқеа – ҳаёт билан дуч келадиган жой!” деб жўнатган эди. Фарғонани кўрдим. Қашқа ва Сурхонни кўрдим. Чинакам кўп воқеалар гувоҳи бўлдим. Ҳар сафар камила ўн одам бўлардик. Отанинг комиссарлари, комиссарликлардан вакиллар (машинисткалар ҳам) ё алоҳида ва

махсус вагонда, ё деризинда кетардик. Ҳар сафар ҳақида очерк ёзардим...”

Миртемир мазкур лавозимда узоқ ишламади. 1929 йил 1 сентябрда, ўз аризасига кўра, ишдан озод этилиб, Самарқанддаги педагогика академиясига ўқишга кирди. У шу ерда Ҳамид Олимжон орқали Фитрат, Абдулла Алавий, Боту сингари шоирлар билан яқиндан танишиди.

Миртемир ва Олтой

Миртемир Самарқандда яшаган кезлари аксар тошкентлик қаламкашлар ҳам шу ерда жамланган эдилар. У республика-нинг муваққат пойтахтида яшаётган чогида Шокир Сулаймон, Боту сингари Тошкентдан кўчиб борган ёзувчилар гурухи уни ўз бағрига тортган. Куни кеча уни матбуотда ёш боладан олиб ёш болага солган Олтой кутилмаганды Миртемир билан яқинлашиб, уни ўз таъсир доирасига олишга ҳаракат қилди. У Миртемирниң нафақат ижодий, балки шахсий ҳаётига ҳам кириб бориш йўлларини ахгарди. Миртемир билан турлитуман мавзуларда сұхбатлашиб, унинг уйланиши кераклигини айтди, янги ёзган шеърларини мақтаб, ўзини ёш шоирниң энг яқин ва самимий дўсти сифатида кўрсатишга интилди. Хуллас, у ҳали суяги қотмаган шоирниң ишончини қозонди ва ҳатто унга таъсир ўтказа бошлади. “Мен энди унга, у билан сұхбатлашиш ва ҳоказоларга ўзимда эҳтиёж сеза бошладим. У буларниң ҳаммасини шундай нозиклик ва эҳтиёткорлик билан қилдиски. Қандай қилиб унинг тўрига илиниб қолганимни билмай қолдим”, деган эди Миртемир 1932 йил 31 декабрь куни бўлиб ўтган тергов пайтида.

Орадан бир мунча вақт ўтгач, Олтой ташабbusи билан Эски шаҳардаги таълим ва тарбия билим юрти мудири Обид Ҳамидовниң уйида “гал” ташкил қилинди ва Миртемир бу “гал”га биринчилар қаторида таклиф этилиди. “Гал” тез-тез ва мунтазам равища үтказилиб, унда Обид Ҳамидов, Олтой ва Миртемирдан ташқари, Ҳамид Олимжон билан Нарзулла Жабборов ҳам иштирок этдилар. Бир сафар “гал”да Раҳим Муҳаммадиев, Абдуллажон Раҳими, Хайрулла Атауллаев, Ботир Фуломов ва Лутфулла Алавий ҳам ҳозир бўлганлар.

Шу “гал”ларда одатда ашула айтиб, рақс тушиб, “шайтоннинг кўз ёши”дан қитдай-қитдай ичиб кўнтил ёзишарди. Ол-

той кўпинчча давра аҳлини ўзига қаратиб: “Биз янги ва ҳақиқий ўзбек адабиётини яратишимиш ва бу адабиёт жиловини ўз қўли-мизга олашимиз керак”, дерди. У гарчанд миллат манфатла-рига хизмат қилувчи янги ўзбек адабиётини яратишимиш ке-рак, деб очиқдан-очиқ айтмаса-да, унинг сўзларидан шундай маънони илғаб олиш қийин эмас эди.

Шундай “гап”лар гуллаган даврда Миртемир билан Ҳамид Олимжонга бояги мажмуа тузиш вазифаси топширилган эди. Номаъум сабабларга кўра, шу мажмууга Боту билан Олтой асарлари киритилмаган эди. Шунинг учун Абдурахмон Саъдий-нинг таклифи билан Миртемир билан Ҳамид Олимжон мажму-занинг муқаддима қисмидаги Боту билан Олтойнинг аксишуро-вий миллатчилик руҳидаги асарларини беришга қарор қилишди. Бу асарларни мажмууга киритишни Олтойнинг ўзи улардан та-лаб қилди.

Кейинчалик Боту, Рамзий ва бошқалар ҳибсга олинганла-ридан сўнг тузувчилар мажмуани нашр қилишга розилик бе-ришмади.

Тахминан 1929 йилнинг ёз ойларида Олтой Миртемирни Ботунинг Маориф халқ комиссарлигидаги хос хонасига так-лиф этди. Миртемир Боту ҳузурига бөрганида, Олтой ўша ерда ўтирган экан. У Миртемирга яқин орада “Қизил қалам” жами-ятининг курутойи бўлажаги ва Миртемирнинг номзоди жа-мият котиби сифатида кўтарилажагини айтди. Боту дастлаб шу масалада Олтой билан келишиб олганлиги туфайли Миртемир розилик беришга мажбур бўлди.

Олтойнинг самимийлигига қаттиқ ишонган Миртемир ўша кунларда унга устози Сотти Ҳусайннинг никоҳ тўйида ишти-рок этиш учун Фарғонага бормоқчи эканлигини айтди. Олтой, ўз навбатида, Миртемирнинг Фарғонага бормоқчи бўлганини Ботуга маълум қилди ва Боту Миртемирнинг водийга бори-шидан фойдаланиб, “Қизил қалам” жамиятининг Фарғона вилоят бўлнимини тузиш, Боту билан Олтойни яхши билган ва ўзбек адабиётидан хабардор кишилардан иборат бўлим раҳба-ригини шаклантириш лозимлигини айтди.

Орадан бир неча кун ўтгач, Боту Миртемирни чақириб, “Қизил қалам” жамиятининг Фарғона вилоят бўлнимини ту-зиш учун у билан бирга Олтойнинг ҳам боражагини айтди. У мазкур жамиятнинг вилоят бўлими раҳбариятига ўзбек адаби-ётини яхши билган, қолаверса, уларнинг шахсан ўзларини,

яъни Боту билан Олтойни ҳам яхши билған кишиларни сайлаш лозимлигини уқтириди. Бундан ташқари, Ғоту Миртемирга “Қизил қалам” жамиятининг Фарғона бўлимини ташкил этиш масалалари бўйича ишчилар ўртасида тушунчириш ишларини олиб боришни ҳам тайинлади.

Хуллас, Миртемир билан Олтой Фарғонага бориб, Сотти Ҳусайннинг тўйида иштирок этганларидан сўнг, ўша куннинг эргасигаёқ маҳаллий ижод аҳлини тўплаб, “Қизил қалам” жамияти Фарғона вилояти бўлимининг таъсис мажлисини ўтказишиди. Ва нима учундир Фарғона таълим ва тарбия билим юрги директори томонидан қурсатилган шахсларни “Қизил қалам” жамияти вилоят бўлимининг бюро ҳайъатига аъзо этиб сайлашиди.

Бу, Миртемирнинг “Қизил қалам” жамиятининг котиби сифатида бажарган биринчи ва энг сўнгги вазифаси эди.

Шу ўринда Олтойнинг Фарғонага Миртемир билан бирга бориши тарихига оид бир воқеани баён этиб ўтсак.

Юқорида қайд қилинган сўзлардан аён бўлганидек, Сотти Ҳусайн ўзини янги тарихий-маданий даврнинг янги кишиларидан бири, деб ҳисоблаган. Бу “янги кишилар” ўша йилларда оила ва никоҳ сингари нозик масалаларга ҳам аралашиб, бу масалани ўзларича ислоҳ қила бошлаганлар. Шундай кишиларнинг ташаббуси билан ўша йилларда “комсомол тўйлари”ни ўтказиш расм бўлган. Сотти Ҳусайн шу йилларда Фотимахон Йўлдошбоева деган фарғоналиқ гўзал бир қизга ошиқу бекарор бўлиб қолган эди. Унинг онаси эса Фарғона вилоятининг Янгисой қишлоғидаги жамоа хўжалигига хизмат қиласарди. Келин билан куёв никоҳ тўйларини Тошкентда эмас, балки Янгисойда. Фотимахоннинг онаси яшаган ва ишлаётган жамоа хўжалигига “ўртоқлик кечаси” тарзида ўтказмоқчи бўлдилар. Кечага 30-40 нафар колхозчилар таклиф этилди. Кутимагандан кечада иштирок этиш учун Тошкентдан Миртемир билан бирга тўйга таклиф этилмаган Олтой ҳам келди. Сотти Ҳусайн Миртемирдан уч-тўрт кўйлакни ортиқ кийгани учун Олтойнинг ким ва қандай инсон эканлигини билибми, уни тўйга таклиф этмаган эди Шунинг учун у Олтой билан кучоқ очиб кўришмади ва унинг ташрифидан хурсанд эмаслигини яширади. У шунаقا тўғри ва қайсар инсонлардан эди.

Сотти Ҳусайннинг ўзига нисбатан бундай носамимий муносабатини кўрган ва шу йилларда унча-мунча раҳбарларга

ганини ўтказиб юрган Олтой тўй кунининг эртасигаёқ Фарғона округ комитетига бориб, тўйга юзлаб одамларнинг таклиф этилгани ва Жамшид даврида ҳам бунақа тўйнинг бўлмаганини айтди. Округ комитети эса навбатдан ташқари йиғилиш чақириб, Сотти Ҳусайннинг бу файришурорий хатти-ҳаракатини кескин қоралаб, уни партия аъзолари сафидан ўчириш масаласини Ўзбекистон компартияси марказкоми олдига қўиди. Бундай “коммунистларча хушёрлик” намунасини кўрсатиш билан марказком назарига тушишни истаган округ комитети котиблари барча йиғилиш минбарлари ва матбуот органларини Сотти Ҳусайнни қоралашга сафарбар этдилар. Бечора Сотти Ҳусайн 1933 йилда Москва шу масалага аралашгунига қадар аросатда яшади.

Энди яна Миртемирга, унинг Фарғонада бўлган кунларига қайтсан.

“Биз Олтойнинг Фарғонадан кетиб қолганлиги сабабли, фабрика ишчилари ўртасида йиғилиш ўтказа олмадик, — деди Миртемир. — Мен Олтойнинг ишчилар ўртасида “Қизил қалам” жамиятини тарғиб-ташвиқ этиш ҳақида Боту берган тогшириқни бажармай кетиши сабабини билмайман. Кейинчалик эшлишишмга қараганда, у Қўқонга боришга ошиқсан экан...”

Миртемир Самарқандга қайтиб келганидан сўнг, орадан бир ҳафта ўттач, Боту билан Олтой қамоққа олинди.

Илҳом чечаклари

Миртемир гарчанд замон талаби билан аввал рус шоирининг, сўнгра татар шоирларининг сочмаларини ўқиганлигини айтган бўлса-да, аслида у рус адабиётини, шу жумладан, И.С.Тургеневнинг гўзал насрый шеърларини кейин кашф этди. Ва шу жараёнда уларнинг ”қофияю вазнга тушган шеърлардан баланд”, ”шу даражада қўйма шеърлар” эканлигидан ҳайратга тушди. “Адаб, — деб ёзган эди у, — кичик бир манзара, кичик бир лавҳани шундай маҳорат билан чизиб берадики, бу гўё кўз олдингизда каттакон бир ҳаётта дарчадай. Мен кунт ва муҳаббат билан ўқирдим”.

И.С. Тургенев қаламига мансуб насрый шеърлар орасида “Как свежи, как прекрасны эти розы...” сатрлари билан бошланган мансура ҳам бўлиб, уни Тургенев насрининг минглаб

мухлислари қатори Миртемир ҳам ғоят севган. Ўзбек шоири-нинг 1928 йилда ёзган шеърлари орасида “Шу қадар мағрур, шу қадар буюк...” деган сочма ҳам бўлиб, ундан Тургенев мансураларининг ёқимли таровати эсиб тургандек бўлади:

“Шу қадар кибор. шу қадар мағрур бу тоғлар...”

Шундай мусаффо – қўл уршимаган гузалликлари борки...”

Табиатнинг ҳашам ва буюклиги порлаган юксак бир даргоҳиё дағиатлар, учурумлар ва тансик дафиналардан қўйма бир боргоҳимики, бўлмаса.

Тонг шу туташ тоғлар орқасидан отса, қуёш шу юксак қоялар қучогига ботса... қандай эркин, қандай ўқтам хоҳиш бу?..”

Бу сатрларни ўқиган китобхон қаршисида тоғнинг улувор манзараси пайдо бўлса ажаб эмас. Агар биз, китобхонларнинг тасаввуримизда тоғнинг муҳташам ва бузруквор қиёфаси озми-кўпми гавдаланган бўлса, демак, унинг – тоғнинг тилга кириб сўзлашида ғайритабиийлик йўқдир. Сўзлаганда нима дейди. денг? “Мен табиатнинг ваҳший сийнаси, мен йилларнинг – ўзгаришларнинг муқаддас фахри ва дафинаси”, - дейди у сочманинг лирик қаҳрамонига бақрайиб. Тоғнинг кеккайишини кўрган лирик қаҳрамоннинг кўнглидан эса бундай фикр ўтади:

“Мағрур инсоннинг мағрур иродаси олдида не жавоб айтаркин; осуда меҳнатнинг – ишнинг қудратини билса нетаркин...”

Инсон...

Ёлпиз инсон ғуурланса бўлади. Ҳаёт фақат инсон меҳнатидангина кула олади! Табиатнинг ифтихори гумроҳ тоғлар бу шон эгасини билмайдими, кўрмаганми?..”

Кўлингиздаги асар илмий тадқиқот бўлмаганлиги туфайли камина бу шеърнинг бадиий-услубий фазилатлари тўгрисида фикр юритищдан ўзимни тиийиб, фақат бир нарсағагина сизнинг эътиборингизни қаратмоқчиман, холос. Бу гап шундан иборатки, “шу қадар мағрур. шу қадар буюк” тоққа бағишлиланган сочмада Тоғ эмас, балки Инсон, унинг бунёдкор меҳнати шарафланади. Лирик қаҳрамон агар дунёда “тоғ-тошларга титроқ солиш”га, “мағрур қоялардан йўл очишга қодир”, “ғўзаликка ғўзалик бағишлиловчи”, “бузиб, ахтариб, ағдариб

саодат яратгувчи қудрат бўлса, шу қудрат Инсон эканлигини айтади. Назаримда, бундай катта фалсафий фикрни замонавий ўзбек адабиётида Миртемирга қадар ҳеч ким айтмаган.

Аммо ҳаётнинг мурзикаблиги шундаки, инсон бу реал дунёнинг бирлан-бир султони бўла туриб, бунёдкорлик билан, “гўзалликка гўзаллик багишлаш” санъати билан машғул бўлиш ўрнига жаҳолат кўчаларидан саодат чечакларини ахтарди, бузади, янчади, хўрлайди...

Миртемир ва унинг тенгдошлари октябрь тўнтариши билан эски дунёнинг бузилгани, янни ҳаётнинг бошланганига ишониб яшадилар. Шу ишонч улар ижодида, сўзсиз, ўз ифодасини топди. Сир эмас, октябрь тўнтаришидан сўнг зулмнинг қайсилир томирлари кесилди. Айниқса, хотин-қизлар тақдиррида муҳим ўзгаришлар рўй берди. Шоирлар шу ўзгаришлардан фойдаланиб, ўзбек хотин-қизларининг ўз ҳақ-хуқуқлари учун курашишлари лозимлиги ҳақида жар солдилар. Шу жар-ғоя Миртемирнинг 20-йиллар охири – 30-йиллар аввали ижодида, айниқса, баланд пардаларда жаранглади. Чунончи, у “Ана, боғлар...” шеърида гўзал қизлардан биринга мурожаат этиб, уни қиёфаси ўзгариб бораётган оламга зийрак назар ташлашга ҷақиди:

*Ана, боғлар... Ана, гулзор, хиёбон,
Ана, ҳаёт япроқ ёзган биёбон.
Кулиб турған шу ҳаётдан ҳақине ол.
Сен ҳам инсон, сен ҳам инсон, сен инсон!*

Банднинг сўнгти мисраси Чўлғоннинг “Тириксан, ўлмагансан, Сен-да одам, сен-да инсонсен; Кишан кийма, бўйин эгма, Ки сен ҳам ҳур туғилғонсен”, деган буюк сатрларини ёдга соладики, бу тасодифий ҳол эмасдир.

Аммо қудратини “бузиш, ахтариш, ағдариш” билан кўрсататётган большевикларнинг хато тадбирлари туфайли бу дунёнинг юзлаб хуру пайкарлари ўз оталари, эрлари, акалари томонидан бўғизлаб ўлдирилди. Ҳаёти шундай фожиа билан тугаган гўзал ва истеъодоли қизлардан бири машҳур созанда Уста Олим Комиловнинг қайнисинглиси Нурхон Йўлдошхўжаевадир.

1929 йил баҳорининг дастлабки кунларида Қори Ёкубов ва Тамараҳоним ансамблига таклиф этилган Нурхон илк бор Бу-

хородаги санъат шинавандалари қаршиисида ўз санъатини на-
мойиш этади. Поччаси Уста Олимнинг сехрли доирасидан та-
ралган жўшқин садолар остида у “Жонон бўламан, деб” рақ-
сини шундай қойилмақом қилиб ижро этдики, зал қарсаклар-
дан ларзага келган бўлса-да, таъзимга чиқмади. Ёш санъаткор
ҳали самимий қарсаклари учун, меҳр-муҳаббатлари учун то-
мошабинларга миннатдорлик билдириш лозимлигини билмас,
қолаверса, ундаги камтарлик ҳар қандай саҳна қонун-қоида-
ларидан кучли эди.

Бухородаги концертлар тугагач, ансамбль 8 марта Самар-
қанд заминига етиб келди. Муҳиддин қори Ёқубов концергни
кириш сўзи билан очар экан. порлоқ гўзалиги ва истеъоди
шу вақтга қадар паранжи остида яшириниб келган Нурхон-
нинг Ҳалқаро хотин-қизлар кунида парансисини энди бир
умрга ташлаб, томошабинларга ўзининг оташин рақс ва қўшиқ-
ларини намойиш этажагини айтди. Томошабинлар Нурхонни
қарсаклар билан кутиб оғдилар. Нурхон саҳнага чиқиши билан
гўё гулзор узра оқ капалак учётгандек бўлди. Аммо гулзор
кўринмас, капалак эса ўз парвозида гулзорнинг гўзалиги ва
уфорини чор атрофга таратиб, бутун саҳнани забт этгандек
бўлди. Бу унугилмас рақс ва қўшиқ байрамини кўриб лол
қолган томошабинлар орасида навқирон шоир Миртемир ҳам
бор эди...

Комил Яшин ва Ҳалима Носирова Самарқанддан кўчиб
келгандаридан сўнг, тақдир тақозоси билан Уста Олимга
девор-дармиён қўшни бўлиб яшаганлар. Кўэ билан қошдай
яқин санъаткор қизнинг Марғилонга борганида акаси томо-
нидан ваҳшиёна ўлдирилгани нафақат Яшин ва Ҳалимаҳо-
нимни, балки бутун ўзбек ҳалқини ларзага солди. “Нурхон,
— деб ёзган эди Яшин, — мендан тўрт ёш кичик, Ҳалима-
хон билан тенгдош, худди синглимдек ҳурмат қилардим уни.
Бевакт ўлим барчамизни чукур изтиробда қолдирди, қайгу-
га ботдик”.

Нурхоннинг фожиали ўлими Миртемир қалбини ҳам жаро-
ҳатлаб ўтди. Бизнингча, мана бу қуйидаги сатрлардан нафақат
шоир қалбининг мунгли ноласи, балки алғов-далғов замон-
ларнинг оғир нафаси ҳам баралла эшигитлиб тургандек бўлади:

*Сенсиз оҳанг тараиди бу кеч,
Сенсиз нашъа яралди бу кеч,*

*Отиңг чиқди...
Еңсил йўргалаб,
Гўё боғчалардан оралаб,
Чечакларни териб тақмадинг;
Мамнун табассум-ла боқмадинг...
Отиңг чиқди...
Ўзинг қаёқда?*

*Саҳналарда сен мавж урганда...
Қўлинг ёзиб юришиларингдан,
Қуш каби чарх уришиларингдан
Оғир, узуч бир шеър ўқирдим...
Зотан, ўзинг тутқун қизларнинг
Дил сирини очар эдинг-да,
Дардларини сочар эдинг-да...
Мен бу сирни очиқ кўрадим
Саҳналарда сен мавж урганда...*

Маълумки, жадид шоирлар XX аср бошларида янги ўзбек шеъриятига тамал тошини қўйдилар. Бу шеърият халқни реал замон ва маконни ҳис қилишга унади. Шеърият эрк ва хуррият ҳамда миллий тараққиёт учун курашнинг қудратли қуролларидан бири бўлиб қолди. 1917 йил воқеаларидан кейин адабиёт оламига кириб келган авлод учун эса шеърият ҳаётнинг, тарихнинг бадиий йилномаси бўлди. Шеърият давр ҳавоси билан нафас олди. Миртемир ҳам шу авлоднинг вакили сифатида ўзбек ҳалқи ҳаётида рўй берган барча муҳим воқеаларни акс эттиришга интилди. Шубҳасиз, унинг ўша давр ҳарорати била з тўйинган шеърларининг маълум бир қисми адабиёт ғалвиридан тушиб қолган. Аммо шоирнинг юқоридаги каби шеърларини ўқир эканмиз, унинг халқ ва мамлакатнинг шу даврдаги ҳаёти манзараларини бадиий муҳрлашга, ўз шеърлари билан халқ онгини оширишга, Инсон – бу дунёнинг гултожи, деган буюк ҳақиқатни унинг қалбига қўйишга астойдил интилганини кўрамиз.

Топшотувчилик шеъри

Шу йилларда Ўзбекистон Йўқсил ёзувчилар уюшмаси ва унинг вилоят бўлимлари ташкил этилиб, уларга кириб олган

айрим мунаққиллар узбек адабиётининг азим чинорлари ва улар этагида улғайиб бораётган ниҳолларга қарши пичоқ қайрадилар. Кимки ўз истеъоди ёлқини билан адабиёт мухлислирининг меҳр-муҳаббатини қозонган бўлса, унинг асарларидан ҳато ва камчиликлар топиш ва бу ҳатоларга сиёсий тус бериш оддий ҳолга айланиб борди. Шўро давлатининг маҳфий муасасалари ижтимоий-маданий ҳаётда кўзга ташланган бу носоглом тамойилга чек қўйиш ўрнига, аксионча, ахборот майдонларини шундай чиқишиларга кенг очиб қўйдилар.

Шундай нохуш шароитда бадиий ижод табииатини тушуниш у ёқда турсин, ҳатто ўзбек тилида бир-иккиси жумлани келиштириб ёза олмайдиган танқидчилар авлоди пайдо бўлди. Алифни қалтак дейдиган шундай “танқидчи”лардан бири Қосим Бобоев бўлиб, у шу даврда адабиётимизга мислси 3 даражада катта заар етказган мақолалар ёзди. Шу мақолалардаги вуљгар-социологик танқид найзаларидан бири Миртемир кўксига қадалди.

“Ўзбек совет адабий танқиди тарихи” китобининг 1-жилди (1987)ни варақлар эканмиз, муаллифлацунинг қуйидаги сўзлари эътиборимизни ўзига тортади:

“Кизил Ўзбекистон” газетасининг 1930 йил 30 октябрь сонида бир “танқидчи”нинг “Ниқобли шоирлар” сарлавҳали мақоласи босилди. Унда муаллиф истеъододи ёш шоирлардан Ҳамид Олимжон ва Миртемир шеърларини саводсизларча таҳлил этади. “Танқидчи”га шоирларниң табият манзараларини тасвир этганлари ёқмабди. Бундан у мана шундай хулоса чиқарди: “Бутун халқимиз социализм қуриш учун ҳормай-толмай курашаётганида, булар ойга қараб «сұхбат қуришади». Муаллиф қарашича, совет ёзувчиси табият ҳақида ёзиши мумкин эмас, муҳаббат ҳақида ёзиш эса, “пернография моментларига ўрин бериш” бўлар эмиш. Шундан кейин танқидчи Миртемирнинг “муштумзур боласи”, Ҳамид Олимжоннинг “савдо-гар ўғли” эканини даъво этади ва, Синобарин, улар бошқача ёзишлари мумкин эмас эди, деган хулосага келади”.

“Танқид тарихи”да тилга олинган бу мақола Қосим Бобоев қаламига мансуб бўлиб, у яқинлаши ё келаётган 1937 йилнинг адабиёт оламидаги қалдирғочи эди. “Танқидчи” Миртемир ижодини таҳлия этмоқчи бўлиб, бундай шахсий мулоҳазаларини баён этган:

“Миртемир вазнсиз, қоғиясиз, сочм: йўли билан ёзди. Дуруст, унда қайноқ парчалар бор. Йёкин у адабий соҳада тез

бузилиш томон йўл олди... Сотти Ҳусайн Миртемирнинг биринчи ҳасари – “Шуълалар қўйнила” деган китобига сўзбошида у “биз пролетар шоири Миртемирга “пролетар шоири” лақабини бошлаб унга тақамиз”, деб Миртемирнинг пешонасига сиёсатсиз печать уради... Миртемир хотин-қизларни хотин-қиз бўлганлиги учун мақтаб, “комсомол билетли” “Лайли-Мажнунлар” туғдирив, порнография моментларига шеърдан жой берди... Миртемир... Символист, идеалист, майда буржуазиянинг ўзгинаси бўлди. Агар Миртемирнинг бир кулоқ-помешчик боласи бўлиши, унинг бир вақтлар аксилинқилобчилар уяси бўлган Тошкент ўлка билим юргида тарбияланишини эслагансиз, Миртемирнинг шундай бўлганлигига шубҳа қилмайсиз...”

Бу сўзлар бирор далилсиз бўлмаслиги учун танқидчи Миртемир шеърларини титкилаб, улардан фоясиз, маслаксиз сатрларни топмоқчи бўлган. Куйидаги уч мисра эса унга йўқсиллар адабиёти руҳига тамомила зид парча бўлиб туюлган:

*Тун қоронғу,
Кўкда юлдуз нурсиз.
Ерда сукут...*

“Мана бу сатрларни “пролетар шоири” ёзади, – деб ҳайқиради “танқидчи”, – Минг-миллион ишчи-дехқон ёшлари янги южтимоий дунё куриш учун жонбозлик кўрсатиб курашаётган бир пайтда “қоронғу тун”, “нурсиз юлдуз” кўради шоир”.

Миртемир ижодидан бошқа сиёсий нуқсонларни топа олмаган “танқидчи” энди шоирнинг шахсий ҳаётидан кир ахтаради, “аксилинқилобчи шоир” Чўлпоннинг Миртемир ижодига кўрсатган таъсирини тасдиқловчи фактларни “топиб”, дафъатан кувониб кетади. “Шоир, – деб давом этади у, – шахсий ҳаётида ҳам артистларга ошиқ бўлиб, йиглаб хатлар ёзиб боришларини, 700 сўмлаб қалин тақдим қилишларини ёзиб, сўзни чўэмадик...”

“Танқид тарихи”да Қосим Бобоевнинг Ҳамил Олимжон ва Миртемир шеърларини саводсизларча таҳлия қилганлиги тўғри қайд этилган. Аммо “танқидчи”нинг шоир шахсий ҳаётига ҳаёсизларча назар ташлаб, унинг бўлажак рафиқаси билан муносабатларини кент жамоатчилик эътиборига олиб чиққанини қандай баҳолаш керак?

Кейинги сатрлар “танқидчи”нинг асл нияти ёш шоир исходини танқидий назардан ўтказиш эмас, балки ГПУ (Давлат сиёсий бошқармаси)нинг хуфялари кезиб юрган бир замонда улар эътиборини шу “ниқобсиз шоир”га қаратиш эканидан шаҳодат беради. “Энди “Қизил қалам”нинг ичкарисидаги қора пардани очайлик, — деб ёзди у, — ...аксилинқилобий миллатчилар “Қизил қалам” жамиятининг тепасига миниб, ...котиб қилиб муштумзур боласи Миртемирни торғилар. [Миртемир] Чўлпоннинг аксилинқилобий шеърларидан ўзининг “Кува қўйнида” деган очеркида (‘Фарғона’ газетасида) парчалар олган. Уни ҳалқ ашулаларидан деб ўқувчиларни алдаган, батракларнинг онгизлигидан кулган...”

Бундай айблар бирор ҳаётий асосга эга бўлмаганига қарамай, фақат 1937 йилда эмас, балки 30-йилларнинг бошларида ҳам ҳоҳлаган ёзувчини занжирбанд қилиш учун етарли эди. Буни яхши тушунган Сотти Ҳусайн “Курилиш” журналининг 1931 йилдаги 1-2-қўшма сонида “Адабий танқидда партия чизигини маҳкам ўтказув учун” деган мақола билан чиқиб, ёш шоирни ҳимоя қилмоқчи бўлди. Аммо Анқабой исмли бошқа бир танқидчи шу журналнинг кейинги сонида “Ўзбек пролетар ёзувчиларининг ижодий юзи” сарлавҳали мақоласини чоп этиб, Миртемирни фош этувчи янги “далил”ларни жамоатчилик эътиборига ҳавола қилди:

“Миртемир масаласига келайлик: унинг ёшида, ижодиётида, баъзи бир масалаларда кўп вақт намойишкорона ишларни кўрамиз. Ҳар бир масалани намойиш этиб, юзаки тасвир қилиш — буни биз намойиш, деймиз. Шунинг билан бирга ўзининг айрим асарларида биздан узоқлашиш ҳоллари унда буржуазия ёзувчиларининг, хусусан Чўлпоннинг катта таъсири борлигини кўрсатади.

Ҳатто Миртемирда ҳозиргача майда буржуазиянинг кайфияти зўрлиги ҳукм суриб келади. Унинг “Зафар” шеърлар тўпламида мафкура ва шакл жиҳатидан зарарли бўлган кўп нарсаларни кўрамиз.

Миртемир ўзининг “Кетдим” (“Таътилга”) деган шеъриша ёзди:

*Бойқушлар сайраган бузгун ерга
Гул сочиш умиди қайнар менда.
Ёвузлар сайраган қуруқ чўлга
Жон сувин селишга тайрат менда!*

Мана шунинг ўзи курсатиб турадирким, Миртемир шаҳарда ўқиб юриб, қишлоқда гаътилга чиқиш муносабати билан шўро қишлоғини қандай “бузгун”, унда “ёвузлар сайдайди”, дейди... Миртемирда хусусан муштумзўлар куйини куйлаш кучлидир. Яна Миртемир ўзининг “Қишлоқ” деган шеърида бундай дейди:

*Кенг, озод қучогинг юратди мени,
Кирлаган кўнгалини очдим, қувондим.
Хувилаб юргурган насиҳ паллада
“Ғамлар”ни поёнсиз қирларга қувдим.*

Бунда ҳам Миртемир очиқдан-очиқ қишлоқдаги синфий курашни кўрмайди. Шунинг учун ҳам ўзининг шаҳарда эканлигига “ғамлар”га дучор бўлганилигидан доддлайди. Чунки унинг шаҳарда юрганида қишлоқда синфий курашлар қизиди. Муштумзўларни синф бўлиб яшови ёппасига колективлаштириш асосида тутатилаётир. Хусусан, бундан 2-3 йил бурун ер ислоҳоти ўтказилгандан сўнг, қишлоқда катта ер эгаларининг ерлари қирқилиб, ерсиз ва кам ерлиларга берилиши Миртемирларни ҳақиқатан ҳам “ғамлар”га ҷуширди”.

Муштариylар Анқабойнинг бундай сиёсий ҳушёрлик анқиб турган мақоласини “ҳазэм қилиб” улгурмасларидан Йўқсил ёзувчилар уюшмаси ўз журналида яна Миртемир ва унинг ижодини тафтиш этувчи Қосим Бобоевнинг “Марксизм методологияси никоби остида ўнг оппортунизм” (“Курилиш”, 1931, 4-сон) деган мақоласини эълон қилди. “Миртемиршунос” мунаққид бу мақоласида ёш шоирнинг “турмушда бузилгани” ва “аксилинқилобчилар билан сирдош бўлиб туриб, бирга ишлаб туриб, улар тўғрисида бир оғиз кўлга олурлик фактни сезмагани”, яъни яширганини, янги “Қайнашлар” номли шеърлар тўпламида эса, “социализм қурилишининг фаол шоири эмас, балки тилсиз тошлар, чаман боғлар, мағрут тоғлар шоири бўлиб ўсаётгани”ни сиёсий калтабинлик сифатида баҳолади.

Бундай адабий-танқидий мақолалардаги саводсизлик, бадний ижод табиатини мутлақо билмаслик, очиқдан-очиқ тухмат қилиш ўша йилларда адабиёт бўstonига тепиб-янчиб кириб келаётган вулыгар социологик танқиднинг севимли куроли эди. Афсуски, шу оқимга мансуб “танқидчи”лар учун маъ-

но ва мантиқ, ҳалоллик ва холислик, виждон ва эътиқод сингари тушунчалар янги даврнинг гоявий-мафкуравий талаблари соясида унутилиб бораётган эди.

Ўша даврда сиёсий идоралар учун ҳам, Миртемир ижоди бўйича мунозарага киришган унсурлар учун ҳам дадил айтилган тұхмат ийманиб айтилган ҳақиқатдан юз чандон кучли эди. Шунинг учун ҳам Сотти Ҳусайннинг ҳимоя сўзлари вулыгар танқилчиларнинг кулоқтешар шовқинлари фонида эшигитилмай қолди.

Қора булутлар

Шундай қилиб, Миртемир ўн тўққиз-Йигирма ёшларидаёқ бу дунёдаги энг буюк мавжудот – Инсоннинг бунёдкорлик фазилатини ҳам, “бузиш, ахтариш ва ағдариш”дан иборат ҳунарини ҳам ўз ҳаёти мисолида кўра бошлади. У шоир сифатида кундан-кунга ўсиб, истеъоди ғунчалари фаслдан-фаслга чаман бўлиб очилиб бораётганига қарамай, тирикчилик учун, майшин ҳаётининг равон изга тушиб олиши учун бошқа бир соҳани танлаш зарурлигини сезди.

Шу нарса гаройибки, Миртемир “Ўз тўғримда уч-тўрт оғиз...” деган таржимаи ҳолида ҳам, бошқа автобиографик лавҳаларида ҳам ҳаётининг 1929 йили Самарқандга келгунига қадар бўлган даврини завқ-шавқ билан тилга олгуну, ундан кейинги ҳаёти писсалоятаридан сакраб-сакраб ўтган. Унинг ҳатто 1929 йили Самарқанддаги педакадемияга кетдим, деган сўзларида ҳам тутал фикр йўқ. Ушбу сатрлар муаллифи қўлидаги хужжатлар орасида Миртемирнинг “Меҳнат дафтарчаси”дан кўчирма ҳам бўлиб, ундан дафтарча эгасининг 1929 йил 1 марта 1937 йил 7 декабрга қадар қаерларда ўқигану қаерларда хизмат қилгани тўғрисида аниқ маълумотни топиш мумкин. Шу кўчирмадан маълум бўлишича, Миртемир 1929 йил 1 сентябрда, ўз аризасига кўра, Ўзбекистон Марказий Ижроия Комитети раисининг ёрдамчиси лавозимиidan озод бўлиб, шу куннинг ўзидаёқ педакадемияга ўқишига киради. 1931 йил 15 июлда эса у Самарқанддаги агро-колхоз институтининг ижтимоий-иктисодий факультетида ассистент бўлиб хизмат қила бошлайди.

Самарқанд давлат университети тарихидан шу нарса маълумки, мазкур университет дастлаб “Олий педагогика инсти-

тути" номи билан 1927 йил 22 январда ташкил топган. Ўқиш тўрт йиллик бўлған ва талабалар дорилғунуннинг физика-математика, табииёт-география ва ижтимоий-иктисод бўлим (факультет)ларида таҳсил олганлар. 1929 йили институт қошида ишчилар факультети ташкил этилган. 1930 йил 22 январда эса институт Ўзбекистон педагогика академиясига айлантирилган. Миртемир 1929 йил 1 сентябрда Олий педагогика институтига ўқишга киргани учун мазкур институт бир йилдан сўнг педакадемияга айлантирилганлиги сабабли шу ўкув даргоҳида ўқиган бўлиб чиқади. Аммо нима учундир педакадемия талабасининг, юқорида қайд этилганидек, 1931 йил 15 июлдан бошлаб агро-колхоз институтида хизмат қила бошлагани сабаблари каминага аниқ маълум эмас.

Лекин шу воқеадан бир йил аввал, 1930 йилнинг 29 июнидан эътиборан республика Маориф ҳалқ комиссарлигининг ўнлаб ходимлари, шу жумладан, Боту билан Олтой ҳам қамоқца олинган. ГПУ томонидан муёйян мақсад ва режа асосида ишлаб чиқилган бу сиёсий кампанияда миллатнинг "гул"лари бўлмиш маориф ходимлари ҳибсга олиниб, Москвадаги даҳшатли қамоқхоналардан бирига олиб бориб ташланган. Улар билан яқин муносабатда бўлган кишилар бошига бало тошлари ёғдирилган. Миртемир ҳам Боту ва Олтой сингари "ҳалқ душманлари"нинг "дум"и сифатида айбланиб, педакадемиядан ҳайдалган ёки ўз хоҳиши билан кетишга мажбур бўлган бўлса ажаб эмас.

Бизга шу нарса маълумки, адабиёт олами сиёсий кураш майдони эканлигини ўз кўзи билан кўрган ва ўз бошидан ўтказган Миртемир руҳий тушкунлик соатларида бу бевафо оламни тарқ этишга қарор қиради. Аммо срадан бир мунча вақт ўтиб, "қама-қама"ю "миш-миш"лар тўлқини ҳийла тингач, шоир агро-колхоз институтига ишга киради ва айни пайтда мазкур ўкув юргининг сиртқи бўлимида таҳсил кўриб, уни 1932 йил 15 апрелда тутагди.

Хуллас, куни кеча ўз шеърлари билан педакадемиянинг катта залини титратган Миртемир замона зайлар билан шу ўкув даргоҳини эмас, балки агро-колхоз институтини тутатиб, пахтакор-агроном ихтисослигини эгаллагани ҳақида шаҳодатнома олди. "Охунбобоев номидаги Ўзбек Давлат агро-колхоз институти" томонидан берилган ва институт директори Бурҳонов, илмий мудир Одоевский, бўлим мудири Полешчук ва котиб

Хайтov имзолаган 527-рақамли “Шәҳодатнома”да қуйидаги сўзлар ёзилган эди:

“Ушбуни курсатувчи ўртоқ ТУРСУНОВ МИР ТЕМИР экстернат тартибida Ўз. Дав. агро-колхоз институтининг ПАХТАЧИЛИК бўлимида ўтила турган бутун курс юзасидан имтиҳон берди.

Ўртоқ ТУРСУНОВ МИР ТЕМИР қуйидаги фанлардан имтиҳон тутди:

- I. Ижтимоий-иқтисодий фанлар.
- II. Ташкилий-иқтисодий фанлар.
- III. Умумий-техникий фанлар.
- IV. Ихтисосий-техникий фанлар.
 1. Тупроқ илми.
 2. Умумий ер ишлари.
 3. Пахтачилик.
 4. Хусусий ер ишлари.
 5. К/х машинаси.
 6. Трактор.
 7. К/х ботаникаси

Ўртоқ ТУРСУНОВга АГРОНОМ ПАХТАКОР воми берилди”.

Ҳаётга мовий ойна оша боқиб, ундаги гўзаликнинг камалак рангларини кўриб завқланган ва гўзаликни жўшиб куйлаётган шоир, кутилмагандек, тоғнинг баланд чўққиларидан қоқилиб-йиқилиб тушгандек бўлди... Хўш, энди у нима қилсин? Ийқонга қайтиб бориб, пахтакор-агроном бўлиб ишласинми? Агар шундай қиласай деса, ийқонликлар на пахта экишини билишали, на Ийқонда пахта экиш учун сув бор... Аро йўлда қолган шоир Самарқанддаги агро-колхоз ва хомашё институтларида ижтимоий фанлардан дарс бера бошлийди.

У турли ноxуш хаёллар билан юрганида, Самарқандда бири таҳсил кўраётган, иккинчиси муаллимлик қилаётган туркистонлик юртдошларини учратиб қолди. Ҳамишҳар ҳамشاҳарнинг гапини ҳам, ҳол-аҳволини ҳам яхши тушунади. Бирининг гапи иккинчисига малоллик қilmайди. Бир-икки кўришиб, дэвра қурганларидан сўнг, бир заминда туғилиб ўсан кишилар, худди бир онадан дунёга келган болалардек, опокчапоқ бўлиб кетишади...

Сулаймон Амиров – 1907 йили Туркистон шаҳрининг Карноқ қишлоғида туғилган йигит. Қишлоқдаги иқтисодий ҳаёт оғир бўлгани сабабли, у 1924 йил августидан Самарқандга келиб, совет-партия мактабига ўқишга кирган. Уни тутатиб, Булунғур тумани Жомбой қишлоғидаги мактабда муаллимлик қилган. Сўнг Қозон шаҳрига бориб, таълим-тарбия техникумда ўқиган. Яна Самарқандга қайтиб, 1930-1931 йилларда қиллоқ хўжалиги техникумидаги ўзбек тили ва адабиётидан дарс берган.

У 1924-1925 йилларда Самарқандда таҳсил кўрган йилларида булунғурлик Олимбек Қодиров билан танишган эди. Олимбек Қодиров Бокуга ўқишга кетганида, у билан ҳат орқали алоқада бўлган, ҳатто Қозонга ҳам шу қадрдони билан бирга борган эди.

Олимбекнинг Ҳамид Қодиров деган иниси бўлиб, у 1908 йилда Булунғурнинг Татар қишлоғида туғилган акасидан 4 ёш кичик бўлиб, гидротехникумда муаллимлик қиласади.

Ниҳоят, Сулаймон Амировнинг даврасида Муҳаммаджон Собиров билан Баҳром Иброҳимовлар ҳам бўлишган. Улар қарноқлик содда ва самимий йигитга ўзларини яқин тутиб, инсон зотига айтмаган сирларини унга раво кўришган. Сулаймон Амиров шундай беғубор дўстларни топганидан боши кўкка етиб, ўз навбатида, Миртемирни ҳам улар билан таништириб, унинг мусоғирлик ҳаётига нашъу-намо бағишли-моқчи бўлган.

Шундай қилиб, Самарқандда бирор қадрдони бўлмаган Миртемир Сулаймон Амировнинг ёр-биродарлари билан бир неча бор учрашиб, дилидаги губорни тарқата бошлади.

Боту ва Олтой қамоқца олинганидан сўнг, барча идора ва муассасаларда йиғилишлар ташкил этилиб, шу идора ва муассасаларнинг ходимлари “қил кўприк”дан ўтказилаётган кунлар эди. Юқорида номи тилга олинган кимсалардан бири (унинг номини X (икс) деяйлик) кунларнинг бирида Миртемирни меҳмонга таклиф этди. Миртемир X.нинг уйига борганида, уй таниш ва нотаниш меҳмонлар билан гавжум эди. Улар “жаннат обизамзами”ни ичиб олиб, фақат бир мавзуда – Боту бошлиқ Маориф ҳалқ комиссарлиги ходимларининг қамалганлиги ҳақида сұхбатлашардилар. (ўша кезларда ҳамма давраларда фақат шу масала сұхбат мавзуи бўлган.)

Миртемир ҳали бўйдоқ бўлгани ва тун яримлаб қолгани учун X.нинг таклифи билан унинг уйқда тунаб қолди. Миртемир шу куннинг эртасига X.нинг раъйига қараб, “бош оғриғи”ни босиб, у билан гурунглашиб ўтирди. X. оқшом пайтида зарурат юзасидан эшикка чиқмоқчи бўлиб, устидаги костюмини ечди-да, стул елкасига илди. У эшикка чиққанида костюмининг ички чўнтағидаги учи чиқиб турган бир даста қоғоз Миртемирнинг эътиборини тортди. X. шоир-поир бўлмаса, нималарни ёзган экан, деган қизиқиш уни тинч қўймади. У қоғозларни олиб, назар ташлаши билан уларнинг ГПУга ёзилган хуфянома эканлигини билди ва турли исм-шарифлар орасида ўзининг ҳам исмини кўриб қолди. У ўзининг ГПУ ходимлари ва айғоқчилари томонидан ҳамон кузатилаётгани ва шу кузатётгандар орасида ишонган кишилари ҳам борлигини кўриб, даҳшатта тушди.

Эшикка чиққан X. шу заҳоти хонага ютуриб кириб, Миртемирнинг маҳфий қоғозларни ўқиётганини кўриб, талвасага тушди. Сўнгра Миртемирдан қўлидаги қоғозларни беришни сўради ва у ҳақда ГПУга бошқа ёзмаслигини айтиб, ялиниб-ёлборди. Миртемир қўлидаги қоғозларни унинг юзига отиб, туркистончасига сўка-сўка чиқиб кетди.

X. кейинчалик ўзини оппоқ қилиб кўрсатишга қанчалик уринмасин, Миртемир унинг кимлигини билган ва боши узра тўпланган булутларнинг ҳали-вери тарқалмаслигига амин бўлган эди.

Учинчи фасл

ТАКДИР СЎҚМОҚЛАРИ

*Дарё эдим,
Замонларнинг зайди билан сой бўлганман,
Расо эдим,
Нодонларнинг майли билан ёй бўлганман.
Миртемир.*

Ушалтаг орзу

Самарқанд ўзбек диёрининг пойтакти бўлган ўша йилларда нафақат давлат арбоблари, балки аксар адабиёт ва санъат на-мояндлари ҳам шу табаррук заминга кўчиб келган эдилар. Шулар орасида машхур халқ ҳофизи Қори Ёқубов ҳам бўлган. У 20-йилларнинг ўрталарида республика шаҳар ва қишлоқла-рини кезиб, халқ орасидан етишиб чиқкан истеъод соҳиб ва соҳибаларини тўплаб, 1926 йилда биринчи этнографик ансам-блни тузган, 1929 йилда эса шу ансамблъ заминида биринчи ўзбек мусиқали драма театрини ташкил этган эди. Аёнки, те-атр шу даврда Самарқандда ўз фаолиятини бошлаб, кўплаб спектакллар ва концертларни намойиш этиб, томошабинлар-нинг олқиши ва таҳсилларига сазовор бўлган.

Ўзбек қизларининг тарихда биринчи марта саҳнага чиқиб, ҳәзир либосларда ёш ва гўзал баданларини ҳаракатта келти-риб, рақс тушишларига ёки қўнгироқ овозлари билан булбу-лигўё бўлиб аштула айтишларига ўша йилларда унча-мунча йи-гитлар дош беришмаган. Нафақат муҳаббат ёшига тўлган алпқ-омат йигитлар, балки беллари дол бўлиб қолган чоллар ҳам улар санъатини томоша қилиб, ичларида зил кетиб ўтирганлар. Шу вақтгача бегона эркак зотининг қўзига на оптоқ билакла-ри, на “Тановар”га йўргалаб оққуш янглиғ латиф сузишлари кўринтан қизларнинг театр саҳнасида муқом қилишлари улар-га олам-олам завқ-шавқ бағишлигар. Барча мумтоз шоирлар-нинг бу дунёдан ёрниниг илоҳий гўзаллигини куйлаб-ёниб ўтганлари бежиз эмаслиги шу вақтда, айниқса, равшан бўлди. Энди ёш шоирларнинг ўзлари ҳаётда Тоҳир, Фарҳод ва Маж-нун ролларини ўйнай бошладилар. Комил Яшин ўзбек халқи-

нинг булбули Ҳалима Носированинг шайдоси бўлди. Насрулло Охундий “Лазги” рақсининг бекиёс ижро чиларидан бири Розия Каримованинг оташин ҳафакатларига ошику бекарор бўлиб қолди. Миртемир эса фарғоналик жонон Ҳалима Раҳимовани саҳнада кўрганида ҳам, Самарқанд кўчаларида учратиб қолганида ҳам эс-хушини йўқотиб қўядиган бўлди. Уларниң ҳар бири ўз мақсадига эришиш учун мардона курашди. Яшин Ҳалимахонимга уйланиб, баҳтли ҳаёт кечира бошлади. Насрулло Охундий Розияхоним билан турмуш қуриб, мурод мақсадига етди. Фақат Ҳалима Раҳимова Миртемирнинг қалб розларига узоқ вақтларгача қулоқ солмай юрди. Ниҳоят, Ҳалимахон Миртемир республика раҳбарларидан бирининг ёнида юра бошлаганини, самарқандлик ёшлар оғиздан унинг номи ва шеърлари тушмайтганини кўрганидан сўнгтина унга қайрилиб қарайдиган бўлди.

Хуллас, 1931 йилнинг апрель-май ойларида Миртемир билан Ҳалимахоннинг никоҳ тўйи бўлиб ўтди. Шу пайтгача на куёв тўранинг, на келин пошшанинг Самарқандда бошпанаси бор эди. Шу сабабли тўй Уста Олим Комиловнинг Эски шаҳардаги ҳовлисида ўтказилди. Миртемир ҳаётининг бу энг баҳтли кунида нафақат Уста Олимнинг чилдирмаси, балки Тамараҳонимнинг лапарларию Ҳалимахонимнинг мумтоз ашулалари янгради; ўнлаб раққосалар хиром айлашлари билан йигилган меҳмонлар қалбига завқ эмас, балки парча-парча олов ташладилар.

Хуллас, минг хил яхши-ёмон хаёллар гирдобида қолган Миртемир баҳт ва саодат соҳилларига сузиб чиқиб, ниҳоят, ширин орзуларига эришди.

Тўй ўтиши билан республика раҳбарларидан бири Йўлдош Охунбобоев Янги шаҳардаги уйини келин билан куёвга тўёна сифатида қолдириб, ўзи оиласи билан Тошкентта кўчиб кетди. Миртемир билан Ҳалимахон бир катта, бир кичик хона ва айвондан иборат уйда истиқомат қила бошладилар. Миртемир уйтижойли бўлиши биланоқ Ийқондан онаси Моҳирўй, синглиси Маҳфузга ва иниси Мирсаидни олдириб келди. У илк бор бағри бутун бўлиб, бу дунёга келгани ва баҳтли тақдирга мусассар бўлганига шукроналар айтиб, яшай бошлади. 1932 йил 15 январь куни шу ерда, Самарқандда уларниң биринчи фарзанди дунёга келди. Бу баҳт кошонасининг яна бир олтин зинаси эди. Миртемир рафиқаси билан маслаҳатлашиб, “ҳолва”га ўша йиллардаги машҳур исмлардан бири Клара номини берди.

“Биз Миртемир оиласи билан, — деган эди Ҳалима Раҳимова камина билан сұхбати өткіза, — ақыл ва тотув яшардик. Үйимизда севги ва ўзаро хурмат хукмрон эди. Миртемир мени астайдил хурмат қиласа менга бағишилаб жүшиб шеърлар ёзар эди...”

Мудҳис кун

Бу дунёning бир камлиги шунда ҳам намоён бұладики, Тоҳиру Зухролар, Фарҳоду Шириналар тушган муҳаббат кемаси камдан-кам ҳоллардагина турли гирдоблар оша үтиб, саодат соҳилига омон-эсон етиб келади. Умуман, одамзод Аллоҳ берган умри мобайнида омонат яшайди. Миртемир эриштан бағт ҳам бир порлаб ўчувчи фоний баҳтлардан бири эди.

1932 йил 7 август куни кечаси соат 1 да Самарқанд шаҳрининг Ўзбекистон күчасидаги Миртемир яшаган 14-үйга ГПУ ходимлари бостириб келишди. Шу вақтда шоирнинг онаси Моҳирўй ая әллик ёшга тұлиб, ёлғиз ўғлиниң Самарқандек муazzам шаҳарда яшаб ишлаётгани, шеърлари газета ва журналларда изма-из босилиб, әл-юрга тобора танилиб бораётгани, Фарғонанинг соҳибжамол қызларидан бирига уйланиб, түйида ўзбек халқининг энг машхур шоири ёзувчилари, созандою хонандалари, париваш раққосалари қатнаштанини күриб, боши осмонга етган ва Аллоҳға минг бор шукроналар айтиб яшаётган эди. Шундай ажойиб ўзгаришлардан рұхланған она бошига шапка кийиб, құлига мильтиқ ушлаган кимсаларнинг ярим кечада, ҳамма ухлаб ётган пайтда дүкпүписалар билан кириб келишини күриб, довдирағ қолди. Энди 9 ёшга қадам қўйган Маҳфузә ҳали уйғониб улгурмагани учун нима бўлаётганини илғашга ожиз эди. 15 ёшли Мирсаид эса аясининг пинжига кириб йиғлар, 19 ёшли Ҳалимакон шовқин-тўполондан чўчиб уйғониб кетган 7 ойлик гўдагига кўкрак тутиб, овутиш билан банд, Миртемир эса бошига гурзи тушган кишидек кичрайиб, бир бурда бўлиб қолган эди.

ГПУ ходимлари иккни-уч соат тинтуб үтказиб, ҳаммаёқни алғов-далғов қылғанларидан сўнг шоирнинг қўлларини боғлаб олиб кетдилар.

Орадан бир неча кун ўтгандан кейин Миртемир қамоқхонада берилган имкониятдан фойдаланиб, умрида биринчи марта

“Эсдаликлар” деб номланган кундалик саҳифаларига титроқ кўли бидан қўйидаги сўзларни ёзди:

“1932 йилнинг 7 августи кечаси соат 1 да сиёсий идора томонидан қамоққа олиндим. Ўйда онам, синглим, иним, ўртогим ва қизалогим қолди. Ўзим ҳеч нарса сезмасдан кетдим”.

“Ўша мудҳиш кун, – деб эслаган эди Ҳалима Раҳимова, – кечаси бевақт уйимизга кириб келган кишилар ҳаммаёқни кавлаштириб, Миртемирнинг китоб ва қўлёзмаларини олиб кетмоқчи бўлдилар. Шунда Миртемирнинг жаҳти чиқиб, бу қўлёзмалар орасида менга бағишлиган шеърлар ҳам борлигини, уларни менга қолдиришлари лозимлигини айтди. Лекин улар бунга парво ҳам қўлмадилар. Шоирнинг китоб ва қўлёзмаларини ҳафсала билан тўпладилар-да, чойшабга ўраб, ўзлари билан бирга олиб кетдилар.

Миртемир ўзининг заррача ҳам айби йўқлигини айтиб, унинг соғлигига ишонишимни сўради ва тезда қайтиб келишига ишонч билан чиқиб кетди...”

Самарқанд ертўласида

Миртемирнинг яқун орада қайтиб келиши ширин хаёлларнинг хом меваси эди.

ГПУ Боту бошчилигидаги маориф ходимларини қамоққа олиш билангина кифояланмай, уларнинг ҳар биридан ё алдов, ё қийноқ йўли билан эркинликда юрган ёш ва Кекса зиёлиларни бадном қилувчи маълумотларни ҳам олган эди.

Боту ва Олтойларга тақдирдош бўлган маориф ходимларидан бири Ботир Фуломовнинг 1932 йил 23 февраль куни ёзган аризасида, жумладан, бундай сатрлар бўлган: “Орадан 45 кун ўтганидан кейин Гопштейн (ГПУ терговчиси – Н.К.) менга машинкада ёзилган қофозни ўқиб берди. Унда: “Адабий кеча” яширин тўгараги ва “Қизил қалам” (жамияти)да иштирок этгани учун 67-модда бўйича айбланади”, деган сўзлар ёзилган эди. Мен “Адабий кеча”нинг яширин тўгарак бўлмагани, “Қизил қалам”нинг эса партия комитети қошидаги ёзувчиларнинг расмий органи эканлигини айтиб, терговчи берган қофозда: “Мен яширин ташкилотда қатнашганиман”. деган сўзлар ёзилгани учун унга имзо чекмаслигимни айтдим. Гопштейн: “Ҳамид Олимжон, Миртемир Турсунов ва Обид

(Ҳамидов – Н.К.) ҳам ҳибсга олинган. Шундай кўрсатма бе-риб, имзо чекишгани учун уларни қўйиб юбордиқ. Агар сен ҳам имзо чексанг, қўйиб юборамиз. Акс ҳолда сен шу якка-хонада чириб-сасиб кетасан”, деди. Мен имзо чекдим...”

Терговчилар шундай маккорона йўллар билан қамоққа олинган маҳбуслардан эркинликда юрган ҳамкасларининг ижти-моий фаолиятига доир маълумотларни олишаётган эди.

Ботунинг тақдирдошларидан яна бири (унинг номини Z (зет) деб атайдик) 1930 йил 6 август куни терговчига бундай маълумотни берган эди: “Мен Носир Саидов ва бошқаларнинг топшириғи билан икки ёш шоир – Ҳамид Олимжон билан Миртемирни (аксилинқилобий ташкилот назарда тутилмоқда – Н.К.) ёллаганман... Шундан кейин Миртемир Турсунов бизнинг баззи бир топшириқларимизни бажарган”.

11 августда яна шу маҳбус: “Қизил қалам”нинг республика кенгashi айни пайтда ташкилотимизнинг ҳам кенгashi бўлиши учун округларни ўзаро тақсимлаб олган эдик. Мен Тошкентни, Боту Самарқандни, Миртемир Турсунов билан Ҳамид Олимжон эса Фарғона билан Андижонни олишган эдик. Бизнинг вазифамиз ёшларни ўз ташкилотимизга ёллаш бўлган...”

29 декабрда бўлиб ўтган тергов пайтида эса у яна бундай “маълумот”ни берган: “Адабий кечা” ва “Адабий ўлтириш” деган гуруҳлар тузилган эди. Миртемир, Ҳамид Олимжон, Жабборов, Ботир Ғуломов, Абдулла Раҳимов ва бошқалар шу гуруҳнинг аъзолари эди. Гуруҳ вақтинча тарқалиб, орадан бир оз вақт утгач, 1930 йилда Боту, Носир Саидов ва бошқалар иштирокида яна тўплана бошлаган”.

* * *

Терговчи, қабул қилинган таомилга кўра, маҳбус Миртемир Турсуновни тергов қилишдан аввал маориф ходимларининг у ҳақида берган шундай маълумотлари билан яна бир бор танишиб чиқди. Ниҳоят, 1932 йил 16 августда, орадан тўққиз кун ўтгач, маҳбусни биринчи марта сўроққа чақириди.

Терговчи, ГПУ тизимида жорий этилган тартиб бўйича, дастлаб маҳбуснинг шахсий ҳаётига оид саволлар берди. Бу саволларга берилган жавоблар маҳбус ҳаётининг биз учун но-маълум саҳифаларига муайян даражада ойдинлик киритади. Чунончи, маълум бўлишича, Миртемирнинг отаси шу машъ-

ум воқеадан бир неча йил аввал “қулоқ” қилинган, фарзанди қамоққа олингаң кезларда эса маҳбуслик либосини кийиб, қаерлардадир жазо муддатини ўтаётган экан. Иниси Мирсаид Самарқанддаги индустрия техникумида, синглиси Маҳфузә эса таълим ва тарбия билим юргида таҳсил олаётган эканлар.

Терговчи маҳбуснинг шахсий ҳәти тўғрисида мукаммал тасаввур ҳосил қилгач, асл муддаога утиб, у билган ва билмаган кишилар түғрисида маълумот беришни талаб қилди.

Миртемир эркинликда юрган кезларида ҳамشاҳари Сулаймон Амироннинг ҳибсга олинганини эшитган, аммо бу даҳшатли воқеадан ларзага тушган бўлса-да, ўзининг туркистонлик ёшлар учун ташланган қармоққа илинажагини хаёлига ҳам келтирмаган эди.

Сулаймон Амирсв ГПУ ертёласига келтирилгач, шўро давлати посbonлари 1932 йил 12 июль куни ундан ўзининг мафкуравий оғишларию ёр-дўстлари тўғрисида маълумот беришни сўрашган. Бу соддадил инсон эса ўша кезларда Самарқандда истиқомат қилаётган Муҳаммаджон Собиров, Баҳром Иброҳимов (Йўқсил), Суннатулла Муқимов, Олимбек ва Ҳамил Қодировларни ёр-дўстлари сифатида тилга олиб, уларга ижобий “тавсифномалар” берган. Аммо ГПУ ходимлари Миртемир билан бир кунда Олимбек ва Ҳаким Қодировга қўшиб, улар биродари Ҳаким Қодиров билан мулла Раҳмонқул Жумақуловни ҳам қамоққа олишган.

Миртемир терговчининг саволларига жавоб берар экан, у тилга олган Олимбек ва Ҳамил Қодировлар билан бор-йўғи 2-3 марта учрашгани, Ҳаким Қодиров, мулла Раҳмонқул Жумақулов ва Салоҳиддин Очиловни умуман билмаслигини, Фулом Зафарийни фақат ёзувчи сифатида билган бўлса-да, у билан мутлақо учрашмаганини айтди. Фақат Сулаймон Амиронни 1931 йилдан бошлиб билиши ва у билан тез-тез кўришиб турганини эътироф этди.

Шундай қилиб, Миртемир ҳибсга олинган маҳбуслардан фақат Сулаймон Амиронни яхши билар, Сулаймон Амироп ҳам, ўз навбатида, Самарқандда яшаётган бошқа ҳамшаҳарлари қатори, Миртемир билан яхши алоқада эди.

Шунинг учун терговчи С.Амироннинг Миртемир ва бошқа ҳамшаҳарлари ҳақидағи фикрларини билишта ошиқди. Ўша йилнинг 19 ноябрида С.Амироп терговчининг саволларига рус тилида бундай ёзма жавоблар беради:

“1) Менинг олдимга қуийдагилар келишар эди: Миртемир Турсунов, Мұстаев (үқитувчи), Турумбетов, Сафар Арзуматов ва Халил Раҳматов.

Менга айниқса яқини ҳамشاҳарим Миртемир Турсуновдир. У менинг олдимга келганига қараганда, мен унинг ҳузурига күпроқ борар эдим.

Миртемир Турсунов сұхбат чөөларыда 1927-28 йилларда Боту, Рамзийларнинг кучли таъсирида бўлганини бир неча бор айтган. Унинг Боту, Рамзий билан ўзаро муносабатлари қандай бўлгани менга маълум эмас. У рус тилини яхши эгаллаган, Безименский шеърларини ёл ўқир эди. Миртемирнинг баъзи асарларини Боту, Рамзий таъсирида ёзгани ҳақидаги гаилари ни истисно қылсак, мен унинг бирор аксилинқилсабий-миллатчилик руҳида сўзлаганини кўрмаганман.

Турсунов бизнинг “тап”ларимизда қатнашмаган. Бизнинг гуруҳимизга кирмаган. У мағрур бўлганлиги учун мен уни биз юштирган зиёфатларга таклиф этмаганман, у таклиф этганимда ҳам келмаган бўларди. Турсуновни Баҳром Иброҳимов билан Муҳаммаджон Собиров ҳам билишади, аммо улар ўтасидаги муносабат яхши эмас эди. Бунинг сабабини билмайман. Мени Турсунов билан, адашмасам, Шоаҳмедов 1930 йилда таништирган. Юқорида қайд этилган бошқа шахслар билан менинг ўргамда эътиборга молик бирор гап-сўз бўлмаган”.

30-йиллар аввалидаги сиёсий қатагоннинг бошқа қирғоғида турган кимсалардан бири (юқорида унинг номини X. деб тиғіга олган эдик) тергов пайтида Миртемир тұгрисида бундай кўргазмани берган:

“...Миртемир – Ботунинг шогирди. У шу миллатчилар билан бир қозонда қайнаб, бир ариқдан сув ичган. У Собир Қодир(ов)нинг ҳибсга олинганини эшишиб, жуда қўрқиб кетган. Ботуни сотди, деб дўсти Ҳамид Олимжонга маломат тошларини отиб, ўзининг ҳибсга олинишини кутарди. Унинг айтишича, Охунбобоевнинг шахсий котиби бўлиб ишлашига Боту тавсия берган... “Мен Охунбобоевнинг аксар мақолаларини ёзардим. Боту эса уларни таҳrir қиласарди”, дер эди у.

Миртемир бир пайтлар Амиров, Иса Аҳмедов, Муқимовлар билан яқин алоқада бўлган. Улар қарийб ҳар куни ичкиликбозлик қилишган. Уларнинг баъзи бир ўтиришларида мен ҳам қатнашганман. Миртемир ичкиликбозлик орасида ўзининг миллатчилик руҳидаги шеърларини уқирди...”

Ўтган асрнинг 20-йилларида бошланган сиёсий қатарон оқибатиша минглаб бегуноҳ кишилар инсон боласи кўрмаган азоб-уқубатларга гирифтор этилди. Минг афсуслар бўлсинки, шу жиной жараёнда фақат Шимолдан келган хунрезлар эмас, балки улар олдида думини ликиллатиб, ёр-дўстларини, кўни-кушниларини. хизматдошларини сотган кимсалар ҳам оз бўлмаган.

Тошкент ертўласида

“Эслаликлар”да ёзилишича, Миртемир “Самарқанд подвали”да тўла 3 ой ўтиргач, 1932 йил 4 ноябрь куни, тонг чоғи Тошкент ихтиёрига жўнатилди. Маҳбус бу ерда ҳам ГПУ ертўласига олиб келиниб, ахён-аҳёнда сўроққа чақирилди. Бизга маълум бўлган шундай сўроқ-терговлардан бири 1932 йил 22 ноябрда бўлиб ўтган.

Ушбу сатрлар муаллифининг бош мақсади Миртемир ҳёти ва ижодини мумкин қадар мукаммал тасвирлашдир. Шу хайрли мақсад тақозоси билан биз юқорида Миртемирни ГПУ топшириги билан кузатиб юрган кимсаларнинг маҳфий кўргазмаларидан фойдаланишга мажбур бўлдик. Шу мақсад бизга Миртемирнинг, шунингдек, шоирга тақдирдош булган кишиларнинг тергов пайтида берган маълумотларидан ҳам фойдаланиш ҳукуқини беради.

1932 йил 22 ноябрь тунида бўлиб ўтган тергов пайтида Миртемир терговчига ўзи ҳақида шундай ёзма кўргазма берганки, бу кўргазмадаги айрим факт ва маълумотлар сиз, ҳурматли китобхонлар учун янгилик бўлар, деган умидда куйида уни баъзи бир қисқартиришлар билан эътиборингизга ҳавола қиласиз:

“Мен 1929 йили¹ Тошкент шаҳрида Сталин номидаги педтехникумни тугатдим. Шу вақтда асосий даврий нашрлар – газета ва журналлар Самарқандда нашр этилгани учун Боту, Ҳамид Олимжон, Шокир Сулаймонов ва бошқа таниқли адабиётчилар Самарқандда яшар эдилар.

Мен техникумда ўқиб юрган пайтларимда шеър ёза бошланман. Совет жамияти менинг шеърларимни яхши қабул қилинган, аммо улар Шокир Сулаймонов, Боту, Олтой, Ботирга манзур бўлмаган, ҳатто Ботир “Қизил Ўзбекистон” газетасига мақола ёзиб, мендан йўқсил ёзувчиси чиқмаслигини айтган...

¹. Миртемир Ўлка ўзбек билим юрти (педтехникум)ни 1928 йилда тутаган.

Шеърларим ТАЛП¹ чиқарган альманаҳда марказий ўринни эгаллаганини кўрганларидан сўнг юқорида зикр этилган адабиётчиларнинг менга бўлган муносабатлари кескин ўзгарди. Орадан бир оз вақт ўтгач, мен кутилмагандан Шокир Сулаймоновдан хат олдим. У хатда Боту билан бирга шеърларимни ўқишганини ва улар Ботуга манзур бўлганини айтган, айни пайтда мени Самарқандга тезроқ келишимни тайинлаган эди. Бу Боту ва Сулаймоновнинг мени ўз тарафларига жалб ўтиш йўлидаги дастлабки хатти-ҳаракатлари эди.

Мен 1929 йил охирида Самарқандга бордим ва Сотти Ҳусаиновнинг ташаббуси билан ЎзССР МИК раисининг котиби лавозимиға тавсия этилдим. Бу менинг совет маҳкамасидаги биринчи ишим бўлиб, у ерда 6-7 ой чамаси ишладим. Боту - Олтой давраси билан оз учрашдим. Мен омма билан яқинлашиб, билим доирамни бир оз кенгайтиришга уриндим.

Кейинчалик Ҳусаинов билан Юсупов менга ўқишни давом эттиришни маслаҳат бердилар. Мен уларнинг маслаҳатлари билан педакадемияга кирдим – педакадемияда бўлиш менинг янги кишилар даврасига яқинлашишимга сабаб бўлди. Мен бу ерда Олимжонов Ҳамид билан, унинг ёрдамида Алавий, Фитрат, Боту билан танишдим. Боту билан гарчанди илгаридан таниш бўлган бўлсам-да, педакадемиядалик вақтимда у билан янада яқинлашиб, улар билан тез-тез кўришиб турадиган бўлдим...

Академияда ўқиган вақтимда “Қизил қалам”га аъзо бўлиб кирдим. Шу ҳол менинг ҳозирги адабиётчилар ўргасидаги таниш-билишларим даврасининг кенгайишига имкон берди...

1930 йил ёзида мен “Қизил қалам” жамиятига котиб этиб тайинландим...

Ўша йилнинг 22 декабрида маҳбус иккинчи марта терговга чақирилди. (Биз маҳбуснинг шу куни берилган ёзма кўргазмасидаги маълумотлардан кенг фойдаланганимиз туфайли уларни такрорлашга эҳтиёж сезмадик.)

Хибсга олинган маҳбусларнинг “жиной ишлари” бўйича тузилган айномада қайд этилишича, “Сулаймон Амиров, Олимбек Қодиров, Миртемир Турсунов, Ҳаким Қодиров ва Муҳаммаджон Собировлар миллатчи ва шўроларга қарши кайфиятдаги шахслар бўлиб, улар Боту-Рамзий раҳбарлик қилган “Миллий истиқъол” миллатчилик, акситинқиlobчилик ташкилоти тор-мор

¹. ТАЛП – Тошкент йўқсил ёзувчилар уюшмаси.

кејтирилгандан кейин, 1930 йили, муштарак аксилик қиlobий тафаккур заминида, Сулаймон Амиров раҳбарлигида миллагчилик, аксилик қиlobчилик гурухини ташкил этиб, бир-бирларининг уйларида навбатма-навбат “тап” уюштирганлар, бу “тап”-лар моҳият эътибори билан аксилик қиlobий гурухнинг йигилишлари бўлиб, уларда аксилик қиlobий сұхбатлар ўтказилган”.

ОГПУ (Бирлэшган дазлат сиёсий бошқармаси) коллегиясининг 1933 йил 21 майда бўлиб ўтган йигилиши шу айлов хуласасига асосланган ҳолда Сулаймон Амиров, Олимбек Қодиров, Миртемир Турсунов, Ҳаким Қодиров, мулла Раҳмонкул Жумакуловни З йиллик қамоқ жазосига ва Ҳамид Қодировни 2 йиллик қамоқ жазосига ҳукм қилди. Фулом Зафарий эса З йиллик жазо муддатини ўташ учун ғарбий Сибирга сурғун қилинди.

Улар билан бирга ҳибса олинган Муҳаммаджон Собиров ва Шоймардон Шарифзода йигилиш қарорига кўра озод этилди.

Меҳнат-тузатув лагерида

Бу ҳукм чиқмасидан аввал, маҳбус “Тошкент подвали” да олти ой ёттагач, 1933 йил 23 апрель куни Ўрта Осиё меҳнат-тузатув лагерларининг 1-шўбасига кўчирилган эди. Орадан бир ою тўрт кун ўтгандан сўнг, 27 июнда мазкур қарор маҳбусга ўқиб эшигтирилди.

Ўтган асрнинг 30-йиларида сабиқ СССР ҳудудларида ташкил этилган дастлабки лагерлардан бири Тошкент яқинида жойлашган Ўрта Осиё меҳнат-тузатув лагери эди. 1930 йили ташкил этилган лагернинг маҳфий манзили “248-почта қутиси” бўлиб, Тошкент шаҳрининг Кўйлиқ туманида жойлашган эди.

1930 йил 1 июнда лагерда 2 660, 1931 йилда 11 700, 1932 йилда 17 723, 1933 йилда 18 286, 1934 йилда 20 494 нафар маҳбус бўлган. Лагерь тутатилган 1943 йилда эса бу рақам 36 125 га етган эди. Маҳбуслар мазкур лагерь ихтиёридаги пахта заводларида, Тошкент вилоятида фаолият кўрсатган хусусий корхоналарда хизмат қилишган. Мелиорация ишларида, Орол дengизидаги кемаларга юк ортиш ва юк тушириш ишларида ҳам улар меҳнатидан унумли фойдаланилган.

Самарқанд ва Тошкентдаги ертўлаларда, улардан кейин меҳнат-тузатув лагерида кечган кунлар ёш шоир ҳаётининг энг фожиали ва азоб-укубатли кунлари эди. Лекин ўйлаймизки, Миртемир ўзи сингари кўплаб бегуноҳ кишиларнинг ҳам ар-

зимас баҳонаи сабаблар билан қамоққа олинганини кўриб, тақдирга тан берган. Бошқа маҳбуслар қатори, бу қунларнинг бугун бўлмаса эртага, эрта бўлмаса бирор йилдан кейин, албатта, ўтиб кетишига ишонч туйғуси билан яшаган.

Ўша йилларда Кўйлиқдаги меҳнат-тузатув лагерида, унинг баҳтига, маълум даражада эркинлик бўлган. Маҳбус лагерь бошлиғининг ижозати билан ора-чора ижарага олинган уйига бориб, хаста қизи, рафиқаси ва касалхонадаги онасининг аҳволидан хабар олиб турган.

Миртемир ҳибсга олинганидан сўнг оиласи Самарканнда туралмади. Ҳалима опа қизи, онаси ва қайнинглиси билан Тошкентга кучиб келиб. Шайхонтахур даҳасида яшай бошлади. Шу йилларда Миртемирнинг оғир хасталикка чалинган онаси шахар касалхоналаридан бирида даволанаётган, бошқа яқин қариндошлари ҳам Тошкентда истиқомат қилаётган эдилар.

Онасининг оғир хасталикка чалинганини эшитган Миртемир 1933 йил 9 июль куни лагерь бошлиқларининг рухсати билан Шайхонтахур даҳасидаги уйига борди. Ҳалимахон Тошкентга кучиб келиши билан Фарғонадан онасини чақиртириб олган, у эса ҳаммаёқни ағдар-тўнтар қилиб, Миртемирнинг бутун кийим-бошларини сотиб юборган, китобларини йўқотган, унга тегишли асбоб-ускуналарнинг тагига сув қўйган эди. Бу, меҳр-муҳаббатдан йироқ хотиннинг айби билан 15 ойлик Кларанинг тарбияси бузилган, бунинг устига, у ёз кунида қаттиқ шамоллаб, касал бўлиб ётарди.

Миртемир “Эсадаликлар”га шу кўнгилсиз воқеани қайд этгач: “Ҳалима бир оздан сўнг келди. Онамни кўролмадим ҳам, оғир хафа бўлиб қайтдим”, деб юрагидаги армон ва алам туйфулари оловланиб турувчи сўзларни ёзган. “Эсадаликлар”даги бу ва кейинги сўзларни ўқиган киши қамоқ шароитида яшаган шоирнинг ўз изтироблари озлик қылганидек, хотини ва қайнонасининг айби билан содир бўлаётган аянчли ҳоллардан қанчалик жигархун бўлганини кўз олдига келтириши мумкин.

Мана, “Эсадаликлар”дан олинган айрим лавҳалар:

“8. VIII. 33. Бу кун ҳибсга олинганимга роса бир йил тўлди. Кечак “уй”га бориб келдим (З-маротаба)... Кўрдим. Кечқурун кўчаларда юрдим. Ҳалима маҳкам кўришадир. Онам касал, Маҳфузса, Клара ориқ. Кампир хурсанд!

16. VIII. 33. Эртага “уй”га бориш хаёли бор. Билмадим, бораманми ё йўқ?

12. да бордим, онамнинг аҳволи жуда оғир. Яна унинг бу аҳволини Ирис¹нинг хафачилиги орттирадир.

Тагин папирус чека турган бўлиб қолдим. Ҳозир дарсда² ўтириб ғэддим:

Қирқ, сочларингни ёй-да,
Гўзалим, боғла мени.
Узоқ-яқин ҳар жойда
Суйганинг чоғла мени.

28. IX. 33. Ўтган ҳафта онам олдига бордим. У қайтик касал.

Онам олдида, унинг қаршисида жуда уятлиман.

Мен она хизматини қилолмадим!

Бу кун ҳам уйга бордим: Клара касал, у мунгли ва аламли боқадир. Ҳалима Москвада. У хою-ҳавас қилиб кетди. Эҳ сен, шафқатсиз она, кимга ишондинг болани?

27. X. 33. Қандай баҳтсиз түғилганман: онам оғир ҳаста, қасалхонада шундай оғир аҳволда ётадир. Оҳ, мен қандай чидайман!

Клара 2/X да ўлди.

Онаси йиғлаб..."

Миртемирнинг ГПУ ертўлалари ва меҳнат-тузатув лагерида кечган ҳаётида ғамли-аламти кунларнинг зиёд булгани шубҳасиз. Куни кеча сочмалари “йигинлару намойишларда, митинглару байрамларда ва радиода” қайта-қайта ўқилган, саводхон юртдошлари ўртасида машҳур бўла бошлаган, ёшликтаги дўстни Ҳамил Олимжон билан республика раҳбарларидан бирининг Ўзбекистон бўйлаб сафарларига ҳамроҳ бўлиб, унинг маданият бобидаги ишларига ва матбуотдаги чиқишлиарига қарашган, меҳнаткаш ҳалқ билан сұхбатләри, учрашувлари ҳақида очерклар ёзган, қаламкаш дўстлари билан Озарбайжонга бориб, қардош шоирлар билан адабий алоқаларни ўрнатаётган, қайнар булоқ янглиғ ижод қилаётган шоир учун бу ҳол оғир кўргулик. мусибатли ҳодиса, хўрлик ва хорлик эди. Ҳасадгўй рақибларнинг асл мақсадлари ҳам ана шу жўшқин булоқнинг кўзини ёпиш бўлган.

¹. Ирисбек Назаров (1906-1977) – шоирнинг амаксиси, Ҳалқ маорифи фахрийиси.

². Ўша пайтларда маҳбусларни қайта тарбиялаш мақсадида лагерларда турли дарс ва машгулотлар олиб борилган.

Миртемирнинг юраги ёш ва бардам бўлгани боис бу таҳ-
қирларга чидади. Лекин ўша мушкул кунларда унинг боши-
га кетма-кет оғир синовлар тушди.

“Мен Москвада гастролда эдим, — деб ҳикоя қўилган эди
Ҳалима опа, — Миртемир Кўйлиқдаги турмада бўлиб, онда-
сонда, рухсат бергандарида бизни кўриб кетар эди. У келмаган
пайтларда қизимиз Клара адасини йўқлаб. Йиғлагани-йиғла-
ган эди. Аям куз кунларининг бирида Клара билан “передача”
кўтариб, Кўйлиқга борган. Турма назоратчилари “передача”ни
олганлару қизимнинг адаси билан учрашувига рухсат бериш-
маган. Шунда қизим ўзини тўхтатолмай, қон-қон йиғлаган
экан. Аям қайтишида овунар деб Кларага музқаймоқ олиб бе-
рибди. Хум-хум йиғлаб, бутун ичи яллиғланиб турган қизалоқ
шундан кейин қизилча касалига мубтало бўлиб, оламдан ўтди”.

Шу пайтда Ҳалима опа гастролда эди. Шунинг учун ҳам у
Кларанинг ҳақиқатда қандай вафот этганини кўрмаган. Шоир
қариндошларидан бирининг хотирлаштига кўра, Миртемир қама-
лиши билан қайнона ёш, гўзал, эл-юрг оғзига тушган раққоса
қизининг баҳти қаро бўлмаслигини истаб, унинг бошқа. баҳти
турмуш қуриши билан боғлиқ режаларни тузган экан. Шу ора-
да эрининг кейинги тақдири даргумон бўлган раққоса ортидан
ўлдим-куйдим деб елиб-югурувчи йигитлар ҳам оз бўлма-
ган. Шулардан бири Файзула Хўжаевнинг ёрдамчиларидан
бири — Абдулла Зокиров деган кимса эди. Унинг ҳукumat раҳ-
барларига яқинлиги қайнонага маъқул бўлган. У ҳар иккι гап-
нинг бирида: “Эрингдан умидингни уз. У энди отилиб кета-
ди”, дегани-деган, “ҳукumatнинг куёви” ҳам Ҳалима опанинг
келажакда Миртемир билан бирга яшашга бўлган умидини
сўндиришга астойдил ҳаракат қилгани-қилган эди. Ана шун-
дай вазиятда бечора гўдакнинг хасталикка йўлиқиб, вафот эти-
ши кимлар учундир айни муддао эди...

Хуллас, биринчи фарзандининг ўлими ёш ота қалбига сан-
чилган иккинчи заҳарли найза бўлди.

Ҳалқда “Офат кетидан офат келади”, деган гап бор. Чиндан
ҳам, бало-қазолар ҳаётда қузгуналар сингари галалашиб юради.
Ҳали Клара вафот этмасдан илгари, ўлим шарпаси Миртемир
оиласи атрофида кезиб юрган эди. Унинг онаси очлик йилла-
рида силласи қуригани туфайли оғир юқумти касаликка қарши
курашиш учун ўзида куч-қувват тополмай, шамдек сўниб борди.
Озодликдан маҳрум этилган шоир эса онанинг ҳолицан хабар

олиб туриш, унинг дардига малҳам бўлиш, унинг сўнгти кунларидә тўшаги қошида туриб ҳаттоти оғзига сув томизиб туриш баҳтига ҳам мұяссар бўлмади. У ана шу фарзандлик бурчини ўтай олмагани учун бутун умри мобайнида ўзини кечира олмай, ичини кемириб яшади.

“Менинг аям фарғоналик бўлгани учунми, қайноқ ва тез эди. Миртемирнинг онаси эса ғоят камтар, камгап. қамсукум, меҳрибон, заҳматкаш бир аёл эди”, – деб эслаган Ҳалима опа.

1933 йил 5 октябрда Миртемирнинг онаси касалхонада оламдан ўтди. Моҳирўй хола юкумли касаллиқдан вафот эттани учун унинг жасадини оила аъзоларига беришмади. Бечора онанинг жасади қандай дағн этилгани ҳам номаълум. Миртемир кейинчалик бу даҳшатли воқеадан хабардор бўлган бўлса ажаб эмас. “Эсдаликлар”даги қуйидаги сўзлар шундан далолат беради:

“5. X. 33. Бу кун Онам ўлган...Она.

7. XI. 33 Онам ўлганини Баҳром акам сўзлаб берди – уятсиз!”

Баҳром ака Миртемирни Тошкентта олиб келган амакивач-часи эди. У, чамаси, она ўлими ҳақидаги даҳшатли ҳақиқатни айтиб, шоирнинг жигар-бағрини хун қилиб юборган. Балки Баҳром ака шундай мусибатли бир пайтда қамоқда бўлгани учун аччиқ устида уни койиган, гуноҳкор қилган, “онанг сени деб куйиб ўлди!” дегандир. Балки бундан ҳам оғирроқ гапни айтгандир. Шунинг учун шоир уни “уятсиз”, деб атамоқда.

Орадан роса тўрт ой ўтгандан сўнг, 1934 йил 7 марта, Миртемир илож топиб, синглисидан хабар олади. Бу ҳақда ўёзади:

«...Бу кун бориб Маҳфузани кўриб келдим, онамнинг ёдгори!»

Бу иборадаги сўнгги икки сўздан шоирнинг кўз ёшлари шашқатор оқиб турибди.

Шоир қалбидаги Онанинг ўлими туфайли яллигланган туйгулар алам ва армонга, зардоб ва ғашликка айланиб, узоқ йиллар мобайнида унинг шеъриятидан юзиб чиқмади. У соғлирика намуналарини яратиш билан бирга замонабоп некбин шеърлар, чақириқлар ҳам ёзди. Аммо орадан Қарийб ўтгиз йил ўтгач, 1960 йилда шоир кўнглида қонталаш бўлиб ётган туйгулар дафъзатан оловли булоқ янглиғ отилиб, мусибат ти-

канлари ҳануз унинг юрагида санчилиб ётганини маълум қилди. Унинг шу йили ёзган “Онагинам” шеъри аслида шеър эмас, балки Она ва ўғил ҳақидаги ўзига хос шеърий фожиадир.

Муштипар онанинг ўлими “синоеглик йиллар”да шоир қалбига санчилган ва уни бир умр жароҳатлаган учинчи энг оғир наиза бўлди.

Этап

Йитирманчи йиллар охири – ўттизинчи йилларнинг бошларида авж олган оғир иқтисодий таңглик орқасида бир сиким будой ўғирлаган ё кўрпаланган пахтани давлатга топширишдан бош тортган дехқонлар, трактори бехос ишдан чиқсан ишчилар ё қора мойни исроф қилган темирйулчилар зааркунандачи сифатида “пачкалаб” ҳисбса олина бошланди. Қамоқхоналар ва меҳнат-тузатув лагерлари маҳбуслар билан тўлибтошиб кетди. Сталинча биринчи ва иккинчи беш йилликлардаги улкан курилишлар учун текин ишчи кучи топилди.

1934 йилнинг июль ойида Ўрта Осиё меҳнат-тузатув лагеридаги бошқа маҳбуслар қатори Миртемир ҳам шундай сламшумул курилишлардан бирига юборилди.

Шоирнинг “Эсадаликлар”ида шу ҳақда бундай сўзлар ёзилган:

“18. VII. 34. Қамоққа тушганимга 2 йил тўлиб келаётир. Бу кун этап бўлиб Москваға кетаётирман.

Хеч кимни кўрмадим. На ака, на ука, на ота, на она, на дўст, на ўртоқ?

Кимсасиз, якка кетдим.

Йўлдан Баҳром акам, Кумри¹ ва бошқаларга хат ёзарман”.

Миртемирнинг шу йилларда нобуд бўлган тўнгич фарзанди Кларанинг сурати тагтига шоир қўли билан «Кимсасиз ўлган қиз Клара», деган сўзлар билан ўлган қизи янглиғ, кимсасиз қолиб, поездла, бегона кипшиларнинг бегона даврасида бормоқда...

Куёш ёниб, оловланиб сочадир
Поёни иўқ далаларга ўтини.

¹. Кумри – шоир тоғасининг қизи.

*Тўхтov билмай. кўзга илмай учадир
Составимиз титратиб ер қатини.*

*Гармсел шамоллар кириб деразалардан,
Тании беҳоя этиб, чиқиб қочадир.
Баъзан ёлғиз толлар — узоқ уфқлардан
Хуснига лол этиб майл очадир...*

*Кум... сариқ қум, поёни-чегараси йўқ.
Фақат тўргай чириллаб учар, куй тўқир.
Наҳотки, бу денгизнинг ўзга саси йўқ.
Наҳотки, бу шоир-қуш доим танҳо ўқир...*

*Поёнсиз қўмлюқларнинг ўрталарида
Кўринади Сир бўйлари — яган яйловлар.
Тўлқинсиз Сирдарёнинг наст жарларида
Кўринади қора уйлар, якка ўтовлар...*

Маҳбус шоирнинг бу сатрлари 19 июлда поезд Қизил Ўрда бекатига етиб боргандага қоғозга тушиган.

Поезд Оренбург ва Самара шаҳарларидан ўтиб, 27 июлда Сизранга яқинлашар экан, у "Учадир" деб номланган шеърига бундай янги сатрларни кўшади:

*Кўринади кенг, мўл, сахий — баракатли қиртоқлар...
Яшил дала лола тўла сийнасини очадир.
Кўринадир гуллаётган, қулоч отган тупроқлар...
Тақир-туқир тақа уриб бизнинг айғир учадир...*

Нихоят, 21 июль куни темир айғир Москва остоналарига етиб борди:

*...Электр чироқларини нурларида гарқ бўлиб.
Самоларга бўй чўзиб, кўринур шаҳар...*

Маҳбус шоир юраги "қизил вагон"нинг кичик ойналаридан таниш ва қадрдан манзараларнинг ортда қолаётганини кўриб увшган бўлса, энди унинг кўз ўнгидаги Россия шаҳар ва қилишоқларининг ёт манзараси гавдаланди. Кўп ўтмай, "самоларга бўй чўзиб кўринган" шаҳар ҳам тумандек ғойиб бўлиб.

минглаб мардикорлар елиб-югуриб ишлаётган қурилиш участкалари унинг атроф-жонибини ўраб олди.

Шўрлик шоир 1934 йил 7 августда “Эсдаликлар”ига бундай сўзларни ёзди:

“Бу кун Масков келиб, н-р III участкасига тушдик. Бошимдан оғир кунлар кечәётир. Кўрмагани кўриб, эшиштмагани эшиштаётирман».

Москва яқинидаги Дмитров шаҳридаги лагерга етиб келган Миртемир ҳам, бошқа ўзбекистонлик маҳбуслар ҳам “кўрмаганларини кўриб, эшиштмаганларини эшишиб” хорлик ва хўрлик иқдимида яшай ва ишлай бошладилар. Қора тақдир уларни 30-йиллардаги СССР пойтахтининг энт азобли, энг даҳшатли. Энг одамотар қурилишларидан бирига олиб келган эди.

Дмитлаг

Агар Беломор-Болтиқ канали биринчи беш йилликда ишга туширилган энг катта қурилиш бўлган бўлса, иккинчи беш йилликдаги шундай улкан қурилиш Москва – Волга канали қурилиши эди. Совет давлати Беломор – Болтиқ канали қурилишида бўлганидек, бу оламшумул қурилишини ҳам текин ишчи кучига барпо этишини режалаштирган эди. Айтиб ўтганимиздек, мазкур қурилишларни амалга ошириш учун 30-йиллар аввалида юз минглаб бегуноҳ кишилар қамоқقا олинди. 1932 йил 14 сентябрда ОГПУнинг 889/с-сонли буйруги билан Москва вилоятида Дмитров меҳнат-тузатув лагери ташкил этилди. Дмитлаг бошлиғи А.Е. Сорокиннинг 1932 йил 9 октябрдаги 2-сонли буйруги билан қўйидагилар лагерь ҳаётининг темир қоидалари этиб белгиланди:

- Эрталаб соат 5 дан 30 дақиқа ўтганда ўриндан туриш;
- Соат 6-ю 30 дақиқада соат 7 гача ишга чиқиш;
- Соат 7 дан соат 17 гача ишлаш;
- Соат 17 дан соат 19 гача овқатланиш;
- Соат 19 дан соат 22 гача маданий-тарбиявий ишлар билан машгул бўлиш;
- Соат 22 дан 5 дақиқа ўтганда баракларга кириб ётиш.

1933 йил 11 февралда Сорокин ўрнига Я.Д. Раппопорт лагерь бошлиғи этиб тайинланади. Шу йилнинг 22 августиде эса С.Г.Фирин-Пупко лагерга янги бошлиқ этиб белгиланди.

Давлат хавфсизлиги майори С.Г. Фирин 1920-1930 йилларда Фарбий Европада разведкачи сифатида фаолият олиб борган шўро давлатининг энг ишончли кишиларидан эди. Хорижий разведка томонидан фош этилиб, қамоққа олинганидан сўнг, у қамоқдан қочиб, ватанига келган ва 1931 йилдан бошлаб ОГПУнинг маҳсус бўлимидаги фаолиятини давом эттирган. Беломорканал ва Москва-Волга канали қурилишлари эса бевосита ОГПУ ихтиёрида бўлган.

Совет давлати зарапкунандалик, миллатчилик, террорчиклик каби ҳаракатларда айбланган маҳбусларни жаҳон афкор оммасига “социалистик меҳнат қучоги” да қайта тарбиялаётган қилиб кўрсатиш мақсадида шу йилларда “меҳнат-тузатув лагерлари” қошида маданий-тарбиявий бўлимларни ташкил этиди. Фирин Дмитлагга бошлиқ этиб тайинланиши билан лагерда ўнлаб газета ва журнallар нашр этила бошлади. Рус тилидаги 30 минг нусхада чиқсан “Перековка”, “Москва – Волга” ва аёллар учун “Каналоармейка” газеталари ҳамда “На штурм трассы” журналидан ташқари, татар, турк, ўзбек ва қозоқ тилларида ҳам кам тиражли газеталар нашр қилинди. Лагерь бошлиғининг ташаббуси билан Марказий бадиий устахона билан бирга турли тўтараклар ташкил этилди. 1934 йил охирида лагернинг 14 районидаги мусиқа ва хор тўтараклари сони 224 тага етди.

Фирин маҳбуслар орасидаги қобилиятли ёзувчи, журналист ва рассомларни шу журнал ва газеталарни нашр этиш ишига жалб этиди. У СССР ГУЛАГи бошлиғининг ўринбосари бўлгани учун бошқа лагерлардаги истеъоддли маҳбусларни ҳам чақириб олиш ва уларнинг ижодий меҳнатидан фойдаланиш хукуқига эга эди.

Собиқ советлар мамлакатининг барча районларидан турли туман сабаблар билан ГПУ қармоғига илингандан маҳбуслар Дмитлагга 1932 йилнинг октябрь ойидан бошлаб оқиб кела бошланалар. 1933 йил 1 январда Дмитлагда 10 400 маҳбус бўлган бўлса, шу йилнинг 1 апрелида улар сони 39 328 тага, 1 июляда 53 116 тага, 1 октябрида 89 914 кишига етган. 1934 йил 1 январда эса лагердаги маҳбуслар сони 88 534 та бўлган. Расмий маълумотларга қараганда, Дмитлагда 1933 йилнинг ўзида 8 873 та, 1934 йилда эса 6 041 та маҳбус совуқдан ўлган.

Лагерь бошлиғи Фирин ОГПУ топширикларини аъло даражада бажариб, маҳбуслардан жорий этилган тартибга қатъий риоя қилишни талаб этган ва бу тартибни бузганлар шафқатсиз равища жазоланган бўлсалар-да, уларнинг маънавий сефлом ва истеъодли қисмига, шу жумладан, Миртемирга нисбатан ҳам озми-кўпми меҳр-шафқат кўрсатди. Аммо 1937 йил 29 марта собиқ ОГПУ бошлиғи Г.Г. Ягода қамоққа олинив, отиб ташланганидан сўнг навбат Дмитлаг бошлиғига ҳам келган. Фирин билан бирга у бошини силаган 218 нафар лагердаги ёзувчи ва рассомлар ҳам “сарой тўнтариши” қилишда айбланиб, отиб ташланган.

Мазкур лагерь Москва вилоятининг Дмитров шаҳрида жойлашган бўлиб, Москва – Волга қурилиши асосан шу лагерда сақланган маҳбусларнинг меҳнати билан амалга оширилган. Бундан ташқари, Шимолий канал ва Марказий аэродром қурилишларига, шунингдек, торф қазиш, ёғоч тайёрлаш ишларига ҳам XX асрнинг бу баҳтсиз қуллари сафарбар этилган эди.

Кавал қурилишида

Москва-Волга канали қурилиши 1932 йил окирида бошланниб, 1937 йил 15 июля яқунланган.

Ўзбекистондан Миртемир билан бирга “қизил вагонлар”да келган маҳбуслар 1934 йил августида қурилиш участкаларида ишлай бошлади. Шу вақтда Волгани Москва дарёси билан борловчи сув йўлиниң муайян қисми қазиб бўлинган эди. Шунга қарамай, бу ерда энг мураккаб ишларнинг ҳам рус қиши шароитида асосан қул кучи билан бажарилиши иссиқ ўлқадан келган минглаб маҳбусларнинг совуқдан биринчи йилиёқ қирилиб кетишига сабаб бўлди.

Қурилишнинг асосий ишчи кучини маҳбуслар ташкил этишган эди. Шу сабабли улар ўртасида маданий-тарбиявий ишлар олиб борилиб, рус тилида “Перековка” газетаси ва “На штурм трассы” журнали. бундан ташқари, ўзбек тилида “ўттизбешчилар Перековкаси” ва “Канал зарбдори” деган иккита куп нусхали газета чиқарилган. Бу нашрларда қатнашган маҳбус мухбирлар сони 5 мингта яқин бўлган. Бу ҳол қурилишда маҳбус ишчилар сони мухбирларга нисбатан камида 10-20 маротаба кўп бўлганидан шаҳодат беради.

“Канал зарбдори” газетасидан қирқиб олинган ва Миртемир архивида сақланиб қодган баъзи бир расм, шеър ва хабарлардан маълум бўлишича, қурилишга юборилган ўзбеклар орасида аёллар ҳам бўлган ва улар агитбригада таркибида иш олиб боришган. “Канал аскарлари” (маҳбуслар шундай деб аталган)-дан бири Б.Ф. Стадовскийнинг “На штурм трассы” журнали хақида билдирган ва ҳозир Москвадаги Жаҳон адабиёти институти қошидаги М. Горький музейида сақлананаётган “таассуртнома”сида бундай сўзларни ўқиш мумкин:

“Биз лагерларда қатпиқ меҳнат мактабини ўтмоқдамиз ва айни пайтда эрта тонгдан то тунга қадар радио овозлари, агитбригада постановкалари билан қўршалганимиз. тўгараклар, курслар, қизил бурчаклар, клублар, кинолар, кутубхоналар ва бошқалар тизими билан ўралганимиз”.

Бу сўзлардан шу нарса аён бўладики, канал қурилиши, бир томондан, ҳаддан зиёд оғир ва машақкатли меҳнат майдони бўлган бўлса, иккинчи томондан, лагердаги “канал аскарлари” ўртасида маданий-тарбиявий ишларни олиб боришга ҳам эътибор берилган. Лагерь раҳбарияти мазкур нашрлар атрофига Миртемир, Ашурали Зоҳирий, А.Державин, В.Соловьев, И.Беляев, Н.Жигулин сингари ижод аҳлини тўплаб, уларни “канал аскарлари”нинг азоб-уқубатдан иборат ҳаёти ва меҳнатини куйлашга ундаган. “Канал зарбдори” газетасида Миртемирнинг ҳам қуйидаги сатрлардан иборат даъваткор шеърлари эълон қилинган:

*Қаҳрамон дўстларим, ударний отряд,
Гайратлар тошадир, юрак ёнадир.
Темир қаторлардо
Борамиз ряд-ряд,
Кенг объект бир зумда
Тўлқинланадир.
(“Юрак ёнадир ” шеъридан.)*

* * *

*Кум тўла ғалтаклар, юринг тўхтовсиз,
Мардлик қўшиқлари, янгра, садо бер!
Тарих варақларига чизиб олтин из,
Ударник, қаҳрамон, ишида кўкрак кер!..
(“Янгра, товуши бер!” шеъридан.)*

Миртемирнинг шоирлик иқтидори, меҳнаткашлиги ва мусулмон ёшларига ҳос хуш одоб ва ахлоқидан ҳабар топған лагерь бошлиқлари унинг шоирлик-тарбиячиллик қобилиятидан фойдаланишини лозим, деб топдилар.

Миртемир “Эсдаликлар”ида шу ҳақда бундай сўзлар бор:

“10. 10. 34. Бу кун мени тарбиячилик вазифасига олиб, раий-кутубхона бошлиги этиб тайинладилар.

КВО¹ бошлиги Савицкий чақириб сұхбат қилди”.

Шоир қурилишга келган дастлабки күнлардан бошлаб шу вақтга қадар, бошқалар қатори, оғир ишларда ишлаб, кетмөн билан ер қазиди, қазиб олинган тупроқ ва тошларни замбилғалтакда ташыди, экскаваторчилар ҳақида шеър ёзмоқчи бўлиб, уларга кўмаклашди. Мана, ниҳоят, орадан уч ой ўтганидан сўнг, у тарбиячи бўлиб ишлай бошлади. Аммо ватандошлари қаерда, қайси жабҳада меҳнат қилишса, ўша ерда ҳозир бўлиб, улар билан бирга ишлаб, бирга яшаб, ўз шеърлари билан улар руҳини кўтаришга, улар меҳнатини шарафлашга уринди.

Яна “Эсдаликлар”дан сатрлар:

“1. 12. 34. Бу кун Савицкий ва яна 4 лаг(ерь) мухбирлари ила Дмитроф шаҳарига “Перековка”²нинг 2 йиллиги 1 декабрда эмас, балки 30 ноябрь куни Дмитров шаҳрида нишонланган ва бу тадбирда Миртемир билан бирга кўқонлик маърифатпарвар ва журналист Ашурали Зоҳирий ҳам иштирок этган.

Миртемир бу сатрларни орадан бир кун ўтгандан сўнг ёзган. Негаки, “Перековка” газетасининг 2 йиллиги 1 декабрда эмас, балки 30 ноябрь куни Дмитров шаҳрида нишонланган ва бу тадбирда Миртемир билан бирга кўқонлик маърифатпарвар ва журналист Ашурали Зоҳирий ҳам иштирок этган.

“Канал аскарлари” орасида турли миллатларга мансуб қаламкашлар бўлган. Миртемир билан Ашурали Зоҳирийдан ташқари. Маҳмудов деган ўзбек йигити ҳам ўз шеърлари билан ватандошларининг зулмат қўйнидаги ҳаётлари-

¹ КВО – маданий тарбиявий бўлим.

² “Перековка” – Дмитлагда нашр этиладиган кўп нусхали газета.

³ Бу шахс ҳақида бирон маълумотга эга эмасмиз.

га нур багиашлашга интилган. Бу маҳбус шоирлар мустабид шўро тузумининг зуфуми билан Москва остоналарига бориб, Россиянинг аёэли қиши демай, серёғин баҳориу кузи демай, оғир шароитда меҳнат қилаётган юртдошларига некбин руҳ билан тўйинган шеърларини ўқиб, уларнинг ҳар қандай кўргилик ва қийинчиликларга дош бериб, бу қийинчиликларни мардона енгиб ўтишларида куч ва мадал бағиашланлар.

Биз Миртемирнинг Москва-Волга қурилишига бағиашланган “Номус” достони, “Буюк сад устида”, “Менинг бригадам”, “Судланув”, “Ўн биринчи кеча”, “Истра бўйлаб” сингари шеърларини ўкир эканмиз, маҳбус шоирнинг шу шеърлари билан аввало ўзини ўзи овутиб-алдаб яшагани, шеърият ёрдамида маҳбуслик ва куллик ҳандакларидан юксак-юксакларга кўтарилишга, шу ерда хукм сурган хўрлик ва зорлик салтанатини унуганини сезамиз.

(Бундан бир неча йил илгари Тошкентнинг “Шаҳидлар хотираси” майдонидаги “Қатағон қурбонлари хотираси” музейи экспозициясини янгилаш ва бойитиш зарурати туғилган эди. Шу зарурат тақозоси билан хорижда нашр этилган журналлардан ГУЛАГ қурилишлари тасвирланган суратларни топдим. Суратларнинг бирида ўзбек маҳбуслари тасвирланган эди. Аммо раҳбарлардан бири бу суратни кўриши билан оқ уни чиқитга чиқарди: биз оғир шароитда ишлаган деганимиз маҳбуслар суратга кулиб тушган эдилар…

Мен шу суратга қараб, турли хаёлларга бордим. Балки маҳбуслар фотограф олаётган шу суратнинг бир кун бўлмаса, бир кун қариндош-уруглари назарига тушишини ўйлаб, мамнун бўлгандирлар. Балки улар маҳбуслик ҳаётларининг энг оғир дамларида ҳам ҳазил-хузил билан, кулги билан азобукубатлар тогидан ошиб ўтгандирлар. Балки шундай пайтларда улар шеър ва мусиқа тинглаб ҳам бу бевафо лунё кулфатларини бир неча дақиқага унугандирлар. Балки шундай дэмларда Миртемир ҳам ўз шеърлари билан улар дилига илиқлик бағиашлагандир…)

Шундай қилиб. Миртемир ҳалол меҳнати, шоирлик истеъоди ва инсоний фазилатлари билан “канал аскарлари” ўртасида ҳурмат-эътибор қозониб борди.

Сўнгти пайза

Маҳбус шоирнинг Дмитров лагерида ёзган шеърлари орасида лирик замзамалар ҳам оз эмас эди.

Қалбила муҳаббат гуллари чаман бўлиб очилган шоир зоти борки, бу ўлмас мавзу унинг ижоди оша олтин меҳвар бўлиб ўтади. Бу мавзуга на ҳарб майдонини ларзага келтирган танклар чек қўя олган, на темир қафаслар...

Бас, шундай экан, ҳали лабларидан бўса тоти кетмаган Миртемирнинг бу мавзуга лагерь шароитига қарамай мурожаат этиши табиий эди. У Тошкент – Москва йўлида “қизил вагон”да кетаётган ҷоғида ҳам севимли рафиқасини ёдлаб, унга бағишлиланган шеърлар ёэди. Кейин, лагердаги ҳаётнинг тунги сокин соатларида ҳам уни ўйлаб, талай қоғозларни қоралади. Балки у ишқий мактубларини Тошкентга, Ҳалимага юбориш чораларини кўргандир... Балки ундан жавоб ололмай, севги денгизининг асов мавжлари тинганини сезиб, ёзган ишқий шеърларини лагердалик пайтида ҳам, Тошкентга омонезсон қайтиб келганидан кейин ҳам йиртиб-ёндириб ташлағандир...

Аммо унинг 1936 йили чоп этилган “Пойтахт” тўпламида бир неча лирик шеърлар борки, уларнинг Ҳалимага бўлган муҳаббат туйгулари ила йўғрилганини сезиш қийин эмас. Шундай шеърлардан бири бундай сатрлар билан бошланган:

*Мактубингни ўқидим, ўртоғим, жоним,
Кўзларингни учқуни тегиб ўтди бир,
Тўлқинларинг қалбимни чертиб ўтди бир,
Кайнаб ўтди қоним, умид, армоним...*

*Тор жарангларида ёр саломлари
Қалбим – орзулиримга тегиб ўтдики,
Кўзларим учқунланиб-ёниб кетдики...
Уҳ, согинув дамлари, суюя тонглари!*

*Ҳар сатринг тўлқин берур, ҳар созинг гавҳар,
Ҳар илиқ боқишиларинг бир умр сенинг.
Шунинг учун, ки сурур ҳар тонг, ҳар наҳор
Қатра нурлардай томур қалбимга менинг...*

Бу жұшқын илдом булоғидан юзіб-отилиб чиққан сатрларни үқир әкансиз, уларнинг шүро жаҳаннамаларидан бирида ёзилганиң ҳайрон қолмай иложингиз йўқ. Миртемир қалбидаги тирик ва тетик шоирона руҳнинг, бокира ва қайноқ туйғу ва кечинмаларнинг омон сақланиб қолишига фақат бир нарса имкон берган. Бу – шоирнинг муҳаббати!

Бу шеърни үқир әкансиз, яна бир нарса сизни лол қолдиради. Наҳотки, Ҳалима “Москва-Пушкино” деган манзилда яшаётган маҳбус ёрига хат ёзган бўлса?! Ҳалима опа билан суҳбатлашган пайтимда у менга шу ҳақда бирор сўз айтмаган эди-ку! Кларанинг гўдаклик чорида нобуд бўлишига сабабчи бўлган онаси, наҳотки, уннинг маҳбус эрига хат ёзишига имкон берган бўлса?!. Қалбим бу саволга “Йўқ”, деб жавоб беради. Шундай экан, Миртемирнинг гўё севимили ёр мактубига жавоб шаклида ёзилган шу шеъри поэтик мистификациянинг мумтоз намуналаридан бири бўлса ажаб эмас.

Миртемирнинг 1934 йил 20 декабрда ёзилган мазкур шеъри бундай сатрлар билан тутаган:

*Пароходлар рақс этиб симоб сувларда,
Рекорд шеърим тамомлаб,
Куйлаб радиоларда...
Мен сени суйгали
Борурман.
Мен сени кўргали
Борурман;
Кучоқ очиб, саломлаб!*

Бу сўнгги сатрлар шеърнинг шоир қалбидаги ширин орзуладар или билан тўқилганидан далолат беради.

* * *

Ҳалима ўша йилларда эндиғина санъат бўсағасига кадам кўйган ёш, истеъододи, Фарғона сойларидек шўх рақкоса эди. Миртемир уни чин дилдан севарди. У ҳали бўйдоқ кезларида Ҳалиманинг рақслари тугар-тугамас, унга даста-даста гуллар тутар, унга бағишлиб шеърлар ёзар эди. Рафиқасини шундай ўтли туйғулар билан севган шоир 1935 йил январида азоб-

укубатлардан қутулиб, меҳрға зор бўлиб қайтганида, унинг бошқа бир кишига турмушга чиқиб кетганини кўради. У хотинидан бундай хиёнатни кутмаган эди. У Ҳалимани эридан чиқишга, у билан узилган турмуш ришталарини қайта, ипакдан ясаб, янги муҳаббат чаманзорини бунёд этишга чорлайди. Аммо Ҳалима бундай жасоратга қодир эмас эди.

“Мен Миртемирнинг кейинги тақдиридан бехабар эдим. Менга: “Эринг оғилиб кетди”, деб айтишди. Шундан кейин бошқа турмуш қуришга рози бўлдим. Миртемир қайтиб келгач, мен билан қайта гурмуш қурмоқчи бўлди. Лекин бунинг иложи йўқ эди. Шундан кейин у “Мени сенинг эринг қаматган!” – деб менга таъна қилди”, деб эслаган эди Ҳалима опа.

Ким билади, балки шоирнинг таънаси ўринли бўлгандир...

Лекин таъна тошларини отиш билан ҳеч кимнинг чеккан изтироблари, ғам ва аламлари, бир умрга олган жароҳатлари малҳам топмаган. Бу сўнгти найзадан чавақланган қалб узоқ йиллар давомида фақат ижоднинг шифобахш чашмасидан даво ахтариб яшади.

Орадан қанча йиллар. қанча сувлар оқиб ўтмади. Шоир бошига қиров қўниб, умрнинг ҳазонрез палласи яқинлаши. Аммо дафъатан сарғайган қоғозлар, титилиб кетган китоблар орасидан ёш Ҳалиманинг сурати “пақ” этиб чиқиб қолди.

Қайдан чиқиб қолибди бу бало сурат...

Йигирма уч-йигирма тўрт илгари бўлиб ўтган воқеаларнинг совуқ шабадаси шоир хаётини узоқ-узоқларга олиб қочди. У ўзи сезмаган ҳолда нималар деб пиҷирлади. Сўнгра столустида турган қора қаламлардан бирини олиб, ёза бошлади:

*На олтин, на жавоҳир эдим...
Армонли бир ёш шоир эдим.
Зухро бўлмасанг ҳам чиройда,
Мен ишқингда нақ Тоҳир эдим.*

*Тошлион ўлди, деган ким ахир?
Гулдай сўлди, деган ким ахир?*

*Наҳомт поймол қутлуг ишқ аҳди,
Бол бўлурми шунчалар тахир?...*

*Гуноҳим на? - Жангда бўлганим,
Кон кечганим, юз бир ўлганим?..*

Эски яралар очилиб, улардан сачраган қон бугун Мир-темирнинг “Сурат” номли гўзал лирик қиссасининг ҳар бир ҳужайрасида яшамоқда. Бу қон томчисида машъум даврлар, синофлик йиллар, худди шабнамдаги қуёшдек, товланиб турибди.

Тўртинчи фасл

ОЛОВЛИ ЙЎЛЛАР

*Дилдан ювилазжак теган аламлар...
Миртемир*

Қадаҳ

Жорий этилган тартибга кўра, суд ҳукми билан берилган жазо муддати маҳбус ҳибсга олинган кундан бошланади. Миртемир 1932 йил 7 августда ҳибсга олинганлиги туфайли унга берилган уч йиллик жазо муддати 1935 йил 7 августда тугаши лозим эди. Лекин у лагерь матбуотидаги ижодий меҳнати, “канал аскарлари” ургасида олиб борган маданий-тарбиявий ишлари билан нафқат лагердошларининг хурматини, балки лагерь раҳбариятининг, хусусан, С.Г.Фириннинг зътиборини ҳам қозонган эди. Фирин, бир томондан, маҳбуслар руҳиятини яхши билгани, Миртемирнинг шоир сифатидаги келажагига катта умид ва ишонч билан қарагани, иккинчи томондан эса, маҳбус шоирнинг қамалишга арзирли бирор айб қилмагани учун уни муддатидан олдин оқлаш чорасини кўрди. Ва Миртемир учун орзиқиб кутилган хушхабар 1935 йил 1 январда лагерга етиб келди.

“Эсадаликлар”да шу ҳақда бундай сўзлар ёзилган:

“1. 1. 35. Бу кун бўшашиб хабари келиб, кутубхонани топшира бошладим.

4. 1. 35. Союҳ - 40° га етди”.

Янги йил ҳамма учун – озодлік офтоби нурларини симириб яшаётган кишилар учун ҳам, қамоқхона ва лагерларнинг аччиқ тузини тотиб, қулдек меҳнат қилаётган маҳбуслар учун ҳам байрам бўлиб қолади. Айниқса, маҳбуслар, бошқалардан ҳам кўра, Янги йилга катта умид билан қарайдилар. Шу йили мамлакат ҳаётида ёки менинг тақдиримда катта ўзгариш юз беради, деган умид чечаклари улар қалбида фунчалаиди. Хушхабар нашидаси билан яшаётган Миртемир учун эса Янги йилнинг биринчи куни, чиндан-да катта байрам эди. Шундай кўта-

ринки руҳ билан яшаётган шоир Янги йил оқшомида шеър ёзис, уни “Қадаҳ” деб номлади. Ва шеърни умид учқунлари порлаб турган бундай сатрлар билан бошлади:

*Бу йўлларни мардона кечганим учун,
Бу сувларни ёна-ёна ичганим учун,
Ғуссаларимга кафан бичганим учун
Ичаман гул сувлари тўлиқ бир қадаҳ.*

*Қадаҳжи, шаффоф қатра каби товланар,
Қадаҳки, ийгитлигим қонимда ёнар,
Қадаҳки, кўпикланар ва тўлқинланар,
Ичаману бўймайман сарсари маддоҳ...*

Миртемирнинг озод этилишини лагердаги рус шоирлари самимий қарши олиб, унга бағишлиган қалб сўзларини шеърий тил билан ифодаладилар. Уларнинг сўнгти шеърлари 13 январь куни “Эсадаликлар”га битилди. Тахмин қилиш мумкинки, озодликка эришган шоир 13-14 январь кунлариёқ Москванинг Козон вокзалига келиб, поездга ўтирган.

*Хайр, қўл бер, зўр иншоот, канал қирроқлари,
Ёз кунлари ёд этганим ўрмон кучоқлари,
Юлдузларнинг рақсига сағна бўлган дарёлар,
Юрагига меҳнатимиз раҳна солган қоялар...*

Қамоқقا олинниб, Москва – Волга канали қурилишидек аждаҳо оғиздан омон чиқиб келган шоирнинг бирор ижодий муассасага ишга жойлантиши осон эмас эди. Аммо, Миртемирнинг баҳтига, лагерь бошлиғи яна мурувват кўрсатиб, уни Тошкентдаги Болаларни бадиий тарбиялаш Марказий уйига ишга жойлаштари учун йўлланма ёзис берган эди.

1937 йиљда тутила бошланган меҳнат дафтарчада ёзилишича, Миртемир 1935 йил 15 февралда Болаларни бадиий тарбиялаш Марказий уйига ишга йўлланган ва шу куни ёқ мазкур муассасанинг адабий бўлимига мудир этиб тайинланган. Озодликдаги ҳаёти кўнгилдагидек бошланган шоир шу кунларда С.Г.Фиринга миннадорчилик билдириб хат езди ва ундан шоир номига куйидаги телеграмма келди:

**“СРОЧНАЯ
ТАШКЕНТ ГОГОЛЕВСКАЯ 12 ІД ХВД
ТУРСУНОВУ МИР ТЕМИР
ПОЛУЧИЛ ВАШЕ ХОРОШЕЕ ПИСЬМО ТЧК БУДУ РАД
ВАМ ПОМОЧЬ ЧЕМ МОГУ ТЧК УВЕРЕН ЗПТ ЧТО БУДЕ-
ТЕ ОДНИМ ИЗ ЛУЧШИХ ПЕВЦОВ СОВЕТСКОГО УЗБЕ-
КИСТАНА ТЧК ЖЕЛАЮ ВАМ НА ЭТОМ ПРЕКРАСНОМ
ПУТИ УСПЕХА И РАДОСТИ ТЧК ФИРИН”.**

Шундай қилиб, Миртемир ҳаётининг мудҳиши саҳифаси орқада — Москва — Волга канали бўйларида қолди ва у тақдирнинг бу сўқмогини мардана босиб ўтди.

Бир гўзал

Бундан эллик уч йил муқаддам Олимлар уйининг ҳозирги Моварооннаҳр кўчасидаги ҳашаматли биносида атоқли фольклоршунос олима ва шсира Музайяна Алавиянинг 50 йиллиги гўзал бир даврада нишонланган эди. Ўшанда Фанлар академијасининг Тил ва адабиёт институтига ишга келган ёшлиардан бири эдим. Шу туфайлими, институт директори Азиз Қаюмов кечакинг бадиий қисмнга раислик қилишни менга топширган. Ўз санъатлари билан йигилиш аҳлига хизмат қилиш учун келган машхур хонанда ва раққосалар орасида Коммуна Исмоилова ҳам бор эди. Унинг бир жуфт ашуласи йигилганлар томонидан самимият билан кутиб олинди. Анжуманга ташриф буюрган меҳмонлар орасида Миртемир ҳам бўлиб, у залдан туриб хонандадан “Бир гўзал” қўшигини айтишни илтимос қилди. Лекин қарсаклардан ўзини йўқотиб кўйган хонанда шоирни танимадими ёки унинг сўзларини эшитмай қолдими, ҳар қалай, қайта сағнага чиқмади.

Мен ўша пайтда “Бир гўзал”нинг ижодий тарихини билмас эдим. Кейинчалик Коммуна Исмоилова ва Ҳадия Юсупова ижросида тингловчилар меҳрини қозонган бу ашула шунчаки қўлшиқ эмас, балки инсон руҳий ҳаётининг драмаси эканини билдим. Бу ашула оҳангни ва сўзларида Миртемир қалбининг шифо топмас жароҳатлари муҳрланганки, хаёлим ҳозир шу шеър дунёга келган 30-йиллар тўғонида учиб юргани учун, унинг мунгли-гўзал сўзларини куйида сиз азиزلарнинг эътиборингизга ҳавола этмоқчиман:

*Дейдиларким, шаҳфимда бир гўзал бормиши,
Ҳар оқшом боққа кириб мени сўрармиши.
Изларимни тополмай оҳлар урармиши –
Гир-гир юрармиши,
Ҳайрон бўлармиши...*

*Ўлтириб япроқлар-ла сурхбат қурармиши...
Ишқ учун осмас кимса мени, деб, дорга –
Баъзан қўлин чўзармиши мунгли дуторга,
Соғлиқлар тилар эмиш олисда ёрга,
Асл хушторга,
Ҳажрида зорга...
Саломлар йўллар эмиш бу интизорга...*

Бу сўзлар Миртемир қалбидан қўшиқ бўлиб оққан. У мазкур шеър қоғозга тушган 1934 йил 24 июль кунидан то Тошкентга озод бўлиб келгунига қадар, ҳатто ундан кейин ҳам шу сатрларни кўйлаб, замзама қилиб, биринчи муҳаббатини қозонган аёлни кўз олдига келтириб яшаган.

Аммо у маҳбуслик кишанларидан бўшаб, оиласи бағрига қайтганида, нафақат қизи ва онасидан, балки хотинидан ҳам жудо бўлганини кўради: Ҳалима бошқа бир кишига турмушга чиқиб кетган ва Миртемирни ўз ҳаёти дафтаридан бир умрга ўчириб юборган эди.

Бу дунёга келган инсон қадди-қоматини тиклаб олгунига қадар нималарни бошидан кечирмайди, дейсиз. Унинг ҳаётида рўй берган ҳар бир ноҳуш ҳодиса қалбига игна бўлиб санчилади. Ўша йилларда Миртемир қалбига санчилган игналар шу қадар кўп бўлган эдикি, шоирнинг бундай руҳий жароҳатларга қандай қилиб дош берганига баъзан аклим бовар қилмай қолади.

* * *

Шундай кишилар борки, улар ишқ дардига мубтало бўлиб, “ўлдим, куйдим”, дея даста-даста шеърларни қоралашади. Ва бир маҳал кўзларини очиб қарасалар, туппа-тузук шоир бўлиб қолган бўладилар.

Миртемир туғма шоирлар зуваласидан эди. У кимгадир бўлган муҳаббати туфайли шоир бўлмаган. У том маънода шеърият

шайдоси эди. Унинг ўчун бу дунёда шеъриятдек бошқа илохий ҳодиса бўлмаган. Щунинг учун у сўнгти шеърларининг бираидаги шеъриятни Каъбага қиёс қилиб: “Каъбамсан, шеърият, эзгу эҳромим”, деб ёзган.

Шеъриятга шундай юксакликдан туриб ёндашган шоир учун ҳаёт бирдан-бир шеър манбай эди. У қаламга олмаган бирор мавзу қолмаган, ҳаётдан олган ҳар бир мавзуни шеърият эҳромига олиб кириб, унга илохий қанот багишлашга интилган.

Миртемирнинг 1935 йили Тошкентта қайтиб келганидан сўнг ёзган шеърлардан бири “Сулув” деб аталади. Бу шеърнинг дастлабки сатрлари ёқ шоир дутори торлари узилмаганидан, аксинча, некбин оҳанглар олами билан ҳамоҳанг жарантлашда давом этаётганидан дарак берган эди:

*Хушибахт қўшиқлардан жаранглар осмон,
Ялла товушилари учади баланд.
Кўнгил яйраб кетар, олам олар шон,
Гуллар манзараси севинчга пайванд.*

*Юрак тўлқинларим: ёз, дейди, баёт!
Кўшиқлар келади дилга бутун ёд.
Альон лавҳаларда ярқирап ҳаёт,
Шеър бўлур бунёд.*

Демак, ҳаёт дарёсининг оқиши, йил фаслларининг алмашиниши, баҳор шабадаларининг атиргуллар уфорини олиб келиши билан шоир қалбидаги жароҳатлар бир оз бўлса-да малҳам топган ва унинг Қўллари илҳом тулпори жиловини маҳкам ушлаб олган эди.

* * *

Шу ерда шоирнинг тўнғич ўғли Миржалолга сўз берсак. У отаси ҳақидаги хотираларида бундай ёзган эди:

“Камалишдан олдин отам Самарқандга оналарини, ҳамма ука ва сингилларини чақириб олган, катта оиласа бош бўлиб юрган эканлар. Онамнинг ҳикоя қилишларича, отам авахтадан қайтганларида соchlари бутунлай оқариб кетган экан. Отамга: “Сен ўлимга ҳукм этилдинг! Ҳукм яқин кунларда ижро этилади”, деб айтишган экан. Адабиётшунос олим профессор Озод

Шарафиддинов айтишларича, отам камерада ётган пайтида камерадош рус большевиклари: “Горькийга хат ёзинг”, деб маслаҳат беришган. Отам шундай қилғанлар ҳам. Алексей Максимович Горькийнинг кўплаб ёзувчи ва санъаткорларни ўлимдан сақлаб қолгани ҳақида ҳозир газета ва журнал саҳифаларида тез-тез ёзилиб турибди. Нима бўлганда ҳам отам отилмай қолганлар...”

Миржалол Турсуновнинг бу хотираси, қатагон даври тўғрисидаги бошқа хотираларда бўлгани сингари, айрим чалкашликлардан холи эмас. Аввало шуни таъкидлаш лозимки, терговчилар 30-йилларда ҳибсга олинган маҳбусларни қўрқитиб, улардан тегишли маълумотни олиш учун уларнинг отилиб, беиз ва бекабр кетишлари муқаррарлигини айтишган. Аммо уларнинг бу дағдагаларини суд ҳукми сифатида қабул қиласлик лозим. Иккинчидан, Миртемир Самарқанд ва Тошкентдаги камераларда бирорта рус большевикларига дуч келмаган. М.Горькийга хат ёзиб, ноҳақ қамалганини маълум қилишни эса Дмитров лагеридаги рус шоир ва ёзувчилари эйтишган бўлиши мумкин. Мен шунга яқин гапни Озод Шарафиддиндан эшитиб, Москвадаги М.Горький музейига борганимда, музей ходимлари М.Горькийга хат ёзган кишилар картотекасидан Турсунов Миртемирнинг исм-шарифини топа олмаганлар. Уларнинг айтишларига қараганда, агар Миртемир рус йўқсил адибига чиндан ҳам хат орқали мурожаат этанида, унинг хати музей фондидан, исми эса картотекадан, албатта, топилган бўларди.

* * *

Миртемир Болаларни бадиий тарбиялаш уйида бир оз ишлаб, уч-тўрт сўм топганидан сўнг, ота-оналари ва қариндошурӯвларини кўриб келиш учун совға-салом олиб Ийқон қишлоғига борди. У бир-икки кун меҳмонма-меҳмон юриб, яқин қариндошларини зиёрат қилганидан кейин отаси уни ёнига чақириб, дилидаги орзу-армон дастурхонини очди:

- Ўғлим, мана, пешонангда бор экан, большавойлар давлатининг қамоғиу лагерларини ҳам кўриб келдинг. Сен кўрган азобларнинг бир қисмини кўриш менинг ҳам қисматимга ёзилган экан. Шояд бундан кейин омон-эсонлик ва хотиржамлик билан кун кечирсак. Аммо вояга етган, ҳатто бир бор оила кўрган одам учун хотиржамлик фақат янги

оила қургандан кейин келади. Шаҳар – шаҳар. Шаҳарлик қизлар қишлоқда ўстган сенга ўхшаган содда йигитларга хотинлик қилишмайди. Каллаи саҳарда туриб қудуқдан сув тортиб, самовар қайнатмаган, сигир соғиб, нонуштага икки коса сут пишириб келмаган, пичан ўриб, ўтин ёрмаган хотин хотин бўлармиди?! Шаҳарлик қизлар пардоз-андоздан бошқа нарсани билишмайди. Мана, биттасининг қанақалигини ўз кўзинг билан кўрдинг. На онанга қаради, на қизингта. Натижаси ўзингга маълум... Узун тапнинг қисқаси шулким, синглим Саҳронинг, яъниким аммангнинг қизи бор. Оймисан ойдек қиз. Кўргансан уни. Олдин кўрганингда анча ёш эди. Ҳозир бўйи етиб кўзга кўриниб қолган. Ҳалиманинг уялмай-нетмай бошқага тегиб кетганини эшигтанимдан бери шуни ўйлайман. Хоҳласанг, унга ўйланиб, у билан шу ерда, қишлоқда биз билан яша. Хоҳласанг, унга ўйланиб, шаҳарга олиб кет. У қишлоқда ҳам, шаҳарда ҳам юзингни ерга сира қаратмайди... Ўйлаб кўр, ўғлим... Санқиб юраверсанг, онангнинг руҳи безовта бўлади...

Миртемир отасининг ора-чора йўталиб, тўхтаб-тўхтаб айтган бу сўзларини диққат билан тинглади. Унинг сўнги сўзи эса юрагини бехос тирнаб-қонатиб юборди. У қўлини қаншарига олиб борган киши бўлиб, тўкила бошлаган кўз ёшларини артди. Сўнгра “маъқул, ота, ўйлаб кўраман”, дегандек ишора билан ўрнидан турди-да, ташқарига отилиб чиқди.

Турсунмуҳаммад ўғлига бу сўзларни айтишдан аввал кўнглида тугиб юрган ниятини синглиси Биби Саҳроба билдирган ва унинг ҳам Миртемирга меҳри борлигини билган эди.

Хуллас, ота билан бола ўртасида бўлиб ўтган сұҳбатдан сўнг Миртемир Биби Саҳронинг қизи Ёрқинойга ўзгача кўз билан қарай бошлади. Ёрқиной ҳам қозонга пиёз-тўшти ташланган ошнинг исини сезгандек, Миртемирни кўрганда яноқларига қизил ранг югурадиган бўлди.

Миртемир Тошкентга қайтиш учун ота-оналари, ука-синглилари билан хайрлашар экан, Ёрқиной ўзи ёпган иссиқ нонларни тутунга солиб, кўча муюлишида кўзларини ерга қадаган ҳолда шоирга узатди.

*Хайрлашдим муюшида кўчанинг:
— Хайр, раҳмат... Унутилмас яхшилик!*

*Эшик очди... ёруғ қўйни кечанинг –
Барно қизнинг сочи янглиғ кўп силмиқ.*

*Хайрлашдим, ўпдим, жаранглаб куиди,
Юлдузлар нур тўқоди кетар йўлимга.
Қалбим бир севинчга парвона бўлди,
Севиб қолдим.
Балки бу қиз...
Она бўлур тунгилажак ўғлимга.*

Орадан бирор ой ўтгач, 1935 йилнинг ёз кунларидан биринда Миртемир Ёрқиной (Тўраш) Абдуқодир қизига уйланиб, уни Тошкентта олиб келди.

Шундай қилиб, театр саҳналарида хиром айлайдиган гўзал ўрнига Миртемир ҳаётига наҳор пайти қудуқдан сув тортиб чой қайнатадиган, сигир соғиб, нонуштага икки коса қайноқ сутни олиб келадиган, пичан ўриб, ўгин ёра биладиган гўзал кириб келди. Аммо Тошкентдек азим шаҳарда унинг бундай юмушлар билан шугулланишига эҳтиёж йўқ эди. Лекин у шоирга вафодор рафиқа, фарзандларига эса меҳрибон она бўлди. Шунинг ўзи эр кишининг бу дунёда эришадиган энг катта баҳти эди.

Иккивчи она

Агар ёдингизда бўлса, Миртемир иккинчи онаси тўғрисида сўзлаб: “Ўз онам оламдан ўтгандан кейин қозоқ онам ўз боласидай менга меҳрибон бўлди”, деб ёзган эди. Агар шоирнинг ўзга онадан туғилган сингилларидан бири Малика оланинг маълумоти тўғри бўлса, бу онанинг исми Ибодат бўлган ва ундан ·Майса, Баҳри, Хайринисо, Бобош, Мамнуна ва Хурсандой деган беш қиз билан бир ўғил дунёга келган. Ағсуслар бўлсинки, Ибодат аяннинг қачон ва неча ёшида ёруғ дунёни тарқ этгани бизга қоронги. Бизга фақат шу нарса маълумки, у ҳам узоқ умр кўрмаган. Миртемир ҳаётини 70-йиллар аввалида ўрганишга киришган, шоирдан кўпгина саволларига жавоб олган ва шу имконият билангина кифояланибгина қолмай, у билан бирга Ийқонга бориб, унинг яқин қариндош-уруглари билан танишган шоир Отаёрнинг устозига бағишланган китобида Ибодат ая ҳақида фақат бундай сўзларги-

на ёзилган: “Миртемир иккинчи онасини ҳам жуда яхши кўрарди. Ундан доим рози ўтди. Қамтар, камсукум бу аёл ҳёётдан хасталик билан кетди. Шоир уни кўп эслайдиган бўлди. Тушларида кўрди...”

Отаёрнинг ёзишича, Ибодат ая қилтомоқ хасталигидан ва-фот этган. Миртемирнинг қўлёзма ҳолида қолган ва Отаёрнинг “Миртемир” китобида илк ва сўнгти бор эълон қилинган “Қилтомоқ” деган шеъри унинг порлоқ хотирасига бағишиланган.

Мана, ўша шеър:

*...Қилтомоқдан кетди иккинчи онам,
Ўз онамдай эди — онамдан кейин.
Не оғир кунларда мунис ҳамхонам,
Мехри олов эди, ўлчамоқ қийин.*

*Қилтомоқдан кетди, қолди жўжсалар,
Барчасига жондан оға бўлдим мен.
Йўлларда машъала — меҳнат ва ҳунар,
Нурга етакладим, дарға бўлдим мен.*

*Онда-сонда тушда кўраман аниқ,
Ўз онам ёнида рўмоллари оқ.
Она қалби, сўзсиз, ҳамиша ёниқ,
Жилмайиб қўяди икоғлон, бироқ.*

*Эҳтимол, бу жиндан маюмат бўлса,
Кошки разиликдан аломат бўлса...*

Ўз фарзандлари қаторида Миртемирнинг олтин бошини ҳам меҳр-муҳаббат билан силаган, унинг ўксик қалбига малҳам қўйишга уринган бу олижаноб Аёлнинг охирати обод бўлсин. Миртемирнинг Онага бағишиланган кўплаб шеърларидан унинг ҳам чехраси жилмайиб туради.

Шоир иккинчи онаси Ибодат аядан ва бошқа оналаридан дунёга келган барча ука ва сингилларини оёққа турғизиб, уларнинг яхши ва ёмон кунларида акалик меҳри ва мадади билан қатнашиб, бу оналар руҳи олдидағи қарзини узишга интилди.

Миртемирнинг маҳбуслик йилларида бўлиб ўтган энг катта адабий воқеа собиқ СССР ёзувчиларининг I қурултойи эди. Дмитлагга эндиғина етиб келган маҳбус 17 август куни Москвада очилган бу улкан анжуманга нафақат қардош республикалар, балки дунёning бошқа мамлакатларидан ҳэм талайгина машҳур шоир ва ёзувчиларнинг ташриф буюргани ва улар иштирокида бадиий ижод масалалари, адабиётнинг кечаги, бутунги ва эртанги кунларига оид масалалар муҳокама қилинаётганини эшишиб, тақдирнинг унга ўтай кўз билан қараганидан қора хаёлларга бориб, бу дунёга келганига юз бор пушаймон бўлган. Лекин лагернинг тарбиявий ишлар бўйича раҳбарлари Миртемир сингари қаламкашларга: “Ҳацеб куюна берманглар. Лагерь матбуотида чоп этилган ватанпарварлик руҳидаги асарларингиз билан “канал аскарлари”ни зарбдор меҳнатга қанчалик илҳомлантира олсангиз, совет адабиётига ҳам шунчалик ҳисса кўшган бўласиз. Қурултойда худди шунга ўхшаган масалалар муҳокама қилинмоқда”, леб уларга таскин берган.

Миртемир ҳаётининг маҳбуслик даврида бу тарихий воқеадан ташқари, яна бир қанча хушиуд воқеалар ҳам рўй берди: Ўзбекистонда Миртемир сингари ёшларга таъна тошларини отган “Курилиш” журнали ўрнига “Ўзбекистон шўро адабиёти”, “Ўрта Осиё ҳалқларининг шўро адабиёти” (рус тилида) журналлари, “Ўрта Осиё адабиёти” (бу ҳам рус тилида) газетаси чиқа бошлади; янги асарлар яратилди; Йўқсил ёзувчилар уюшмалари төрқатилиб, Ўзбекистон Ёзувчилар уюшмаси тузилди; Инжиқободда Ўзбекистон ёзувчиларининг 30 кишилиқ дам олиш уйи очилди; Тошпўлат Саъдий, Фолиб (Комилжон Иброҳим), Абдулла Авлоний сингари ёзувчилар оламдан ўтдилар... Бу яхши ва ёмон воқеалар силсиласида яна бир муҳим тарихий воқеа содир этилиб, ягона ижодий методи ишлаб чиқилган шўро адабиёти пештоқига синфиийлик ва партиявийлик байроқлари илинди. Лекин бу сўнгти воқеа лагерда маҳбуслик қаламини тебратга бошлаган Миртемир учун янгилик эмас эди.

Шоир, юқорида айтиб ўтганимиздек, 1935 йил 15 февралдан бошлаб Тошкентдаги Болаларни бадиий тарбиялаш марказий уйида адабий бўлим мудири лавозимида хизмат қила бошлади. У шу йилларда илк бор болаларга бағишланган “Ўғил”,

“Ухла, қўзим” сингари шеърлар, “Жилға бўйида”, “Ез (туристлар ашуласи)” сингари қўшиқларни ёзди...

Ўтган асрнинг 40-йилларида Янги шаҳардаги Романовлар уйида жойлашгандай кашшофлар саройининг ўнг томонида, ҳозирги Буюк Турон кўчасига туташган кичкинагина бинода Болаларни бадиий тарбиялаш марказий уйи жойлашган эди. Аммо шу йилларда на кашшофлар саройидаги, на марказий уйдаги тўғракларда бирорта ўзбек боласи бўлмаган. Шунинг учун кимнингдир даъвати билан биз, юқори синф ўқувчилари, шу ердаги тўғракларга таклиф этилганмиз. Кашшофлар саройи доим ёшлиар билан гавжум, марказий уйда эса, улар сони оз, айниқса, ўзбек болалар анқонинг уруғи эди. Шунинг учун ҳам бундан 13-14 йил илгари, 1935-1936 йилларда шу ерда болаларни бадиий тарбиялаш борасида жиддий ишлар олиб борилганига ишониш қийин. Тахмин қилиш мумкинки, куни кечак маҳбуслик либосини очиб келган шоир мажбурият орқасида шу ерда бир неча йил хизмат қилган. Балки у шу вақтда ўзбек мактабларига бориб, ўқувчиларни марказий уйга олиб келишга уринган, ёзги таътил кунларида эса латерларга бориб, ўзбек тилида ашула айтишлари учун уларга шеърлар ёзиб берган. Балки турли-туман адабий кечаларнинг сценарийларини ҳам ёзиб бергандир. Лекин шоир марказий уйда эгаллаб турган лавозимидан бўшаганми ёки шу муассасадаги бошқа бир лавозимга ўтказилганми – бу бизга қоронги. Ҳар ҳолда у 1936 йил 1 апрелдан бошлаб қаердадир адабий ходим ва таржимон лавозимида фаолиятини давом эттиради. 1936 йил 11 августда эса хизмат қилаётган жойидан ўз иштиёри билан кетади.

Миртемирнинг “Мехнат дафгарчаси”дан олинган қўчирмада унинг 1936 йил 11 августда “Янги ҳаёт” газетасига адабий ходим этиб ишга олингани айтилган. Ўзбекистон Китоб палатаси нашрларида 30-50-йилларда шундай ном билан чиқсан бир неча туман газеталари қайд этилгани ҳолда мазкур газета умуман тилга олинмаган ва у ҳақда бирор манбада маълумот учрамайди. Бироқ таникли журналист Аъзам Аюбнинг акаси Азим Аюбнинг қатагон қилинишига оид ҳужжатлардан маълум бўлишича, “Янги ҳаёт” газетаси Маориф халқ комиссарлиги ҳузуридаги “Ўқитувчилар газетаси” нашриётида чоп этилган. Азим Аюбовни 1938 йили газета муҳаррири Х.Азимжонов ишга олган. Шу вақтда “Янги ҳаёт” газетаси таҳририятида А.Аюбовдан ташқари, Муҳаббат Қосимова деган аёл ҳам хизмат қилган. Аммо бу ходимларнинг бири 1937 йилда “халқ

душмани" сифатида қамалган Аъзам Аюбнинг акаси, иккинчиси эса 1930 йилда қамоққа олинган Ўзбекистон Республикаси Олий суди раиси Сайдулла Қосимовнинг синглиси бўлганликлари боис аксиликлобий фаолиятда айбланиб, жамиятдан "четлаштирилган". Республикадаги барча газеталар 1938 йилда Алишер Навоий тугилган куннинг 498 йиллигини муносиб нишонлагани ҳолда, "Янги ҳаёт" газетаси бу тарихий санани четлаб ўтган ва бунга ўша "халқ душманлари" айбор бўлган эмишлар.

Шу хунук воқеадан аввал, 1937 йил 23 октябрда; 1937 йил бўрони ҳамон гурлаб турган пайтда Миртемир миллатчиликда айбланиб, ишдан олинади. Аммо Маориф халқ комиссарлиги Миртемирнинг ноҳақ ишдан олингандиги ҳақидаги аризасини кўриб. 1937 йил 6 июлда мазкур қарорни бекор қиласди.

Миртемирнинг бизга етиб келмаган, аммо кўчирмаси хужжатгоҳларда сақданаётган "Мехнат дафтарчаси"даги энг сунгти маълумот шу ҳақдадир.

* * *

...Миртемир Агро-колхоз институтида ўқиб ёки ишлаб юрган қезлар эди. У қандайдир юмуш билан Абрам бульвари оша утар экан, ёшлигининг қайноқ даври кечган, таниқлы олимлар ва ёзувчилар билан учрашган, адабий мавзулардаги баҳс ва маърузалар билан билим ҳазинасини бойитган, ижодига қанот бағишилаган педакадемияга оёги тортиб қолди. У педакадемия зинасидан кўтарилиб, ҳар доимдагилек очиқ эшикдан хуш кайфият билан кирди-да. таниш қоровул билан сўрашиб, нима учундир унинг ёнида турган хонтахтага кўз қирини ташлади. Бошқа шаҳарлик талабаларга келган хатлар одатда шу хонтахта устида ёйилиб-сочилиб ётарди. У қоровулнинг: "Анчадан бери сизга хат-хабар келмаяпти"; деган сўзларини эшигмадими, ҳар қалай, хонтахта устида ёйилиб, баъзилари кўпдан бери кўлдан-кўлга ўтганлиги сабабли очилиб қолган хатлардан бир-иккисини олиб, ўзига келмаганига амин бўлди. Аммо шу пайт бир туда хатлар тагида "яшириниб ётган" кўк пакетга кўзи тушди. Пакет устига "Ҳамид Олимжонга" деган сўзлар бигилган эди. У дўстини суюнтиromoқчи бўлиб, кўк пакетни олди-да, қоровул билан хайрлашиб, педакадемиядан чиҳиб кетди.

Миртемир ўша куниёқ Ҳамид Олимжонни топиб, унга "кўк пакет"ни берди.

Миртемир пакетнинг қаердан ва кимдан келганига мутлақо зътибор бермади: унда ўзгага келган хат ёки пакетнинг кимдан, қаердан келгани билан қизиқиш одати йўқ эди. Лекин Ҳамид Олимжон пакетни очиб қараса, унинг ичидаги нарса бирор қаламкаш дўстининг янги китоби эмас, балки “Ёш Туркистон” журналиниң бир сони экан. Ўша йилларда Туркистон Мухторият ҳукуматининг сабиқ рэиси Мустафо Чўқоев шўро давлатининг ашаддий душмани деб эълон қилинган, бинобарин, Парижда у нашр этаётган журналниң бирор ватандошимиз томонидан олиб ўқилиши кагта сиёсий айб ҳисобланар эди. Шўро давлатига садоқат руҳида тарбияланган Ҳамид Олимжон ўша кезларда бу журнални олгач, уни ё йиртиб-куйдириб ташлаган, ёки тегишли идорага топширган бўлиши эҳтимолдан холи эмас. Аммо орадан бир неча йил ўтиб, 1937 йил қузғунлари учиб келганида, рақиблардан бири шу воқеани эслаб, шоир боши узра учиб юрган қузғунларга “гўшт ташлайди”. Ҳамид Олимжон мажлисларда: “Мен бу аксишурорий журналга ҳеч қачон ёзилмаганман. Менда уни бирордан олиб ўқиш нияти ҳам ҳеч қачон бўлмаган. Бу менга чоҳ қазимоқчи бўлган душманларнинг иши! Улар журнални атайин менга юборишиганд”, деб ўзини ҳимоя қилишга уринади. Рақиблар чўнтакларини кавлаб, Ҳамид Олимжонни гўё бадном қилувчи яна нималарнидир топиб, қора дастурхон устига ташладилар. Ўзбекистон Ёзувчилар уюшмаси ташкилий комитетининг 1937 йил 2 ноябрда бўлиб ўтган йиғилишида Ҳамид Олимжон уюшма аъзолигидан учирилди. Лекин у баҳтли тасодиф туфайли 37-йил тегирменидан омон чиқди.

Ҳамид Олимжон бошига тушган кулфатга қайсиdir даражада сабабчи бўлгани учун Миртемир дўсти олдида ўзини ҳижлатдор, айбор деб эзилиб юрди. У дўсти бошига тушган савдони бартараф этишга имкони қадар уринди. Буни кўрган рақиблар энди Ҳамид Олимжон билан бирга Миртемирнинг ҳам “Қизил қалам” жамиятидаги фаолиятидан сиёсий хатолар ахтаришга киришдилар. Энди Миртемир бошида ҳам қора қузғунлар ўйини бошланди...

“Бир куни айланиб юрсан, – деб эслаган эди Миртемир адабиётшунос Гурғунбой Халилов билан сұхбати чоғида, – Ҳамид учраб қолди. Менга қилинаётган муомалани эшишиб, ҳаддан зиёд ранжиганини айтди, ҳеч тортинимай уйига кириб туришимни тайинлади. Бунақа пайтда бир оғиз сўз ҳам одам-

нинг кўнглини тоғдаи кўтариб юборади. Унинг дардкашлигидан, тақлифидан бошим осмонга етгудай бўлди. Бир-икки кун ўтгандан сўнг Ҳамиднинг уйига кирдим. Ҳамлардлик билдиригач: “Костюминг жуда эскириб қолибди-ку, нечанчи киясан?” – деб сўради. Мен, албатта: “Ҳожати йўқ, раҳмат”, деган бўлдим. Анча кундан кейин яна кирсам, костюм олиб қўйган экан, кийдириб юборди.

Кейинчалик Ҳамиднинг яхшилигини юз фоиз қайтарганман. Аммо унинг тантилиги, келиб чиқиши мумкин бўлган кўнгилсиз оқибатдан чўчимай, бошига синоғлик кунлар тушган сафдошининг қўлтиғига кириши, ҳам маънавий, ҳам моддий мадад бериши ҳамманинг ҳам қўлидан келавермайди. Айниқса, ўша вақтдаги мураккаб вазиятда, ўргимчак уясидек чигал адабий жараёнда Ҳамиддек ўқтам, имони бутун бўлиш жуда мушқул эди. Аммо у табиатан шунаقا, “ўзим бўлай” дейдиганлардан эмас эди. Ҳатто кейинроқ эшитишмича, Ҳамид узоқ сафардалик пайтимда ҳам менинг китобимни чоп эттиришга ҳаракат қўлган. Бунинг учун мажлисларда неча бор “Халқ душманининг китобини чиқармоқчи”, “ҳимоячиси” деган аччиқ таъналарни эшитган”...

Бу ўттиз еттинчи йилнинг оддий кунлари эди.

Адабиёт байрамлари

1937 йил рус халқи ва маданиятининг мусибатли саналаридан бири эди. Бундан 100 йил аввал, 1837 йил 10 февральда, Петербургдаги Қорадарё бўйида Данtes ўқидан оғир жароҳат олган А.С. Пушкин шу куни ҳаётдан кўз юмган эди. Инсоният тарихида янги тартиб ва қоидаларни жорий қилган шўро давлати шу мусибатли санани рус адабиётининг улкан байрамига айлантиromoқчи бўлди. Буюк шоир вафотининг 100 йиллигини юксак даражада нишонлаш мақсадида 1936 йилнинг ёз ойларида ҳукумат қарори чиқди ва барча шўро республикалари шу қарор асосида ўз ҳудудларида амалга оширилажак юбилей режаларини ишлаб чиқдилар. Ўзбекистон Халқ Комиссарлари Совети қабул қўлган қарорга кўра, А.С. Пушкиннинг барча асосий асарлари ўзбек тилига таржима қилиниб, 1937 йилнинг юбилей (февраль) кунларига қадар нашр этилиши лозим эди. Шу қарорни тўла амалга ошириш мақсадида Тошкент вилоятининг ҳушманзара масканларидан бири

— Чимёнда таржимон шоир ва ёзувчилар учун етти ўтов тикиб берилди. 1937 йилнинг эрта баҳорида Ойбек, Ҳамид Олимжон, Элбек, Шайхзода, Абдулла Қаҳдор, Усмон Носир ва Темур Фаттоҳдан иборат етти ижодкор буюк рус шоири асарларини таржима қилиш учун Чимёнга чиқиб кетдилар. Ойбек “Евгений Онегин” шеърий романини, Ҳамид Олимжон “Сув париси” ва “Кавказ асири”ни, Усмон Носир “Боғчасарой фонтани”ни, Абдулла Қаҳдор “Капитан қризи”ни, Темир Фаттоҳ “Лўлилар” асарларини. Шайхзода билан Миртемир эса Пушкиннинг лирик дурдоналарини ўзбек наволарида жаранглатиб беришлари лозим эди. Миртемир ўз зиммасига юклатилган шарафли вазифани Тошкентда қолиб, уй шароитида бажаришга киришди.

Ҳар бир миллий тилнинг бойлиги ёки камбағалииги бошқа тиллардан қилинажак таржима жараёнида яқзол намоён бўлади. 30-йилларга қадар рус ёзувчиларининг, жумладан, Пушкиннинг бир неча асарлари ўзбек тилига таржима қилинган бўлса-да, ҳали ўзбек тилининг лисоний ва бадиий имкониятлари тўла кашф қилинмаган эди. Ҳусусан, французча сўз ва атамалар зиёда бўлган “Евгений Онегин” шеърий романини таржима қилиш учун таржимон (Ойбек)дан бир қатор ижодий муаммоларни ҳал қилиш талаб этилди. Щундай қийинчлилик ва муаммолар Миртемир олдида ҳам оз бўлмаган. Бу ҳар иккала шоир олдида турган муаммолардан бири Пушкиннинг 9 ёки 11 ҳижолик шеърларининг ўзбек хусусиятларини сақлай билишда, унинг ҳар бир мисрасида мужассамланган поэтик фикрни шундай ўлчовли шеърларда барча бадиий гўзаллиги ва латофати билан ифодалашда эди. Рус комсомол шоирларининг жўн шеърларидан кейин Пушкиннинг лирик дурдоналарини ўзбек тилига таржима қилиш Миртемирга осон бўлмаган. Аммо у азбаройи тиришқоқлиги ва ўзбек адабий тилинингтина эмас, айни пайтда Туркистон шаҳрида яшовчи эзатларнинг шеваларини ҳам яхши билганилиги туфайли рус тилидаги сўзларнинг ўзбекча нусхаларини топиш ва, энг муҳими, Пушкин шеърларидаги бадиий гўзалликни ёрқин ифодалашга муваффақ бўлди.

Миртемирнинг 1936 йилда Пушкиндан қилган таржималаридан бири “Истак” шеъридир. У рус шоирининг 1816 йилда, яъни 80 йил аввал ёзилган шеърини бундай таржима қилган:

*Кунларим оҳиста судралиб ўтар;
Мунглуг күнгәдим учун ҳар зум беомон.
Бевақт севғи дардин орттириб кетар.
Тентак хаёлларим қўзғар ҳаяжон.*

*Аммо сукутдаман; чиқмас фиғоним;
Йиғлайман; кўз ёшим менга овунчоқ,
Қайғ панжасида қолган бу жоним
Шундан амчиқ нашъя топади ҳар чоқ.*

*Ҳаёт дақиқаси! Уча бер, майли,
Бекінда хаёллар, ийқ бўл зулматда!
Азиздир ишқининг азобли йўли,
Майли ўлсам ўлай шу муҳлабатда.*

Бу шеърни таржима қылганида Миртемир эндиғина йигирма олти ёшга қадам кўйган эди. Аммо 1936 йилдаги 26 ёшли шоирни эллик-олтмиш йил кейин туғилган ва ҳозир 26 ёшга тўлган шоирлар билан қиёслаш мутлақо ноғрин. Зоро, 1936 йилда янги ўзбек шеърияти эндиғина гулга кириб, гўзал чамнга айланба бошлаган, янги ўзбек адабий тили Чўлпон ва Қодирийлар, Ойбек ва Гуломлар туфайли эндиғина Пушкин ва Лермонтовни, Шекспир ва Сервантесни таржима қилиш мумкин бўлган бой ва гўзал адабий тил даражасига кўтарила бошлаган эди.

Миртемир Пушкин шеърларини билим юртидаёқ кашф этгани ва 1936 йилда уларни тўла тушуниб, таржима қила бошлаганига қарамай, ўзида муайян маънавий мададга эҳтиёж сезди. У буюк шоирга багишланган “Даҳо” сарлавҳали мақолосида “Пушкин шеърларини таржима қилишга мароқлантирган ва унданаган” Раҳмат Мажидий номини устоз сифатида тилга олган. Хоразмлик Раҳмат Мажидий турли масъул лавозимларда ишлаб, муайян доираларда эътибор қозонгач, 1934 йилда Ўзбекистон Ёзувчилар уюшмасига биринчи раис этиб сайланган. Аммо у 1935 йилнинг иккинчи ярмида, номаълум сабабларга кўра, Москвага, Қизил профессорлар институтига ўқишига юборилади. Бинобарин, у Пушкин асрлари таржима қилинган 1936-1937 йилларда Тошкентда яшамайди. Миртемир, чамаси, Раҳмат Мажидий билан 1935 йилнинг биринчи ярмида учрашган ва уюшма раиси Миртемирнинг ижодий ўсиши учун

Пушкин асарларини ўқиши ва, иложи бўлса, ўзбек тилига таржима қилиш ҳақида маслаҳат берган бўлиши мумкин. Шу сабабли Миртемир Пушкиндан қилган таржималарини Москва-га, Раҳмат Мажидийга пешма-пеш юбориб, унинг фикр ва мулоҳазаларини олган ва шу фикрлар асосида таржималарини таҳрир қилиб, уларга сайқал берган. Миртемир шу тарзда улуғ рус шоирининг ўндан зиёд лирик шеърларининг, кейинчалик эса “Балиқчи ва балиқ ҳақида эртак”, “Шоҳ Султон ҳақида эртак” ҳамда “Руслан ва Людмила” достонларини катта меҳр ва маҳорат билан таржима қилди, унинг ифодаси билан айтсак, бу буюк асарларнинг “ўзбекча оҳангларини яратди”.

“Мен Пушкин оламида яшаб юрган ўша кезларим, — деган эди Миртемир “Тошкент оқшоми” газетаси мухбири билан қилган сұхбати чөғида, — ҳатто бир кунда 500 сатр таржима қилган пайтларим ҳам бўлган. Эсимда, улуғ шоирнинг “Руслан ва Людмила” достонини ўзбекчалаштираётгандан, таржималарининг мароқли тарзда юришиб бораётганидан ҳайрон қолгандын. Эҳтимол бунга ўша давр тарихий воқеаларини, Пушкин билан боғлиқ тафсилотларни чуқур билганим ҳолда улуғ шоир даҳосига эҳтиромим, иқтидорим ҳам сабаб бўлгандир”.

* * *

Эмис: қадим чоқда — ўтган замонда,
Инсон кўйдан ўраз кутган замонда,
Куюқ қоронгида ётган бир давр,
Гафлат гирдобига ботган бир давр —
Дарёнинг нарида, чўлдан нарида,
Юксак қора тошнинг қия бағрида —
Мавжидада ярқираб қуёш сиргаси,
Оқаркан кўјк булоқ — ҳаёт жигласи...

Агар янгилишмасам, бу сатрлар қоғозга тушгунга қадар Миртемир тарихий ўтмиш мавзуига қўй урмаган, тарихий ўтмиш ҳақидағи халқ эртаклари асосида ҳам бирор асарни қораламаган эди. Шунинг учун эндиғина Москва-Волга курилишидан қайтиб келган ва “қалб қалами” (Туроб Тўла ифодаси)ни эҳтиёткорлик билан тебрататётган шоирнинг 1935 йилда эртаксимон ўтмиш ҳақида достон ёзиши, ҳар ҳолда, мен учун кутилмаган ҳол. Кугилмаганлигининг яна бир боиси шундаки, ўзбек шоирлари, асосан, 1937 йилдан — Пушкин эртаклари билан

танишганлари ва шу эртаклар узбек тилига таржима қилингандан сўнгтина шеърий эртақ жанрида ижод қила бошланганлар.

Миртемирнинг “Аждар” достони юқоридаги сатрлар билан бошланади. Кейин шоир чинор тагидаги қора тош бағридан отилиб чиққан булоқни жўшиб тасвирлайди. У булоқнинг чор атрофга – одамзодга ҳам, ўсимлигу ҳайвонот дунёсига ҳам ҳаёт нафасини уфураётган илоҳий неъмат сифатидаги образини кўз олдимиизда яққол гавдалантиради. Аммо...

*Аммо... оғат тушмии чашма бўйига:
Кайнаган қумларда дунёга келмиш,
Пушти оғулардан – заққумдан бўлмиш –
Бир бало, бир оғат, бадсурат, хунук –
Оғзидан очилган қора бир туйнук –
Кўзлари оловли, тишлари ханжар,
Баҳайбат, жез бадан, улкан бир аждар...*

пайдо бўлиши билан қушлар чинор шохларини тарқ этали, подалар авлоқдан қочиб кетади, одамлар булоқдан оёқларини узадилар. Аммо бу... ҳали ҳолва эди.

*Аждар оғусидан қораймиш кўк сув,
Сувни заҳарламиши келган фалокат,
Эл учун юз бермиш шундай ҳалокат...
Кўк яланг айланган эмиси бир даштга,
Баҳайбат бу бало боқмай ҳаш-пашга –
Кечаси келармииши кишилар сари,
Оналар қочармииши шиглаб сарсари;
Оталар зарбига тоб беролмасдан,
Аждар қарисида тик туролмасдан, . . .
Яроқларин ташлаб кетармиш нари,
Чангалзор ёқларнинг мудҳииш аждари –
Ҳар кеча бир гўдак қонига ташна,
Ҳар кеча бир одам жонига ташна...*

Достон адолат тантанаси билан тугайди. Чўпон темирчи берган мўъжизакор ханжарни аждарнинг оч биқинига санчиб ўлдиради. Булоқ яна қайнаб-жўшиб, эл-юрга, барча мавжудларга хизмат қилишда давом этади.

Балки “оғзи қўйган” шоир бу асар “елқа”сига катта ғоявий юкни қўймагандир. Аммо агар биз 30-йиллар аввалидаги Москва – Волга қурилиши сингари гигант иншоотлар, шу аждар сингари, минглаб бегуноҳ маҳбусларни ғажиб-ютиб юборганини эсласак, достонда бошқа, яширин маъно қатламининг ҳам борлиги сезилади. Ва биз аждар образида 30-йиллардан бошлиб минглаб ватандоштаримизни юмлаbü ютган Шахси кўз олдимизга келтирамиз.

Миртемир “Пушкин эртаклари ҳақида”ги мақоласида эртак жанрининг табиати ва бадиий хусусиятлари тўғрисида мулоҳаза юритиб: “Маълумки, ҳалқ эртаклари ва достонларида ҳалқнинг орзулари, умидлари, ишончлари, қаҳрамонона жанглари, аждарлар, девлар устидан ғалабалари кўйланиб, оғиздан-оғизга кўчиб юради...”, – деб ёзган эди. У Пушкин эртаклари мағзини чақиша давом этиб, В.Г. Белинскийнинг қуидаги фикрини келтирган: “Юксак қобилият фақат ўз камолоти нуқтасидагина ҳатто эртакда (ҳам) шунчалик умумбашарий, чинакам ҳаётий, реал тасвир бера олиши мумкин. Уни ўқиганда эртак эмас, юксак фожиа ўқигандай ҳис қиласан киши!..”

Биз “Аждар”ни ўқиганимизда, шундай ҳолатга тушамиз: унда эртак эмас, балки юксак фожиа – шўро даврининг “юксак фожиа”си тасвирлангандек кўринади.

Кези келганда айтиш жоизки, Миртемир мазкур асарни эндиғина ёшиб тутагтган кунларда Абдулла Қодирий билан учрашиш ва ундан маслаҳат олиш истагида Усмон Носир билан бирга унинг Эшонгузардаги bogигa борган. Усмон Носир ҳам, Миртемир ҳам улуғ адибга ўз асарларини ўқиб берганлар. Абдулла Қодирий “Аждар”ни тинглаб, ёш шоирга қандайдир маслаҳатлар берган. Шоир “Шингил эсадаликлар”ида шу учрашув ҳақида фақат шу сўзларнигина қайд этган, холос: “Мен “Аждар”ни ҳали ҳам (тўрт гал тузатдим) Абдулла Қодирий айтган даражага кўтардимми, йўқми – гумоним бор”. Атоқли адиб “Аждар”ни тинглаб, ёш шоирга қандай маслаҳат берганин? 30-йилларда бошланган фожиали воқеаларнинг шу асарда мажозий шаклда акс этганини сезганмикин ё йўқ?.. Афсуски, бу бизга қоронғи...

Аммо Миртемир орадан икки йил ўтгач, 1937 йилда Қора дengiz бўйларида истироҳат қилиш ва исход нашидасини тотиш учун Ялтага борганида, яна эртакларнинг сехрли оламига

кириб, “Дилкушо” ва “Сув қизи” достонларини ёзади. Бу достонларнинг бирига Бухоро амири учун денгиз бўйида бунёд этилган “Дилкушо” саройи ва шу ерда бўлиб ўтган айш-ишрат кечалари ҳақидаги хотиралар хамиртуриш бўлиб хизмат қилган. Иккинчиси эса, Пушқиннинг “Русалка” (“Сув париси”) драмасига ҳамоҳанг ва айни пайтда ундан бир мунча фарқ қиласидан достондир. Шоир шу ҳар икката достонида паридек гўзал ва иффатли қизларнинг бу дунёning зўравонлари томонидан таҳқирланишини, уларнинг бир оила маликаси бўлишдек баҳтига чанг солиб, бало ва оғат гирдобига ташланишини инсон зоти қилиши мумкин бўлган энг даҳшатли фожиалардан бири сифагида талқин этади.

Шу икки асарни ўқиган китобхон бу дунёning ҳурларига бўлган ҳақоратли муносабатдан шоир дилининг вайрон бўлганини сезмаслиги мумкин эмас.

* * *

1937 йил февралида Пушкин ҳалок бўлган куннинг 100 йиллиги нишонланганни, май ойида эса Москвада ўзбек санъати ўн кунлиги тантаналари ўтганидан кейин кўп ўтмай, тарихга Катта қирғин номи билан кирган даҳшатли воқеалар содир этилди. Шу йилнинг июль, август, сентябрь ойларида ўзбек адабиётининг қарийб барча кўзга кўринган вакиллари қатагон қилинди. Ҳалқ ва мамлакат ҳалокат ёқасига келди. Шўро давлати раҳбарлари вазиятни бир оз юмшатиш ва аросатда яшаётган ҳалқни чалғитиш максадида, октябрь ойида, грузин адабиётининг дурдонаси – “Йўлбарс терисини ёпинган паҳлавон” достони муаллифи Шота Руставелининг 750 йиллигини нишонлаш ҳақида қарор қабул қилди. 16 октябрь куни Ўзбекистон ёзувчилари ташкилот комитетининг биринчи йиғилиши ўтказилди ва бу йиғилишда юбилей тадбирлари ишлаб чиқилди. Йиғилиш Миртемир ва Амин Умарийга “Йўлбарс терисини ёпинган паҳлавон” улкан достонининг мухтасар нусхасини ўзбек тилига таржима қилиш вазифасини топширди.

Афсуски, грузин шоирининг қачон дунёга келгани ва ёргу дунёни қачон тарқ этгани ҳақида аниқ маълумот йўқ. Грузин адабиётшунослари Руставелини XI асрнинг 60-йиллари ёки 70-йилларнинг бошларида туғилган, деб гумон қиласилар. Уларнинг бундай гумон-фикрга келишларига сабаб “Йўлбарс терисини ёпинган паҳлавон”нинг грузин маликаси Тамарага ба-

ғишланғанидир. Руставели мазкур асар муқаддимасида малика Тамара ва унинг турмуш ўртоғи Давид Сосланига нисбатан хурмат ва эҳтиром кўрсатиб, ўз асарини маликани шарафлаш ниятида ёзганини айтган. Агар грузин маликасининг 1184-1213 йилларда салтанатни бошқарганини инобатта олсак, асарнинг таҳминан шу даврда ёзилгани равшан бўлади. Маътум бўлишича, “Йўлбарс терисини ёпинган паҳлавон” Руставелининг ягона асари эмас. Грузин адабиётшунослари шоирнинг малика Тамарани куйлашда давом этатгани ҳақидаги сўзларига асосланниб, уни бошқа асарларни ҳам ёзган, деб ҳисоблайдилар.

Достон муқаддимасида муаллиф номи икки марта Руставели шаклида зикр қилинган. Бу ном “Рустави қасрининг соҳиби” ёки “Руставидан чиққан”. “руставилик” деган маъноларни англатади. Шоирнинг Шота исми эса XIII ва кейинги асрларга оид санамий (иконографик) ва адабий ёдгорликларда учрайди. Сўнгти маълумотларга қараганда, Руставели малика Тамара саройида ҳазиначи бўлиб хизмат қилган. 1960 йилда эса унчиг Йерусалимдаги грузинларнинг ибодатхонасидағи расмларни таъмирлагани ва безагани маълум бўлган. Мазкур ибодатхона устунларида Руставелининг сарой ҳодими қиёфасидағи ажойиб портрети сақланиб қолган экан.

Шота Руставели ҳақидаги бу янги маълумотлар унинг 1938 йил январь-февраль ойларида ўтказилган юбилей тантаналяридан анча кейин юзага чиқди. Лекин “Йўлбарс терисини ёпинган паҳлавон” асарининг ўзиёқ грузин адабиёти асосчисининг жаҳон миқёсидаги буюк шоирлар қаҳқашонига мансуб бўлганидан дарак беради.

Миртемир бу асар билан танишиб, уни Амин Умарий билан ҳамкорликда таржима қилиш жараённида грузин адабиётининг бу буюк ёдгорлигига алоҳида эътиқод қўйди. Асарнинг биринчи саҳифасидан сўнгги саҳифасига қадар “қизил ип” янглиг ўтиб турган муҳаббат ва дўстликни улуғлаш ғояси Миртемирга ғоят яқин эди. Асадаги марказий қаҳрамонлардан бири Автандилнинг араб, Тариэлнинг ҳинд, Фаридуннинг эса Мулки Сангсор ҳукмдори бўлганлиги ва уларнинг “ўрталаридан қил ўтмайдиган”, “киши қойил қоладиган ва қўшиқ бўлишга чинзакам арзийдиган” дўстлиги, “бир-бираидан на жонини, на давлатини аямайдиган” оғи-ини бўлганлиги Миртемирга асарни завқ-шавқ билан таржима қилишига имкон берди.

“Йўлбарс терисини ёпинган паҳлавон” поэмаси, — леб ёзган эди Миртемир, — аввало, севги ҳамда вафо қасидаси, қолаверса, мардлик ва ддўстлик симфонияси, инсон закосини чўққиларга кўтаргувчи жарангдор кўшиқдир.

Малика Тамара ҳукмдорлик қилган давр Грузия тарихида маърифат ва маданият анча юксак, тараққийпарварлик ҳаракати анча устун давр саналади. Шота Руставели поэмасининг замирида ҳам замон идеали, яъни мамлакатни тарқоқ ҳолда эмас, балки ягона ва ғодил бир ҳукмдор қўлида кўриш идеали ётибди. Руставели мамлакатни бўлак-бўлзак, чақана ҳокимлар қўлида қолишига жон-жадди билан норози.

Инсонлар ўртасида дўстлик, инсонлик барқарор экан, инсониятга ёвузлик ёндашолмас! Мана, буюк шоирнинг ўтмас таронаси. Шота Руставели бу ёрқин доҳиёна фикрини Тариэл, Автандил ва Фаридун дўстлигида чизиб беролган. Бу уч қаҳрамоннинг ажойиб ва эсда қолгулик дўстлиги энг оғир кунларда, энг даҳшатли жангларда, энг олис ва кўрқинч сафарларда тобланганлиги бежиз эмас”.

*Уч мамлакат тенасида уч баҳодир ҳукмрон,
Бир-биридан хабар олур, бир-бирига меҳрибон.
Ёв юртида қўзичоқлар сут эмишга зор бўлди,
Баҳодирлар ўласида бўри қўйга ёр бўлди.*

“Йўлбарс терисини ёпинган паҳлавон” достонидаги бу сатрлар Миртемирнинг юқорида баён қилган сўзларининг бадний ифодасидир.

Достонидаги таржимонни ҳам, китобхонларни ҳам ҳайратта соладиган иккинчи асосий тарона — севги тароналари.

“Тариэл ва Нестон-Дарижон севгиси, — деб ёзди Миртемир, — чинакам улуг қалбларга хос севгидир, сабр ва бардош, фидойилик сўнгига насиб бўлгучи ишонгулик севгидир. Дарижоннинг вафодорлиги ҳам юксак вафодорлик нуқтасига кўтарилигандир. Бу вафо шу билан бирга Ватанга, юртга бўлган вафодир. Юрт тақдиди, юрт эрки, юрт мустақиллiği тўғрисидаги ўйлар билан чамбарчас боғлиқ вафо бу!”

Ҳамид Олимжон “Алломиши” достонига бағишланган мақолосида ўзбек халқининг буюк эпосини Шота Руставели достони билан ўзаро муқояса қилиб, Нестон-Дарижоннинг Тариэлга ёзган биринчи мактубидан қўйидаги тўртликни келтирган:

*Наҳотки, муҳаббатда ёлғиз ўлим, алам бор,
Севганинга иш кўрсат, ўзингни қилмаги хор.
Оқ йўл бўлсин, жаннга бор, душманни тўғра тошда,
Шараф ва шон билан қайт, қудрат бордир қуёшда.*

“Кўриниб турибдики, – деб ёзган эди Ҳамид Олимжон, – Нестон-Дарижон ўз севгилисини қаҳрамонлик ва Ватан учун фидокорликка, одамнинг қисматини баъзанд тутишга, инсон ҳурриятини ерга урмасликка чақираёттир”.

Айтиш мумкинки, юқорида порлоқ номлари айтилган уч баҳодир ҳам, Нестон-Дарижон ҳам достон воқеаларида иштирок этувчи шунчаки қаҳрамонлар эмас, балки дўстлик ва муҳаббатнинг, эрк ва ҳуррият идеалларига садоқатнинг юксак тимсолларири.

1938 йилнинг 25 январида Тошкентда ва республиканинг бошқа шаҳарларида Шота Руставелининг юбилей тантаналари бошланди. 10 февралга қадар бўлган вақтда Тошкентдаги Санъат музейида. Ҳамза (ҳозирги Ўзбекистон Миллий академик драма театри) ва Свердлов номидаги театрларда кўргазмалар ва адабий кечалар, республиканинг ўша йиллардаги илмий маркази – Фан комитетида эса грузин шоири ижодига бағишлиланган ўн кунлик илмий семинар бўлиб ўтди. Ўзбекистон ССР Марказий Ижроия Комитети республика олий ўқув юртлари талабалари учун Шота Руставели номида ўнта стипендияни таъсис этиш ҳақида қарор қабул қилди ҳамла Тошкент шаҳар советининг Дачная (Боғқўча) номи билан аталиб келган кўчага Шота Руставели номини бериш тўғрисидаги қарорини тасдиқлади.

Миртемир қаламкаш дўсти Амин Умарий билан ҳамкорликда бу foят юксак даражада ўтган адабиёт байрамига буюк трузик эпосини ўзбек оҳангларида жаранглатиб, ўзининг муносиб ҳиссасини кўшиди.

* * *

Тўраш ая тўнгич фарзандига ҳомиладор бўлиб юрганида Миртемир “Йўлбарс терини ёпинган паҳлавон” асарини таржима қилиш мashaққати ва гашти билан банд эди. У асар қаҳрамонларини шу қадар севиб қолган эдик, агар тўнгич фарзанди ўғил бўлиб туғилса, уни Тариэл, агар қиз бўлса, Нестон-Дарижон деб аташ орзусида эди. Унинг бу орзуси Та-

риэлнинг маъшуқасига ёзган мактубини таржима қилиш чоғида яна оловланади. Бу мақтабдан эса олий мұхаббатнинг бундай порлоқ шуъалари товланиб туради:

*Соҳибжамол, гўзалигинг шамъига мен парвона,
Мадорим йўқ, дилда севги, ақлу ҳушим бегона.
Мажнун бўлдим, латофатинг қаршисида девона,
Ижозат бер, қулинг бўлай, ҳизмат қи тай мардана.
Эсингдами, аҳду паймон этган эдинг бир замон,
Бахтиёрман, хотиримдан чиқмас асло ўша он.
Билакузук юборибсан менга улуғ армуғон,
Суюнчимни нечук айтай, эй қуёш қиз – Даражон.
Сен сўратган у ниқобни юбордим мен, гулруҳсор,
Нимчани ҳам сенга атаб келтиргандим, азиз ёр.
Мажнунингман, куч бағиша, фироқингда қўйма зор,
Бу жаҳонда сендан азиз, сендан яқин кимим бор?..*

1938 йил 19 январь куни, “Йўлбарс терисини ёпинган паҳлавон” достони китоб бўлиб чиқиши арафасида, Миртемир қиз кўрди. У шодланиб-шодланиб, тўнгич қизига Доражан деган исм берди. Унинг хонадонида Руставелининг севимли қаҳрамонларидан бири секин-аста улғая бошлади.

Адабиёт байрамлари Миртемир оиласи байрами билан шу тарзда туташиб кетди.

Гўзал Фарғона

Бўронли ва момағулдиракли воқеалар бўлиши ва бу воқеалар бўз дарёлар янглиғ минглаб одамларни ўз қаърига тортиб кетишига қарамай, ҳаёт ўз маромида давом этади.

1937 йил кўкламиининг сўнгти кунларида ҳайқира бошлаган қатагон дарёси 1938 йил баҳорига қадар қанчадан-қанча давлат ва жамоат арбобларини, олимлар, ёзувчилар ва санъаткорларни ўз домига тортиди. Шунга қарамай, бу мудҳиш воқеалар худди тушла кечганидек, адабиёт байрамлари давом этди. 1938 йилнинг май ойида республикамиизда машҳур қозоқ оқини Жамбул Жабоев тугилган куннинг 75 йиллиги шарафланди. Ўзбекистон буюк ўзбек шоири ва мутафаккири Алишер Навоийнинг 1941 йилда нишонланажак 500 йиллигига қизғин тайёргарлик кўра бошлади. 1939 йилнинг 23-27 апрель кунларида эса Ўзбекистон ёзувчиларининг 2-курултойи бўлиб ўтди.

Жорий этилган тартибга кўра, ёзувчиларнинг бу анжуманида узбек адабиётининг ўша йиллардаги аҳволи ва ёзувчилар олдида турган долзарб вазифалар тўғрисида қанчалик жиддий маърузалар ўқилган бўлмасин, анжуман худди байрамдек ўтиши лозим эди. Шу мақсадда анжуманга Москвадан Лев Пеньковский ва Пётр Павленко, Киевдан Иван Ле сингари ёзувчилар таклиф этилган эдилар. Ўзбек ёзувчидари ва адабиётшуносларининг мэърузалари, меҳмонларнинг габрик нутқларидан сўнг сўз Ўзбекистон Компартиясининг биринчи котибига берилди.

Саркотиб анжуман қатнашчиларини самимий табриклагач, Ўзбекистон аҳолиси олдида турган муҳим вазифалар ва уларни бажариш йўллари ҳақида жўшиб сўзлади; пахта ҳосилини ошириш масаласини ўргага тэшлади. “Бунинг учун нима қилиш керак?” – деб сўради саркотиб ва ўзи жавоб берди: “...Бизга фақат бир нарса етишмай турилти. Биз сувга муҳтоҳмиз, мана, масала қаерда. Тағин Логон каналини осонлик билан курилган, деб ўйламанг. Ахборот бераман: кеча Пскентдаги канал ишлари тугади. Бухородаги канал курилиши якунланди, яқинда Киров ва Избоскан туманларидаги ирригация ишлари ҳам ниҳояланади, бунга қадар Поп туманидаги ишлар битган бўлсада, баъзи бир ўргоқлар бундан ҳатто хабардор ҳам эмаслар. Бу муқаддима эди. Эндиликда янги, катта канал ҳақиқидаги масала кўндаланг турибди...”

Республика ҳукумати пахтадан мўл ҳосил олиш учун сувли, экинзор ерларни кўпайтириш лозимлиги тўғрисида Москвадан тегишли кўрсатмаларни олган эди. Ирригаторлар шу масала билан ёзувчилар анжумани очилмасидан анча олдиноқ машгул бўла бошлаган эдилар.

Саркотиб масалани тушунтиришда давом этди: “Бизда Сирдарё бор, ундан 20 млрд. куб метр сув оқиб, Орол дengизига бориб қуюлади ва ўша ерда ғойиб бўлиб кетади. Сув бутун Фарғона бўйлаб оқиб ўгади, аммо биз унинг етишмаёттанидан, Орол дengизига бориб қуюлаёттанидан азоб чекмоқдамиз. Биз кам сувсизлик, сувсизлик туфайли яхши ҳосил ололмаятмиз. Нима, бундан кейин ҳам ёнимиздан ўтиб кетаётган сувга қараб, унинг бизга фойда бермаёттанига ачиниб, ҳеч бир чоратадбир кўрмасдан ўтира берамизми? Йўқ!”

Бу сўзлар ёзувчилар анжуманида янграганидан сўнг, кўп ўтмай, Катта Фарғона канали курилиши бошланиб кетди. Республика раҳбарларининг халқ ўртасида катта обрў-эътибор

қозонғанлиги, ҳалқни бу мислсиз даражада катта қурилишга жалб этэ олганлиги – зарур техник воситалар йўқлигига қарамай – қурилишни асосан қўл кучи билан қисқа муддатда тугаллаш имконини берди. Бу ўзбек ҳалқи тарихининг юлдузли соатлари эди.

Ҳозир айрим тарихчи, археолог ва сиёсатшунос олимларнинг мазкур қурилишга бўлған муносолабатлари кескин ўзгарган. Улар канал қурилиши туфайли юзлаб маданий-меморий аҳамиятга молик обидаларнинг шикастлангани ёки йўқ бўлиб кетганини айтганлар.

Аммо қурилишнинг бундай манғий томонлари бўлганига қарамай, Катта Фарғона канали водийнинг сув билан тўла таъминланишига, қишлоқ хўжалигининг ривожланишига имкон берди. Гарчанд водийда стиштирилган ҳосил даромадининг катта қисми марказ киссанасига бориб тушган бўлса-да, водий аҳолиси ҳам канал берган имтиёзлардан бебахра қолмади.

Канал қурилиши водий аҳолисининг бир тан ва бир жон бўлишига, бир мақсад асосида бирлашишига сабаб бўлди. Қурилишдаги ҳалқнинг меҳнат жасоратини куйлаш, уларни янги янги меҳнат зафарларига ундаш учун водийга адабиёт ва санъат намояндлари ҳам сафарбар этилган эдилар. Шулардан бири Ойбек бўлиб, у “Ҳаёт дарёси” деган публицистик мақоласида ҳалқда рўй берган руҳий кўтарилишни бундай тасвирилаган эди:

“Бу йил Фарғонада афсонадан ҳам гўзалроқ бир ҳодиса бўлиб ўтди. Фарғонанинг колхозчилари ўз ичларидан бир юз олтмиш минг кишини сайлаб, Катта Фарғона каналини қазишга чиқардилар. Бу сайланган бир юз олтмиш минг киши, энг аввало, яхши ва онгли одамлар эдилар. Уларнинг орасида донғи кетган орденлилар, турган-битгани ҳикмат бўлган чоллар, меҳнат қилиб овоза чиқарган баҳодирлар, тракторчилар, чавандозлар, аёллар бор эди. Улар уй-жойлари, от-аравалари, кетмон-тешалари билан бўлажак зўр каналнинг бўйларига, чўлга кўчиб чиқдилар. Улар араваларга қоп-қоп гурунчларни, зўр-зўр тўй қозонларини ортиб, семиз моллар, бўрдоқи қўйларни ҳайдаб чиқдилар... Араваларда карнай, сурнай, чилдирмалар, ўйинчи ва қўшиқчилар ҳам бор эди...”

Ҳар бир ҳалқ тарихида бундай кўтарилишлар оз бўлади. Ҳалқ руҳини бундай кўтариш учун улуғ юя, улуғ мақсад, улуғ идеал лозим. Ҳалқ Катта Фарғона каналининг қурилиши Норин дарёсининг жиловланиб. янги изга тушишига, боғ-

роғларнинг кўпайишига, чанқоқ ерларнинг сероб бўлишига, Ёзёвон чўлларига жон қиришига, минг-минг гектар ерларда ҳосил унишига, гурунч-буғдой кўпайишига, водий аҳолиси-нинг дастурхони файзли бўлишига умид билан қурилиш майдонига отилди. Унинг шундай кўтарилишида адабиёт ва санъат аҳлининг ҳам хизмати оз бўлмади.

... Эз кунларининг бирида Ҳамид Олимжон Ёзувчилар уюшмасининг масъул котиби сифатида Миртемирни уюшмага чақирган эди. Миртемир келишилган вақтда уюшмага борса. Ҳамид Олимжон йўқ, қаергадир кетган экан. У қаламкаш биродарининг бир сўзли инсонлар зотидан эканлигини билгани учун уни кутди. Кўп ўтмай, қабулхонага терлаб-пишган Ҳамид Олимжон шаҳдам одимлар билан қириб келди.

— Озроқ кечикдимми, дейман, Мир, — деди у узр сўраган киши бўлиб.

Ҳамид Олимжон Миртемирни ёшлик чоғларидан билгани ва у билан бир майизни бўлиб еган вақтлари бўлганлиги учун уни “Мир” деб атарди.

— Марказкомга йўқлатиб қолишиди. — девом этди у. — Бормай илож йўқ. Ишлар зўр, оғайнни! Катта Фарғона канали қуриладиган бўлди! Ажойиб. ҳайрли иш! Ҳаммани сафарбарликка ундашимиз, ўзимиз ҳам ижодда фидойилик кўрсатишимиш керак...

Уюшма раҳбарининг шу сўзиаридан кейин кўп ўтмай Ойбек,Faфур Ғулом, Собир Абдула, Ҳабибий сингари шоир ва ёзувчилар унинг бошчилигига канал қурилишига чиқиб кетдилар. Улар орасида Миртемир ҳам бор эди.

1966 йилда Миртемир устози, таниқли мунаққид Сотти Ҳусайннинг эллик йиллиги муносабати билан устозига бағишиланган хотира кечасида иштирок этиш учун Кўқон шаҳрига борган. У машинада кетар экан, бундан 66 йил аввал рўй берган воқеаларни эслаб, сұхбатдоши Отаёрға бундай деган эди:

“Бу ерларда қирқ беш қун деганда Катта Фарғона каналини жаҳон ҳаритасига кирита олган ҳалқ жасорати кунларидан ҳам чироклар мана шундай тонгтacha ўтмаган. Бироқ у маҳаллар сонсаноқсиз оддий фонус ва машъяллар ёнар эди. Ўшанда ҳам нонвой, ошпаз, бичиқчи, этикдўэз, чойхоначи... қўйингки, қайси касб этаси бўлмасин, қўли-қўлига тегмаган. Сартарошга навбат олганлар гали келгунча ишдан бош кўтаргиси келмасди.

Бир жойда бошини дастрўмол билан тез-тез артаётган Усмон Юсупов оташин нутқ сўзлайди. Бошқа бир жойда атоқли ҳалқ достончиси Ислом шоир дўмбира жўрлигига қаҳрамонлик термаларидан сел бўлиб айтаёттир. Яна бошқа жойда тахтадан саҳна қўлинган. Юк машиналарга ўрнатилган проҗектор нурлари шу қўлбола саҳнада тўқнашиб, санъаткорларнинг истьодод қирраларини кўз-кўзлайди: Ҳалимахоним ёки Қори Ёқубов хониши, Тамараҳоним ёки Мукаррамахоним хиромлари, Аброр Ҳидоятов ё Лутфихоним ижроси қурувчиларни қаҳрамонликка чорлайди. Саҳардан шомгача, шомдан тонгтагча иш давом этади...

Олисроқдан қаралса, машъала ёғдусида кўтарилаётган чангтўзондан ҳеч нарсани англаб бўлмайди. Атоқли кинорежиссер Эйзенштейн бу ҳалқ жасоратини тепадан — самолётдан суратга ола туриб, уни Темур юришларига қиёслаб ифодалашни хаёл қилгани бежиз эмас-да...

Ўшанда канал қазиганлар бир куннинг ўзида йигирма куб метргача тупроқ қазиб чиқарган паҳлавонлар шахсий манфатни, ўз шон-шуҳратини ўйлаган эмас. Булар ўша Логон, Жанубий Фарғона сингари йирик ҳалқ курилишлари билан теварак атрофга бемақсад ёйилиб кетувчи тоғ сувларини излаб олганларнинг, жаҳон аҳлини лол қолдирғанларнинг аждодлари-да!..

Катта Фарғонага сув очишдек катта тантана Ҳалимахоним, Мукаррамахонимларнинг карнай-сурнай садолари остида аzonдан ашуга айтиб, рақс тушиши билан бошланган эди. Сув улар изидан — куй-кўшиқ изидан, қаҳрамон ҳалқнинг ардоқли вакиллари изидан эргашиб, кейин шитоб билан ўзига илҳақ ва ташна дала-ларга йўл олган...

Ўша тарихий кунларда Миртемирнинг ўзи ҳам қаламқаш биродарлари билан биргаликда, худди Ҳалимахоним ва Қори Ёқубов, Тамараҳоним ва Мукаррамахоним сингари канал қазувчиларнинг кучига куч, завқига завқ бағишлиловчи ижод намуналарини яратди.

“Кунларнинг бирида, — деб ҳикоя қилган Миртемир камина билан сұхбати чогида, — Усмон Юсупов бизларни йигиб, канал ҳақида қўшиқлар ёзишни буюрди: “Ҳалқнинг ўзи канал ҳақида қўшиқ ва термалар тўқимоқда. Сизлар ҳам ҳалқ жондили билан куйлайдиган, унинг қалбига етиб борядиган, унинг кулфи-дилини очиб юборадиган ўлмас қўшиқлар яратинг. Хо-

нандалар ҳам, канал қуувчилар ҳам ота-боболаридан Қолған ашулаларни айтишидан нарига ўтолмаятилар. Ахир бу азамат қаҳрамонлар ҳақида ҳам жонон қўшиқлар яратиш мумкин-ку! Бундай қўшиқлар уларга бошқача таъсир кўрсатмаидими?!”

Биз жумоурият саркотибининг ана шу наказидан сўнг қўшиқ ёзишга бел боғладик. Биринчи бўлиб Ҳабибий домла канал ҳақида қўшиқ ёди. Кейин бу хайрли ишга Собир Абдулла, Амин Умарий ва Ҳасан Пўлат ҳам бош қўшдилар. Мен ҳам канал мавзуда қўшиқ ёзиш учун шакл ахтаришга киришдим...”

Шакл, биз, алабиётуносларнинг назаримизда, иккинчи даражали масала. Лекин шоирнинг ғоявий ва бадиий ниятига бирдан-бир мос ва ҳамоҳанг шаклни топиш нафакат қўшиқ, балки санъатнинг бошқа барча турлари учун ҳам ғоят муҳимдир. Миртемир: “Шакл ахтаришга киришдим”, деганида икки нарсани назарда тутган. Биринчидан, унинг ижодий ниятига кўра, қўшиқ яккахон учун эмас, кўпчилик учун, канал қурилишида жонбозлик кўрсатаётган ҳалқ оммасининг куйлаши учун ёзилиши, иккинчидан эса, шу ҳалқнинг асрлар давомида куйлаб келган қўшиқларига ўз шакли, оҳангি ва усули билан яқин бўлиши зарур эди. Шу ниятда у ёшлик йилларида севиб тинглаган ҳалқ қўшиқларини бирма-бир назардан ўтказди. Иттифоқо унинг хотирасига ҳар бир банди “яли-яли” радиофлари билан якунланган ҳалқ қўшиқлари келади. Шубҳасиз, шўх, куяноқ ва дилрабо яллалар мумтоз шоирлар бисотида ҳам оз эмас эди.

Мана. Миртемирга илҳом берган ялла сатрлари:

*Бир неча гул барги қабо, яли-яли,
Айлагали бизни адo, яли-яли,
Тузмоқ учун савти садо, яли-яли,
Жам бўлунг, моҳлиқо, яли-яли,
Бўлди қизиқ базм аро, яли-яли.*

Мухаммаснинг сўнгти банди бундай жилолар билан товланиди:

*Кеча очиб орази тобонини,
Равшан этуб гайр шабистонини,
Рашқ ёқиб Юсуфни жонини,
Хаста Навоини тўкуб ҳонини,
Кўлларига қўйди хино, яли-яли.*

Халқ ўртасида машхур бўлган бу сатрларни Навоий ва Сарёмий қаламига нисбат бериб келадилар. Лекин ушбу мухаммаснинг сўнти мисралари “Ҳаста Навоийни тўкуб қонини, Кўтларига кўйди хино, яли-яли” байти билан тутгалланган ва бу байтда муаллиф имзоси аниқ ёзилган бўлишига қарамай, Алишер Навоийнинг бизга маълум девонлари орасида бундай байт билан якунланганғазал ҳанузга қадар топилмай келади. Шунинг учун ҳам мутахассисларнинг бир қисмida мазкур мухаммасга асос бўлганғазал Навоий тахаллуси билан ижод қылган бошқа шоирга мансуб бўлиши мумкин, деган тахмин йўқ эмас. Лекин бу мухаммасга асос бўлганғазал сатрларининг мазмунан бой ва гўзал, шаклан эса ғоят жозибадор бўлганлиги уларнинг Навоий қаламига мансуб эканлигига заррача шубҳа ўйғотмайди. Лекин шунга қарамай, буғазалнинг бизга Юсуф Сарёмий мухаммаси орқали етиб келганлиги учун сарёмлик шоирдан мичнатдор бўлишимиз лозим.

“Биз кўлга қалам олган пайтимиизда, — деган эди Миртемир ўша сұхбат чоғида, — на Навоий асарларининг нашрлари бор эди, на бошқа классикларимизнинг девонлари! Булар кимларнингдир токчаларида ётарди”. Аммо Миртемирнинг мазкур мухаммас билан танишлиги ўзига ҳамюрт бўлган шоир меросидан яхши хабардор эканлигидан шаҳодат беради. Ҳар ҳолда у худди шу мухаммаснинг мусиқий асосидан айнан истифода этган ҳолда ўзининг машхур “Яли-яли” қўшигини ижод этди.

Биз юқорида Миртемирни Юсуф Сарёмийга ҳамюрт деб атадик. Бунинг боиси шундаки, Миртемир туғилган Ийқон қишлоғи ҳам, Сайрам ҳам Чимкент вилоятига қарайди. “Чимкент шаҳридан шимолга қараб 12 чақирим юрсангиз, боболаримизнинг қадим масканларидан бири Сайрам устидан чиқасиз”, деган гап бор ҳалқда.

Модомики, баҳсимиз Сайрам ва Сарёмийга бориб тақалган экан, адабиётшунос Бегали Қосимов билан унинг шогирди Муқаддас Тоҷибоеванинг бу икки хилқат ҳақидаги сўзларини қуида келтирсак, балки, ўринли бўлар:

“...Сайрам сарҳадидаги гўзал Машат қишлоғининг тоғ бағрига кирган ўнтиргларидан бирида “Йиглоқтош” деган мэнзил бор. Баҳайбат қоятош ён атрофидан оқиб чиқиб, пасгдаги сойга қўшиладиган булоқлар устиди ўйчан эгилган. Пешонасида шамол ўйнайди. Кўксида анвойи гиёҳлар барқ уради. Сонсаноқсиз “кўз”ларидан бир маромда ёш қуилади.

Бу ердан зиёратчилар оёғи узилмайди. Табиатнинг ўз бағрида вужудга келиб, унинг мумтоз бир бўллагига айланган ва эъзозга сазовор бўлган, барча умидли кишиларни кўнглига имдод ва тасалли бергувчи бу ҳарсангтош беихтиёр улуғ мутафаккир ва мугасаввиғ Аҳмад Яссавий тақдирини эсга туширади.

У шу ерларда таваллуд топган эди. Сайрамдаги Қирмозорга борсангиз, шу ерлик ҳар бир киши унинг отаси шайх Иброҳим қабрини адашмай кўрсатиб бера олади. Бобоси Ҳасан бобонинг, волидайи мукаррамаси Ойша хотуннинг хоклари ҳам шу ерда бўлиши керак. Тақдирнинг тақозоси билан “шайх ул-машойих” (Яссавий)нинг иқоматгоҳи Туркистон бўлади. Ундан саккиз аср кейин дунёга келган ҳалафи Юсуф Сарёмий XIX асрнинг иккинчи ярмидаги кўркам шоирларимиздан бўлиб тарихга кирди. Кўҳна Сайрам – Сарёмийнинг унуптилаёзган номини яқин-йироқларга ёйтганлардан бўлди”.

Юсуф Сарёмий Аҳмад Яссавийнинг адабий-матърифий мактабига мансуб шоирлардан бўлганлар туфайли “Яли-яли” ёзиётган пайтда унинг номини тилга олиш имкони йўқ эди. Шунинг учун Миртемир Навоийнинг ўзига илҳом берган ғазалини Сарёмий девонидаги “Мухаммаси бар ғазали Амир Навоий” шеъри асосида тиклаганини айтиб келган. Тахмин қилиш мумкинки, у Сарёмий ва унинг мазкур мухаммаси билан Сайрамга бориб, у ердаги зиёратгоҳларни зиёрат қилган чоғларида таништан.

“Бу шеърдаги гўзал шакл, жўшқин оҳанг, дилрабо садолар тантанасини, – деб давом эттирган эди Миртемир шеър тарихи ҳақидаги ҳикоясини, – мени ўз домига тортган эди. Бу шўх вазн замона руҳига ҳам, гўзал Фарғона водийсида рўй бераётган улкан воқеага ҳам, канал қурувчиларининг азму шижоатига, кўтаринки ҳолатига ҳам жуда мос эди. Шунда мен арузнинг бизнинг давримиз учун ҳам керак эканлигига ишонч ҳосил қилдим. Навоий ғазалларини ўқиб, улардаги бадиий жозиба сирларини билишга уриндим.

Мана, қаранг, устоз шоир бир ғазалида ёзади:

*Кўргали ҳуснингни зору мубтало бўлдим сенга,
Не балоиқ кун эдиким, ошно бўлдим сенга...*

Қаранг, иккинчи сатр биринчи мисрадаги фикрни, бундоқ қараганда, рад этаятти. Аммо можият зътибори билан аввалги

тезисни уч чандон кўтариб бераяпти. Бу ғазалнинг қайси бир байтини, қайси бир сатрини олманг, унда янги бир картина жамол очиб туради.

Юсуф Сарёмий Навоий ғазалига бежиз мухаммас боғламаган. Бу ғазалдаги фақат жўшқин вазн ва оҳангтина эмас, балки бой ва ранг-баранг картиналар ҳам унинг илҳомини қитиқлаган кўринади”.

Хуллас, Миртемир Катта Фарғона канали ва унинг азамат курувчиларини шарафлашта бағишлиланган қўшиғи учун шу вазн ва оҳангни танлади. 1939 йил август ойининг ўрталарида қўшиқ сўзлари шоир қалбидан шалола ўлароқ оқиб, қоғоз саҳифаларига қўйилди. Шеър 21 август куни курилишнинг кўп нусхали газетасида зълон қилинди. Бастакор Имомжон Икромов қўшиқ сўзларига куй басталаб улгурмай, у оғиздан-оғизга кўчиб, бутун канал бўйлаб оқкуш янглиғ парвоз қилди. Халқнинг мислсиз ҳаракати ўзининг жўшқин ва сарафroz мадҳиясига эга бўлган эди:

*Даряси кўп дардга даво, яли-яли,
Лим-лим оқар, бўлмас адo, яли-яли,
Ховлиқиши телбанамо, яли-яли,
Боқмай ўтар асти қиё, яли-яли,
Шоғинидан тўлди ҳаво, яли-яли.*

*Қирғоғида қирғоғи йўқ, дашт ётар,
Телба оқим қанча теган, шўх ўтар,
Ташнасига қанча сув берса нетар?
Қатра тугул, заррасига зор этар,
Магрур ўтар шому сабо, яли-яли,*

Миртемир, бир қараща, Сарёмий мухаммасидан айнан фойдалангандек кўринади. Агар шундай назар билан ёндашсак, Ҳамзанинг “Ўзбек хотин-қизларига” шеъри ҳам Фузулий ғазалининг айнан ўзгинаси. Лекин ҳар иккала шоир Шарқ мумтоз шеъриятида мавжуд бўлган татаббу санъатидан ижодий фойдаланиб, мавжуд шаклни янги мундарижа билан бойитганлар. Миртемир беш банддан иборат мухаммас-қўшиғида Катта Фарғона канали, аникроғи, Норин дарёсининг кечаги, бугунги ва эртанги тақдирини шундай сарбаланд ифодаларда гавдлантирганки, у, ўз навбатида, халқнинг кучи ва иродаси ни-

маларга қодир эканлігини ифодаловчи шеърий обидага – ҳай-калга айланғандек туюлади.

Куни кеча Москва – Волга каналы қурилишидаги тарифінен ташвиқтап таъсирида қурилишни ва зарбдор “канал аскарлары”ни шарафлаб шеърлар ёзған Миртемир Катта Фарғона каналы қурилишининг халқы ва мамлакат манбаатига хизмат қила-жаги, водийнинг камсув ва сувсиз ерларидә бое-роғлар ярати-лајаги, янги пахта далалари очилажаги ва водийдә истиқомат қилаётган аҳоли хонадонига қут-барака киражагига амин бўлган. Шу ишонч уни “Яли-яли” қўшигинигина эмас, балки кейин-чалик “Фарғона” деб номланган лирик достонининг яратили-шига ҳам турткি берган.

Канал қурилишининг лирик кундалигини эслатувчи маз-кур достон қуйидаги сатрлар билан бошланади:

*Она водий, олтин тупроқ Фарғона!
Юртимизнинг Эрам боги – беғубор.
Чиройингга кундуз қуёш парвона,
Кечалари юлдуз ҳумор, ой ҳумор...*

Ўтган асрнинг 30-йиллари охирида мамлакатимизда бош-ланган канал қурилиши 40-йилларнинг бошларида ҳам давом этди. Бошқа шоирлар қатори Миртемир ҳам шу қурилишларда бунёдкор халқ билан бирга ётиб, бирга туриб, унинг меҳнати-ни шарафлашга, илҳомбахш сўзи билан унинг оғир юкини енгил қилишга интилди.

Мамлакат улкан қурилишлар ҳавzasига тушшиб қолғандек эди.

Бешинчи фасл

МАРДЛАР МАЙДОНИ

*Майдон аро кишинар тулнор,
Учуб келар мисли шунқор,
Наврангни торт, ўтини ёр,
Зафар олинг шон ичинда.*

Миртемир

Зафар келар қон ичинда

1941 йилнинг июнь ойи эди. Миртемир уйидаги нима биландир машғул бўлиб турганида, эшик тақиллаб қолди. Шоир бориб, эшикни очиши билан Ёзувчилар уошмасининг ходимларидан бири:

— Сизни Ҳамид ака чақиряпти, — деди ҳаяжонланган ва шошаётган кишининг титроқ овози билан. Сўнг қушиб қўйди:
— Хабарингиз йўқдир ҳали. Уруш бошланибди!

Ходим Миртемирнинг бу сўзларни эшигтган ё эшигмаганини, тушунган ё тушунмаганини ўйлаб ўтирмай, шошиб кетиб қолди. Чамаси, у шу кунга яна бир қанча ёзувчиларнинг уйлагига бориб, уларга Ҳамид Олимжоннинг чақираётганини айтиши лозим эди.

Миртемир бу кутилмаган шум хабардан эсанкираб қолди. У ҳали уруш бошланганини ҳам, Латвия ёзувчиларининг қурутойига таклиф этилган ва куни кечга Ригага кетган Ҳамид Олимжоннинг тезда Тошкентга қайтиб келганини ҳам эшигмаган эди. Унинг хаёлига дастлаб куни кечга туғилган қизи келди. “Агар мени ҳарбий хизматта чақириб қолишса, қизимнинг, оиласминг ҳоли не кечади? Дорижон ҳам Кларага ўхшаб...” деган даҳшатли хаёл бошидан ўтди. Кейин ўзига келиб, енгил кийинди-да, уюшма томон йўл олди.

Ҳамид Олимжон уюшмадаги хос хонасида у ёқдан-бу ёққа асабий бир ҳолатда тўхтовсиз юраётган экан. Миртемирни кўриши билан:

— Уруш, оғайни! — деди. — Кўргилик экан.
Яна у ёқдан-бу ёққа юришда давом этиб:
— Ҳали кўрсатиб кўямиз... босқинчиларга! — деди.

Сўнгра қаҳр-ғазабини бир оз босиб олиб, Миртемирга юзланди:

— Ҳамма ҳарбий хизматга сафарбар қылниди. Мамлакат ич-карисида саноқти одамларгина қолади. Сиз ҳам қолаяпсиз. Аммо сиз билан бизга осон бўлмайди. Фронтга кетганларнинг ўрнига ҳам ишлашимиз керак. Одамларнинг кўнглини кўтариш, уларни ғалаба қозонишимизга ишонтириш ҳам бизнинг бўйнимизда...

* * *

Шу воқеадан иккі йил аввал Ҳамид Олимжон Миртемирни чақириб, Ёзувчилар уюшмасига аъзо бўлиб кириш учун ариза беришни таклиф этган ва Миртемир, ўша даврдаги удумга кўра рус тилида куйидаги аризани ёзган эди:

*“ЎзССР Совет ёзувчилари уюшмасига
шоир Миртемир Турсуновдан*

АРИЗА

1928 йилдан бошлиб шеърлар, достонлар ёзив, таржима билан шуғулланиб келаман. Нашр этилган асарларим ва таржималарим таржимаи ҳолим билан анкетамда кўрсатилган. Ҳозирги вақтда “Шеърлар” тўпламини, “Фаргона” ва “Бухоро” достонларини нашрга тайёрлаганман. Лермонтовнинг “Иsmoлбей” ва Гейненинг “Германия”си таржимаси устида ишламоқдаман.

Мени Совет ёзувчилари уюшмасиги қабул қилишингизни сўрайман.

Ушбуга таржимаи ҳол, анкета ва фотокарточкаларни илова қиласман.

*Миртемир Турсунов.
26. Ў. 39 й.*

Ёзувчилар уюшмаси раҳбарияти Миртемирни уюшмага қабул қилиш учун унинг ижоди ҳақида фикр-мулоҳазаларини ёзив беришни Амин Умарийга топширди. Ўша йилларда пешқадам шоирлардан ҳисобланган Амин Умарий Миртемир ижодини мукаммал ўргачиб, унинг замонавий мавзуларда яхши шеър ва достонлар яратгани, Ўзбекистон давлат филармонияси билан ҳамкорликда бир қанча қўшиқ матнларини ёзгани ҳамда рус ва қардош шоирларнинг машҳур қўшиқларини ўзбек тилига тар-

жима қилиб, қизғин ижодий фаолият билан шуғуланаётганини айтиб, тавсияномани бундай сўзлар билан якунлаган:

“Миртемир ҳозирги вақтда ўз устида тинимсиз ва виждан ишлаётган ҳамда ўз лирик шеърлари билан лирикамизни бойитаётган истеъдоли лирик шоирлардан бири ҳисобланади.

Миртемирни ЎзСЕУга аъзо қилиб олиниши, ёзувчилар жамоаси сафига жалб этилиши унинг ижоди учун, тўғри ва соғлом руҳда ўсиши учун катта имкониятлар яратади”.

Амин Умарийнинг шу тавсияномасидан маълум бўлишича, Миртемир шу вақтда тарихий ўтмиш мавзуидаги “Бухоро”, Катта Фаргона канали қурилишига бағишланган “Фарғона”, шунингдек, қорақалпоқ халқи ҳаётидан олинган “Ойсанам” достонлари ва лирик шеърлардан иборат тўпламни нашрга тайёрлаган экан. Афуски, бу шеърлар тўплами 1939 йилда ҳам, кейин ҳам нашр этилмаган. Миртемирнинг ёзувчилар уюшмасига қабул қилиниши ҳам кечиктирилган. Тахмин қилиш мумкинки, уюшма ҳайъатининг айрим аъзолари шоирнинг 20-йиллар охири – 30-йилларнинг бошларида Чўлпон таъсирида бўлгани, “халқ душмани” Боту ва Олтойлар билан ҳамкорлик қилгани, Москва – Волга канали қурилишидан қайтиб келганидан сўнг ўзини совет ёзувчиси сифатида етарли даражада кўрсата олмаган, деб уни уюшмага қабул қиласмаганлар. Масаланинг бундай сиёсий тус олганини кўрган Ҳамид Олимжон, тахминимизга кўра, унга замонавий мавзуларда янги шеър ва достонлар ёзиш, замонавий ва мумтоз жаҳон (шу жумладан, рус) адабиёти намуналарини таржима қилишни тавсия қилган.

Ҳайъат аъзоларининг бундай муносабати жўлиб-қайнаб ижод қилаётган шоирга берилган оғир зарба эди. У қалбининг узилган, шикастланган торларини май билан даволамоқчи бўлди. Бир оз вақт ўтганидан сўнг шеърлар ёзишда, таржималар қилишда давом этди. У, чамаси, Сотти Ҳусайннинг маслаҳати билан нашрга тайёрланаётган “Жаҳон адабиёти хрестоматияси” учун Европиднинг “Электра” трагедиясини таржима қилишга киришди. “Гулистан” журналининг 1940 йилдаги 4-сонида шу таржиманинг дастлабки парчалари эълон қилинди.

Парча таржимоннинг қуйидаги изоҳи билан бошланган: “Бу трагедияда худди шу сюжетда Орестнинг ўз онасини ўлдириш ҳақида трагедиялари бўлган Эсхил ва Софокл асарларига нисбатан Европид ижодининг юқорилиги кўзга жуда равшан чақиради. Ҳаммасидан шуниси характерликим, Европидда Оре-

ст(нинг) синглиси Электра эрга теккан тарзда олинади. Унинг онаси Клитеместра қизидан кутудиши ниятида уни оддий бир қўшчига узатади. Бу, Европидга тирикчилик саҳнасини кенг очиб кўрсатишга ва ўзи севган қўшчи образини бутун атоқли насллар ва давлатлилардан баланд қўйиб таъриф-тавсиф қилишга имкон бергандир”.

Шундай изоҳдан сўнг трагедиянинг “Пролог”и (муқадди-маси) ва “Биринчи воқеа”си журналхонлар эътиборига ҳавола қилинган.

(Афсуски, Миртемир ва бошқа шоирларнинг шу йилларда жаҳон адабиётидан қилган таржималари 1941 йилда мажмуа масъул муҳаррири Сотти Ҳусайннинг қатарон қилиниши муносабати билан йўқ қилиб юборилган.)

Орадан бир йил ўтгач, Миртемир 1940 йилда Ёзувчилар ўюшмасига аъзо этиб олинди.

* * *

Дастлабки қўшиқлари билан эл-юрг эътиборини қозонган Миртемир 1938 йил 25 апрель куни Ўзбекистон давлат филармониясига адабий ходим ва таржимон этиб ишга қабул қилинган эди. У филармония ходими сифатида 1938-1939 йилларда рус шоир ва композиторлари яратган қўшиқ матнларини ўзбек тилига ўтирган ва ўзи ҳам бир неча қўшиқлар иход қилган. Аммо 1940 йил 1 декабрда у, номаътум сабабларга кўра, ўз хоҳиши билан филармониядан кетди. Шоир 1941 йил 18 марта яна Болаларни бадиий тарбиялаш марказий уйига инспектор-методист бўлиб ишга кирди. У шу муассасада хизмат қиласар экан, раҳбар идораётарнинг тогшириғи билэн “Агар эртага уруш бўлса”, “Танқистлар марши”, “Уч танқист”, “Тачанка”, “Винтовка”, “Партизан ашуласи”, шунингдек, “Биз денгиз давлати бўлиб қолдик”, “Жонажон шаҳар”, “Учрашув ашуласи”, “Ватан ашуласи”, “Ёш ўғлон” сингари йигирмага яқин рус оммавий қўшиқларини ўзбек тилига таржима қилди. Бу қўшиқлар рус ва ўзбек тилиларида жажоғи буклетлар шаклида (нотаси билан) нашр этилди. Бу қўшиқларнинг ўзбек йигит ва қизлари томонидан ўзбек тилида ижро этилиши, совет давлати назарида, уларнинг яқинлашиб келаётган уруш арафасида ватанпарварлик руҳида, совет давлатига садоқат руҳида тарбияланishiiga хизмат қилиши мумкин эди.

Совет давлати раҳбарлари ҳам, халқнинг пешқадам фарзандлари ҳам урушнинг кун сайин яқинлашиб келаётганини сезаётган

эдилар. Аммо улар дилида уруш хавфининг даф бўлишига созгина умид бўлган бўлса керакки, 1941 йил 22 июндан 23 июнга ўтар кечаси немис қўшинларининг чегаралардаги ҳарбий истеҳкомларни вайрон қилиб, мамлакат ичкарисига кириб кела бошлаши давлат раҳбарларини ҳам, ҳалқ оммасини ҳам довдиратиб қўйди...

Миртемир бояти одамдан Ёзувчilar уюшмасига зудлик билан бориш ҳақидаги чақириқни эшитибоқ бир зумда кийиндида, уюшма сари йўл олди. Уюшма раиси тўплангандарга Германия қўшинларининг 22 июнь кечаси СССР чегараларини ёриб ўтгани ва инсоният тарихидаги қонли урушлардан бири бошланганини айтди. Урушнинг дастлабки кунлариданоқ юзлаб кишилар фронтга кўнгиллилар қаторида кетиш тўғрисида ариза берганларини маълум қилиди. Ёзувчilarнинг урушдан четда туришлари мумкин эмаслигини алоҳида таъкидлаб, улар олдида турган вазифаларни бирма-бир санзаб берди. Шу вазифалардан бири урушга кетганлар учун ҳам ишлаш, армия ва ҳалқда ғалабага ишонч руҳини ўйғотувчи, душманга нисбатан разаб ва нафрат туйғуларини аланталатиб юборувчи шеърлар ва публицистик мақолалар ёзиш эди. Унинг айтишича, яқин кунларда раҳбар идоралардан янги кўрсатма ва топшириқлар келиши кутилади. Шунинг учун ҳар бир ёзувчи шу топшириқларни бажаришга шай бўлиб туриши лозим эди.

Урушнинг дастлабки кунларида Faфур Ғулом, Ойбек, Шайхзода, Уйғун, Иззат Султон ва Ҳасан Пўлатнинг “Совет тупроғи даҳлсиз ва муқаддасдир” деган очиқ хати эълон қилинди. Ойбек, Собир Абдулла, Амин Умарий, Faфур Ғулом, Ҳамил Олимжон, Шайхзода ва бошқа шоирларнинг ваганпарварлик гояси билан йўғрилган шеърлари газеталарда кетма-кет босилди. 20 икъюн куни Миртемирнинг “Отлиқ аскар” шеъри матбуот юзини кўрди.

Иккисинчи жаҳон уруши арафасида совет армиясининг барча машҳур саркардалари қатағон қилинган, қизил армия замонавий ҳарбий қурол-яроғлар билан таъминланмаган, Ўзбекистондаги ҳарбий қисмларнинг энг жанговар отряди эса отлиқ дивизиялар эди. Уруш бошланиши билан азamat ўзбек йигитларидан иборат янги отлиқ дивизияни тузишга киришилди. Миртемирнинг юқорида тилга олинган шеъри шу дивизия жангчиларини шарафлаш, уларни ҳарбий малакани эгаллаш ва душманни она-Ватан сарҳадларидан тезроқ қувиб чиқариш гояси билан йўғрилган эди. Унинг шу йилларда ёзган “Бу менинг Ватаним”, “Зеби”, “Камол Пўлатов”, “Тўйчи Эрйигит ўғли”, “Олег ва

унинг ўртоқлари” шеърлари уруш даври ўзбек шеъриятининг энг яхши намуналари қаторидан жой олди. Миртемир ўзбек шоирларининг шеърий хат ёзиш анъаналарини давом эттириб, “Сталинград ҳимоячиларига Тошкент интелигенциясидан саломнома” деган 182 сатрли шеърий хат ёэди. Бу шеърий хат 1942 йили ўзбек ва рус тилларида китобча шаклида 10 минг нусхада нашр этилиб, Сталинград фронтида қаттот душман билан қаҳрамонона курашаётган жангчиларга юборилди.

У ўзининг шеърий овози билан жанг ва меҳнат майдонларида ғалаба қиличини күяётган халқ ва армиянинг курашчан руҳига руҳ қўшишга уринди.

Биринчи топшириқ

Душманнинг қиравчи ва бомба ташловчи самолётлари урушнинг дастлабки кунларидаёқ чегара яқинида жойлашган аэропортлар, ҳарбий гарнизонлар ва заводлар устига ўқ ва бомбалар ёғелириб, уларни ер билан яксон қўлиб ташлади. Халқ майдонларда, кўча-кўйларда ўрнатилган радиокарнайлар олдиди тўтиланиб, урушнинг бориши ҳақидаги язтиликлардан хабар топар, бу янгиликлар эса кишиларга тасалли берадиган хабарлар эмас эди. Армия ҳар куни “оғир жанглар”дан сўнг аҳоли яшайдиган пунктлар, қишлоқ ва шаҳарларни бирма-бир ташлаб чиқа бошлади.

Мамлакат ичкарисида эса, ҳарбий комиссариатлар кечани кеча, кундузни кундуз демай ишлаб, 18 ёшдан 50, ҳатто 60 ёшгача бўлган эркак зотини йигиб-териб, уларга на ҳарбий билим, на қурол-яроғ бермай, машиналарга ортиб, тўппа-тўғри фронтга жўнатарди. Улар тушган поездлар ақалли фронт чизигига етиб бормай, душман самолётлари ташлаган бомбалардан портлаб, на вагонлардан, на бу вагонларда кетаётган аскарлардан ясар қолмас эди.

Шундай мусибатли кунларнинг бирида улошма раиси Миртемирни чақириб, унга маҳсус топшириқ борлигини ва бу топшириқ Тошкент вилояти партия комитетининг топшириғи эканлигини айтди.

Миртемир вилоят партия комитети котиби Тўхтабоев билан урушдан аввал бир-икки бор учрашгани учун уни яхши биларди. Лекин топшириқнинг нимадан иборат эканлигини билмаганлиги сабабли кўнглида бир оз ҳадик билан вилоят партия комитетига бориб, котибнинг хузурига кирди.

Урушнинг эндиғина учинчи ойи угаётган эди. Шунга қарамай, куча-кўйларда юрган кишиларнинг ҳам, идораларда хизмат қилаётган раҳбару ходимларнинг ҳам чехраларидаги ним табассум ва самимилик аллақачон жиддийлик ва кескинлик аломатлари билан алмашган эди. Обком котиби ҳам Миртемирни ўрнидан туриб кутиб олгани ва кўл бериб кўришганига қарамай, илгаригидек ҳол-аҳвол сўрашмай, масаланинг пўсткалласига ўтди-кўйди.

“Унинг бутун қиёфаси. ҳаракатидаги шиддат, оғзидан чиқаётган сўзларнинг қисқа ва аниқлиги сұхбатимиз мухтасар бўлишидан дарак бериб турарди, – деб ҳикоя қилган эди Миртемир яқин қариндоши, генерал-майор Ислом Сатторовга ўша унугилмас йилларни эслаб.

– Биласизми, Фарғона педагогика институтида ўқитувчи йўқ, – обком котиби бир оз паст овоз билан, изтиробли оҳангда, негадир бу ерда ҳозир бўлмаган кимсага қаратиб айтиётгандек, сўзида давом этди. – Ҳатто кекса адабиётшунос олимимиз Сайдолим Шарафиддинов ҳам қаердадир ҳарбий қисмларда юрипти. Ҳолбуки, у шу ерда ҳам зарур эди. Уруш даврида ҳам ёшларни ўқитишимиз керак, уларга билим беришимиз керак!

Кейин у менга мурожаат қилиб, сўради:

– Олимимиз қаерда хизмат қилаётганини суриштириб, билб берга оласизми? Ахир, сиз у кишида ўқигансиз. У қиши сизнинг устозингиз бўлади.

– Ҳа, у қиши менинг устозим бўладилар, – дедим.

– Жуда соз, – давом этди у. – Шарафиддиновнинг қаердалигини билиш, адресини аниқлаш керак. Сизга бериладиган топшириқ шу.

Ўзбекистон Фанлар академиясининг мухбир аъзоси Сайдолим Шарафиддиновнинг қаердалитини билиб, зудлик билан хабар қилишга ваъда бердим-да, обком котиби билан хайрлашдим. Устознинг уй адресини топиш қийин бўлмади. Олимнинг ўғли бизга отасининг командирлар тайёрлаш курсида тэълим олаётганини айтиб, шу курс жойлашган “почта қутиси”¹

¹. Уруш ва урушдан кейинги йилларда стратегик аҳамиятга эга муассасалар манзиллари “почта қутиси” деб аталиб, “П.К.” раҳами билан фарқланган.

рақамини берди. Эртасига эрталаб билганчаримни бориб обком котибига гапириб бердим. У банд бўлишига қарамай, мени қабул қилди-да, ҳамма нарсани қизиқиб сўради ва Туркистон ҳарбий окрути қизил аскар Шарафиддиновни армиядан чақириб олиб, ўқитувчилик ишига юборилишига қарши эмаслигини маълум қилди.

— Уни қидириб топиш, инстигутга қайтиши лозимлигини айтиш ва бунга ишонтириш керак, — деб менга қўрсатма бери迪 котиб.

Мен бу вазифани ўзимга билдирилган катта ишонч, леб билдим. Обком котиби берган вазифани эса жанговар топшириқ сифатида қабул қилдим.

Эртаси куни эрталаб озгина озиқ-овқат, мева-чева, қовун олиб, йўл-йўлакай машиналарда ўнқир-чўнқир йўллар билан қоқ пешинда ҳарбий шаҳарчага етиб бордим. Округ штабидан берилган рухсатномани соқчига қўрсатиб, командир кераклигини айтдим. Камгап соқчи замбуруғ остидаги тутмани босди. Шу заҳоти яқин орадаги чодирдан чап қўлига қизил боғич боғлаган хушқомат, чаққон аскар чиқиб келди. У мени диққат билан тинглади, рухсатномани гувоҳномамга солишириб, роса синчиклаб текшириди. Кейин ён дафгарига менинг фамилияни, ёнига эса: “Сайдолим Шарафиддинов” деган сўзларни ёзиб кўйди. Кутуб туришимни айтиб, чодирларнинг бирита кириб кетди.

Навбатчини кутаётиб ранги жазирамада жизгинаги чиқкан тупроқдан фарқ қилмайдиган, кулранг, пастак чодирларга назар ташладим. Чодирларнинг қуббасимон тепасидан чиқиб турган тўқ яшил ёғоч ва чодирларнинг тўрт бурчакларидаги қозиклар қўёшда ярқираб қўринарди. Чодирлар орасидан четларига оҳакдан чизиқ тортилган, текис йўлкалар ўтган эди. Шаҳарча четидаги шарқираб оқаётган андор ва ундан бунда ўсган бақатераклар бу ҳазин манзарага ўзгача ҳусн бағишаётгандек эди.

Гоҳо-гоҳо чодирлар аро аста юриб бораётган қизил аскарлар кўзига чалиниб қоларди. Шаҳарча қўёшнинг жазирама тифидан ҳориб мудраётгандек эди. Кун сукунатини “Максим”-нинг давомли отилиши ва тўпларнинг бўғиқ гумбурлаши бузиб турарди. Булар ҳаммаси ўзаро бирлашиб, фронтдан минглаб чакирим нарида — Тошкент атрофидаги шаҳарчалардан бирида уруш нафасини эслатиб турарди.

Навбатчи қайтиб келиб, қизил аскар Шарафиддинов ҳарбий машғулотда банд бўлганлиги, бўлинмаси билаң бирга шаҳарчага 18.00 дан олдин етиб келмаслигини маълум қилди. Навбатчига раҳмат айтишдан бошқа иложим йўқ эди. 18.00 гача уни кутиш керак энди. Малол келса ҳам кутишдан бошқа чора йўқ эди.

Куёш уфққа яқинлашган сари ҳарорат пасайиб борди. Ҳарбий шаҳарчага олиб борувчи йўл дафъатан жонланиб қолди. Шаҳар томондан озиқ-овқат ортган ҳарбий автомашиналар, яқиндагина пулемёт ўқлари ва артилерия снарядларининг овози эшитилиб турган дашт ва тоғ тарафдан – машқ майдонидан эса бўлинмалар қайтиб кела бошлади.

Шаҳарчага яқинлашган сари колонналар жанговар қўшиқ бошлашар, аввалита кимдир секин, кейин ҳамма жўр бўлиб, баланд овозда қўшиқ айтиб келишарди.

Жангчилар сафида Сайдолим Шарафиддиновни кўриш илинжида чант қўнган чекраларга дикқат билан тикилдим. Лекин уларни бир-биридан фарқ қилиш қийин эди. Офтобда оқариб кетган, бадандан чиққан оқиши туз доғлари кўриниб турган, тердан жиққа ҳўл бўлган гимнастёркалар мاشаққатли ҳарбий хизматдан дарак бериб туради.

Бирдан кимдир мени чақириб қолди. Овоз келган томонга қарадим. Шаҳарчага кираверища, соқчи ёнида Сайдолим ақа – устозим туради. Кўзларида беихтиёр пайдо бўлган севинч ёшлари шу дамдаги ҳолатимизнинг белгиси эди. Ёнимиздан ўтиб бораётган қизил аскарлар бу кутгилмаган учрашувда ҳайратланиб, жилмайиб кетишарди. Бирдан:

– Қизил аскар Шарафиддинов, хузуримга! – деган кескин буйруқ эшитилди.

Иккимиз овоз келган томонга қарадик.

– Бу менинг взвод командирим, – деди Сайдолим ақа ва буйруқ берган киши томонга югуриб кетди. Кейин олдимга келиб, ўзи билан сұхбатлашишим учун командир номига рухсат сўраб, ариза ёзишим кераклигини уқтирди. – Бу зарур расмиятчилик, – деди у командиригининг расмиятчилиги учун узр сўрагандек бўлиб.

Рухсат олгач, четроққа ўтиб, анҳор ёқасига чўқдик-да, озгина тамадди қилиб олдик. Биз учун ажратилган вақт оз эди. Биз кўп нарса тўғрисида гаплашиб олишимиз кераклигини сезиб турадик.

Сайдолим ака шаҳардаги ишлар, одамларнинг кайфияти, бола-чақаси, ёр-дўстлари ҳақида кўпроқ билишни истаб, тинимсиз савол берарди.

У офтобда қорайиб, бир оз орнеклаб қолган, бироқ аввалгидан ҳам тетиклашиб кетгандек кўринди. Гап навбати фронтдаги вазият ҳақида боргандга, Сайдолим ака қизишиб:

— Биз ниманидир тўла бажаришга ултурмадик. Сиз ҳам, мен ҳам — ҳаммамиз, — деди. Кейин ўзи билан ўзи гаплашаётгандек, ерга қараб давом этди. — Бу ўткинчи муваффақиятсизлик. Биз фашизм устидан, албатта, ғалаба қозонамиз.

Унинг овозида айтаётган сўзларига қатъий ишонч бор эди.

Мен унинг сиҳат-саломатлиги, ҳарбий шароитдаги аҳволи билан қизиққанимда, Сайдолим ака:

— Ўзимни чинакам баҳодирлардек ҳис қиласяпман. Ҳозироқ фронтга кетишга тайёрман, — деб жавоб берди.

Энди келишдан мақсад-муддаом нимада эканини айтишим керак эди. Обком котиби Тўхтабоев билан бўлган судбаг мазмунини, ёш ўқитувчилар фронтга кетишганини, институтларда ўшларга таълим берадиган одамларнинг қолмаганини, унга педагогика институтига қайтиш таклиф этилганини, унинг армия сафидан қайтиши масаласи Туркистон ҳарбий округи штаби ва сиёсий бошқармасида ҳал этилганини гапириб бердим.

Сайдолим ака бирдан тундлашиб, узоқ вақт жим бўлиб қолди. Шундай разабланиб кетдики, офтобдан қорайган юзларини қандайдир совуқ, қаҳрли белгилар қоплаб олди. Анчадан кейин ҳар бир сўзини чертиб-чертгib, кескин равища деди:

— Мени унутишмагани учун раҳмат! Аммо начораки, бугун менинг жойим мана шу ерда. Эртага эса фронтда. Менга уч ойдан бери ҳарбий таълим беришашти. Милтиқ ушлашни, нишонни аниқ мўлжалга олиб отишни ўргатиши. У ерда ҳар бир жангчи керак, — деди у кўрсаткич бармоғи билан узокларни кўрсатиб.

Орага изтиробли сукунат парласи тушди. Бунга асло чидаб бўлмас, мен ҳатто йиғлаб юборишга ҳам тайёр эдим. Менинг қандай аҳволга тушганимни кўриб, Сайдолим ака менга бир оз тасалли бериш учун ҳозирги дақиқадаги ҳолатига сира ярашмаган майнинлик билан сўз қотди:

— Миртемир, — деди у, — мени тушунинг ахир. Биз ғалаба қозонамиз ва мен кафедрамга, албатта, қайтиб бораман.

Сўнг аввалгидек самимий табассум билан жилмайиб, ҳазил-мутойиба қилишга ўтди.

— Ахир сиз менинг афанди ҳолига тушиб қолишими хоҳламайсиз-ку, тўғрими?

Мен ёшларга таълим бериш фронтга бориб, фашистларга ўқ отишдан аҳамияти кам бўлмаган ишилигига уни яна бир марта ишонтиришга ҳаракат қўлдим. Лекин у кўнмади”.

Шундай қилиб, Миртемир ҳукумат томонидан ўзига юкланган биринчи тогшириқни бажара олмади. Бунга устози Сайдолим Шарафиддиновнинг ўта қайсар кишилардан бўлганлиги сабаб бўлди.

Она ва ўғил

Урушнинг дастлабки Йилида республика ҳукумати ва партия ташкилоти раҳбарлари исходий зиёлиларни марказкомга тез-тез таклиф этиб турарди. Саноат, транспорт, қишлоқ ҳўжалиги ва маданиятни зудлик билан ҳарбий изга тушириш осон эмас эди. Шунинг учун ҳам шундай йиғилишларда республика олдида турган оғир ва мураккаб масалалар ўртага ташланар, фронт янгиликлари билан таништирилар, шунингдек, ҳар бир исходий уюшма ва муассаса олдига янги-янги вазифалар кўйиларди. Баъзан йиғилишларга уруш йилларида Москва ва Ленинграддан эвакуацияга келган ижодкорлар ҳам таклиф этиларди.

Шундай йиғилишларнинг бирида ҳукумат раҳбари Абдужаббор Абдураҳмонов ҳаммани ларзага солған бир воқеани сўзлаб берди. Унинг ҳикоя қилишича, яқин кунларда бир она шаҳардаги ҳарбий комиссариатларнинг бирига ўелини етаклаб келган. Онанинг айтишича, ўели, чамаси, бир мунча вақт аввал ҳарбий хизматта олинган ва фронтга жўнатилиши олдида, бир томони, ёшлигига бориб, иккинчи томони, нақд ўлимдан кўрқиб қочган ва қаерлардадир иккى-уч кун яшириниб юрган экан. Она қоюқ ўғли уйига келиши билан бу шармандали воқеадан хабар топиб, уни ўз қўли билан ҳарбий комиссариатга олиб борган ва тезроқ фронтга – ватандошлари жон олиб, жон бераётган жабҳага юборишларини сўраган.

Йиғилишда иштирок этаётган машҳур рус ёзувчиси А. Толстой ҳукумат раисининг сўзларини дастлаб бир оз лоқайд ҳолатда тинглаб ўтирган экан, воқеанинг бундай кутилмаган давомини

эшитиши билан нотиқ сари яқинлашиб борди ва ундан шу во-
қеанинг тафсилотларини суриштириб кетди. Бошқа иштирокчи-
лар ҳам бу фавқулодда ҳодисани эшитиб, қаттиқ, ҳаяжонга ту-
шадилар. Йиғилишни олиб бораётган Усмон Юсупов қатнашчи-
ларга қараб: “Мана, қанақа ажойиб оналаримиз бор! Бизнинг
оналаримиз Алишер Навоий, Улугбек, Жалолиддин сингари шо-
ириу олиму саркардаларни туқсан. Бизнинг оналар: “Ўғлим урушга
борса, улиги келади”, деб йиглаб, фарзандини бағрига босиб
үтирадиган оналардан эмас. Ҳозирги оналар халқ ва мамлакат
тақдирли ҳавф остида турганини яхши билишади. Ҳозир: “Ё улим,
ё мамог!” деб, фронтга отиладиган пайт! Бизнинг оналаримиз
шуни яхши тушунишади. Сиз, ҳурматли ёзувчилар, шундай
оналар тўғрисида шеърлар, мақолалар, достонлар, борингки,
саҳна асарларини ёзишингиз керак! Керак бўлса, кейин роман-
лар ҳам ёзасиз. Аммо ҳозир шу буюк онанинг ватанпарварлик
ҳаракати мисолида халқимизни ғалаба йўлида зарбдор меҳнат
қилишга, курашга илҳомлантирадиган зўр асарлар ёзишингиз
керак!” – дейди.

Бу сўзлардан сўнг кенг-мўлгина хонада катта жонланиш рўй
берди. Йиғилчилар бир-бирлари билан пичирлаша бошлидилар.
Ҳамил Олимжон даст ўрнидан туриб, шу куниёқ бу гаройиб
воқеа ҳақида очерк ёзишини, йиғилишда ҳозир бўлган бошқа
қаламкаш дўстларининг ҳам, албатта, халққа манзур бўладиган
асарлар ёзажагини айтди. А. Толстой Ўйғунга қараб “бирга бирор
асар ёзамизми?” дегандек имо қилган эдикси, у ҳам рози экан-
лигини дарҳол маълум қилди. Шундан кейин граф ўрнидан
туриб: “Усмон Юсупович, мен Ўйғун билан бирга шу мавзуда
пъеса ёзисберишга аҳд қилдим”, дейди.

Йиғилишда қатнашаётган Миртемир ҳам ўзбек онасининг
бу жасоратидан қаттиқ ҳайратга тушган эди...

* * *

Урушнинг дастлабки кунларида таниқли олимлар, ёзувчи-
лар ва санъаткорларни халқ ва мамлакатнинг, ҳозирги атама
билан айтсак, интеллектуал бойлик сифатида фронтдан, ҳар-
бий хизматдан олиб қолишни ҳеч ким ўйламаган эди. Шу боис
Сайдолим Шарафиддинов, Султон Жўра, Қобил қори Сид-
диқов сингари илм-фан, адабиёт ва санъат намояндлари ар-
мияга олиниб, урушнинг дастлабки кунларидаёқ ҳалок бўлиб
кетдилар. Орадан бир мунча вақт ўтгач, давлат раҳбарлари бун-

дай кишиларнинг урушдан кейин ҳам кераклигини ўйлаб, “бронь” деган нарсани жорий қилдилар. Юқорида тилга олинган тоифага мансуб кишилар армияга олинишдан озод қилинди. Миртемир шундай кишилар жумласидан эди.

Беш йиллик уруш даврида Ўзбекистондан бир миллиондан ортиқ киши армияга олинган. Айниқса, урушнинг дастлабки йилларида минглаб взандошларимиз фронтга кетганлиги боис саноат ва қишлоқ хўжалиги хувуллаб қолган. Маданий муассасаларда ҳам аҳвол яхши бўлган эмас. Бир томондан, шундай вазият тақозоси билан, иккинчи томондан, оловли йиллардаги театрлар ҳам шоир ва ёзувчиларнинг ижодий меҳнатига муҳтож бўлганлиги учун Миртемир 1941 йил 20 июлда ўзбек давлат опера ва балет театрига адабий эмакдош эгиб тайинланди. Бу лавозимнинг ўзига яраша иш ва ташвишлари етарли бўлгани учун у шу йилнинг 28 августида Болаларни бадиий гарбиялаш марказий уйидаги хизмат вазифасидан бўшади.

Миртемир мазкур театрнинг қарийб барча артистлари билан Катта Фарғона канали қурилишида танишган, уларнинг айримлари билан илгаридан дўстона алоқада бўлган эса-да, опера ва балет геатри унинг учун мутлақо янги олам эди. Айниқса, уруш театрдан фақат саҳнада туриб эмас, балки ишлаб чиқариш корхоналарига, Тошкентга кўчириб келтирилган госпиталларга, ҳатто ўзбек жангчилари жон олиб жон бераётган жанг майдонларига бориб бадиий хизмат қилишни талаб қилди. Даврнинг шу талаби билан 1941 йил август ойининг сўнгги – сентябрь ойининг дастлабки кунларида Ҳалима Носирова Мукаррама Турғунбоева, Исмоилов, Ҳасанов, Комилов ва бошқа артистлар билан бирга Тбилиси, Кисловодск, Боку, Краснодаръ, Ленинакан, Ереван сингари шаҳарларга бориб, уч ой мобайнида ҳарбий қисмларда концерт берди. Ҳалима Носирова яна 1942 йил июнида Мукаррама Турғунбоева, Шаҳодат Рахимова, Т. Жалилова, Карим Зокиров ва бошқа артистлар билан бирга Эронга бориб, шу ерда хизмат бурчини ўтаётган ўзбек жангчиларига бадиий хизмат қилиб қайтди. Айрим бадиий бригадалар эса бевосита фронтга бориб, бомба ва снарядларнинг портлаётган овози шундоққина янграб турган жойларда ўз санъатларини намойиш қилдилар. Шундай бадиий бригадалар репертуарини тузиш, уларни рус ва ўзбек тилларидаги жанговар қўшиқ ва рақслар билан бойитишида Миртемир адабий эмакдош сифатида иштирок эта бошлади.

1941 йил 4 октябрда театрда “Даврон ота” (Яшин, Собир Абдулла ва Чустий либреттоси, Т.Содиқов ва А. Козловский мусиқаси), 1942 йил 15 январда “Шерали” (Ҳамид Фулом ва Б.Халилов либреттоси, М.Ашрафий ва С.Василенко мусиқаси), 29 апрелда “Ўзбекистон қиличи” (Н.Погодин, Ҳамид Олимжон, Уйғун, Собир Абдулла либреттоси, Т.Содиқов, М. Бурҳонов, С.Вайнберг, Т.Жалилов, Н.Ҳасанов, А. Клумов мусиқаси) мусиқали драмалари, 1944 йил 24 декабрда “Маҳмуд Торбий” (Ойбек либреттоси, О.Чишқо мусиқаси) операсининг премьералари бўлиб ўтади. Миртемир бу асарларнинг саҳна юзини кўриши, либреттоларга айrim таҳирлар кўритилиши, артистларнинг ария ва речитатив матнларидағи сўзларни тушиниб ва тўғри талаффуз қилишларига ёрдам берди.

Опера ва балет театри шу йилларда томошабинлар қалбига ватанпарварлик туйғуларини пайванд қилишга ёрдам берувчи шу саҳна асарларидан ташқари. Яна иккита опера спектаклини ҳам томошабинлар хукмига ҳавола этади. Бу спектакллардан бири ўзбекистонлик композитор А.Козловский-нинг “Улугбек”, иккинчиси эса буюк француз композитори Ж.Бизенинг машҳур “Кармен” опералари эди. Шу йилларда қабул қилинган қоидага кўра, бу асарлар ўзбек ва рус тилларида саҳна юзини кўрди. Миртемир бу ҳар икки опера либреттоларини ўзбек тилига ўгириб, уларнинг Алишер Навоий ва Абдулла Қодирий тилларида жаранглашига ўз ҳиссасини кўшиди.

* * *

Республика раҳбарлари ҳузурида бўлиб ўтган ўша йиғилишда, айтиб ўтганимиздек, опера ва балет театрининг адабий эмаклоши Миртемир ҳам иштирок этган эди. У шу вақтта қадар шеъриятнинг лирик шеър ва достон жанрларида ижод қилган ҳамда шу жанрларга оид асарлари билан шуҳрат қозонган бўлсада, бояги ватанпарвар Она образини опера саҳнасига олиб чиқишини дилига тутди. Қолаверса, ҳозирги лавозим ундан шундай долзарб ижодий режаларни рӯёбга чиқаришни тақозо қиласади. У қисқа муддатда “Она” деб номланган опера либреттосини ёзди. Бу асар ўтган асрнинг 40-йилларида “Жанговар саҳна” деган тўпламда нашр ҳам этилди. Лекин, афсуски, унинг театр саҳнасида бадиий мужассамланганини кўриш Миртемирга насиб этмади.

Шоир умрининг сўнгти йилларида уч жилдлик “Асарлар”-ини нашрга тайёрлаш жараёнида мазкур либреттони шу џашрнинг 3-жилдига драматик достон сифатида киритишни лозим топди. Биз бу асар билан танишар эканмиз, Миртемирнинг қисқа вақт мобайнида опера спектаклининг ўзига хос томонлари ва либреттонинг жанр хусусиятларини мукаммал эгаллаб олганидаң ҳайратга тушамиз. Мехр ва илҳом билан ёзилган асарнинг “ўз аҳли муҳокамаси”дан (Миртемир ифодаси) ўтганига қарамай, композитор Толибжон Содиковнинг оғир касалликка чалингани ва бевақт вафот этгани сабабли саҳна юзини кўрмаганига ачинамиз.

Либреттога асос бўлган ҳаётий воқеа гарчанд Тошкент шаҳрида рўй берган бўлса-да, Миртемир воқеа манзилини Фаргона водийсидаги қорли тоғлар этагида жойлашган қишлоққа кўчирган. Асарда ҳожар буви (она) билан Бектош (ўғли) дан ташқари, унинг қайтиги Сарви, қишлоқ оқсоқоли Усмон ота, Мутал, Иванов сингари қизил аскарлар, Ҳожар буви асраб олган россиялик етим Назар ва бошқалар иштирок этганилар. Тўрт пардали асарда тасвир этилган воқеалар, ҳозирги адабий-маданий юксаклиқдан туриб қараганда, жиддий бадиий қусур - схематизмдан холи эмас. Лекин биз Миртемир либреттосига опера жанрининг, айниқса, уруш даври операларининг гоявий-бадиий даражасидан келиб чиқиб ёндашсак, ҳатто айрим саҳналарнинг, ария, дузт ва триоларнинг маҳорат билан ёзилгани ойдек равшан бўлади.

Асадаги воқеалар оқимига жўшиқинлик багишилаган ва онани улуглаган ҳоллардан бири шундаки, у, яъни Ҳожар ая ўғли Бектош армияга олинган кунларида Ўзбекистонга Россиядан келтирилган ота-онасиз болалардан бири – Назарни асраб олган бўлади.

...Мана, Ҳожар ая уйида нима биландир андармон бўлиб турибди. Шу пайт ўғли кўрқа-писа кириб келади. Ҳожар ая ёлгиз ўслининг келганини кўриб, уни армиядан бир неча кунга рухсат олиб келган, деб ўйлади ва беҳал қувонади.

“Ҳ о ж а р

Кўрпача солади. Сарви ўчоқ бошида банд. Бектош ўлтирад.

Ўтири, болагинам, ўтири, даминг ол.

Неча кунга жавоб?

Б е к т о ш

Бу нима савол?

(Пауза)

Қандай жавоб берсам экан... билмайман.

(Үрнидан туради. Ҳожарга.)

Беш-олти кун ўйнаб, кейин кетгайман.

Ичкаридан Н а з а р кўзини уқалаб чиқади.

Ҳ о ж а р

Сенга янги ука, менга – кенжатой.

(Хурсанд. Оналик меҳри тагин жўш уради.)

С а р в и

Оти Назар экан.

Б е к т о ш

Салом, Назарбой.

(Кўлига олади.)

Н а з а р

Дядя солдат, ты не видел моих? Они убили мою мамашу и отца. Брат мой на войне, убей гадов, дядя...

А...а!

(Қалтирас. ўйланиб қолади. Деворда осигуриқ камар ва шапкасига боқади, қўли титраб оғолмас. Ранги ўзгаради. Бир томонда она ва Сарви ҳайрон.)”

Бундай саҳналардаги драматизм, усталик билан ёзилган дуэт ва триолар муаллифга қаҳрамонларнинг руҳий оламини очиш ва асар юясини ёрқин ифодалаш имконини берган. Агар уруш йилларида мазкур асар асосида опера спектакли яратилганида,

кatta бадий акс-садо берган ва, балки уруш даврининг яхши операларидан бири бўлиб қолган бўлармиди?..

* * *

Мазкур йиғилишида қатнашган Алексей Толстой гарчанд Уйғун билан ҳамкорликда саҳна асарини ёзиш ваъдасини берган бўлса-да, ўзек шоири билан бирга бўлажак пьесанинг композициясини ишлаб чиқиш билангина кифояланди ва Уйғун “Она” драмасини ёзиб, ҳозирги Миллӣ театр саҳнасида намойиш этилишига муваффақ бўлди. Ҳамид Олимжон эса “Онанинг номуси” очерқидан ташқари, “Жангчи Турсун” деб номланган машҳур балладасини яратди.

Адабиётшунос Раффор Мўминов шоир билан қилган суҳбатларининг бирида мазкур асар мазмунининг “Жангчи Турсун” балладасига яқинлигига эътибор қаратиб, ундан “Она” драмасининг ёзилиш тарихитни сўзлаб беришни сўраган эди.

Миртемир олимнинг бу илтимосига жавобан Ўзбекистон раҳбарлари билан бўлиб ўтган ўша тарихий гурунгни эслаб, бундай деган эди:

“...Ана шундай суҳбатларнинг бирида А.Толстой, Я.Колас, Н.Погодин, И.Уткин, Я.Ян, Ойбек, Ҳ.Олимжон, Уйғун, Шайхзода, Иzzат Султонлар билан бирга мен ҳам иштирок этдим. Шунда Усмон ота фронтдаги аҳвол ҳақида, бизнинг, албатта, енгажагимиз, ҳар қанча оғирликка қарамай, эрганги кунни ўйлашимиз кераклиги ҳақида, кейин Бекобод металлургия комбинати, Фарҳод ГЭС, каналлар, ҳашарчилик, умуман фронт орқасидаги меҳнат ҳақида, ватанпарварлик ҳақида узоқ сўзлади. Суҳбат орасида Ҳалқ Комиссарлари Совети раиси Абдужаббор aka Абдураҳмонов: “Яқинда Эски шаҳарда бир аёл фронтдан қочиб юрган ўғлини военкоматга олиб келибди”, - деб қолди. Шу пайт ғовур-ғувур бир зумда тұхтади. Кенг хонада чукур ўйчанлик ҳукм сурар, бу гап ҳаммани ўзига тортиб олганди. Эсимда, Алексей Толстой дарҳол Абдужаббор аканинг ёнига ўтиб, яна нималарни дир сўрай бошлади. Хуллас, у ҳам ҳайратда эди. Ўша йили бир гурӯҳ ёзувчиларимиз “Ўзбекистон қиличи” асарини ёзишаётган эди. Шайхзода “Жалолиддин” билан банд эди. Мен ҳам ҳаяжонли бу воқеани қаламга олишга бел боғладим. Шу мавзуда опера учун либретто ёздим. Жуда ҳам тез ёздим. Санъат бошқармасидаги муҳокага-

мада К.Яшин, Уйғун, Ҳамид Олимжон ва бошқа талай йирик ёзувчилар, бастакорлар бўлди. Асарни маъқуллашиб, тезда саҳнага чиқариш зарурлигини қайд этишгани эсимда. Муҳокамада иштирок этган Толибжон Содиқов музика ёзмоқчи бўлди. Лекин бастакор бошқа ишлар билан машғул бўлиб кетди. Устуга устак, у киши оғир касал эди. Мен ҳам бошқа ишлар билан банд бўлиб, ташлаб кўйдим...”

Миртемир бу сўзларидан кейин сұхбатдошининг савол тарзидаги фикр-мулоҳазасига жавобан яна бундай деган: “...Шу бир онанинг иродаси, азми орқали ўзбек онасининг қўйма, умумлашган образини яратиш зарур эди. Бунга қай даражада эришганман. билмадим. Ўзи шу даражада тез ёзилдики, иккимарта кўчиришнинг ўзида ярқираб кетгандек бўлди. Аслида мен жуда кўп кўчираман. Бир сўз ё бир ибора ўз ўрнига тушмагунча қоғоздан-қоғозга кўчиравераман...”

Шоир ўзининг бу сўнгги сўзлари билан бизни ижодий лабораториясига таклиф этгандек бўлади. Агар биз шу имкониятдан фойдаланиб, унинг ижодий лабораториясига назар ташласак, яна бир нарса ошкор бўлади. Бу, Миртемирнинг асосий қаҳрамон образининг тип даражасига, Бектошнинг онасини ватанпарвар, халқпарвар, адолатпарвар ўзбек оналарининг умумлашма образи даражасига кўтаришга интилишидир.

Шоир шундай ижодий ниятидан келиб чиқиб, асар бошлиридаёт Ӯнани, оналарни бундай шарафлайди:

*Алишерга алла айтиб ухлатган
Сен – она.
Оғушида Бобур камолга етган
Сен – она.
Торобийни оғир жангга жўнатган
Сен – она.
Оламни нурида мунаvvар этган
Сен – она.
Кулгуси саодат парвариш этган
Сен – она.
Доҳийлар бешигин бедор тебратган
Сен – она.
Меҳри баҳорида элни яшнатган
Сен – она.*

Онани шундай илоҳийлаштириш – Миртемир шеърияти-нинг муҳим ва гўзал хусусиятларидан бири. Биз бу фикрнинг одиллигини вақти-вақти билан исботлаб борамиз.

Фронт сафари

Одатда, шеърият шоир ҳаётининг autobiографияси дейилади. Миртемирнинг шеърлари ҳам, шу маънода, истисно эмас. Уларни ўқиб, шоирнинг гулзор ва тиканзорлар оша ўтган машиқатли ҳаёти тўғрисида тасаввур ҳосил қилиш қийин эмас. Аммо мураккаб тарихий даврда яшаган ва турмуш деб аталмиш тегирмон тошлари орасидан омон чиққан Миртемир сингари шоирларнинг ҳаёт йўлини аниқ тасаввур этиш учун бунинг ўзи кифоя қилмайди. Аммо минг афсуслар бўлсинки, аксар қаламкаш замондошлари сингари, Миртемир ҳам на кундалик тутган, на ҳаётида рўй берган муҳим воқеалар ҳақида бирор мақола ёки бирор очерк, жилла курса, шеърларига бирор изоҳ ёзib қолдирган. Шу туфайли биз шоир ҳаёти саҳифаларини вараглашда – қанчалик чин ё начин бўлишидан қатъи назар – шоир ҳақидаги хотиралардан фойдаланмай иложимиз қанча.

Юқоридаги фаслларнинг бирида Миртемир ҳақидаги хотираси келтирилган генерал Ислом Сатторов айни пайтда журналист ва рассом бўлган. У гарчанд Миртемир портретини ёки у яшаган ҳовли кўринишини турфа бўёқлар ёрдамида тасвир этмаган бўлса-да, шоир билан қилган сұхбатларини қоғозга туширишни ўзининг виждоний бурчи, деб хисоблаган. Ва “Унтуилмас хотиралар” деб номланган кагтагина ёднома ёзив, Миртемир ҳаёти айрим саҳифаларининг авлодлар хотирасида қолишини истаган. Генерал мазкур хотираларнинг “Фронт бригадаси” деб номланган қисмida ўтган асрнинг 40-йилларидаги мураккаб шароитни кўз олдимизда гавдалантириб, бундай сўзларни ёзган:

“...Мамлакат улкан гулат пружина каби таранглашиб борарди. Душман бу пружина узилиши билан совет давлати парча-парча бўлиб кетади, деб ўйлар ва ғалаба ҳақида айюҳанис солар эди. Лекин фақат душман шундай деб ўйларди. Бу орада қирқ иккинчи йилнинг шафқатсиз қиши бошланиб, охиригача таранглашган пружина ишлаб кетди. Фельдмаршал Паулюснинг қарийб ярим миллионли армияси таслим бўлиб, аспир-

ликка тушди. Сталинградни озод қилиш учун бўлган жангларда тарих ҳукмининг дастлабки сатрлари ёзили.

Лекин миллионлаб кишилар ғалабага қадар минглаб чақирим йўлни пиёда босиши кераклигини, кўплаб қурбонлар берилажагини, аёллар эркаклари ва ўғилларидан, фарзандлар оталари ва акаларидан жудо бўлишларини ҳали билмас эдилар. Ғалабани яқинлаштириш учун ҳали жуда қўп иш қилиш кепрак эди..."

Генерал бундай муқаддимадан сўнг муддаога кўчиб, ёзади:

"Ўша машаққатли кунларда ўзбек маданиятининг таникли арбоблари - ёзувчи ва драматург Комил Яшин, ҳалқ шоири Ҳамид Олимжон, шоира Зулфия, СССР ҳалқ артистлари Ҳалима Носирова, Мукаррама Турғунбоева, композитор Мухтор Ашрафий, республика ҳалқ артисти, севимли хонанда Карим Зокиров ва бошқалардан иборат фронт бригадаси тузилди. Миртемир ҳам шу бригада таркибида бор эди".

Бу воқеа генерал ёзганидек, 1942 или эмас, балки 1943 йилнинг чирсиллама қиши кунларида, аниқроғи, декабрь ойининг ўрталарида рўй берган. СССР Ёзувчилар уюшмаси ва Қизил Армия Бosh сиёсий бошқармаси билан келишувга кўра, 1943 йил декабрида Москвада ўзбек адабиёти кечалари ўтказилган.

Совет давлати тақдирни ҳал бўлаётган даврда ўзбек адабиёти кунларини ўтказишдан мақсад фронт чизифидан олисда жойлашган Ўзбекистонда ҳам ғалаба қиличи қуолаёттанини москваликлар онгига сингдириш, уруш қадами етган жойлардаги ота-онасиз қолган болаларнинг ўзбек оиласларида, Ўзбекистондаги болалар уйларида омон-эсон ўсиб-улфаяётгани хабарини уларнинг фронтдаги жангчи оталари ва акаларига етказиш, шу билан бирга Москва остоналаридағи ҳарбий қисмларда ўзбек адабиёти ва санъати усталарининг ижодий учрашувларини ўтказиш. ҳарб майдонларида жонини жабборга бераётган жангчилар руҳини ўзбек ҳалқининг рақс ва қўшиклари, ўзбек шоирларининг шеърлари билан кўтариш эди. Ана шу мақсадда ҳарбий Москвага нафақат таникли шоир ва ёзувчилар, балки номлари юқорида тилга олинган атоқли санъат усталаридан иборат "Фронт бригадаси" опера ва балет театрининг адабий эмакдоши Миртемир ҳам бор эди.

"Фронт бригадаси"га киритилганим ҳақидаги хабарни foят ҳаяжон билан кутиб олдим, - деб ҳикоя қилган эди

Миртемир генерал Ислом Сатторовга. – Бу мен учун катта шараф эди. Мен ўша ёқда – фронтга, бевосита жангчилар билан учрашиш, уларнинг душманга ўқ отаётган қўлларини кафтимга босиш учун кегаётган эдим.

Москва, 1943 йил... Ҳамма ёқда уруш излари. Томлар душманни ҷалғитиши учун бўяб ташланган. Оқшомлари деразаларга қора парда тутилади. Машиналар нурсиз чироғини ёкиб, пай-паслаб юргандек ҳаракат қиласди. Ҳарбий соқчилар... ҳаво ҳзв-фидан хабар берувчи чинқироқ овозлар ва сиреналар қичқириги... Прожекторларнинг кўкни кузатувчи узун кўзлари... Пойтахтдан узоқда фашист самолётлари ташлаган фугас бом-баларнинг аҳён-аҳёнда порглаши...

Ёзувчилар уюшмаси ва Қизил Армия Бош сиёсий бошқармасининг вакиллари бизни қилишган ишларимиз билан таништиришди. Келган куннимизнинг эртасига ёқ Қизил Армия Бош сиёсий бошқармасининг ходими Тўлқин Рустамов (Миртемирнинг ёшликлаги дўсти, фронт газеталаридан бирининг муҳаррири – Н.К.) бизни ўзбек тилида чиқадиган фронт газеталарининг муҳаррирлари билан таништириди. Улар йигирма кишидан кўпроқ эди. Муҳаррирлар ўзбек жангчиларининг шонли ишлари ҳақида гапириб беришди. Ўзбек диёрининг вакиллари Ленинград остоналарида баҳодирона жанг қилишгани, Украина ерларининг ҳар бир қаричини ҳимоя қилишгани, рус ларёси Волга бўйларида жон бериб-жон олишгани ҳақидаги ҳикояларни тинглар эканмиз, қалбларимиз Ватан учун ифтихор ҳистуйгуларига тўлиб-тоцди. “Она шаҳар” шеърининг сатрлари ўша кунларда туғилди...

Ленинград шаҳрига бағишланган ва ҳарбий қисмларда шоир оғиздан жаранглаб чиққан шу шеър бундай ёниқ сатрлардан иборат эди:

*...Сенда олам-олам ҳусн, қудрат бор,
Ҳатто ҳар парча тош қадим ёдгор,
Қамалга олди ёв – аблас, бадкирдор,
Майли, мажсақлансан бошлари тақрор:
Эй чексиз давлатда дурдана шаҳар...*

*...Сен деб дилда тўлқин, ишқимиз жўшқин;
Узоқ эмас! Келар ўшал шаддод кун,
Жавоб берар ҳатто қатра қон учун,*

*Синиқ гишт учун ҳам тўлар талай хун,
Уч бўлар беомон, жонона шаҳар!..*

Ўша йилларнинг оғир шароитида, портлаётган бомбаларнинг даҳшатли садолари остида, Москванинг баданга найза бўлиб санчиладиган қаҳратон қишида бундай некбин руҳ билан сугорилган, жўшқин ва оловли сатрларни ёзиш ҳар кимнинг ҳам қўлидан келмасди. Миртемир чинакам шоир бўлганлиги учун шундай шароитда гўзал шеър ёзибгина қолмай, урушдан кейинги ўчнинг беомон бўлишини, ҳатто синиқ гишт учун ҳам талай хун тўланишини башорат қилин.

Бу лирик чекинишдан кейин яна генерал билан бирга шоир хотираларини ғинглашда давом этсак:

“...Фронтчиларга бериладиган кундалик радиоэшиттиришларда биз республикамиз меҳнаткашлари ҳаёти ҳақида галириб, шеърларимиздан, ҳикояларимиздан ўқиб берар эдик. Москва радиоси “Фронт учун концерт” махсус дастурини мунтазам равища эшиттириб бораарди. Ҳалима Носирова, Карим Зокиров, Мухтор Ашрафий каби ажойиб артистлар ижросида ўзбек қўшиқлари, куйлари эфирда янграб эди.

Ўша кунларда биз катта кўтаринкилик билан берилиб ишладик. Янги шеърлар ёзилар, шеърий сатрларга кўчган янги янги воқеалар навбатдаги эшиттиришда эфир орқали жарангларди. Талантли шоир Ҳамид Олимжон бригадамизнинг жони эди. У тиним билмас, ажойиб шеърлар ёзишга, уларни радио орқали ўқишга улгурар, жангчилар билан учрашувларни, фронтнинг олдинги чизиқларига сафарларни уюштирасди. Ҳамид Олимжоннинг айни куч-куватга, оптимизмга тўлиб-тошган вақти эди ўшанда. Ундаги эҳтирос ҳаммамизни руҳлантириб юборган эди...”

Бригада аъзолари кундуз кунлари фронтнинг олдинги чизиғига кетаётган жангчилар хузурига бориб, шеър ўқиб, ашула айтиб, рақс тушиб, концерт беришарди. Лекин ўзбек диёридан келин Ҳалима Носирова, Мукаррама Турғунбоева каби афсонавор артистлар ва шоирлар билан, борингки, ҳозиргина жўшиб шеър ўқиган, жангчиларнинг ўзлари сингари содда ва камгарин Миртемир билан ҳам хайрлашиш жангчилар учун оғир эди. Улар шу санъаткорлар сиймосида ота-оналари билан, она-Ватанлари билан энди бир умрга кўришмайдиган кишилардек йиғлаб қолар-

дилар. Қайтишда бригада аъзолари ҳазин кайфиятта тушганлари учун йўл олислашгандек туйилиб, ҳамманинг кайфияти тушган, камгап бўлиб қолган эди.

“Ҳамма, – деб давом этади Миртемир, – ўз хаёли билан банд, бизни янги учрашувларга кузатган қора кўзлар тўғрисида ўйларди. Командирлар бизга қанчалик меҳрибонлик кўрсатгандарига қарамай, биз ўзимизни ғоят толикқандек ҳис қиласардик. Юқ машинаси Москванинг қоронғи кўчалари бўилаб кетаётганда, қалдир-қулдирга қарамай, кузовдаги кўпчилик мудраб борарди.

Шундай кунларнинг бирида меҳмонхонада бизга куттилмаган бир учрашув тайёрлаб қўйишган экан. Бир пайт меҳмонхонанинг салқин, ним қоронғи кенг-мўл даҳлизида икки ҳарбий киши ёнимиздан ўтиб кета бошлади. Биз уларга эътибор бермай бепарво ўтирган эдик. Лекин ҳар доим шўх ва хушчақчақ ҳолатда бўладиган Fafur Fулом кўзларини катта-катта очиб қарали-да, ҳалиши ҳарбийларни кўрсатиб, бирдан ҳаякон билан хитоб қилиб қолди:

— Анови ўзимизнинг Собир-ку, қаранглар!

Fafur аканинг овозини эшлитиб, ҳарбийлар ўгирилиб, бизга қарашди. Қалди-қомати келишган, барваста бири жилмайганча югуриб келиб, Fafur aka билан қучоқлашиб кўриша кетди. Бу ўзбек халқининг донгдор ўғлони Собир Раҳимов эканлигини энди биз ҳам пайқаган эдик. Унинг ёнидаги ҳарбий эса фронт газетаси муҳаррири Рустам Абдураҳмонов бўлиб, жилмайиб туради.

Бу куттилмаган учрашувни Рустам Абдураҳмоновнинг ўзи атайлаб уюштирганини кейинчалик билди. У ҳарбий академияга ўқишига келган генерални излаб топибди-да, бизнинг олдимизга бошлаб келибди.

Шу кечада Ҳамид Олимжоннинг хонасида ҳаммамиз жам бўлдик. Бирор чойга, бирор гаригина ҳарбийлар дастурхонини тузашга киришиб кетди. Генералнинг ризқ-рўзи – бир банка димлаб пиширилган аъло сифатли гўшт, қотирилган патир нон, қуритилган балиқ ва бир буханка нон дастурхонни яшнатиб юборди. Қаердандин топиб келтирилган, урушгача буғдойдан тайёрланган бир шиша шароб байрам дастурхонининг кўрки бўлди.

Дўстона сұҳбат, дилкаш ҳамюртимиз билан учрашув чарчогимизни бутунлай тарқатиб юборгани учун вақт ярим тун-

дан оққанини ҳам сезмай қолдик. Урушнинг дастлабки кунларидаги қақшатғиқ жангларда душманга қарши қақшатғиқ жангларда ҳалок бўлганлар, ёкиб юборилган қишлоқлар, фашистларнинг ёвузликлари тўғрисида Собир Раҳимов алам ва изтироб билан гапириб берди...”

Калейдоскопдаги рангли шиша парчаларининг айланиши билан янги-янги кутилмаган манзаралар майдонга келади. Ҳаёт ҳам калейдоскопдек гап. Бугун совуқ бўлса, эрта иссиқ. Бугун бир бурда нонга зор бўлсак, эртага тўқин дастурхондан баҳраманд бўлаётган бўламиз. Бугун мусофирилик қисматини тотаётган бўлсак, эртага иссиқ уйимизда, оиласиз бағрида яшнаб ўтирган бўламиз. Бугун байрам кайфияти билан яшасак, эртага...

Келинг, яхши гаплардан гаплашайлик.

Ўзбек ёзувчилари адабиётимизнинг Москвада бўлиб ўтажак ушбу кўригига Ҳамид Олимжоннинг файрат ва шижоати билан рус тилига таржима қилинган 20 та китобни олиб борган эдилар.

Ўзбек адабиёти кунлари 4 декабрда Москва ёзувчилари клубида катта адабий-бадиий кеча билан очилган эди. СССР Ёзувчилар уюшмасининг бош котиби А.Фадеев ўзбек адабиётининг Москвада бўшланган кечаларини халқимиз ва маданиятимиз шаънига айтилган илиқ сўзлар билан очгач, делегация раҳбари Ҳамид Олимжон ўзбек адабиёти тўғрисида маъруза қилган.

12-13 декабря ўзбек маданиятининг иккинчи ва учинчи кечаларни бўлиб ўтади. 19 декабря эса Москва консерваториясининг катта залида ўзбек маданияти кунларининг якунловчи кечаси ўтказилади. Мазкур тадбир қатнашчилари жами 10 та ижодий кеча ўтказадилар. 20 мингдан зиёд томошабин ҳозир бўлган бу кечаларда Миртемир ҳам фаол иштирок этди. Бундан ташқари, у фронтдаги жангчилар учун уюштирилган радиоэшилтиришларда қатнашиб. Ҳамид Олимжон, Ойбек,Faфур Фулом қатори ўз шеърларини микрофон олдида ўқиди. Шу кечаларда Москва театрининг артистлари Ҳамид Олимжоннинг «Муқанна», Иззат Султоннинг «Бургутнинг парвози» ва Яшиннинг «Ҳамза» пьесаларидан парчаларни ижро этдилар. Ўзбек санъати усталари эса серкуёш ўлкамзиznинг алвон ранглари билан товланувчи қўшиқ ва рақсларни шавқ билан намойиш қилдилар. Ҳали замбаракларнинг даҳшатли момагул-

дираклари тинмаган Москвада ўзбек шеърлари, ўзбек қўшиқлари янгради.

Миртемир бу сафардан катта таассуротлар билан қайтди.

Кутлуг кун

Сталинградда немис саркардларидан бири фельдмаршал Паулюс қўмондонлигидаги сара армиянинг тор-мор келтирилиши Германия ҳарбий машинаси мажаҳлана бошланганинг дебочаси эди.

Шу оламшумул воқеадан қарийб бир йил авват, 1943 йил 5 августдан 6 августга ўтар кечаси Орёл ва Белгород шаҳарларининг озод қилиниши муносабати билан илк бор байрамона салют мушаклари портлаб, Москва осмонини ларзага келтирган эди. "Известия" газетаси ўзининг 1943 йил 6 август сонида бу тарихий воқеанинг москваликлар онги ва қалбига кўрсатган таъсири ҳақида бундай сўзларни ёзган: "Одамлар томларга чиқиб олишди. Ҳовлиларда тунаб қолишли. Москва халқи кўчаларга отилди. Улар ҳаяжонли "Ура!" садолари остида қарсак чалиб қичқиришарди..." Уруш йилларидаги энг машҳур қўшиқчи шоир Лебедев-Кумач эса ўзининг янги қўшиғини шу тарихий кунга бағишлади.

1943 йил Иккинчи жаҳон уруши тарихида кескин бурилиш йили бўлди. Совет давлатининг бу ўта даҳшатли урушда ғалаба қозониши аён бўлиб қолди. Шу боис СССР Халқ Комиссарлар Совети СССР Давлат мадҳиясини яратиш ҳақида қарор қабул қилди. Танловда С. Михалков ва Эль-Регистан қаламига мансуб мадҳия матни ғолиб деб топилди. Москванинг кўрсатмасига биноан, барча қардош республикалардаги таниқли шоирлар мадҳияни ўз ҳалқлари тилларига таржима қилишга киришдилар. СССР Халқ Комиссарлар Совети 1944 йил 7 январдаги қарори билан "СССР Давлат мадҳиясини яратишда иштирок этганлар" и учун бир қанча шоир ва композиторлар қаторида М. Ашрафий, Миртемир, Темур Фаттоҳ ва А. Бобоевга ҳам ташаккур эълон қилди.

Кунлар ва ойлар ўтгани сайин Ғалаба куни ҳам яқинлаша бошлади.

Ниҳоят, 1945 йилнинг 9 май – орзиқиб кутилган ғалаба куни етиб келди. Ҳалқимиз шу куннинг ҳумо қуши янглиғ

тилла қанотларини ёйиб келиши учун 1 миллиондан зиёд фарзандини жанг майдонларига юборган, шу фарзандларнинг қанчадан-қанчаси жанг майдонларида ер тишлаб қолган, қанчадан-қанча хонадонларга қорахат келиб, қанчадан-қанча отаоналарнинг кўз ёшлари дарё бўлиб оққан эди. Шунинг учун ҳам 1945 йил тонгида Ўзбекистон радиоси сухандони шоир Ҳамил Гулом Миртемирнинг тарихий ғалабага бағишлиланган “Қасида”сини ўқиганда, радио карнайлари олдида тўплланган минглаб ватандошлиларимизнинг кўзларидан севинч ва баҳт ёшлари қалқиб чиққан, улар қалбида буюк ҳаяжон тўлқинлари жўш урган эди.

Одатда, Миртемир аввал шеърнинг қоралама – қофиясиз ва вазнсиз нусхасини ёзиб, сўнгра уни шеърга айлантираси эди. Аммо бу сафар шоир тарки одат қилиб, аввал “Қасида” шеърини ёзи, кейин эса уни қофия ва вазн билан жиловланмаган сочмага айлантириди. Бу сочманинг оловланган сатрлари қалбимишни ҳозир ҳам ларзага келтиргандек бўлади:

Эй, менинг ийғлай бериб кӯз ёшлари қуриган, лекин ноумид бўлмаган онам! Кул, қувон!

Эй, менинг жаҳон-жаҳон мусибатларни кўтариб, учурумлардан учирив ўтолган ўлкам! Кул, қувон!

Эй, нуроний ва донишманд оталарим, эй, пок зурриёдининг истиқболини невараларининг ёрқин пешоналарида ўқиган мўйиса-фидлар! Кулинг, қувонинг!

Кутинган соат келди!

Эй, кечагари уйқусиз, ёр хаёлида кашта тиккан ва кетмон чопган, дарс ўқиган ва ўқ қуйған там-там қизлар! Кулинг, қувонинг!

Кутинган соат келди!

Эй, отасининг иўқлигини билдиримай, онасига тасалли бўлган шўх, навқирон насл! Укаларим, сингилларим! Кулинг, қувонинг!

Кутинган соат келди! Улуф кун келди!

Тўрт йил кутдик, тўрт йил кўзларимиз узун ва қадимиий карпон йўлларида термулиб, нигорон бўлди. Тўрт йил жигаримиз

қон бўлди. Лекин билардикки, шу соат, шу баҳтиёр ва унумти-
мас соат, шу ажсайиб кун келажак.

Билардикки, ёвуз гаддор, беномус фашизм ўлажак! Билардик-
ки, сариқ аждарҳонинг пўлат калласи мажсақланажак. Билар-
дик ва билиб, умидвор, турвиқор, шиддаткор оғир йўллардан ўтиб
келардик...

Тиз чўкмадик, жсалюд қаршисида омонлик тилаб, ёш тўкма-
дик.

Ўлганлар ўлди, уларга асрлар ҳайкал ва обидалар қуражак!
Қолганлар омон бўлсин! Чунки биз ўлимларнинг омонсиз ва шад-
дод кўзларига тайсалланмай қараганлардан!. Чунки биз даҳшат-
лар, оғатларнинг номард ва қонли ўтқонларидан мардона ўтиш-
га яраганлардан!..

Бу оловли сатрларни ўқир эканмиз, уларнинг шоир тили-
дан эмас, балки қалбидан, қалб қонларига қоришиб отилиб
чиққанини сезгандек бўламиз. Бошқа минглаб ватандошлари-
миз сингари унинг ўзи ҳам шу даҳшатли Йилларнинг азоб-
укубатларини бошидан кечириб, ғалаба кунига етиб келган
эди.

Агар сочманинг сўнгти сатрларини ҳам ўқисангиз, шоир
қалбидаги олов янада гурлаб кўтарилганини, бу олов тиллари-
дан сизнинг ҳам қалбингизга ўт парчалари тушиб ёндираётга-
нини сезасиз:

...Фақат эсдан чиқармашликки, не-не жаннат шаҳарларимиз
ёниб кул бўлди! Не-не қизларимиз, ўғилларимиз ойлаб ва ҳатто
йиллаб золимлар исканжасида қул бўлди. Фақат эсдан чиқар-
майликки, не-не гўдакларимиз тириклайн кўмилиб, армон билан
кетди. Не-не кексаларимиз кесилиб, бурдаланиб, ҳақорат ости-
да фигон билан кетди.

Дорларга осилганлар — эсда турсин!

Кўзларига қўф босилганлар — эсда турсин!

Кулоқларига қўргошин қуюлганлар — эсда турсин!

Кўкракларидан юлдуз ўйилганлар — эсда турсин!

Беомон сўйилганлар — эсда турсин!

Эй, улуғвор баҳтиёр, голиб, бўйин эгмас мамлакатим! Зафар
кўтлуг бўлсин, тўй кўтлуг бўлсин!..

*...Эй радио тұлқинлари!.. Жағон юрагида жағон-жағон шо-
диёңалар құзғата ол! Тұлқинлата ол!..*

Шоир шу куни юрагидаги беш йил давомида Йигилиб
Қолған дарду ҳасратларини, аламларини, изтиробларини, умил-
ларини, орзуларини шу тарзда оппоқ қоғоз сатқыга түккан
эди.

Шояд ғалабадан кейін бопланажак дориломон күнлар үнинг
халқыға ҳам, үзиге ҳам тиңчлик ва омондлик, түкинлик ва
фаровонлик, әрқин яшаш, мәхнат қилиш ва ижод этиш баҳ-
тини олиб келса...

Олтиячы фася

ҲАЁТ ТҮЛҚИНЛАРИ

*Тепа-тепа келур гулдурос түлқин,
Чайир қояларга чанг солмоқчидай,
Сангишер гүёки ўч олмоқчидай...
Күчкін булуаттарда ўроқ ой сұлғин.*

Миртемір

Байрамдан сүңг...

Зафар тароналари тинмай, кәрнай ва сурнайлар эса ғилю-
фига тушмай туриб, яна таҳтикали мусиқа садолари әшитила
бошлади. Аввало, опера ва балет театридаги адабий әмакдош
лавозими тугатилиб, Миртемір күчада қолди. Кимdir шоир
иниси Мирсаид Турсуновнинг уруш Йилларida асирикка ту-
шиб, француз партизанларига қүшилиб кетгани ҳақидаги хা-
барни байроқ қилиб күтарди. Кимdir унинг 1932 йилда “бур-
жua миллиатчилари Боту ва Олтойларнинг думи сифатида” З
йилга қамалгани ва ҳали ҳам оқланмаганини “аниқлаб”, маж-
лисларда унинг совет ёзувлilar сафида туришга ҳақли әмас-
лигини айтishдан тап тортмади. Ҳам иниси, ҳам ўзи билан
боглиқ “миш-миш”лар Миртемір атрофида шубҳа ва гумон
илонлари янглиf вишиллаб юра бошлади. Бу уруш Йилларida
кечани-кеча, кундузни-кундуз демай мардона ишлаган шоир
ҳаётининг эң аянчы йиллари эди.

Мирсаид Турсунов 1917 йили Ийқонда туғилған. Акаси
Самарқандда республика Марказий Ижроия Комитети раи-
сининг түртінчи котиби лавозимида хизмат қилиб, уйли-
жойли бўлганидан сүңг, Туркистонда истиқомат қилаётган
онаси билан ука-сингилларини чақиритириб олган эди. Мир-
саид Самарқандга кўчиб келганидан сүңг Узумчилик-боғдор-
чилик техникумда таҳсил ола бошлади. Аммо кунларнинг
бирида отасининг “қулоқ” қилингани, “қулоқ” фарзанди
бўлгани учун техникумдан ҳайдалди. Бир оз фурсат ўтгач,
талабалари оз бўлган бошқа техникумга кириб, ўқишини да-
вом эттирди. Баҳтга қарши, акаси қамоққа олиниб, у онаси
ва сингиллари билан бирга ҳукумат берган уйни ҳам, техни-

кумни ҳам ташлаб кетишга мажбур этилди. Мирсаид оиласини олиб, кўчини кўтариб, Тошкентнинг Кўктерак қишлоғига кўчиб келди. У гоят мушкул аҳволда қолгаилиги учун мадад сўраб, Йўлдош Охунбобоевнинг хузурига боради. “Ота” гарчанд уни қабул қилмаган бўлса-да, Андижонга бориб ишлашига кўмаклашди. Мирсаид Тошкентдаги Тўқимачилик комбинати қурилиб, ишга тушгунига қадар Андижонда хизмат қилди. Сўнгра Тошкентга кўчиб келиб, комбинатда ишлай бошлайди. Комбинат унга тўқувчилар учун қурилган Ткачиха кўчасидаги уйдан жой ажратади. Бу ҳол Мирсаиднинг Туркистондан ота-онасини олиб келиб, акаси билан бирга шу хонадонда умргузаронлик қилишига имкон беради.

Мирсаид 1935 йилда армияга олинниб, 1938 йилнинг сентябрь ойига қадар Киев, Чернигов сингари шаҳарларда ҳарбий хизматни ўтади, радиостлик, инженерлик ҳунарларини ўрганди. Ҳали Иккинчи жаҳон урушининг нафаси келмаган бўлсада, 1935-1936 йилларда армияга олинган йигитлар ўз юртларига қайтарилимай, ҳарбий хизматни ўташда давом этадилар. Мирсаид хизмат қилаётган қисм уруш арафасида Днестр дарёси устидан поезд ўтувчи катта кўприкни қуриб битказди. Кўп ўтмай, кутилмаганда Москвадан “Буғдор жирмонларига ўт қўйилсин!”, “Элеваторлар порглатилсан!..” деган буйруқлар келди. Мирсаид тоғ-тоғ буғдорларнинг, улар билан бирга одамларнинг ёнаёттанини ўз кўзи билан кўрди. У умрининг охири гача бу даҳшатли манзараларни унугтади. Уруш бошланиб, душман улар қисмини ҳатлаб, мамлакат ичкарисига кириб олди. Қисм орол янглиғ душман қуршовида қолди. 1941 йилнинг қаҳратон қишида душман лейтенант Боравиков бошчилигидаги қисмни ўраб олди. Лейтенант ўзини-ўзи отишга улгурди. Қисмнинг бошқа жангчилари, шу жумладан, отишувда жароҳат олган Мирсаид ҳам асирикка тушди. Госпиталда на дока бор эди, на дори. Ярадорлар ўлганларнинг ички кийимларини кийишгэ мажбур бўлардилар. Шу тарзда асирикнинг ҳар бир куни бир йилдек секин ва азоб билан ўта бошлади. Ниҳоят, 1942 йилнинг охири ё 1943 йилнинг бошлари бўлса керак, асиrlарни Германиянинг қайси бир ерига олиб бориб ташлашиди. Омални қарангки, Франциянинг қаршилик кўрсатиш қисмлари иттифоқо шу ерга келиб, немис соқчиларини отиб ташлаб, асиrlарни озод қилишди ва Мирсаид францууз қаршилик кўрсатиш ҳаракатига қўшилиб, французлар билан бир-

га немисларга қарши олиб борилган жангларда иштирок этди. Иттифоқчилар уларга самолётлардан қурол-яроғларни ташлаб-етказиб турдилар. Француз партизанлари билан "рус асирлари" кичик-кичик отрядларга бўлиниб, турад жойларини тез-тез алмаштириб, душманга мунтазам равишда зарба бериб турдилар.

Таңиқли дипломат А.Е. Богомолов 1941-1943 йилларда Лондондаги иттифоқдош ҳукуматлар ҳузурида элчи бўлиб хизмат қилган эди. Шу йилларда Франциядаги қаршилик кўрсатиши ҳаракати байнамилал ҳаракатга айлангани ва бу ҳаракат таркибида асирикка тушган совет жангчилари ҳам бўлганлиги сабабли у Совет давлатининг Франциядаги Миллий озодлик комитети қошидаги муҳтор вакили этиб тайинланди. У 1943-1944 йилларда шу лавозимда хизмат қилган чоғида совет ҳарбий асиirlарининг 1-совет партизанлар полки байроби остида бирлашишига бош-қош бўлди. У Франция озод қилинганидан сўнг, 1944 йилда Совет давлатининг Франциядаги фавқулодда ва муҳтор элчиси этиб тайинланди.

Урушининг сўнгти кунларида Парижнинг тўрт департamenti совет қуроли кучларининг назорати остида бўлди. Мирсаид Фалаба байрамини қуролдош дўстлари билан бирга Парижда асири сифатида эмас, Ватанга содиқ жангчи-партизан сифатида кутуб олди. Франция ҳукумати мазкур полкнинг бошқа жасур жангчилари қаторида Мирсаид Турсуновни ҳам 1945 йилда "Жанговар салб кавалери" ордени билан мукофотлади.

Маълумки, Миртемир уруши арафасида Ишчилар шаҳарчасидаги шоир Эргаш қура бошлаган иморатни сотиб олган эди. У иморатни битириб, ичигз кириб улгурмасдан уласига берилган уйни давлатта топширди.

Мирсаид Турсунов армиядан қайтгач, яна Тўқимачилик комбинатига ишлаш учун борди. Комбинатнинг Шчербаков деган раҳбари: "Сен малакали мастерсан, бизга кераксан", деб уни ишга бажонидил қабул қилди ва унга Стаханов кўчасидаги кенг-мўл уйлардан бирини берди.

Аммо кўп ўтмай собиқ асиirlар ғалвирдан ўтказила бошланди. Мирсаид Турсуновга берилган Франция ва Совет давлатининг орден ва медаллари, унга Франциядаги қаршилик кўрсатиши ҳаракатида мардана иштирок этгани учун берилган ёрлиқлар тегишли идоралар томонидан тортиб олинди.

У асирикка тушганликда айбланиб, кечалари тегишли идораларга чақирилди. Узлуксиз дағом этган тунги сўроқ ва терговлардан зада бўлган жангчи Иккинчи жаҳон урушининг мурдалар ва ярадорлар билан тўла жабҳаларидан тирик қайтганига юз бора пушаймон бўлди. Ҳаётида на ҳаловат, на маъно қолмаган Мирсаид ичкилиқ билан дўст тутинди...

* * *

Миртемир укасининг тунги сўроқ ва терговлардан изтироб чекиб юрганини яхши билар, аммо ўзи ҳам аросаг даштида қаловланиб юргани боис унинг дардига малҳам бўлиш имконига эга эмас эди. У Мирсаиднинг шу азоб-уқубатларга дош беролмай, сархуш пайтидами, ҳатто ҳущёр ҳолатидами, ўзини бирор хилват бекатта бориб, поезд фиддираклари остига ташлаши мумкинлигидан фоят ташвишланар эди. Тақдирнинг укасига ҳам, ўзига ҳам ўғай кўз билан қараганига бирор сабаб бормикан, деб ҳаётининг шу кунгача бўлган саҳифаларини қайта-қайта варақлаб, қанчадан-қанча тунларни бедор ўтказарди. Балки шундай тунги соатларда тушига онаси кириб, севимли ўғлини юпатишга ҳаракат қылган, унинг соchlари оқариб бораёттан бошини ипак қўллари билан силагандир. Балки: “Чида, ўелим, чидагин”, деб унинг қулоғига майнин овози билан ота-боболардан қолган сабр ва бардошлиқ қўшигини куйлагандир...

Миртемир бу дунёда адолат қарор топиши учун жон-жаҳд билан курашиш, ҳасадгўй ганимларнинг адабиёт майдонини тикан симлар билан ўраб олмоқчи бўлганларига, заҳар-закқум нутқлари билан муборак минбарларни ҳаром қилаётганларига чек қўйиш лозимлигини яхши тушунарди. Аммо одам зоти борки, Аллоҳ унинг бир тоифасига жанговарлик ва курашчалик хислатини ато этган, бошқаси эса азиз умрининг каттагина қисмини ўзини ҳимоя қилишга бағишилаб турмуш кечиради. Миртемир одамзоднинг шу иккинчи гуруҳига мансуб киши эди. У ҳимояланиш учун, ўзига қаратилган ҳужумни қайтариш учун, аввало, суд ва прокуратура органларига мурожаат этиши ва оқлангани ҳақидали ҳужжатни олиши лозим эди. Шунга эришгандан кейингина у қадди-қоматини тиклаб олиши ва укасининг олдида ҳам юзи ёруғ бўлиб, унга панд-насиҳат бериши мумкин эди.

Ўша кезларда икки ўт ўртасида қолган шоир укаси сингари, аламини иччиликдан олди. Лекин ў ўзининг ички овозига қулоқ солиб, 1946 йилнинг 21 августидаги СССР Олий Совети Президиуми раиси Н.М. Шверник номига ариза ёзиб, унинг бир нусхасини СССР Олий Советига Ўзбекистондан сайланган депутат Л.М. Кагановичга юборди. У аризада 1932 йили миллатчилар билан алоқада бўлганликда айбланиб, 3 йилга кесилгани ва меҳнат лагерининг маданий-тарбиявий бўлимида хизмат қилиб, ватанпарварлик руҳида шеърлар ёзгани, озодликка эришганидан сўнг эса, ижод ва бадиий таржима билан шуғулланиб, Твардовский, Якуб Колас, Терешченко, Лисагорский, Абай, Тўқай сингари шоирларнинг шеърларини, Еврипиднинг 4 та фожиаси ва Островскийнинг “Сепсиз қиз” драмасини ўзбек тилига таржима қылганини айтган. Ўша йилнинг 10 нояброда Ўзбекистон Ёзувчилар уюшмаси раиси Ойбек ва масъул котиби Ж.Шарипов, шунингдек, Ўзбекистон радио комитети раиси Абдуллаев ва партия ташкилоти котиби Мартинев имзолари билан тасдиқланган тавсифномалар ҳам Москвага юборилди.

Бу тавсифномалар Ойбекнинг қўйидаги хатига иловэ қилинган эди:

*СССР Олий Совети Президиуми раиси
Николай Михайлович Шверникка*

Кўп ҳурматни Николай Михайлович!

Таниқли ўзбек шоири Миртемир Турсунов СССР Олий Совети Президиумидан судланганлигини олиб ташлашини илтинос қилимоқда. Шоир Миртемир Турсунов катта самимий ижоди ва ижтимоий ишлири билан ўзини оқлади. У сўнгги ўн йил мобайнида совет ватанпарварлиги руҳи ва муқаддас Ватанимизга муҳаббат билан йўғрилаган бир қанча бадиий асарларни ёзди.

Мен Сиздан, Николай Михайлович, Миртемир Турсуновнинг судланганлигини олиб ташлаш ҳақидаги илтиносини рад этмаслигингизни сўрайман.

Ўзбекистон Совет ёзувчилари уюшмаси раиси

Ойбек.

Миртемир ОГПУ ходимлари томонидан ҳибсга олиниб, ОГПУ коллегиясининг 1933 йил 22 майдаги қарори билан қоралланганилиги сабабли СССР Олий Совети Президиуми котибијати Миртемирдан судланганликни олиб ташлаш масаласини СССР Давлат хавфсизлик министрлигига ҳавола қилди. Министрлик қошидаги Махсус Кенгаш мазкур масалани үрганиб, 1946 йил 18 декабрда М.Турсуновдан қайд этилган судланганликни ва шу билан боғлиқ чекланмаларни олиб ташлаш ҳақида қарор чиқарди. Вазирликнинг “А” бўлими бошлиғи ва мазкур бўлим қошидаги бўлинма бошлиғи 1947 йил 31 январда Турсунов Миртемирдан судланганликнинг олингани ҳақида мъалумотномага имзо чекдилар ва бу мъалумотнома шу куни Тошкентга, Миртемир яшаган манзилга юборилди.

Миртемир елкасидан тоғ тушгандек бўлди...

Кутилмаган учрашув

Партияning “Улуғ дўстлик” операси, “Звезда” ва “Ленинград” журналлари ҳамда драматик театрларнинг репертуарлари ҳақидаги қарорлари адабиёт ва санъатни боши берк кўчага олиб кирди. Бундай қарорлардан сўнг нафақат “ҳисхаяжон бандалари” – шоирлар, балки санъаткорларнинг ҳам ўзларини ўнглаб олишлари осон эмас эди. Мушкул вазиятдан чиқиш мақсадида бўлса керак, 1947 йил бошларида Опера ва балет театри ўз саҳнасида буюк рус композитори П.И. Чайковскийнинг “Пиковая дама” операсини ўзбек тилида саҳналаштиришга аҳд қилди ва асар либреттосини таржима қилишни Миртемирга топширди. Оқланган Миртемир буни ўзига билдирилган катта ишонч, деб қабул қилди. 27 апрель куни бўлиб ўтган премьерада у ўзини спектакль ижодкорларидан бири сифатида ҳис этиб, мамнун бўлган бўлса ажаб эмас.

Орадан бир йилга яқин вақт ўтгач, ҳозирги Миллий академик драма театри Н.В. Гоголининг “Уйланиш” комедиясини саҳналаштиришга киришди. Асар 1948 йил 8 апрель куни Амин Турдиев ва Миртемир таржимасида саҳна юзини кўрди. Шу йилнинг 25 апрелида эса Ёзувчилар уюшмаси залида Асқад Мухторнинг ижодий кечаси ўтказилди. Миртемир истеъдолли шоирнинг ижоди ҳақида маъруза қилди.

Миртемирнинг мамлакатимиз адабий-маданий ҳаётидаги иштироки шу тарзда фаоллаша бошлади.

* * *

1948 йилнинг ёз ойлари эди. Одатда ўзбек ёзининг турфа неъматлари пишиб-етилиб, бозор пештхатлари камалак ранглари билан товланиб, кўзни қамаштирган дориломон кезларда Тошкентда турли-туман ҳалқаро анжуманлар ўтказиларди. Ўша йилнинг ёз ойларида Ўрга Осиё ва Қозогистонда нашр этилаётган вилоят газеталари муҳаррирларининг йигилишини ўтказиш режалаштирилган эди. Йигилишга таклиф этилган муҳаррирлар орасида Олмаота вилояти газетасининг муҳаррири ҳам бор эди. Аммо у меҳнат таътилида бўлганлиги сабзбли унинг ўринбосари шоир Сирбой Мавленов Тошкентга учеб келиб, меҳмонхонага жойлашмай турибоқ тўппа-тўғри Ёзувчилар уюшмасига йўл олди. Аммо, буни қарангки, ҳар доим ижод ахли билан гавжум бўладиган уюшмада одам зоти йўқ экан. У тарвузи қўлтиғидан тушиб чиқиб кетаётганда қаршисида Миртемир пайдо бўлиб қолди. Бу, икки ҳалқ шоирининг ilk учрашуви эди. Миртемир меҳмон билан танишиб, унинг қозоқ диёридан келганини эшитгач, мамнун бўлганлитини яширмай:

— Мен ҳам Туркистонданман. Сенга ҳамюрт бўламан. Сенning тилингга мен, менинг тилимга эса сен тушунасан. Худо хоҳласа, иккимиз тога-жиян бўламиз, — деди. Сўнг қизишиб, давом этди. — Киндик қоним тўкилган ерга тез-тез бориб турман. Туркистоннинг дашту чўллари, шу дашту чўлларда ўсган кўкатларнинг ҳиди доим димоғимда. Бу дашту чўллардан бораёттанимда боболаримнинг от чоптириб юрганларини эшитгандек бўламан. Кенг-мўл чўлда от чоптириш у ёқда турсин, олислардаги отлар гувуруни эшитишнинг гашти ҳам бошқача бўлади, жиян. Мана бугун сен ўша отларнинг гувуруни, ўша кўкатларнинг исини олиб келибсан. Сени кўриб, ота юртимни кўргандек бўлдим, жиян.

Сирбой Миртемирнинг бу самимий сўзларини эшитиб, ўзини бовурдошлири бағрига келгандек ҳис эта бошлади. Сўнг Миртемирнинг “Каерга жойлашинг?” деган саволига жавобан:

— Ҳали меҳмононага борганим йўқ, Самолётдан тушиб, тўғри шу ерга — Ёзувчилар уюшмасига келишим, — деди.

— Бу ишинг ҳам — шоирликнинг белгиси, — деди Миртемир. Сўнг у жойлашажак меҳмонхона манзилини сўраб, тушга

яқин уни излаб топажагини айтди ва уюшма биносига кириб кетди.

Сирбой меҳмонхонага бориб, ювиниб-тараниб, ҳордиқ олиб ўтирган пайтда хона эшиги тақиллаб қолди. Бу Миртемир эди. У муҳаррирлар йигилиши эртага эрта билан бошланишидан хабар топиб: “Йигилишларинг эртага бошланса, бутун бир жойга бориб, давра курсак. Дўст-ёрларинг бўлса, ҳаммасини чақир. Менга меҳмоннинг бири ҳам бир, минги ҳам. Мен қўноқни санаб чақирмайман”, – деди Сирбойга.

– Ҳозир пешин бўлиб қолди. Таниш-билишларим Тошкентнинг қайси бир бозор ё лўконида юрганини фолбин ҳам айтиб беролмайди, – деди у.

Хуллас, Миртемир меҳмонни “Шарқ” меҳмонхонасининг шинам ресторанига бошлаб борди.

Ушбу учрашув Отаёрнинг “Миртемир” (“Куёшни кўргали келдим”) китобида ёзилганлиги учун ҳикоя давомини шу китоб асосида ва унга бир оз ижодий ёнлашган ҳолда баён этмоқчиман.

Миртемир Сирбойни ўз жигарларининг бағрида ўтиргандек ҳис этсин, деб очилиб-сочилиб ўтироди. Уни ҳам яйраб ўтиришга даъват қилиб, “салқин” ичимликни қадаҳларга қимиздек тўлдириб-тўлдириб сузди.

– Сиз мени жиян қилиб олганингиз ва шу бугундан бошлаб жиянларингиз яна биттага кўпайгани учун яйраб ўтирибсизми? – сўради Сирбой.

– Йўқ, – деди Миртемир, – мен кўнглида кири йўқ кишиларни кўрганимда доим яйраб кетаман. Сенинг кўнглингда киринг ёўқлигини уюшма олдида кўрибоқ билганман. Қозоқларнинг кўпи содда бўлади, тоза бўлади. Уларнинг кўпи макрни, кибрни, муғомбирликни билмайдиган одамлар бўлади. Сен ҳам шундай одамлардан бўлганлигинг учун яйраб ўтирибман...

Миртемир шу сўзларни айтгач, хаёли Олмаотада Мухтор Аvezov, Собит Муқонов сингари машҳур қозоқ ёзувчилари билан бўлган учрашувларга кетдими, ҳар қалай, бир неча дақиқа сукут сақлади. Сўнг кутилмагандан Лермонтовдан қилган таржималаридан бирини ўқиб кетди:

*Сарғая бошлаган дала мавж уриб,
Елда шувлаганди губорсиз ўрмон.*

*Боғда пушти олу айшини суреб,
Янил барг бағрига бўларкан ниҳон.*

*Хушибўй ва яркироқ шудринг сочилиб,
Олтин саҳар ёки шом шафагида –
Марварид гуллари оппоқ очилиб,
Ландиш мўраларкан бутта тагида...*

— Лермонтовнн ўқиганим сайин, — деди у шу сатрларни ёдлан айтиб бўлгач, — булатга туташиб кетган Бештов кўз олдимга келади. Бештов чўққиларидан бири кўрсатгич бармоқдек баланд кўтарилиб, бизнинг назаримизни ўзига тортади. Шунда биз бу чўққининг бутун бўй-бастини кўриб, унинг сехрига бериламиз. Ана шу чўққи Лермонтовнинг ўзи бўлса керак...

Шоир шу сўзлардан сўнг тўхтаб, оғир ва узоқ хаёлот оғушига чўмди. Сўнг, кутилмаганда, мавзуни Бештов (Пятигорск) төрларидан қорақалпоқ даштларига буриб юборди:

— Мен сўнгги вақтларда қорақалпоқлар ҳақида туркум шеърлар ёзишни ўйлаб юрибман. Бердақ жирларини яхши кўраман-да. Унинг жирлари Лермонтовнинг шеърларидек алантали эмас. У қум орасида юзиб чиққан шамолга ўхицайди. Бу шамол насту баландликларда кезиб, аллақаерлардан армон куйларини олиб келиб, одам боласининг кўнглини эзиз юборади. Бердақ ўланлари шоир умрининг армон билан тўла нолаларидек менинг хаёлимни қорақалпоқ далаларига олиб қочади. Бу менинг шаҳарда эмас, қишлоқда – чексиз адирлар бағрида туғилганим учундир. Бепоён адирлар менинг бешигим бўлгани учундир, балки...

Шу куни бўлиб ўтган гурунгдан Миртемирнинг ёдида қолгани ҳам, Сирбойнинг юрагидан жой олгани ҳам шу сўзлар эди.

Миртемир билан Сирбой Мавленов шундан кейинги учрашувларида бири ўзбек, иккинчиси эса қозоқ ҳалқининг шоири сифатида эмас, балки тоға ва жиян сифатида учрашадиган бўлдилар.

1966 йил Тошкент зилзиласидан сўнг Миртемир билан бирга ҳозирги Бишкек шаҳрига борганимда қирғиз шоирлари орасида ҳам узбек шоирининг жиянлари борлигини кўрганман. Миртемир туркий миллатларга мансуб шоирларни ўзаро

яқинлаштириш мақсадида тога ва жиян “операция”сини ўйлаб топган ва шу йўл билан қардош ҳалқлар ва адабиётлар ўртасидаги чегараларни бузиб ташлашга интилган эди.

Мусаввир устахонасида

Агар инсоният тарихига назар ташласангиз, бу тарихнинг уруш ва тинчликдан иборат бўлганига минг бор змин бўласиз. Иккинчи жаҳон уруши ер юзидаги ҳалқлар ҳаётини Қанчалик ағдар-тўнтар қилиб ташлаган бўлмасин, орадан кўп ўтмай, янги уруш шарпаси дунё бўйлаб кеза бошлади. Фақат бу сафар совет давлатининг сайёрадаги икки энг қудратли давлатдан бирига. Иккинчи жаҳон уруши фожиаларидан сабоқ олган тинчликсевар кучларнинг эса Жаҳон тинчлик кенгашини тузиб, қудратли армияга айланганлиги бу урушнинг олдини олди. Лекин ер юзини кимсасиз тоғу даштларга айлантириб юбора оловучи даҳшатли қуролларнинг кашф этилиши, ҳарбий омборхоналарнинг тинимсиз ишлаб чиқарилаётган ўлим қуроллари билан тўлдириб ташланиши, Дамокл қиличи янглиғ, жаҳон ҳатқларини доимий хавф остида ушлаб туради.

Шоирлар турфа табиатга эга бўладилар. Кимдир шундай мураккаб тарихий вазиятда ҳам осуда тонглар ва сокин оқшомлар қўшигини куйлашда давом этади, кимдир уруш оловини ёкувчиларга лаънат ўқиб, Макдональдларнинг қора ниятларини қоралаб шеърий хат ёзади, яна кимдир шеъриятнинг нафис садолар берувчи рубобини қулоқни қоматга келтирадиган карнайга айлантириш пайда бўлади.

Миртемир биринчи гуруҳга мансуб шоирлардан эди. Агар шоирнинг 40-йилтар охири – 50-йиллар аввалига оид асарларини вараклаб кўрсак, улардан ўша йилларда авж олган публицистик шеъриятнинг бирорта белгисини топа олмаймиз. У ҳаётнинг оддий кунларидан илҳом олиб яшади. У шу йилларда Н. Некрасовнинг “Русияда ким яхши яшайди?” деган достонини ўзбек тилига қойилмақом қилиб таржима қилди. Тўйларга борди, театрларга тушди, мусаввир биродарларининг устахоналарига бориб, “қўшни” санъат асарларидан завқ-шавқ олди.

* * *

Миртемирнинг яқин юртдошларидан бири атоқли мусаввир Абдулҳақ Абдуллаев эди. У 1918 йилда Ийқондан сал

наридаги Туркистон шаҳрида дунёга келган. Унинг отаси Абдулла ҳожи Туркистоннинг бадавлат кишиларидан бўлиб, 1921 йили омонатини Аллюҳга топширганида, Абдулҳақ эндиғина уч ёшта қалам кўйган эди. У болалигига ёқрасм чизишга қизиқиб, қўлига нима тушса, кесакми, кўмирми, қаламми. ҳайвонларнинг расмини чизаверган. Айниқса, от ҳаваскор рассомнинг асосий “персонаж”и бўлган. У қоғозга ҳам, ерга ҳам, деворга ҳам товук, хўроз, кучук, эчки, кўй ва отларнинг расмини чизищдан олам-олам роҳат ва фароғат олган. Юртдошларининг айтишларига қараганда, Туркистондаги у яшаган кўчада от ва бошқа ҳайвонлар расми чизилмаган бирорта девор қолмаган экан.

Расм санъатига болалигидан шайдо бўлган Абдулҳақ Тошкентга келиб, 1926 йилда акалари Абдулаҳад ва Абдулғани билан бирга Карл Либкнехт номидаги меҳнат мактабига ўқишига кирган. Бу намунали мактабда болаларни бадиий тарбиялаш иши яхши йўлга қўйилган эди. У шу мактаб-интернатдаги беш йиллик ҳаёти давомида барча тўғарақларда қатнашиб, тасвирий санъат алифбосини ўрганиш билангина кифояланмай, пианинода чалишни, рақс майдонига чиқиб “шоҳ ташаш”ни, декломация ўқиш ва драматик ролларни ижро этишини ҳам қойил қиласидаги бўлди. У 1931 йилда мазкур ўкув юртини тутатиб, Самарқандга боради ва бадиий техникумда тасвирий санъат сирларини ўрганища давом этади. Сўнгра Москвага бориб, уруши бошлангунинг қадар Рассомчилик институтида таҳсил олади.

Миртемир Абдулҳақ акани юртдоши, ҳатто истеъодли мусаввир бўлганлиги учунгина эмас, балки унинг ҳаёт йўли ўзининг ҳаёт йўлига монанд бўлганлиги, машаққатли ҳаёт йўлини босиб ўтиш жараёнида самимий, камтар, меҳрибон, меҳнаткаш, нозиктаъб инсон бўлиб қолганлиги учун ҳам гоят күш кўрган ва қадрлаган.

Урушдан кейинги давр шоирлар учун ҳам, мусаввирлар учун ҳам бир дунё мавзуларни берди. Бир томонда – кўкраклари орден ва медаллар билан тўла музaffer жангчилар, иккинчи томонда – пахта экиб, снаряд ясад, етим болаларни бағрига олган азаматлар, учинчи томонда – ёлқин сўzlари, ширили овозлари. ажойиб спектакллари билан ҳалқа ва армияга хизмат қиласидаги санъаткорлар...

...1941 йилда “Ҳамза” театрида В.Шекспирнинг буюк трагедияларидан бири “Отелло” ҳамда Ўйғун ва Иzzат Султон-

нинг “Алишер Навоий” драмаси асосида яратилган икки спектакль Ўзбекистоннинг маданий ҳаётида улкан воқеа бўлган. 1945 йилда Ўзбекистонга ташриф буюрган Англия парламент делегацияси “Отелло” спектаклини кўриб, ўзбек Отеллосининг маҳоратига тасаннолар ўқиган. Абдулҳақ Абдуллаев шу машхур спектаклни кўрганидан сўнг ўзбек Отеллосининг портретини чизиш дардига мубтало бўлиб қолади. Мусаввир театрга бориб, Артистнинг репетициядан бўшашини кунлаб сабртоқат билан кутганига қарамай, “Отелло” турли баҳонаи сабаблар билан унга тутқич бермайди. Абдулҳақ ака сўнги марта театрга бориб, Артистнинг репетициядан чиқишини интиқиб кутади. Орадан бир мунча вақтдан сўнг гринхонага ҳалдан зиёд ҳориган “Отелло” кириб келади. Мусаввир унинг ҳолатини кўриб, раҳми келган ҳолда:

— Бемаврид Келибман, Аброр ака. Репетиция ҳам кетмон чопишдан енгил эмасга ўхшайди. Майли, бошқа сафар кела-ман. Безовта қилаётганим учун минг бора узр, - деб хайрлаша бошлади.

“Отелло” чарчагани учун креслога ўтириб ҳордиқ олмоқчи бўлган эди, лекин кутилмагандан қоқсан қозикдек тек туриб қолади. Ҳозиргина эшишган сўзларини ақл тарозусига солиб, мусаввирнинг ҳам ўзи сингари санъаткор эканлигини сезибми, бирдан ўзгариб кетади. Сўнг мусаввирга катта-катта қўзлари билан тикилиб:

— Розиман. Расмимни чизишини изга розиман. Ишни ҳозироқ бошлишингиз мумкин, — дейди.

“Отелло”дан бундай сўзларни кутмаган мусаввир довдира б қолади. Сўнгра:

— Агар қарши бўлмасангиз, тўғри устахонамга борсак. Портрет бир кун-икки кунда ишланадиган нарса эмас. Устахонага бориб, бугун портретнинг хомаки нусхасини чизиб олсам, у ёғи осон кечади. Сизни кўп қийнамайман, — дейди.

Улар театрдан чиқишлиари билан дуч келган илк машинани тұхтатиб, устахона сари йўл олишади. Мусаввир бугун омал юлдузининг кулиб боққанидан ҳанузга қадар ўзига келмаган эди. У устахонага келгандан сўнг ҳам, қандай қилиб мольбертни ўрнатгани, матони қўйгани, қўлига кўмир олиб, тирик “Отелло”нинг юз чизиқларини қандай қилиб чизиб олганини кейин эслай эслай олмайди. Шу вақтгача қайсарлик қилган “Отелло”нинг мусаввир инжиқликларига чидаб, унинг “ун-

дай ўтириңг, мундай ўтириңг”, “қимирламанг”, “кулиброк ўтириңг”, “жиддийроқ ўтириңг” дейишлиарига дош берганидан ўзи ҳам кейин ҳайрон бўлган эди.

Миртемир генерал қариндоши билан бирга тайёр портретни кўриш учун устахонага келганида мусаввир “Отелло” портретининг шу яратилиш тарихини шавқ билан сўзлаб берди. Орадан бир оз ўтгач, нима биландир ивирсинди-да, ҳозирги на сўзлаб берган ҳикоясини қайта бошдан ўша ҳаяжон билан давом эттириди:

— Бу воқеага ишонгим келмай, мольберт, кўмири, полотно тайёрлай бошладим. Аброр ака эса худди айб қилиб қўйган ўкувчилик мулојимгина бўлиб ўтирас ва менинг иш бошлишимни кутарди. — Мусаввир шу сўзларни иккинчи марта айтиётганини сездими, ҳар қалай, сўзини якунлади: — Яратилажак портретнинг дастлабки қораламалари ана шундай дунёга келган, Миртемир ака.

Миртемир портретга узоқ тикилиб, ундан олган таассуротларини айтишга ошиқмади. У артистни Ҳамлет ролини буюк маҳорат билан ижро этган вақтдан бошлаб билар, ўзбек халқидан шундай ажойиб артистнинг етишиб чиққани, жаҳон театр санъетининг шоҳ намуналаридан биридаги гўзал образни “тешиб ташлаган”ини ўйлаб, хаёл кемасида сузарди. Балки унинг кейинчалик ёзган шеърининг дастлабки сатрлари шу куни туғилгандир:

*Усаҳнага чиққанда залга титроқ тушарди,
Етти қат кўк авжидан нақ қалдироқ тушарди.
Эл юм-юм йиглар эди Ҳамлетнинг ёзмишига,
Анов-манов одамнинг сочига оқ тушарди.*

*У чиқса сафна гўё тўлиб-тошиб кетгандай,
Туйгулар қирғоқлардан зумда ошиб ўтгандай.
Кўчада пайдо бўлса – ёришгандай бу жаҳон,
Тавозекор сиймога олам гуллар тутгандай...*

— Миртемир ака, портрет сизга ёқмаган кўринади.

Мусаввир бу сўзлари билан шоирни “уйғотиб” юборди. Шоир узр сўраб:

— Абдулҳақ, иним, сиз қаршимга тирик Аброр акани олиб келиб қўйибсиз. Ҳаёлим қочиб, тоҳ Ҳамлетни эсладим, тоҳ

кора маврни. Ўэимни театр залида ўтирганлек ҳис қилиб, унинг ижросига беш кетиб, қарсак чалиб ўтирган эдим.

— Уэр, Миртемир ака. Ҳаёлингизни бўлиб юборибман.

— Йўқ. Сизга раҳмат. Аброр аканинг Отеллоси унча-мунча Отеллолардан эмас. Инглизларга бекорга манзур бўлмаган унинг ижроси! Сиз улуғ санъаткорнинг Отелло сиймоси билан туташиб кетган ҳолатини тарих учун муҳрлаб қолдирибсиз! Раҳмат сизга. Авлодлар сизнинг шу асарингиз орқали унинг оламшумул артист, оламшумул Отелло бўлганини ёд этиб, ифтихор қиласидилар.

Шоирнинг бу сўзлари портретта санъаткорлар томонидан берилган юксак баҳодан бир мисқол ҳам кам эмас эди. Абдуллақ ака боши кўкка етиб, Миртемирни устаҳонадаги бошقا тайёр ва чала асарлари, этюдлари, эскизлари, чизмалари билан таништирди. Яратган ва яратайтган асарлари ҳақида сўзлаб берди. Унинг қайсиидир эскизлари Farb мусаввирлари ишини эслатдими ё бошقا бир сабаб билгами, Миртемир худди ўзи билан ўзи сўзлашаётгандек деди:

— Адабиёт ва санъатнинг негизи — ҳаёт. Адабиёт ва санъат илдизлари ҳаётдан озиқ олмаса, зум ўтмай қурийди. Донги кетган итальян мусаввирларининг асарлари ҳаётдан озиқ олганлиги сабабли гўзал. Машхур рус рассомларининг сир-асрорлари хам шунца. Уларнинг асарларидан ҳаёт уфуриб тургандек бўлади, азизим. Репиннинг портретларига қаранг! Бу портретда тасвирланган одамлар ҳозир девордан тушиб, сиз билан сўзлашиб кетадигандек жонли!.. Кошки мен ҳам одамларнинг шеърий портретларига шундай жон ато эта олсан!..

Мусаввир бу сўнгти сўзларнинг, биринчи навбатда, шоирнинг ўзига таалуқли эканлигини сезди-да:

— “Сұхбат қилишарди сайхонда хушҳол, Етти лочин йигит ва бир бургут чол...”, деб ёддан ўқий бошлади.

Миртемир сергакланди. Мусаввир давом этди:

— Миртемир ака, бу сатрлардаги биргина “бургут” сўзи билан чолнинг портретини чизиб қўйгансиз. “Сұхбат қилишарди сайхонда хушҳол, Етти лочин йигит ва бир бургут чол...” сатрларини ўқишингиз билан чол образи яққол гавдалана-қолади!..

— Менга тасалли берманг, азизим. Мен ўзимнинг нўноқ томонларимни яхши биламан, — деди шоир...

Шу воқеадан сўнг бир қанча йиллар ўтди. Бир қатор ўзбек

адиб ва олимларининг портретларини яратганидан сўнг, на-
вбат Миртемирга келдими, ҳар ҳолда Абдулҳақ ака шоир пор-
третини яратишни дилига тугди. Бу сафар Миртемир, худди
Отелло ролининг ижрочисидек, мусаввирга чап бериб юрди.
Қайсар мусаввир ҳам қўярда-қўймай, ахийри шоирни кўнди-
риб, унинг портретини чизишга киришди.

Шундай кунларнинг бирида у мусаввирга бағишлаб бундай
сатрларни ёзди:

*Тагин суратимни чизаётисиз,
Ким кўзидан учди, айтинг, бу сурат?
Бўёқ аямайин безаётисиз,
Қайдан бу мавж сизда, қандоқ зарурат?*

*Мен-ку кўримсиздан кўримсиз жонман,
Сочлар тўкилмоқда, қолмаяпти тиши.
Нўноқман, тўпори, яхлит нуксонман,
Обутомлас ҳозир на ёз, на-да қиши...*

*Хитман ўз-ўзимни юлиб егудек,
Дафтарларим ярим, машқларим ярим.
Нима тўқий олдим элга дегулик,
Тил учимда ҳануз элга айтарим.*

*Лекин ёшлигидан норози деманг,
Сойдек шовуллади шўх йигитлик ҳам.
Ёки созларнинг ҳам носози деманг,
Ўтди шеърий ишқ ҳам, расо итилик ҳам...*

Миртемирнинг юқорида айтилган сўzlари замирида адаби-
ёт ва санъат реализмга, реалистик тасвир усулига асосланиши
лозим, деган фикр ётарди. Унинг қайси бир шеърини ўқимай-
лик, жумладан, ҳозиргина ўқиган сатрларингиз замирида ҳам
чин ҳаёт мавжлари чарх уриб туроётганини кўрамиз.

Тошкентда Қорақалпоқни соғиниши

Европанинг кумуш камари – мовий Дунай дарёси Европа
шоир ва санъаткорлари учун асрлар давомида илҳом бериб кел-

ганидек, Волга ҳам қанчадан-қанча рус шоирлари ва санъаткорлари томонидан алқаб-қуйланиб келади. Бошқа узбек шоирларини билмадим-ку, аммо Амударё Миртемир учун қарийб шундай илҳом манбаларидан бири бўлган.

1946 йилнинг ёз ойларида қорақалпоқ диёрига борганида, Миртемир рубобини биринчи бўлиб сайдратиб юборган Амударё эди. У Нева бўйларида туриб, мовий тулқинларга қараб ҳайқирган рус шоирдек, Амунинг азамат “бўй-басти”га ҳайрат билан боқиб, бундай жўшқин сатрларни ёзган:

Эй сен, сулув дарё, азамат дарё,
Эй сен, тентик тўлқин, тизгинсиз тўлқин.
Эй сен, саҳроларнинг дардига даво,
Эй қудрати жаҳон, эй қалби жўшиқин...
...Кучогимни ёйиб, юз тубан тушиб.
Эзгу тупроғингни ўтмак истайман.
Тўқайлар устида лочиндай учиб,
Олтин қирғуғингни ўтмак истайман...
...Чунки сенинг сўлим соҳилларингда
Қақраган чўлларга ҳаёт муҳайё.
Сенинг бир қатрангни шимган инсонга
Йўлда учмак учун қанот муҳайё...

Миртемир бу гўзал сатрларни ёзганида ҳам, бундан бир неча йил аввал қорақалпоқ диёрига илк бор “ташириф буюргани” да ҳам меҳмон сифатида эмас, қардош халқ юртини кўйлаш учун эмас, балки ...қувғинди сифатида, нажот изловчи киши сифатида борган эди.

Юқорида бир неча бор тилга олганимиз адабиётшунос Салоҳиддин Мамажоновнинг Миртемирга берган ўнлаб саволлари орасида яна бир савол бўлиб, бу “Қорақалпоқ дафтари” шеърий туркумининг ижодий тарихига оид эди. Миртемир пулемёт ўқидек бетўхтоя отилиб чиқсан саволлардан чарчаган ва зериккан бўлса керак, олимнинг шу саволига бундай муҳтасар жавоб берган: “Қоқилиб-суруниб юрган йилларим (“Қирқ қиз” эпосининг таржимаси устида ишлашим ҳам сабаб бўлди) мен тез-тез Қорақалпоғистонга борадиган бўлдим. Дўст ортиридим, ошнам кўпайиб кетди. Кўп суҳбату учрашувлар ўша шеърларнинг туғилишига негиз бўлди. Кейин дафтар ҳолига солдим-да”.

...Бу воқеа 1938 йилда рўй берган эди. 30-йиллар мұқаддисасида қатағон тузини тутган Миртемир яна қопқонга илин- маслиги учун ўзини дўстлардан четда, ғанимлардан эса узоқда тутди. Шундай кунларда, бир томондан, грузин халқининг “Йўлбарс терисини ёпинган паҳлавон”, иккинчи томондан эса, русларнинг “Игорь жангномаси” асарлари яратилганинг 750 йиллиги кенг нишонланган. Худди шу вақтда ўзбек олимлари “Алпомиш” достонини нашрга тайёрлаш, қорақалпоқ олимлари эса “Қирқ қиз” эпосини ўзбек тилига таржима қилиш ва шу ҳар иккала эпос яратилган санани аниқлаб, уларни – худди грузин ва рус эпослари янглиф – нишонлаш масаласини ўргага ташлаган эдилар. Уйғун ва Миртемир “Қирқ қиз” достонининг турли нусхалари билан танишиш ва ўзбек тилига таржима қилиш учун 1938 йилнинг кўклам ойларида Қорақалпогистоннинг ўша йиллардаги пойтахти – Тўрткўлга ижодий сафар қилишган.

“Автоном республиканинг ўша йиллардаги пойтахти Тўрткўлга, – деган эди Миртемир генерал Ислом Сатторов билан суҳбати чоғида, – айни туш вақтида етиб келдик. Қизиган күмнинг қайноқ нафаси ҳамма ерда сезилиб турарди. Нафас олиш қийин. Шунга қарамай, меҳмонхонанинг пахса девор билан ўралган салқин йўлагида ўтиргимиз келмади. Машқур қорақалпоқ шоири Аҳмет Шомуротов билан бирга шаҳарни айлангани чиқдик...”

Меҳмонлар тош кўчалар, йўлкалар ва яшил майсалар гилами тўшалган жойлардан ўтиб борар эканлар, Аҳмат Шомуротов хонлар ва беклар замонида солир бўлган воқеаларни сўзлаб беради. Бу хотираларда тилга олинган воқеалар кейинчалик Миртемир ижодида ўзининг ёрқин бадиий талқинини топади. Айниқса, таниқли қорақалпоқ шоирлари Асан Бегимов, Нажим Довқораев ва бошқалар билан бўлган мулоқотлар ўзбек шоирининг қорақалпоқ халқи ва унинг адабиёти ҳақидаги тасаввурини кенгаётгирив юборади. У Уйғун билан бирга таржи- ма қилажак “Қирқ қиз” халқ достонининг турли қўлёзмалари билан танишади. Шу қўлёзмалар орасида достоннинг Курбон бағши Тоқибой ўғли ижодига мансуб нусхаси айрича қимматга эга эди. Ўша кезларда Аҳмат Шомуротов ва Кожурловлар томонидан нашрга тайёрланган мазкур нусха бадиий гўзалтиги ва мукаммалитиги билан ажralарди.

...Оллоёр исмли бой олти ўғил кўрган бўлса-да, Гулойим-

нинг дунёга келиши отада қизига нисбатан ўзгача муҳаббат туйгуларини ўйғотиб юборади. Гулойим ўн тўрт ёшга тўлғанини шундай гўзал ва ақл-заковатли қиз бўлиб, узоқ-яқинга донг таратадики, манман деган йигитлар унга ошику бекарор бўладилар. Аммо Гулойим уларга парво қилмайди, отасига қарашли Мевали деган жойни сўраб олиб, уни ўзининг гўзал қароргоҳига айлантиради. У шу ерда қирқ қиз билан бирга амазонкаларга хос турли-туман машғулотлар ўтказади. Курбон баҳши унинг шундай машғулотлари ҳақида дўмбирани чертиб, бундай жўшиб қўйлади:

...Ўз ҳолича Гулойим
Улуғ бир тўй тўйлади.
Қирқ қиз билан майдонда
Улоқ тортиб ўйнади.
Чилвир сочли қизларга
Тана йиқиб, судратди.
Қилич бериб қўлига,
Ботирликни ўргатди.
Гулойимнинг қизлари
Отларига минади.
Кўлга ушлаб қилични
Эркакча кийим кияди...
Тўрт бўлиниб ўн-ўндан
Юриш қилиб туш-тушдан,
Қарши чиқиб ярмиси
Келганни қирган бўлиб.
Оғдариб олиб отидан,
Бир ерга барин уяди.
Буни кўриб Гулойим
Кўнгли жуда тўлади...

Лекин шу пайт унинг ёдига нимадир тушиб, қизнинг чехраси гулдек сўлади. У қирқ қизи билан бирга уч йилдан бери машқ қилиб, Оқтамкирга эгар уриб, ўмровидан тер оққунига қадар миниб юрган бўлса-да, оти энди унга куч бермайдиган, пишқириб олиб қочадиган бўлиб қолган эди. Оқтамкир гўё қизларнинг “ҳарбий тайёгарликлари” етарли бўлганини пайқаб, уларни қалмоқлар билан бўлажак жанг сари элтмоқчилик эди. Буни сезган Гулойим шу кундан бошлаб она юртини қал-

моқлар зулмидан ҳалос қилишни ўзига олий мақсад қилиб олади. Биз достоннинг Гулойим бошчилигидаги қирқ қизнинг ботирлик сирларини эгаллаб, ҳарбий юришларга шайланада тасвир этилган саҳифаларни ўқир эканмиэ, Тўмарис ва Заррина сингари ўтмишдаги эркесвар аёл қаҳрамонлар кўз олдимиэга келади.

Миртемир Ўйун билан бирга шу ажойиб ҳалқ достонини таржима қилишга катта иштиёқ билан киришган эдилар. Лекин Иккинчи жаҳон урушининг бошланиши билан ҳарбий давр унинг ва Ўйгуннинг олдига бошқа долзарб, муҳим вазифаларни қўяди. Шу боис таржимонлар қорақалпоқ ҳалқининг буюқ қаҳрамонлик эпоси таржимасини урушдан кейинги дастлабки йилларда давом эттирилар. Ўйун достоннинг биринчи ярмини, Миртемир эса иккинчи ярмини қисқа муддатда ўзбек тилида жаранглатиб юборадилар.

“Қирқ қиз” достони ўзбек ҳалқ сөзаки ижоди чашмасидан сув ичган Миртемир руҳига ёнят яқин асар эди. Унда нафакат Гулойим, балки уни қуршаган қирқ азамат қизнинг эрк ва хуррият йўлидаги қаҳрамонона кураши тасвир этилган, зеро бу буюқ мавзу Миртемирга илҳом бермаслиги мумкин эмас эди. Қолаверса, олти нафар акаси бўла туриб, она юртини қалмоқлардан озод қилиш масъулиягини ўз зиммасига олган Гулойим ва унинг ҳусн бобида тенғи йўқ, бир-биридан гўзал, оғатижон қирқ қизига ўхшаш қаҳрамонларнинг на жаҳон ҳалқлари фольклорида, на жаҳон мумтоз адабиётида бўлмагани Миртемирни ҳайратга туширган эли.

Гулойим ва қирқ қизнинг Эрон шохи Нодиршоҳ билан қалмоқ хони Суртайшо устидан ғалаба қозонишида яна бир ботир жонбозлик кўрсатади. Бу, Гулойим муҳаббатини қозонган Арслонбек эди. Лекин машаққатли ғалаба, биринчи навбатда, Гулойим номи билан боғлиқ:

...Кўлга тушган қалмоқлар
Бошин эгид туради.
Қирқ қизлардан қолмай, деб
Изларидан юради.
Гулойимдай ботир қиз
Пошионинг олтин таҳтини
Ўша замон бузади.
Бутхонага ўқ отиб,

Зинданларни қулатиб,
Занжирларин қулатиб,
Занжирларни узади.
Гарқошиқдай пошионинг
Кашал деган шаҳрида
Эркин ҳаёт тузади.
Қизил гуллар очилди,
Лаъли, маржон сочилди.
Гулоимнинг қирқ қизи
Богдан гуллар теради.
Кашал деган қалъада
Ҳаммага тенглик беради.
Канча бева-бечора
Гулоимдан топди жон.
Бойрам бўлди, тўй бўлди,
Эл бўлди кўп ободон...

Ижодий жараён шундай хусусиятга эгаки, ёзувчи саодат нурлари балқиб турган воқеаларни тасвирлаётган чоғида ўзи ҳам яйраб-яшнаб кетади. Ва, аксинча, бош қаҳрамон ўлимими ни тасвир этар экан, унинг ўзи ҳам ўлим ҳолатини бошдан кечирали. Бу жараён таржимонлар учун ҳам бегона эмас. Юқоридағи сатрларни ўқир эканмиз, Миртемирнинг қалами шу лавҳа бошланганда янада равонлашиб, унинг қалбидан эса янада қўйма ва ёлқинли сўзлар отилиб чиққанини сезгандек бўламиз.

Асар қаҳрамонлари Хоразм тупроғини ёвдан тозалаб, маҳаллий ҳалқнинг илтимос қилишига қарәмай, шу ерда қолмайдилар. Балки Хоразмга хонлик қилишни маҳаллий ҳалқ фарзандларига топшириб, она диёrlари – Туркистонга йўл оладилар. Миртемир уларнинг Туркистонга ғалаба билан боришилари лавҳасини ҳам шундай таржима қилганки, бу лавҳада унинг қалбидаги она-Ватанга бўлган меҳр ва муҳаббат алвон нурларини сочиб туради.

* * *

Ҳаётининг юқорида тилга олинган оғир кунларида Миртемир, иниси сингари, қалбидаги алам ва губорларини май билан ювиб гашлашни одат қўилган эди. Ёзувчилар уошмасидаги айрим истеъдодсиз кимсалар шоирга ғайирлик муносабатда

бўлибгина қолмай, уни камситишнинг турфа йўларини ўйлаб топардилар. Буни оғир олган Миртемир май ичишни кандо қилмасди. Баъзан уюшмага ҳам шира кайф ҳолатда борадиган бўлади. Унинг бу хатти-ҳаракати рақиблар учун айни мудлао эди. Улар шундай ҳолатларни раҳбарларга ошириб-тоширган ҳолда етказиб, Миртемирни Ёзувчилар уюшмаси аъзолигидан чиқариш лозимлигини айтасилар.

Ёзувчилар уюшмаси ҳайъатининг 1949 йил 16 декабрда бўлиб ўтган йигилиши кун тартибига, бошқа ижодий-ташкилий масалалардан ташқари, яна икки хусусий масала қўйилган эди. Булардан бири рус ёзувчиси Снеговнинг ва иккинчиси Миртемирнинг шахсий масаласи эди. Биринчи масала бўйича маърузачи М.Шевердин йигилишга келмәғанилиги сабабли, Снегов масаласи кун тартибидан тушиб қолди ва ҳайъат бу масалага бошқа қайтмади. Аммо йигилиш уюшмаси раҳбарининг Миртемир тўғрисидаги ахборотини тинглаб, уни Ёзувчилар уюшмаси аъзолигидан ўчириш ва 1950 йил декадаси нашр режасидаги шеърлар китобини чиқариб ташлашга қарор қиласди.

Ўз мақсадларига эришган рақиблар бу қарорни радио, нашиёт, барча газета ва журнал таҳририятларига абжирлик билан етказадилар. Миртемир олдида нашиёт ва таҳририятлар эшиги тақа-тақ ёпилади. 1945 йилда опера ва балет театридаги адабий эмакдош лавозими тутатилганидан сўнг ишсиз қолган шоир шеърлари ва таржималаридан тушган қалам ҳақи эвазига бир амаллаб кун кечираётган эди. Энди у ана шу ягона моддий манбадан ҳам маҳрум бўлади. Тўнгич қизи Доражондан кейин 1941 йил 15 ноябрда Юлдуз, 1944 йил 4 августда Миржалол, 1948 йил 17 декабрда эса Мирза деган фарзандларни кўрган ва қарамоғида туркистонлик яна бир неча жигарлари бўлган шоир аросят даشتida икки тешик кисса билан қолади.

Шу йилларда қандай хўрлик ва зорлик кўргани Миртемирнинг ўзига ва яхши кунларида ҳам, ёмон кунларида ҳам суянчиғи бўлган вафодор хотини Ёрқиной аяга маълум...

Орадан бирдан йил мўлроқ вақт ўтіач, 1951 йил январида атоқли қорақалпоқ шоири Бердақ вафот этган куннинг 50 йиллиги нишонланадиган бўлди. Миртемир қорақалпоқ шоирларининг илтимоси ва шу мусибатли сана муносабати билан Бердақнинг бир неча шеърини ўзбек тилига ўғирди. Шу шеърларнинг бирида бундай сатрлар бор эди:

*Бизнинг халқнинг бийлари
Создир жаҳонда уйлари,
Доим тараалла куйлари,
Тўғри жавоб айтган эмас.*

*Менинг бу айтган чин сўзим,
Сўзим эмас, менинг ўзим, .
Юмулганча икки кўзим
Ҳеч вақт ёшсиз бўлган эмас.*

*Бировлар жуда зўр бўлди,
Бировлар жуда хўр бўлди,
Лочинга қурган тўр бўлди.
Тўрни ҳеч ким узган эмас...*

*...Дунёга келдим, не кўрдим,
Қойгу-ҳасротларда юрдим.
Адо бўлмас дилда дардим,
Ҳеч ким назар солган эмас...*

Бердақнинг бу аламли сатрларида минглаб оддий кишилар қисмати ўз тасвирини топган. Миртемир ҳам шу сатрлар кўзгусида ўз тақдирининг айнан аксини кўриб, тақдирга тан берриб яшашга мажбур бўлди.

Нажот излаб...

1949 йилнинг июль ойида Самарқанд вилояти газетаси муҳаррири Шароф Рашидов Ўзбекистон Ёзувчилар уюшмаси ҳайъатининг раиси этиб белгиланди. Аммо кўп ўтмай, 1950 йил бошларида, у Ўзбекистон ССР Олий Совети Президиумига раис этиб сайланди ва шу кундан бошлаб уюшмага раҳбарлик қилиш вазифаси шоир ва драматург Уйгуннинг зиммасига тушди.

Бу ўзбек адабиётининг оғир ва фожиали йиллари эди. Миртемир уюшмадан ўчирилганлиги туфайли 50-йиллар қатагонидан омон қолган эса-да, унинг рақиблари энди бошқа ёзувчиларнинг лайига тушишган эди. Сайд Аҳмад, Шухрат, Шукрулло, Ёнгин Мирзо сингари ёзувчилардан сўнг навбат М.Шайхзода билан Ойбекка келди. Шайхзоданинг қамоққа

олиниши, Ойбекнинг эса тилдан қолиб, тўшакбанд бўлишига эришган рақиблар уюшмани “миллатчи ёзувчилар”дан то-залашдек “тарихий вазифа”ни бажаргандаридан ўзларини қаҳрамон, деб ҳис этардилар. Улар орзиқиб кутган, улар ошиги олчи турадиган замон келган эди.

Шундай мушкул бир шароитда Миртемирнинг уюшма аъзалигига тикланиб, газета ва журналлар эшигини очиб кириши маҳол эди. Шоир олдида турган ягона имконият “казо-казолар”нинг қўлидан келмайдиган ёки таржима қилишга ор-номуслари йўл қўймайдиган шоирларнинг асарларини оға тилига ўтириш эди. У ана цу имкониятдан фойдаланиб, дастлаб Бердақ шеърларига ўзбек тилининг ҳаётбахш нафасини уfurди, сўнgra вафогининг 75 йиллиги нишонланажак Н.А. Некрасов асарларини таржима қилишга киришди. У дастлаб улуғ рус шоирининг “Деҳқон болалари” шеърини таржима қилди. Кейин “Русияда ким яхши яшайди?” достонига қўл урди.

Адабиётшунос олим Маҳмудали Юнусов Миртемир билан ўша кунларда бўлиб ўтган учрашувни эслаб, бундай ёзган эди:

“1951 йили... Тошкентнинг Киров номли кўчасида жойлашган Ўзбекистон Давлат нашриётида учрашдик. Миртемир ака Н.А. Некрасовнинг “Русияда ким яхши яшайди?” поэмасининг таржимаси устила ишлётган экан. Нашриёт раҳбарлари таҳрир қилишни менга топширишиди.

Таржиманинг тугаган бобларини “Қизил қуёш” маҳалла-миздаги ҳовлимизга Миртемир аканинг ўзи олиб келар ва таҳрирдан чиқсан бўлакларини олиб кетарди. Ўша кунлари иш баҳонаси билан бирга ўтиришиб, ҳол-аҳвол сўрашлик ва, албатта, адабиёт асосий мавзумиз бўларди. Шоирнинг ўта дараҷада камтарлиги, ҳатто уятчанлиги мени ҳайратга солар, бальзан унинг олдида ўзимни қандай тутишни ҳам билмай қолардим. Бу ҳассос шоир, бу пешонасида нур, зако ярқираб турадиган, ҳалимдек мулоийим инсон Некрасов руҳига, унинг “қасос ва қайғу” лирикасига шу қадар яқинлашган эдики, бу ҳол ҳар бир сўзидан, интонациясидан сезилиб турарди.

Поэмани баланд ихлос ва чуқур ички ҳаяжон билан таржима қилган Миртемир ака Некрасов услугига хос соддалик ва мазмуний чўнгликни, ҳалқчиллик ва инқилюбий пафосни усталик билан сақлаган эди. Таржимон оригиналдаги персонажлар ҳамда географик номларнинг ўткир кинояли моҳиятини тўғри очиб беришга алоҳида эътибор берганди...”

Бу асарда тасвирланган воқеалар пойтахтдан олис қишлоқ-лардан бирида туғилган шоир учун ёт змас эди. Шунинг учун ҳам у асар руҳига, унда тасвирланган қаҳрамонлар руҳига осонлик билан кирганди.

“Мен, – деб ёзди Миртемир рус шоирига бағищланган “Халқ шоири” мақоласида, – узун кечаларда етти сайёх деҳқон билан чексиз Россияни кезар эдим. Мен еттовлари билан ҳам шу қадар иноклашиб кетган эдимки, уларнинг ҳар бирини яқын кишимдек яхши билардим. Уларнинг рус деҳқонига хос саркашлиги ва тўпорилигидан ҳам мийигимда кулиб кўярлим. Мен Матрёнушкага қўшилиб, норасида Тобулий бобонинг дев сиймосидан дарҳайрат эдим. Бу мислсиз асарнинг ҳар бир сўзи, ҳар бир ибораси устида тер тўкишдан эринмадим. Бу меҳнатим қаламкаш дўстларимга ҳам, китобхонларга ҳам маъкул бўлди, шекилили...”

Некрасов мазкур асар муқалдимасида ёқ бўлажак таржимонлари олдига жиддий муаммоларни қўйган эди. Мана, ўша муқаддиманинг дастлабки сатрлари:

*В каком году – рассчитывай,
В какой земле - угадывай,
На столбовой дороженьке
Сошлись семь мужиков:
Семь временно-обязанных
Подтянутой губернии,
Уезда Терпигорева,
Пустопорожной волости,
Из смежных деревен –
Заплатова, Дырявина,
Разутова, Знобишина,
Горелова, Неелова,
Неурожайка тож.
Сошлися – и заспорили:
Кому живется весело
Вольготно на Руси?*

*Қайси ийл бу – айта қол,
Қайси эл бу – ўйлаб бок,
Қатта карвон йўлида
Учрашди етти деҳқон:*

*Ва уларнинг бариси —
Бурундуқли аймоғи,
Шўрпешона тумани,
Бўштақир волостида
Ёнма-ён қишлоқлардан —
Ямоқзор, Жулдурравот,
Яланғоч, Ушуктепа,
Куйганкент, Ютоқсарой
Ҳамда Қаҳатқўргондан
Етти муваққат қарздор
Дуч келди-ю довлаши:
Русияда ким хушвақт,
Дориломон яшайди?*

Агар Миртемирнинг мазмун ва бадиият тақозоси билан Некрасов матнига бор-йўғи бир сатр қўшганини эътиборга ол-масак, шу лавҳа ҳам, шундай лавҳалардан ташкил топган дoston ҳам шу қадар гўзал таржима қилинган эдики, уни ўқиб хузур қилмай, ўзбек шоирининг Некрасов сўзларини ўйнатиб, яшнатиб, ўзбек тилининг сеҳрли дарёсига ботириб олиб таржима қилинганига қойил қолмай иложингиз йўқ.

Некрасов асарининг Миртемир томонидан қилинган таржимаси, Чўлпоннинг доҳиёна таржималаридан кейин ўзбек таржима мактабининг улкан ютуғи бўлди. Адабиётшунослар Некрасов асаридаги жой номлари, рус воқелигига хос сўз ва ифодаларнинг ўзбек тилига зўр маҳорат билан таржима қилинганини алоҳида қайд этиб, таржимон шаънига самимий дил сўзларини айтдилар. Бу, Ёзувчилар уюшмаси аъзолигидан ўчирилган Миртемирнинг рақиблар олдидағи ғалабаси эди.

Аммо бу гениал таржимани ўқиган киши таржима муаллифининг ўша Йилларда Тошкент кўчаларида оч-наҳор сарсону саргардан бўлиб юрганини хаёлига ҳам келтирмайди. Зоро, улуғлар ҳамишия ва ҳамма замонларда истеъдолесиз кимсалардан дакки еб, азиз умрларини хор-зорликда ўтказиб келганлар ва бундан кейин ҳам шундай бўлиб қолиши ҳеч гап эмас.

Ойнинг ёруғ күнлари

Халқимизнинг ота-боболардан қолган ажойиб сўзи бор: “Ойнинг ўн беши қоронғи бўлса, ўн беши ёруғ бўлади”. Дунёда

жабрдийда инсон борки, шу сўзлар бағрида яширинганд ҳақиқат офтоби улар дилини ҷароғон этиб туради.

1953 йил марта Сталиннинг вафот этиши билан у эккан кудратли салтанат дарахти тебрана бошлади. Сталин раҳбарлигида амалга оширилган қатағон сиёсати ва унинг даҳшатли фожиалари бутун дунёга ошкор бўлгач, бу дарахтнинг қон билан сугорилиб келгани маълум бўлди.

1954 йил 13 августда Ёзувчилар уюшмаси раҳбариятида ўзгариш рўй бериб, Абдулла Қаҳҳор уюшма ҳайъатига раис этиб сайданди. Янги раис таржима санъатининг жамият ҳаётидаги улкан аҳамиятгини ҳам, Миртемирнинг зўр шоир ва таржимон эканлигини ҳам яхши билган. Шунинг учун у раислик фаолиятининг дастлабки ойларида ёқ рўй берган адолатсизликни тиклашни ўзининг вижданний бурчи, деб билди. Уюшма ҳайъатининг 1954 йил 4 октябрда бўлиб ўтган йиғилишида Миртемир уюшмага қайта ёззо этиб олинди. Шу йилнинг 16 ноябрида эса у адабий маслаҳатчи лавозимига ишга қабул қилинди.

Йиғилишида Миртемирнинг уюшмадан ҳайдалишига сабабчи бўлган кимсалар ҳам сўзга чиқсан ва шоирнинг уюшмага қайта ёззо бўлиши учун овоз берган бўлсалар-да, уни туртиб-суртиб юришда давом этдилар. Орадан икки йил ўтгач, 1956 йилда адабиётшунос олим ва драматург Иzzat Султон уюшма ҳайъати ёзоси ва котиби этиб сайданганидан сўнг, дўстининг аввали мавқеини тиклашга уринди. У Миртемирни чақириб, унга ёш шоир ва таржимонларга мураббийлик қилишни маслаҳат берди. Айни пайтда шу кунларда уюшмага кезавериб, раиснинг бошини қотираётган таржимон аёлга ёрдам беришини сўради.

— Хабарингиз бор, Мухтор Авезовнинг “Абай” романни Сталин мукофотига сазовор бўлган. Шундан кейин “Абай” ўзбек тилидан бошқа жуда кўп тилиларга таржима қилинди. Мен Мухтор Авезов билан Москва Давлат университетида бирга ишлаганман. Мухтор оға фақат ёзувчи эмас, катта адабиётшунос олим ҳам. Биз Москва университетида домлалик қилган йилларимизда қадрденлашиб кетганмиз. Мухтор оға менинг ҳам, сизнинг ҳам яқин дўстимиз ва устозимиз бўлади. Бир аёл “Абай” эполеясининг биринчи китобини ўзбек тилига таржима қилиб, энди иккинчисига қўл урипти. Қозоқ тилига моҳир муҳаррирни топа олмаган бўлишса керак, Давлат нашриёти уни таҳрир қилиб беришни биздан сўрайлти. Агар шу таржимани қўриб,

эпәзага келтириб берсангиз, таржимон ҳам миннатдор бўлган бўларди, нашриёт ҳам. Ҳа, дарвоҷе, нашриёт яхшигина қалам ҳақини тўлашга ваъда берган.

Миртемир сандиқдек катта папкани кўз олдига келтириб, юраги шув этиб кетди. Буни сезган Иzzат Султон:

— Чўчиманг. Дам олиб-дам олиб ишлайсиз. “Абай” эпопеясининг ўзбек тилида нашр этилиши — ҳаммамизнинг обрўйимиз. Шоял ўзбек адабиётида “Навоий”га ўҳшаган, “Абай”га ўҳшаган катта полотнолар яратилса. — Олим бир дақиқа сукут қилиб, Миртемирнинг чеҳрасида бўлаётган ўзгаришларни қузатгач, давом этди. — Мухтор оғанинг ҳам кўнгли кўтарилади, ўзбек китобхони ҳам қозоқ насрининг бу шоҳ асарини ўқиб, машҳур қозоқ оқини билан танишиш имконига эга бўлади. Шундай хайрли ишнинг савоби биринчи навбатда, сизга ҳам тегади. Қачонгача эллик-олтмиш сатрли шеърларни таржима қилиб, қўлингиз мўмай пулларни кўрмай юради, Миртемир!

Ҳаваскор таржимон томонидан ўзбек тилига ўгирилган романни таҳтири қилишининг ўзи бўлмасди. Бунинг учун уйда рўзгор бут, асаб жойида, сабр-бардош ҳам етарли бўлиши ва, энг муҳими, муҳаррирнинг кўнгли шу ишга чопиши даркор. Бу шартларнинг бирортаси Миртемирда йўқ эди. Шунга қарамай, у Иzzат Султоннинг раъйини қайтара олмай, бу катта ишни елкасига рози бўлиб, уйига равона бўлди.

* * *

Ўша кунларда Ўзбекистон Давлат нашриёти Тошкентнинг ҳозир Шайхонтаҳур номи билан аталган кўчасида, оғсет фабрикаси ўрнида жойлашган эди. Нима учундир ёзният айни жазирама соатларида кўчага чиққан Миртемир нашриётдан ҳалиги тегирмон тошидек келадиган қизил папкани у қўлидан бу қўлига олиб, чиқиб келаётган эди. У нашриёт биноси олдилда туркистонлик юртдошларидан бири Носир Фозиловни дафъатан кўриб қолди. Носир Фозилов ўша кунларда Ўрта Осиё Давлат университети (ҳозирги Миллий университет)-нинг филология факультетини тутатиб, қозоқ тилидан бир-икки асарни ўзбек тилига таржима қилиб юрган эди. Миртемир унинг Собит Муқонов қиссасидан сўнг Габиден Мустафиннинг каттагина “Қараганда” романи таржимасини қўлдан чиқарганини эшишиб, foят мамнун бўлди. Сўнг

нашриётга кириб кетаётган шогирдига: “Бўш бўлсанг, уйга ўт. Маслаҳатли гап бор”, деди хайрлашиб.

Носир Фозилов кечга яқин шоирнинг Ишчилар шаҳар-часидаги уйига борганида, ҳовлидан бола-чақанинг овози эшитилмас, лекин ошхонадан тайёрланадаётган лаззатли таомнинг кишини маст қиласиган ҳиди анқиб турарди. Носир бу ҳаётбахш ҳиддан сархуш бўлиб турар экан, Миртемир пайдо бўлиб, уни хоналардан бирига олиб кирди-да, ўзи қаергадир чиқиб кетди. Сўнг қандайдир оғир нарсани кўтариб кириб, стол устига “тап” этиб қўйди. Бу бояги қизил папка эди.

Миртемир папкани кўриб ҳайрон бўлиб турган Носирга бамайлихотир тушунтира бошлайди:

— Мулла Носир, сени чақирганим..., — деди у торпиниб, — менга бугун мана шу асарни бериши. Мухтор оғанинг романи “Абай” нинг иккинчи жилди. Шуни таҳрир қилиб берасан, деб ёқамдан ушлаб олишган.

Носир менга бу гапларнинг ҳам, бу асарнинг ҳам нима алоқаси бор, деб ҳайрон бўлиб ўтиради. Миртемир унинг бу ҳолатини кўриб, давом этди:

— Биринчидан, бу менинг ишими эмас: мен шоирман, шеърий асарларнигина таржима ва таҳрир қиласман, холос. Бунақа катта насрый асарни ҳеч қачон таҳрир қиласмаганман. Иккисинчидан, бошқа ишларим ҳам бошдан ошиб-тошиб ётибди. Аммо рози бўлмасликнинг иложи бўлмади. Сен ҳам мендан: “Нима учун олдингиз?” деб сўрама! Кейин мавриди билан айтиб берарман. Сенинг таҳрирга анча қўлинг келиб қолди. Собит оғанинг асарини таржима қилиб бердинг. Таржиманг маъқул. Габиден оғанинг “Қарағанда” сини ҳам ағдариб ташладинг. Ишончим комилки, бу ҳам жойида бўлади. Мухтор оға ижоди билан яхши танишсан. Қолаверса, шу китобнинг биринчи жилдига тақриз ёзган экансан. Тақризинг маъқул. Гапнинг қисқаси: шу асарнинг таҳририга бир қарашиб юбор...

Носир Фозилов гарчанд бир-икки асарни қозоқчадан таржима қиласиган бўлса-да, ҳали таҳрир малакасини мутлақо згалламаган эди. Шунинг учун у: “Бу иш менинг қўлимдан келармикан?”, деди иккиланиб.

— Келади! — деди Миртемир қатъий ишонч билан. — Мана, қозоқча аслияти. Таржима билан аслиятни солиштириб, маъно бузилган жойлари бўлса, бемалол тузатаверасан. Ҳали ўн беш

кундан кейин ишга кираман, делингми? Иложи бўлса, шу ўн беш кун ичида куриб берсанг. яхши буларди.

Носир рози бўлиб, кўлёzmани олиш учун қўлини чўзди.

— Олиб кетмоқчимисан? — сўради Миртемир. — Йўқ, буни бериб бўлмайди. Зумрадхон сал тихирроқ таржимон. Мендан тез-тез хабар олиб турмоқчи. Яхшиси, шу ерга келиб ишлай қол. Мана бу уйга жой қилиб бераман. — Миртемир дарвозадан кираверишдаги, ўнг қўлдаги кичкина уйга ишора қилди. — Бемалол ишлайверасан. Зумрадхоним келиб қолгудек бўлса, кўринмасликка ҳаракат қил.

Хуллас, Носир Фозилов ҳар куни Миртемирнинг уйига келиб, таржимани шу ерда таҳрир қиласидан қаттиқроқ тақиллаб қолди. Эшикни ҳовлида куйманиб юрган кеннойим бориб очди. Дарвоза олдида бўлаётган гаплар мен ўтирган хонага бемалол эшигилиб турарди. Келинойим қандайдир бир аёл киши билан салом-алик қиласиди. Негадир у аёлнинг товуши менга танишдек туйилиб, ўрнимдан туриб, аста деразанинг олдига келганимда, ҳалиги меҳмон бўсаға ҳатлаб кириб келарди. Дарров танидим: Зумрад опа!..

Секин лип этиб коридорга ўтдим-да, катта уй орқали Миртемир ака ишлаб ўтирган хонанинг эшигини тақиллагдим. Иш билан қаттиқ бандлиги учунми ё қулоги сал оғирроқ бўлгани учунми, ҳадеганда жавоб беравермаганидан шартга эшикни очиб, ичкарига кирдим. Миртемир ака ўтирган жойида кўзойнаги тепасидан менга “нима гап?” дегандай қараб турарди.

— Зумрад опа! — дедим мен сирли қилиб.

— Ие, — деди Миртемир ака саросимада кўзойнагини олиб столга кўяркан.

Миртемир ака чиқиб кеттач, кўнглимга келган биринчи гап шу бўлдики: столдаги кўлёzmаларни йиғиштирмабман ҳам. Куриб қолса нима бўлади? Бир оз саросимага тушиб турдим-да, кейин: “Э, нима бўлса бўлар!” — деб Миртемир аканинг исходхонасини томоша қила бошладим. Бу хонага биринчи бор киришим эди. Итальян нусха катта дераза олдига улкан, бежирим

ёзув столи қўйилган. Стол усти ниҳоятда бетартиб: қўлёзмалар сочилиб ётар, бир чеккада фижимланган варақлар... Столнинг ўнг томонида русча-ўзбекча лугат очилганча турибди... Ўртада ҳозиргина битилган ёзувлар. Энгашиб қараб, ҳеч нарса тушунолмадим, араб алифбосида юмишоқ қора қалам билан ёзилибди. Назаримда, бутун сагр йўқдай: ўчирилибди, қайта ёзилибди, баъзи сатрлар стрелка билан юқорига, пастга олинган, ҳошиясига кўндалангига ёзив ташланган ва ҳоказо...

Орадан ярим соятча вақт ўтгач, Миртемир ака жилмайганча кириб келди. Авзойидан хурсанд эди..."

* * *

Хуллас, Носир Фозилов устознинг юкини енгил қилиб, "Абай"нинг иккинчи жилди қулёзмасини таҳрир қилиб берди, нашриёт ҳам таҳрирни қабул қилиб олди.

Орадан кўп ўтмай, Носир Фозилов "Пионер" журналига ишга кирди. У шундай кунларнинг бирида хизматдошлари билан Тахтапулдаги "Оталар чойхонаси"да тушлик қилиб, эндигина таҳририятга келиб ўтирганида, Миртемир келиб қолди. У журнал муҳаррири Эркин Жабборов билан сўрашиб, ундан янги ходимига бир неча соатга руҳсат беришни сўради. Сўнг Носирни нашриёт олтидаги хиёбонга бошлиб бориб, киссасидан бир даста пул чиқарди.

— Мана буни олиб қўй, — деди у пулларни узатиб.

Носир шапалоқдек-шапалоқдек бундай кўп пулни ҳали кўрмаган эди, шошиб қолди.

— Ол, олавер, — деди шоир. — Кўрқма, бу сенинг ҳақинг!

Шу куни Миртемир "муҳаррир" жигарини етаклаб, чекка дўқонлардан бирига олиб борди. Дўқончи Миртемирга ўша йилларда ноёб бўлган бир кийимлиқ матони асраб қўйган экан. Шоир бу ўроғлиқ матони олиб, дўқончидан энди Носирга ҳам шундай матодан ғотиб бернишни сўради. Дўқончи Носирнинг қадди-қоматини кўздан кечириб, ўлчаган бўлди-да, бояти матодан бир кийимлигини ўраб чиқди. Миртемир уни Носирнинг кўлтиғига қистирар экан: "Энди бу "костюм"ларни юв масак бўлмайди", деб уйи сари бошлади.

* * *

Кеннойи Миртемир аканинг Носирни етаклаб келишини биларди.

Ҳовли сув сепилиб, чиннидек сутурилган, дастурхон дид билан безатилган эди.

Миртемир кийимини алмаштириб, кўши хонадан бир билитур графин билан икки рюмкани кўтариб чиқди-да, рюмкаларни дастурхон устига кўйиб: “Кавказ конъягини кўрганмисан?”, деб сўради. Носир Фозилов ичимликка тоби бўлмаганлиги учун конъякка эмас, балки уй соҳибининг сўзларини эшитмагандек, конъяк кўйилган графиннинг билур гулларига маҳлиё бўлиб ўтирар эди.

— Оқ конъяк! — деди Миртемир Носирни ноёб ичимлик билан меҳмон қиласётганини билдириш учун тантанавор овоз билан. У яқин орада Кавказга бориб келган бўлса керак, буфетда кичик-кичик шароб шишалари кулиб турарди. Носир улардан кўзини узгач, Миртемир оқ конъяк кўйилган рюмкалардан бирини олиб, Носирга узатди:

— Қани, мулла Носир, ишларимиз доим ўнгидан келсин.

Носир кўзини чирт юмиб, қадаҳни кўтарди ва “нима бўлса бўлсин”, деб бўшатди-кўйди. Шу пайт кеннойи бир тақсимчада яримта қази билан яхна гўштни олиб кирди. Миртемир стол устида турган дандон сопли пичноқни кўрсатиб, Носирга деди:

— Қани, тўғра. Меҳмонга ўхшаб торгиниб ўтирма.

Носир тақсимчадаги қазини олдига суриб, дандон пичноқ билан ҳали бир-икки паррак тўғраб ҳам улгурмаган эдики, ҳийла қайф қилиб қолган бўлса керак, дафъатан бармогини кесиб олди. Буни кўрган Миртемир кўйилган иккинчи қадаҳни Носирнинг олдидан нарироққа суриб кўйиб, деди:

— Буни ҳам иссанг, мени сўйиб кўясан!

Сўнг ўзининг гали ўзига нашъя қилдими ё Носирнинг аҳволини кўрибми, Қорнини ушлаб, қотиб-қотиб кулди.

Улар шу тарзда ҳам “костюм”ларни ювдилар, ҳам таржима таҳриридан омон-эсон кутулғанларини ..

* * *

Ойнинг ёруғ кунлари бошланганда, Миртемир ҳамма нарсани унугтиб, лочиндеқ қанот қокиб, чўнтақларидағи қоғоз қимарсаларни совуриб, хумордан чиқиб юради. Ҳаётнинг гашти ҳам, балки, шунда бўлса керак. Итдек меҳнат қилиб, обрў-этибор қозониб юрган пайтингда кимнингдир ғаламислиги, ҳасадгўйлиги, кўнгли қоралиги туфайли озор чекиб, азобукубат чекиб, бу дунёга келганингта юз бора пушаймон қилиб

юрганингда бирдан офтоб чарақлаб чиқиб, ишинг юришиб кетса, бу орзиқиб куттилган улкан бахтни юрагингга сифдириб ололмайсан, киши. Имконинг бўлса, кимнингдир ё кимларнингдир кўнглини олишни, уларга бу дунёда ҳам жаннат борлигини айтишни ва шу жаннатни қайси бир шаклда кўрсатишни истаб қоласан... Бу сен учун ҳам, у учун ҳам, улар учун ҳам чин маънода соадатнинг ҳушбичим қадди-қоматини кучиши, унинг ширин лабларидан ўпиш, унинг жарангдор овозини эшитиб, сел бўлиш бўлади. Қани, айт-чи, бунинг жаннатдан қайси жойи кам?!

Тунги қароқчилар

Турмуш турфа воқеалар билан тўла. Уруш ва урушдан кейинги йилларда Тошкент кўчаларида тунги соатларда юриш ўта ҳавфли эди. Ёнида сариқ чақаси бўлмаган йўловчиларни ҳам ечинтириб, ҳатто ўлдириб ҳам кетишган. Бундай ҳоллар 50-йиллардан бошлаб ҳийла камайган бўлса-да, барибир, рўй бериб турган. 50-йилларнинг охири бўлса керак, тунги қароқчилар Миртемирнинг ҳам қаршисидан чиқиб қолишган...

Одатда жабрланувчи бундай нохуш ҳодисаларни бирор кимсага, ҳатто яқинларига ҳам айтмайди. Миртемир ҳам ҳаётида бўлиб ўтган нохуш ҳодисаларни бирорга айтишни ёқтирамаган. Лекин шундай ҳодисаларни кимшир кўрган бўлади. кимдир шу кимсадан чала-чулпа эшитган ва шу тарзда рўй берган ҳодиса кўшиб-чатилиб, таниб бўлмайдиган лиbosларга ўралиб олади.

Мен бу ҳодисанинг бир оз адабийлашган нусхасини эшитган эдим. Эмишки, Миртемир ярим кечаси қаерландир келаёттанида, қаршисидан иккита қароқчи чиқиб қолипти ва улар шоирдан ёнидаги бор-будини беришни талаб қилишипти. Миртемирнинг ёнида ҳемири ҳам йўқ экан. Лекин қароқчиларга раҳми келиб, шундай депти:

— Укаларим, бу дунёда ҳамма умид билан яшайди. Сизлар ҳам камхаржлик ёки бирор қийинчиллик орқасида умид билан кўчага чиқсан кўринасиз. Сизларнинг ҳам бола-чақангиз бордир, улар ниманидир олиб келишинизни кутиб ўтиришгандир. Аммо афсуским, ёнимда сариқ чақам ҳам йўқ эди. Бор бўлганида, қароқўзларингиздан айлансин, аяб ўтирасдим. Юринглар, Ишчилар шаҳарчасида тураман, борайлик. Ҳам уч-тўрт сўм олиб бераман, ҳам бир пиёла иссиқ чой ичиб кетасизлар, —деганимниш.

Қароқчилар Хизрга йўлиққан бўлсак керак, деган ўйда шоир ортидан эргашишипти. Миртемир уларни уйига бошлаб келганида, ҳамма донг қотиб ухлаб ётган экан. У кеннойини уйғотиб, қозонга ўт ёқишини буюрипти... Узун гапнинг қисқаси шуки. У қиши тунида совқотган қароқчиларни иссиқ мастава билан меҳмон қилиб, яна чўнгакларига пича пул солиб: “Келиб туринглар, укаларим”, деб ҳурмат-иззат билан жұнатған эмиш.

Орадан ўн беш-йигирма кун ўтгандан сўнг қылмишларидан афсусланган ва қайта тарбияланган қароқчилар аравага бир қоп гурунч, бир қоп картошка, бир халта мөш, нимта ортиб келиб, Миртемир домланинг уйига туширишипти. Ва кеннойига қылган ишларидан уялиб, одам бўлганларини айтиб, қайта-қайта кечирим сўраб чиқиб кетишипти.

Шу ҳодиса-ривоятнинг бир неча вариантлари бор...

Балки бу ҳодиса-ривоятнинг “хамиртуриш” и бундан ўн-ўн икки йил аввал “Ёзувчи” газетасида босилган журналист Орзикул Эргашнинг “Шоирнинг ҳалоскори” мақоласида тасвирланган қуйидаги воқеадир:

* * *

“Ҳамшира Ёрқиной опага маъқул тушиб қолди. Юлдузи иссиққина, жуда жонсўз ва куйди-пушди жувон экан. Ҳудди ўз онасини сўйгандек, Ёрқиной аядан айлануб-ўргилади.

Опа эрталаб қўл-оёғи қақшаб, танаси оғирлашиб уйғонган, шундан кўнгли хира тортиб турган эди. Ҳамширанинг қўли енгил эканми, ўзида дарҳол ўзгариш сезди. Кўнгли ёришиб, ҳамширага миннатдор тикилди. Нимасидир таниш кўринди. Қаердадир кўргандай бўлди. Эслолмади... Шу чоқ ҳамширанинг ўзи гап очиб қолди:

- Бир нарса сўрасам майлими, опа?
- Сўранг, қизим: бемалол...
- Билмадим, менга шунаقا туйилаяптими, илгари ҳам уйингизга келгандайман...
- Мен ҳам ҳалитдан бери ўйланаман, бу қизни қаердадир кўргандайман, деб... Балки мана шунаقا хизматлар билан келгандирсиз-да, қизим...
- Йўқ... Мен жуда ёшлигимда келгандайман. Тахминан кирқ йиллар аввал. Етти ёшларимда...
- “Кирқ йиллар аввал... Ўҳ-хў!.. Лекин анча ёш кўринади”, ўлади опа.

Ҳамшира сўзида давом этди:

— Ҳовли-жой ўша-ўша, айтарли ўзгармаган. Кўча эшиклиари ҳам мана шунаقا иккита эди, ҳаворанг эди. Кейин яна битта нарсани яхши эслайман: даҳлизнинг сўл томонидаги биринчи хонада арча ясатиғлиқ эди. Шу хоналаринг, айниқса, кўзимга иссиқ кўринди... Ким билсин, балки бошқа жой билан адаштираяпманни ё!.. Она, айтинг-чи, ўша йиллари сизларда бирор ноҳушилик рўй бермаганими, масалан, болаларингизнинг отаси беъорилар қўлида жароҳатланиб, касалхонага тушмаганимидилар?..

— Ҳа, шунаقا ҳодиса бўлганди, — ниманидир эслагандай опа тетикланди. — Бир кун кечаси Ўрда яқинида...

— Ўрдада, дейсизми?.. Бўлди, опажон, адашмабмэн. Бундан чиқди, мен ҳозир Миртемир домланинг уйларидаман, шунақами? — Жувоннинг кўзлари кувончдан чақнаб кетди. Хаёл қилсаки, Ёрқиной опанинг бўйнидан маҳкам қучиб олса.

— Учрашганимизни қарант-а, опажон!..

Опа барибир тушунмаётганди:

— Қизим, тушунтириброқ гапириинг. Қаричилик...

— Албатта, албатта. Ҳўл, опа, балки ўша воқеага алоқадор бўлган битта аёлни эслай оларсиз. Ўзингиз тенги аёлни...

Санобар ҳориб толмайдиган жувон эди. Отасини таниб-танимай етим қолган ёлғизгина қизи ғамида ўзини ўтга-чўққа уриб тиним билмасди. У завод ошхонасида хизмат қилас, кун бўйи уч маҳал овқат тайёрлаши, иссиқ ўчоқ ёнида тик оёқда туриб овқат тарқатиши, кун ора тунги навбатчиликда туриши лозим бўларди...

Ўша куни ҳам навбатчиликда эди.

Кеч соат ўн бирга қадар гўшт майдалаб, картошка-пиёз арчиб қозонга солишга тайёрлаб кўйди. Энди бир мизғиб олади-да, тонг аzonдан овқатга уннайди. Ётишдан олдин негадир бир зумга кўчага, тоза ҳавога чиққиси келди...

Шаҳар тун кўйнида: чирокли деразалар сийраклашган, кўчалар кимсасиз, жимжит... Шу чоқ юз эллик қадамча наридаги бекатдаги уч-тўрт қорани кўзи илғади. “Трамвай кутишаётгандир-да”, деб Ўллади. Осмонга тикилди. Йилт этган юлдуз кўринмади. “Ёғади шекилли”. Кўшни хонадонда қолдириб келган қизчасига хаёли чалғиди. “Эгнига иссиқроқ бир нарсаям оберолмадим ҳали...”

Бекат тарафдан қаттиқ-қаттиқ овозлар эшитилиб, аёлнинг

дикъати бўлинди. Разм солиб қараб, ахвални тушунди. Бир дўтшили кишини уч безори ўраб турибди... Югуриб ортига қайтди.

Йўлакда мук тушиб ётган қоровул чолни туртиб уйғотди.

— Ота, туринг, йўлтўсарлар бирорни тучаяпти. Милтиқни олиб чиқинг. — Чол кўзиниям очмади. Тескари ўтирилиб ётдида: — Бор, жойингга кириб ёт, ишинг бўлмасин, — деб ғудранди. Кейин: — Жоним ўзимга керак, — деб қўшиб кўйди.

Шу пайт жувон чолнинг кўкрак чўнтағидан чиқиб турган хуштак ипига кўзи тушди-да, уни юлқиб олиб, кўчага отилди. Кўчада бақириқ-чақириқлар кучайган, ола-тасир муштлашув бошланган эди. Бирорнинг “Ёрдам беринг”, деган ноласини эшилди-да, кўзини чиппа юмиб, чуриллатиб ҳуштакни чалди. Бор кучини тўплаб чалаверди, чалаверди. Қараса, йўлтўсарлар тап-туп қилиб қочиб боришаётчи. Дадилланиб бекат томон югурди. Етиб борса, трамвай изи ёнида узун бўйли бир киши чўзилиб ётар, юз-боши қонга бўялган эди. Шошиб турткилади, жон асари йўқ. Атрофга алантлаб, телефон уйчасини кўрди. Ўша ёққа югурди.

“Ўшанда ўзимнинг жоним кўзимга кўринмабди, ановилар қайтиб келади ям, деб ўйламабман”, дея хотирлайди кейинчалик жувон.

Кўп ўтмай, “тез ёрдам” етиб келди. Айни вақтда Лабзак тарафдан икки безорини олдиларига солиб келаётган йигитлар кўринди. Бу йигитлар машғулотдан қайтишаётган милиция мактаби талабалари бўлиб, хуштак овозини эшитиб, ёрдамга шошилишган, шўри қуриган безориларнинг рўпарасидан чиқиб қолишган экан... Санобар кущдек енгил тортиб, заводга қайтди. Эшикда қоровул чолга рўпара келди. Чол дарҳол четланиб, йўл берди. Милтиғини қучоқлаб, жунжикаб тураверди. Бошини кўтариб аёлга қараёлмади. Фақат у ўтиб кетиб, зинадан кўтарилаётганда: “Барака топ, қизим, жаннати экансан”, деди эшитилар-эшитилмас қилиб...

Вақт ярим тундан ўтган, лекин домладан дарак йўқ. Тўғри, ишдан кейин бир дўстиникига — Баҳром Иноятов деган мусиқанависникига ўтмоқчи эди. Кечроқ келсан керак, деганди. Лекин бу маҳалгача қолиб кетадиган одати йўқ эди. Ишқитиб тинчликмикан?!

Харчанд уринмасин, Ёрқиной ноҳуш хаёллар ўровидан кутуломасди. Охири толиқди-да, кўзи илинди. Шу орада туш

курди: онаси Биби Сақро жаҳulgа минганд, ҳадеб уни койиб ётганмиш. “Нега бунча ғафлатдасан!” – дермиш. Чўчиб, кўзи-ни очди. Эшик тақиллади. Сапчиб ўрнидан турди. Лекин шу заҳоти оёғидан қувват кетиб, жойига беҳол ўтириди. Йўқ, у кишига ўхшамайди. Тақиллаш бежо!..

Деразадан қаради. Қизи Доражон билан ўғли Миржалол эшик ёнида: “Ким, ким у?” дейишимоқда. Ташқаридан келган овозни танишмади, чамаси, ҳадеганда очишмади. Бир маҳал Доражон эшик тирқишидан мўрзлади-да: “Вой, ая!” деганча онаси ётган хона томонга чопди.

– Ая, ая, адамнинг бошлари боғланган. Бегона одамлар ҳам бор.

– Вой, ўлай! – Ёрқиной қаёқдан куч пайдо қилди, билмайди. Эшикка югурди...

Эшикда ранги қув учган, боши танғилган Миртемир беҳол туарар, ёнида икки оқ ҳалатли ва бир миршаб бор эди. Миртемир Ёрқинойни, унинг ортидан жовдираб туришган болалирини кўрди-да, жилмайишга уринди.

– Ҳеч гап эмас, қўрқманлар, – деди-да, осто надан дадил ҳатлади. Сўнг ортига қараб: – Қани, меҳмонлар, ичкари ки-ринглар. Сизларни ҳам ташвишта кўйдим, – деди жилмайиб. – Доражон, қизим, чой қўйиб юбор. Онаси, овқатни келтир... Кейин, кейин гаплашамиз. Ҳаммаси яхши!..

– Эртаси куни истар-истамас гапириб бердилар, – деди Ёрқиной опа берилиб тинглаётган ҳамширага ўйчан кўз тикканча. – Ўша мусиқанавис дўстлариникидан чиқиб, трамвай бекатига келиб турган эканлар. Соат ўн бирлар экан. Учта ўрис киши олдиларига келиб папирос сўрабди, берибдилар Кейин пул сўрашибди. “Пулим йўқ”, дебдилар. Учовлари чўнтаклари ни кавлаб, бор-йўқ пулларини қоқлаб олишибди. Атрофда зоғ йўқ эмиш. Пулни олгач, индамай кетаверишмабди-да, хархаша бошлашибди. “Нега алладинг, пулинг бор экан-ку”, деб ҳар ёқдан туртқилашибди. Охири жанжал чиқиб, муштлашиб кетишибди. Битта барзангиси қўлига суюқдан ясалган бир нарса тақиб олган экан, шу билан домланинг чаккаларига урибди. Домла жон ачниғида бақириб юборибдилар. Бошқасини эсломайдилар. Кўзларини очсалар, дўхтирхонада ётибдилар. Домла дарҳол ўзларини тетик тутиб, мени тезроқ уйимга олиб боринглар, деб туриб оладилар. Уйимдагилар хавотирланиб, кўркиб ўтиришмасин, дейдилар-да... Шу қадарлик оиласларвар, бола-

парвар эдилар домла раҳматли... Бир неча кунгача ўзларига келолмай юрдилар, кўп қон йўқотган эканлар. Дўхтирлар уйга қатнаб муолажа қилишди. Домла хиёл ўзларига келгач, бир кун қаёққадир кетиб, уйга жуда ҳаяжонда қайтдилар.

— Биласанми, аяси, менинг жонимга ким оро кирган экан? Оддийгина бир аёл... Қойил қолдим эшишиб. Эркакнинг ишини қилибди, омон бўлгур!..

Кўп ўтмай, қандайдир маърака қилдик. Ҳайтовур домланинг омон қолғанликлари шукрига худои қилғандик, чамаси. Шунга домла ўша жувонни ҳам айттириб келдилар. Исмлари Санобархон эди. Кўҳликкина... ҳозиргина эсладим, худди сизга ўҳшаб кетадиган яхшигина жувон эдилар... Умридма биринчи марта кўриб турибману, кўзимга шундай иссиқ қўринлики, ўз синглимдек бағримга босдим. У шўрлик бўлса хижолат торгади. “Мен нима қилибман бунча? Бошқа одам бўлгандаям шу ишни қиларди-ку”, дейди... Мехмондорчилик тутаб, уйига кетаяптию қўлига совфа-салом тутамиз, қаники олса. Бунақа уятчан, камсуқум зёлни сира кўрмаганман... Домла Санобархонга энди қиёматлик ака-сингилмиз, тез-тез келиб туринг, деб қайта-қайта тайинлагандилар. Лекин ийманди, чамаси, жувон бошқа келмади... Ӯшанда қизчаси ёнида эди. Жажжигина, соchlари жамалак, тийраккина қизалоқ эди. Демак, ўша сиз бўлгансиз-да. Уни қаранг, қизим, тор тор билан учрашмайди, одам одам билан учрашади, деганлари рост экан-да! Айтмоқчи, отингизни сўрамабман...

— Отим Раҳима, аяжон. Менам яхши эслайман буларнинг ҳаммасини. Ӯшанда меҳмонлар мана шу хонада ўтиришганди-а?.. Мен кирмаганцим. Даҳлизларингта бақамти хонада арча бе-затиғлик эди. Бундан чиқади, Янги йилдан олдин ё кейин экан. Аямдан ажраб, ўша уйчага кириб олдим. Ёш болалар кўп эди; бирга ўйнадик... Бу ерга келаётib сийим роса қулогимни пишитган эдилар: “Катта бир олимнинг уйига бораяпмиз, меҳмон кўп бўлади. Иложи бўлса, ҳовлидами, бошқа хонзодами ўтира тур”, дегандилар. Уйга қайтаётганимизда эса роса хурсанд бўлиб, нуқул сизларни мақтаб боргандилар: “Жуда яхши одамлар экан. Сира катталикни билишмас экан, одамнинг жони экан”, деб... Ойим раҳматли кўп йиллар ўша кунни эслаб юрдилар. Кейинчалик телевизорлар чиқди. Миртемир домла ойнаи жаҳонда кўриниб қолсалар. ойим дарҳол мени чақирадилар. “Ана, Раҳима, шоир бобонг. Вой, тавба, шундай улуғ одамта

қўл кўтаришганди-я”, дердилар бош чайқаб... Айтмоқчи, ая, бозорилар нима бўлган, қамалғанмиди?..

— Ўшанда биринчи кун иккитасини тутиб олишган экан. Кейин учинчисини ҳам қидириб топишибди. Учалови ҳам завод ишчилари экан... Бир куни уйимизга икки хотин кириб келди. Йиглаб сиқташди. Бирори ўша — домлани урган барзангининг хотини, бирори синглиси экан. “Гуноҳидан ўтинг. Учта боласи бор, етим қолмасин”, дейиши. Домла уларга қаттиқ гапирмадилар. “Агар энди бозорилик қилмайман, одамларга зарарим тегмайди, деб сўз беришса, уларга ҳеч қандай даъвом бўлмайди”, дедилар. Судда ҳам шу гапни айтибдилар. Лекин суд барибир уни қамабди. Шерикларига эса енгилроқ жазо берибди... Ҳа, домла ана шунаقا бағри кенг одам эдилар, иложини топсалар, яхшиларни бошларига кўтарардилар. Лекин ёмонга ҳам ёмонлик қилишни ўзларига эп билмасдилар...”

* * *

Менинг бу ҳаётий вөқеани сиз, азиз китобхонларга Орзикул Эргаш ёрдамида ҳикоя қилиб беришимдан мурод сизни Миртемир ҳаётида юз берган турфа кўргиликлар билан ҳам таништириш, шундай машаққатли қисматни бошдан кечирганига қарамай, унинг олижаноб ва меҳридарё Инсон бўлиб, инсонпарвар ва ватанпарвар Шоир бўлиб қолганини айтишидир. Шу билан бирга, сизнинг эътиборингизни яна бир нарсага қаратиш хоҳишим ҳам йўқ эмас. Бу, курраи заминда тунги қароқчиларга ўхшаш номард инсонлар билан бирга, Санобархонга ўхшаган ажойиб аёлларнинг ҳам борлигицир. Улар вужудида зулмга қарши кураша оладиган катта куч бўлмаса-да, улар юрагида буюк Мехр ва Мухаббат яшайди. Миртемир бутун умри давомида ўнлаб Санобархонларни кўрди ва уларнинг меҳр-муҳаббатлари; дуои фотиҳалари билан зулмни, тужматни, ҳасадни енгиб яшади. У ҳаёт шундай аёллар, улар қалбидаги Мехр ва Мухаббат туфайли гўзал ва абадий бўлишига астойдил ишонди. Агар у: “Оламни нурида муనаввар этган”. “Йифласа, дунёни расо титратган”, “Кулгиси саодат парвариш этган”, “Мехри баҳорида элни яшнатган” сингари олтин сатрлари билан Онани, умуман, Аёлни улуғлаган бўлса, умрининг сунгги кунларида шундай Аёлларни кўзда тутиб, “Сенсиз Ўзбекистонмас”, деб ёзган эди. У балки шу шеърини ёзганида, Санобархонни ҳам назарда тутган бўлса ажаб эмас.

Еттиңчи фасл

ПОКИЗА ОҚИМ

*Қайдадир булоқ бор тоғлар бошида –
Күмуш балиқларнинг сўлим ўлкаси,
Тошларга урлиб тушмоқда оқ сув,
Тўлқинлари тиниқ ва порлоқ инжу.
Қайларга шошасан, покиза оқим?...*

Миртемир.

Чексиз армон

Адабиёт ва санъат қуюшқондан чиқып кетмаслиги ва “пролетар иши”га садоқат билан хизмат қилиши учун ўтган асрнинг 40-50-йилларида партияниң бир неча қарорлари чиққан. Бу қарорларда А.Ахматова, М.Зошченко сингари шоир ва ёзувчилар, В.Мурадели сингари композиторларнинг асарлари “пессимистик руҳда ёзилган”, “совет воқелиги бузиб тасвирланган”, “космополитизмнинг заҳарли гаъсиридан халос бўлмаган” асарлар сифатида кескин талқин қилинган. Одатда, шундай қарорлар чиққанидан сўнг Москвадан олинган топшириқ асосида республикалардан маҳаллий Ахматова, Зошченко ва Мураделилар топиб, улар пўстагини қоқиш талаб этиларди. Шундай мафкурий тазийклар таъсирида узоқ вақт давомида адабиёт ва санъат асарларида ҳақ гапни айтиш, шоирларнинг лирик кечинмалари ва ҳис-туйғулари мужассамланган асарларни ёзиш имконияти бўлмади. Хорижий матбуотда совет давлати “зулм салтанати” сифатида таърифлана бошлади. Бундай ёрлиқдан халос бўлиш мақсадида давлат ва партия раҳбарлари адабиёт, санъат ва матбуотта бир оз эркинлик беришга қарор қилдилар. Тарихга “хрушчёвча илиқлиқ” ифодаси билан кирган шу даврда, бошқа ижодкорлар қатори, Миртемир ҳам эркин нафас ола бошлади.

У ҳаётининг мушкул кунларида тушида онасини кўрар, она руҳи бу мушкулотлардан безовта бўлаётганини сезиб изтироб чекар, унинг қалбидағи абадий армон шу изтироб алангалари билан туташиб, шоир қалбини кемирар эди. У шундай кунларнинг бирида, ярим тунда, она хотирасига бағишиланган шеър ёзиб, унга “Фашлик” деб сарлавҳа қўйди. Бўғизида

бўғилиб турган сўзларни айтиб олгани, кўнглида тугун бўлиб турган тўйфу ва кечинмаларини қофозга тушира олганидан мамнун бўлиб, ниҳоят, бошини ёстиққа қўйди.

Миртемир кеч ётганига қарамай, тонг саҳарда уйғониб, юз-кўлини ювиши билан, нонуштага ўлтирмай туриб, шеърни ўқиб чиқди. Шеърнинг дастлабки сатрларини ўқий бошлиши билан яна кўзларида дув-дув ёш қалқди. Севимли онасини эслаб, яна тунги изтиробли ҳолатга кирди. Бироқ шу пайт унда, чақмоқ чақиб, яшиннинг оловли учқуни бошига дафъатан келиб тек-каңдек, ўзгариш юз берди: қулоғига кимларнингдир “пессимизм!”, “пессимизм!” деган дағал овозлари эшитилди. кимларнингдир совуқ башаралари кўриниб кетди... У тундлашиб, ҳовлига чиқди.

Ёзният сўнти латофатли кунлари эди. Ҳовлидаги дов-дараҳтлар устига тилла ёмғир томчилари туша бошлагандек, гўзал бир манзарани ҳосил қўлган. Шоир табиатнинг бу гўзал ўйинини томоша қиласа экан, хаёлида яна икки-уч ойдан сўнг дов-дараҳтларнинг тилла баргларидан жудо бўлиб, ялангоч бўлиб қолажаги, аммо баҳор келиши билан уларнинг янги ва ёш барглар билан қопланажаги кўз олдига келади. “Табиат доим янгиланиб туради. Табиат билан бирга инсон ҳам янгиланади. Ўзининг эски либосларини ташлаб, янги либосларга бурканади”, деган фикр унинг хаёлидан утди. Бу, табиатнинг қонуни экан, нега эскирган қарашлар, увядаси чиққан фикрлар яшашда давом этади? Шеърият – шоир қалбидаги бўронларнинг яшаш майдони эмасми? Шоир қалбидаги бўронлар эса осмондан тушмайди, ҳаётда, жамиятда рўй бериб турган воқеалардан туғилади-ку, ахир!..

У хаёлида чарх урган шундай фикрлар кучи ва даъвати билан шеърни ўша куни “Ўзбекистон маданияти” газетасига элтиб берди. Лекин бир-икки ой ўтса ҳамки, газетадан садо бўлмади. “Бизга ёшларни ватанпарварлик руҳида тарбияловчи шеърлар керак. Ленин, Октябрь, партия тўтрисида шеърлар ёзиб келсангиз яхши бўларди. Сиёсатни биласиз-ку, домла!” – дейишиди.

Миртемир учун шунлай мужмал кунларнинг бирида Ёзувчилар уюшмасида мажлис ўтказиладиган бўлди.

Шоира Зулфия шу куни бўлиб ўтган воқеани эслаб, бундай ёзган эди:

“1960 йилнинг кузи.

Ўзбекистон Ёзувчилар уюшмаси. 1-Май кўчасидаги бинода ёзувчиларнинг очиқ партия мажлиси. Поэзияда лирик шеърлар қувғиндан қайтаётган ажойиб пайтлар.

Унча ҳам тўла бўлмаган залнинг биринчи қаторида ўтириб-миз. Миртемир домла билан ёнма-ён. Ҳайъат раёсатига домлалар: Ойбек, С.Бородин, Faфур Ғулом, Комил Яшин, М.Шевердин, Уйғун, партия комитетининг гаддор котиби¹; муҳим масала. Жуда жиддий доклад ва сўнг музокаралар.

Бирдан қўл кўтариб Миртемир оға сўз сўрадилар:

– Бу мажлисда шеър ўқиши мумкинми?

Рухсат берилгач, минбарга ҳам ўтмай, киссадан икки букланган, ҳамиша шоир ўзи ишлатадиган оппоқ қалинроқ қорозни олиб, кўзойнақни тақадилар.

– Мен бир шеър қоралаган эдим, икки-уч редакцияга бош суқиб чиқдим, олиб қоладилар, уч-тўрт кун кутгач, хабар оламан. Газета адабий ходимларидан бири “бўлмас экан”, деб қайтариб беради. Нима учун бўлмас экан, бир хато, камчилиги бўлса, айтинглар, мен кўриб берай, дейман. “Бунақа шеърни босолмаймиз”, дейдилар. Балки ҳакиқатан ҳам ўзим сезмай бирон хатога йўл қўйгандирман? Мен тушунмадим. Ўқиб берай, айтинглар. Мен хафа бўлмайман.

Ҳамиша юмшоқ, сергак нигоҳли кўзлари мунг тўла бир ҳайъатга, бир залдагиларги қараидилар.

– Ўқинг, ўқинг! – деган кўп овозлар шоирга далда берди шекилли, хиёл жилмайиб, ҳаммага “раҳмат” сўзини пичирлаб, сўнгра шеър ўқидилар...

Шеър “Fashlik” деб номланган эди.

Миртемир шеър сарлавҳасини эълон қўлгач, залга секинаста шоир қалбининг кўз ёшлари билан тўла нолалари оқиб туша бошлади:

Товонимга чақир тиканакдай ботгувчи – fashlik,

Бедаво сизловиқдай сизлатгувчи –

fashlik.

Жигаримни қиймалаб аҳён-аҳён

Чучварага чеккувчи –

fashlik.

Мени ўйлаб нотавон ва нимжон.

Fashimga теккувчи –

fashlik.

¹ Унча даврда Ёзувчилар уюшмаси партия ташкилистига котиб бўлган В.Мильчаков назарда тутилган.

*Суякларимни сирқиратиб,
оч тезатдай гажигувчи
Кўзимга ёш тирқиратиб,
жигилдонимда аччик бўладай ачигувчи — ғашлик...
Дунёга қайта келишимга кўзим етсайди,
Йигит ёшим тўлмай туриб,
Айрилиқ зайдида қоқ ёючдай қуриб,
Жон берган онамни кўришимга
кўзим етсайди,
Тиззасига бир нафас бош қўйшишимга
кўзим етсайди,
Оналик меҳрига обдон тўйшишимга
кўзим етсайди,
Оқ сутингни оқлай, дейшишимга
кўзим етсайди,
Менда ғашлик нетарди?*

Зал бундай кўз ёшлари фаввора бўлиб отилған шеърни шу вақтга қадар эшилмаган эди. Бу ҳасрат тўла сўзларни эшишиб, кимларнингдир бадани жимиirlаб кегди. Кимлардир нима бўлаётганига, бу нотаниш алам қандай қилиб шеърият кечасида эмас, очиқ партия мажлиси минбаридан туриб жарангләётганига ахл бовар қилолмас эди.

Шоир эса, худди бу ҳол билан иши йўқдек ўқишда даво этар эди:

*...Янтоқ ўтинидек,
Тамаки тутунидек
Тонг пайтида таралган бадбаҳтлик тундек
Чексиз фазоларга тарқаб кетарди!
Онагинам!*
*Одам бўлдимми менам?
Йигит ёшимгача бир челоҳ сув келтириб
бермаган бўлсан
Ё ташналигинеда бир коса шарбат тўлдириб
бермаган бўлсан,
Ё нон ёпишинг учун
Ҳатто бир йўла, бир кун
Саҳродан ўтин орқалаб келмаган болангман...*

Шоир бу сатрларни ўқир экан, бир оз тўхтаб қолади: унинг нафас йўллари мунг ва ёш билан тўлиб қолган эди... Аммо бирор дақиқа ўтмай, ўзини тутиб олиб, давом этади. Залда буюк сукунат салтанати ҳокимлик қила бошлаган эди. Шоир ўқиётган сатрларда XX асрда шўролар юргида яшаган барча кишиларнинг ўчмас дардлари марказлашгандек эди..."

Зулфия ўша унугилмас кунни эслашда давом этиб, ёзади:

"Мажлис аҳлида сукунат. Фақат ўталмаган бурч, қарздорлик ранжи ва онага кўрсатилмаган меҳрдан афсус туйғулари, назаримда, ҳамманинг ҳам дилига яқин куйдиргич сўзлар эслатма сингари кириб боради..."

Менинг юрагимда бошланган титроқ, бир ранж қурдати афсус, дакки, надомат тўлқини бўлиб соchlарим учигача етиб, титроққа солди. Ўз онамни ўйлайман ва шоирнинг сўзларини онамга такрорлайман дилимда.

Шеър ўқилди, қарсак чалиндими, чалинмадими, ҳозир эсимда йўқ. Кўз ўнгимда шоирнинг бутун борлиги асаб ва кутиш бўлиб, тик турган қиёфаси, у худди ҳукм қутгандай гоҳ залга, гоҳ ҳайъатга қарайди.

— Нимаси ёмон, жуда яҳши шеър, — дедилар Faфур Fулом.

Яна сукунат чўқди. Бошқа ҳеч ким бир нима дея қолмади. Шеър менга ҳам жуда ёққанди. Қаердан журъят олдим, зотан, журъат ҳам керак эмас. Мен жойимдан турдим-да:

— Рухсат этсанглар, шу шеърни биз "Саодат"¹га оламиз, қолгани ҳақида домла билан келишиб оламиз, — дедим-да, шоир ёнига келиб ўтирасданоқ қўлларидаги шеърни олишга шошилдим..."

Зулфиянинг гувоҳлик беришича, Миртемир шеърни қайси таҳририятнинг рад этганини айтмади. Бундай олижаноблик, Зулфия назарида, шоирнинг ҳамишалик фазилатлари бўлган.

Шу куннинг эртасига Миртемир "Ўзбекистон хотин-қизлари" журналига келиб, шеърни Зулфия билан бирга синчилаб ўқишиди. Унинг таклифи билан шеър сарлавҳаси "Онагинам" деб ўзгартирилди, шунингдек, "шеър табиатига, оқимига, асосий роясига кўра заифроқ иборалар" таҳrir қилинди. Кўп ўтмай, XX аср ўзбек шеъриятининг бу дурдоналаридан бири "Ўзбекистон хотин-қизлари" журнали орқали² минглаб ўзбек китобхонлари ва журналхонларининг хонадонларига кириб борди.

¹. Мазкур журналнинг номи ўшанда "Ўзбекистон хотин-қизлари" эди.

². "Онагинам" шеъри журналнинг 1960 йил 9-сонида босилган.

• • •

“Онагинам” шеъри тўғрисида сўз борар экан, Миртемирнинг шогирдларидан бири Азиз Абдураззоқнинг устози ҳақидаги бир хотираси ёлга келади.

Кунларниң бирида Миртемир шу дарвештабиат шогирди билан отамлашиб ўтирад экан, кутилмаганды Азиз Абдураззоқнинг шу вақтта қадар уйланмаганига эътибор бериб, бу нозик ҳолнинг сабаблари билан қизиқсинали:

— Сен қачон уйланасан? — деб сўрайди шогирдидан. — Ёки онанг қиз тополмаяптими? Совчиликка юрмаяптими? Юр, мени уйингта олиб бор. Онанг билан гаглашиб, маслаҳат қилайлик, ахир

Азиз Абдураззоқ жон-жон деб рози бўлди. Негаки, Миртемир шу вақтта қадар шогирдининг уйига қадам босмаган эди. “Устозни олиб борсан, онам хурсанд бўладилар. Домлани фойибона танийдилар. Болаларниң устози келибди, деб бошлари осмонга етади”, деб ўйлади шогирд.

Хуллас, устоз билан шогирд дастурхонга фотиҳа ўқиб, йўлга чиқишиди. Бироқ шогирдининг уйига яқин қолганларида Миртемир кўққисдан сўраб қолди:

- Менга қара, Азиз, онанг намоз ўқийдими?
- Ҳа, канда қилмай ўқийдилар, — жавоб берди шогирд.
- Ундай бўлса, уйларингга бормайман, — деди Миртемир.

Диний урф-одатларга қарши кураш авж олган йиллар эмасми, шогирдининг хаёлига ҳар хил фикрлар келди. Буни сезган Миртемир:

— Жиндек нўш қилганмиз, Азиз, — деди. — Яхши эмас, онанг сезиб қолса, ранжиди. Сен ҳам кайфингни тарқатиб, кейин уйингта киргин.

Улар шу ерда хайрлашадилар.

Азиз Абдураззоқ шу воқеани эслаб, она устоз Миртемир учун қандай муқаддас сиймо эканлигини айтиб юрар эди...

* * *

1960 йилда “Онагинам” шеърининг яратилиши ва бир оз қийинчиллик билан бўлса-да, матбуот саҳифаларида эълон қилиниши жамият ҳаётида кеча бошлаган ижобий ўзгаришларнинг самараси эди. Миртемир шўро жамиятидага юз бера бошлаган шу ўзгариш ва уйғонишни ўзбек адабиётида биринчилардан бўлиб пайқаган эди. “Онагинам” шеъри кўп ўтмай, рус тилига

таржима қилиниб, ҳатто Москва радиоси орқали ҳам ўқиб эшигтирилган. Ўзбек шоирининг бу шеъридан мугаассир бўлган радиотингловчилардан бири - Свердловск шаҳрида истиқомат қилган Лисенко фамилияли аёл Москва радиосига ҳат ёзиб, “Онагинам” шеърини тинглаб, ғоят таъсиrlанганини айтган ва шеър муаллифи Миртемир ҳақида радиоэшигтириш ташкил қилишларини илтимос қилган эди.

“Кумушбиби” билан учрашув

Олтмишинчи йиллардан бошлаб Миртемир ҳаётига илиқ шабадалар кириб кела бошлади. “Ўтирган бўйра, юрган дарё”, деганларидек, шоир шу йилларда икки қардош ҳалқнинг буюк шоирлари - Фузулий ва Маҳтумқули юбилейларида, турли шаҳар ва республикаларда бўлиб ўтган адабий учрашув ва анжуманларда иштирок этди. Бу ҳол шоир ижодига янги мавзулар, янги қаҳрамонлар, янги ҳис ва туйғуларнинг кириб келишига сабаб бўлди. У шундай тадбирларда иштирок этишдан ташқари, қаламкаш биродарлари билан бирга республика бўйлаб ижодий сафарларга чиқиб, олам-олам таассуротлар билан қайтди.

1962 йилнинг баҳор ойларида Фарғона водийси бўйлаб ижодий сафар ўюнтирилган. Афсуски, Миртемирнинг ўзи ҳам, унга ҳамроҳ бўлган ёзувчилар ҳам шу сафар тўғрисида бирор аниқ хотира ёзиб қолдиришмаган. Шунинг учун ҳам бу сафарнинг қачон ва қаерда бошланганидан қатъни назар, аввал Миртемирнинг Олмос қишлоғига бориб, шу ерлик дала қаҳрамонлари билан бўлиб ўтган учрашувлари ҳақида баҳс юритсак. Бунинг боиси шундаки, шу сафарда иштирок этган Сайд Аҳмад ҳам, Азиз Абдураазоқ ҳам сафардошлиларидан яна бири Йўлдош Шамшаров номини тилга олмаганларидек, Наманганнинг Олмос қишлоғига боргандарини ҳам “унутиб қўйганлар”. Ҳолбуки, Ёзёвон чўлларида бўлиб ўтган учрашувлар таъсирида Миртемирнинг бир неча шеъри, Сайд Аҳмаднинг эса “Чўл шамоллари” тўпламига кирган қатор ҳикоялари дунё юзини кўрган.

Миртемирнинг Ёзёвон чўлларига қилган сафари бизга Йўлдош Шамшаров хотиралари орқали маълум бўлғанлиги сабабли сиз, азиз китобхонлар эътиборини шу хотира лавҳаларига жалб қилсак, балки, ўринли бўлар.

“Ўша кунлари биз, – деб ҳикоя қилган эди “Чироқ” романни муаллифи, – Тошкентдан келган Миртемир, Сайд Аҳмад, Аэзиз Абдураззок, водийдан бизга қўшилган Адҳам Ҳамдам ва Жалол Машрабий каби бир гурӯҳ ёзувчилар, Ёзевон чўлларини айландик. Янги барпо этилган қишлоқлар, янги ташкил этилган районларда бўлдик. Бу ерлар энди чўл эмас, аввалги чўлдан асар ҳам қолмаған эди. Марғилоннинг обод яшил боғли қишлоқларига бўй бермас эди, бу ерлар. Шу ерларда неча-неча гурунглар бўлди. Бу гурунгларда улоқни Сайд Аҳмад билан Адҳам Ҳамдам олиб кетди. Аммо Миртемир тинч дарёдек жимиб қолган эди. (Бунинг боиси билан кейинроқ танишамиз. – Н.К.) У гоҳо ўзини гурунгдан ҳоли тортиб кетарди. Ҳаёл оғушида жим юрар, ногаҳон тўхтаб қолар, кўлини осмонга чўзиб, ложувард бўшлиққа нималарни дир ёзар, уларни гўё ўчириб ташлагандек бўлар, қайта ёзар, аллақаерларига вергуллар, нуқталар кўяр, яна ўчириб, яна ёзар эди.

Унинг бу ҳолати синашта бўлмаган кишилар учун тушучарсиз, ҳатто кулгили эди.

– Домла ўзи билан ўзи банд, шеър этиляпти, – деди Жалдоҳон.

– Шу шеър битгадию Миргемир акам “тилга кирди”, – деди Сайд Аҳмад.

Кечкурун Миртемирнинг кайфияти ўзгариб, хушхол “тилга кирди”. Кулишдик.

Биз водийнинг Олмос қишлоғида, булоқлар бўйида дам олдик. Булоқ суви шаффоф бўлғанлиги учун осмондаги булуғлар ҳам унинг мавжларида сузиб юргандек бўлади. Булоқ кўзларидан қайнаб чиқсан сув кўкимтири-оқ кумни муттасил селпиб туради. Балиқлар юмшоқ қумга тўш уриб сакраб ўйнашади.

Шеъир шу қишлоқлик, шўро давлати бино бўлғандан бери кўп ишларга бош-қош бўлган Эргаш полвон Сулаймонов билан булоқ лабида узоқ сұхбатлашиб ўтириди. У кўпроқ полвонни гапга солиб, ўзи эшилтиди. Кейин бармоқларини қирсиглатиб, лаблари пичирлаб якка сайр қилди. Эргасига қишлоқ аҳолиси билан бўлган учрашувда Миртемир бир эмас, иккита янги шеърни ўқиб берди...

Миртемир ўқиб берган шеърлардан бири Эргаш полвонга бағишиланган “Оқсоқол” шеъри бўлиб, унда олмослик кекса қаҳрамоннинг турвиқор образи яратилган. Ҳозиргина Йўлдош

Шамшаров тасвиirlаб берган кўл манзараси шоирнинг иккинчи шеъридан камалак ранглари билан бундай товланиб туради:

*Табиат бу жойда нечоғлик жўмард:
Ховуз тагларида қаиназ чашмалар,
Чашмалар шилдири сўйлайди налар?
- Бир ҳўплам ич, - дейди, - кўрмагайсан дард!*

*Табиат бу жойда нечоғлик сулув,
Инсон табиатнинг ўкли бу жойда.
Минг булоқ жўш урар жарда-ю сойда;
- Бир қултум ичгин, - деб жилдираиди сув...*

Бу гўзал сатрлар, рассом сингари табиат бағрига чиқиб, унинг ҳусн-жамолини ўз кўзи билан кўрган, ундан завқ олган, ўзини шу гўзал табиатнинг фарзанди деб ҳисоблаган шоир қалами билан ёзилган.

* * *

Йўлдош Шамшаровнинг бизнинг талқинимиздаги сўзларига бир оз изоҳ бериш зиён қилмаса керак. Гап шундаки, Миртемир одатда бирор сафарга борса, шу сафардан олган таассуротларини гоҳ шеър тарзида, гоҳ сочма тарзида қоғозга туширас ва Тошкентга қайтиб келганидан сўнг, улар устида ишлаб, сочма шеърларга бадмиятнинг олтин кукунларини пуларди. Сўнгра дилига яқин ёш дўстларини уйига таклиф этиб, улар назаридан ўтказиб оларди. (Мен ҳам шундай пайтларда бир неча бор ишгиrok этганман.)

Туркистонлик дўстларим Фаффор Мўминов, Ҳусан Рўзметов, баъзан Носир Фозилов билан бирга борганимизда, Миртемир ака кўпинча ҳовлининг нариги бетидаги ижодхонасида ишлаб ўтирган бўлар, биз қеннойининг қистови билан шоирнинг ўзи чиқиб келмагунига қадар меҳмонхонада чой ичиб, сухбатлашиб ўтирадик. У баъзан ижодхонаси олдига чиқиб, ҳали ҳам “образ”дан чиқмаганлиги сабабли, қўлини кўкка узатиб, худди шеърий сатрлар ёзгандек бўлар, сўнг уларни кўл ҳаракати билан ўчирав, янги сўз ва янги сатрларни ёзар, агар “тайёр бўлган” шеърдан кўнгли тўлган бўлса, яна қўл ҳаракати билан мих қоққандек, хитоб белгисини қўярди. У кўпинча шундай усул билан шеър ёзарди. Бу, биринчи изоҳ.

Иккинчи изоҳ шуки, Миртемир ғоят камтар ва камсуқум кишилар қавмидан бўлган. Аммо ҳазил-мугойибага чечан кишиларнинг уни назар-писанд қилмай, бачканга ҳазил-хузулларга эрк беришларини хуш кўрмас, буни ўзига нисбатан ҳақорат деб қабул қиласа эди. Мазкур сафар чоғида ҳам шундай ҳоллар бўлган. Faфур Fулом қаршисида тишининг оқини кўрсатмайдиган Саид Аҳмад билан Алҳам Ҳамдам унинг олдида ноjё ҳазил-хузил қилибгина қолмай, ҳатто ижодий тўлоқ ҳолатидаги шоир устидан кулишгача боргандар. Шундай ҳолларда Миртемирнинг асаби бузилиб, ўзини даврадан четга тортган.

Келинг, масалани жиддийлаштирумай, Фарғона сафарининг дастлабки кунларига қайтайлик.

* * *

Саид Аҳмаднинг “Уйкудаги маликалар” деган ёдномасида ушбу сафар ҳақида бундай сўзлар ёзилган:

“Марғилонга борганимизда шаҳарнинг эски маҳаллаларини айланганимиз. Отабек юрган йўлларни кўргимиз келди. Шундай кезициларимизда паранжи ёпиниб, сачвони билан ўзини еллиб келаётган ниҳоятда кўҳлик жувонга рўпара келдик.

— Ана, — деди Миртемир домла, — Кумушбиби келаяпти.

У Абдулла Қодирий тасвирлаган Кумушбибининг худди ўзи эди. Жувон бизга яқинлашганда бетига сачвон тутиб олди. Шудакиқалан бошлаб домла камгал бўлиб қолди. Гап сўрасак, узуқ-юлуқ жавоб берди. Хаёли нима биландир банд...”

“Ўша илк баҳор кунларида Марғилон шаҳрида бўлдик, — деб ёзган эди Йўлдош aka гўё касбдоши бошлаган ҳикояни давом эттиргандек. — Тор кўча муюлишида бетига дока тутган, атлас кўйлакли қиз ногаҳон рўпарадан чиқиб қолди. Бир қиё бокиб, ҳовлига ўзини олди. Бу тасодифдан ҳамроҳлар нимагадир енгил кулдик, қизни машҳур адаб Абдулла Қодирий таърифлаган, бир кўришда Отабекни ошиқи бекарор қилган Кумушга қиёс қилдик...”

Азиз Абдураззоқ эса мазкур сафар тўғрисида анчагина муқаммал ва ишонарли маълумотни берган:

“Сафаримизни, — деб ёзган шоир, — Намангандан бошлаб Кўқонда тутатдик. Наманганде ҳам, Андижонда ҳам қувнаб, хушчақчақ юрган домла Марғилонга келганимизда паришон бўлиб қолдилар. У ерга кечаси етиб келиб, эски меҳмонхона-

нинг каттароқ номерига жойлашдик. Эртаси азонлаб Жалол Машрабий келиб, биз билан ҳол-аҳвол сўрашганда домла рўйхуш бермагандай сокин эдилар. Нонушта пайтида ҳам хаёл суриб ўтирибдилар. Биз нонушта қиляпмиз, домла деярли ҳеч нарса емайдилар. Узатилган чойни ҳам столга қўйганча совиб қолганидан бехабар ўтирибдилар. Биз ҳам ҳайронмиз, ҳам хижолат чекяпмиз. Бир маҳал уч-тўрт вараг қофоз олиб олдила-рига қўйдилар-да, ниманидир ёза бошладилар. Нонушта тугаб, ўрнимиздан турганимизча бир саҳифа, ўз таъбирлари билан айтганда, “ажи-бужи” бўлиб қораланди. Биз Фарғонага бори-шишимиз керак эди. У ердан ўша вақтда вилоят “Коммуна” газе-тасининг муҳаррири бўлиб турган Адҳам Ҳамдам бизга маши-на юбориб, редакцияда кутиб турган экан. Йўлда биз сұхбат-лашиб кетдик. Домла жим. Қўлларида қофоз, қалам. Нималар-нидир пичирлаб, бир-икки сатр ёзиб қўядилар. Фарғонада Ад-ҳам Ҳамдамдан илтимос қиласидилар.

— Адҳамжон, айбга буюрмасангиз, редакциянгизда бирор бўш хона топиладими?

— Нима, биронта жонон билан маҳфий сұхбатингиз борми?

— деб сўради Алҳам Ҳамдам одатдаги ҳазилкашлик билан.

Домланинг қовоқлари уюлди. Адҳам Ҳамдам у кишининг кайфиятини сезиб, дарров кабинетига олиб кирди.

— Мана шу хона сизнинг ихтиёргизда.

Биз бошиқа хонада сұхбатлашиб ўтирдик.

— Сизлар бир из қолдириб кетинглар, — деди Адҳам Ҳамдам,

— Саид Аҳмад, сен бир ҳикоя бер, домла билан Азиз бир дона-дан шеър беришсин. Газетамизда подборка қилиб чиқарайлик.

Биз рози бўлдик. Саид Аҳмадда “Юк” деган тайёр ҳикоя бор экан, берди. Мен ҳам ўша вақтда ўзим яхши кўрган, аммо ҳозирда бемаъни кўринган “Кекса чинор дейдики...” деган шеъримни бердим. Кейин домла ўтирган хонага бош сукдим. Домла: “Хўш, хизмат?” дегандай менга ўгирилиб қарадилар. Мен битта шеър беришлари кераклигини айтдим.

— Мени тинч қўйинглар! — дедилар домла. — Ўзларинг маш-хур бўлаверинглар, мен шеър бермайман!

Эшикни секин ёпиб қочдим. Роса мулзам бўлдим. Ростини айтсам, домлани бу даражада ғазабкор кўрмаганман.

Фарғонадан Қўқонга келдик. Домла ўша-ўша хаёлчан ва паришон. Эртаси эрталаб чехралари очилиб, саломимизга ту-зуккина алик олдилар.

— Болам, юр, редакцияга борамиз, — дедилар менга.
Бу орада Сайд Аҳмад қаергадир, театрғами қетган эди.
Шаҳар газетасининг редакциясида машинисгка қизга диктоворка қилдилар. Шеър машинкадан чиқди. Кейин уни ўқиб, Сайд Аҳмад тўлқинланиб табриклиди. Кейин менга:
— Домлангнинг дардини билмаган эканмиз, зўр шеър туғиби. — деди.
Бу Миртемир домланинг энг сара асарларидан “Пардалик” деган шеър эди”.

Азиз Абдураззоқнинг кинематографик аниқлик билан ёзилган бу хотирасидан сўнг, Марғилон кўчаларида кетиб бораётган шоирни кўз олдингизга келтиринг. Мана, шоир қаршисидан кимсан, “Кумушбиби”нинг худди ўзи чиқиб қолади.

... Шунда дафъатан —
Қадимдан тегажсоқ, шайдойи шамол
Пардангни кўтариб қочди йироққа.
Қамашди кўзларим... Уҳшаб чақмоққа
Бир ярқираб ўтди тўлин ой жамол...

Бу дебоча сатрлардан сўнг шоир “Кумушбиби”нинг парисимон чехрасини меҳр билан тасвирлайди. Шоирнинг ёниқ туйгулари порлаб-балқиб турган сатрларни ўқир эканмиз, “Кумушбиби”нинг Абдулла Қодирий романидаги гўзал образи кўз ўнгимиизда қад кўтаргандек бўлади.

*На билакузуклар, гавҳар бадоқлар,
На атлас кўйлакнинг қичик бурмаси,
Юлдуз кўзларингнинг тұрма сурмаси,
На тақинчоқлар,
На хипча белдаги бу баҳмал нимчан,
На шоҳи рўмол —
Пари чиройингга бўла олур хол,
Пари чиройингга қўндиролмас чанг.
Йўқ, бу безаксиз ҳам тенгизсан, тенгиз.
Ҳа, сен безаксиз ҳам шундоқ сулувсан,
Сен баҳорги тушсан, булоқда сувсан,
Бундақа чиройга арзир чўксанг тиз...*

Бу дунёда гўзаликдан бошқа мўъжиза бўлмайди. Табиат

гўзалиги билан Инсон гўзалиигига тенг кела оладиган, сенинг қалбиңгдаги мудроқ меҳр ва муҳаббат куртакларини уйғотиб, гуллатиб юборадиган бошқа куч йўқ, бу дунёда!.. Шоир “Кумушбиби”ни кўриб, шундай буюк ҳайрат оғушида қолган. Аммо...

Аммо шу пайт, Йулдош Шамшаров ёзганидек, “Миртемирнинг чехраси жиддий, ҳатто маъюс тус олди. У дилида қизга ачинар, кимдандир дарғазаб эди шекилли. У ҳеч нима демади, ён лафтариға нималарнидир ёзиб қўйди...” Миртемир Марғилон гўзалининг ҳусн-жамолидан қанчалик таъсиранган ва ҳаяжонга тушган бўлса, унинг пардали қиёфаси XX асрда – буюк техник қашфиётлар ва маданий юксалиш асрида яшаётган шоирнинг руҳий оламига ўтмиш кўланкасини ташлаган эди.

Лекин Миртемир, 50-йилларда паранжига қарши курашган айрим шоирлар сингари, Марғилон гўзалига маломат тошлирини отмайди, ‘бепоён фазода космик кемалар парвоз қилиб юрган бир давр” да унинг рўмол ё пардага ўраниб юрганини юзига солмайди. Балки: “Жамолинг, эсизки, булутда ҳануз, Ҳаёлинг, эсизки, булутда ҳануз”, деб афсус чекади, холос. У шу учрашувдан олган салбий туйгуларини ичига югади.

Сени излаб келдим... Соғинганман-да!

Шеърнинг бу сўнгти сатрини ёзганида, қандай хаёллар Миртемир бошида чарх урганикин?..

Агар шоир Олмос қишлоғида ёзган шеърида табиат гўзалигидан олган ҳиссиёт дурларини шеърнинг олтин ипига зўр маҳорат билан тизган бўлса, “Кумушбиби” билан учрашув унда фалсафий ўйларни уйротиб юборди. Унинг шоирона тасаввурига кўра, гўзалик шундай чароғон ва сеҳркор юлдузки, унинг булувлар куршиовида яшashi асло мумкин эмас.

Биби Марям

Миртемир Фарғона сафаридан кейин, орадан бир-иккى ой ўттач, сиҳат-саломатлигини тиклаб олиш мақсадида Сочидаги санаторийлардан бирига борди.

Шоир қаерта бормасин, агар ёз бўлса. Тошкент бозорига эндиғина чиққан ноз-неъматларни, куз ёки қиши ойлари бўлса.

Туркистондан келган қази-қарталарни олиб борар, ўша жойдаги мәзбонлар ёки ўзига ҳамроҳ ва ҳамсоя бўлган кишиларни меҳмон қилишни ёқтиарди. Ўша сафар Миртемир зарур мева-чеваларни олиб кетишга ултурмаган бўлса керак, ҳар қалай, Сочига кетганидан сўнг, унга бир кути “совға-салом” юбо-ришган. Одатда уйига кам хат ёзалиган шоир бу сафар, оила аъзоларидан хавотир олгани учун хат ёзиб, хат олган.

Шундай хатлардан бири Тўраш кеннойига ёзилган қўйида-ги хатдир:

“Ёрқиной.

Салом. Ҳозир сендан хат олдим. Жуда хурсанд бўлдим. Анча тинчиб қолдим. Посилкалар ҳам ҳозир келди. Бироқ сасиб, майиз бўлиб қолипти. Майли, хафа бўлма, ўтган ишга салавот!

Ўзим анча тузукман. Уй тинч бўлса, биринчигача даволанишига ҳаракат қиласман. Хат олмасдан жуда безовта эдим, бугун жуда хушвақтман. 17 да муддат бишади, бу ерда яхши даволашар экан. Углекислье ванны, грязолечение, электролечение, веерный душ, денгизда чўмилиш ва шундок гаплар. Айниқса, грязъ ва ваннадан кейин 3-4 соат бедармон бўламан. Умуман, бош оғриғи қолди. Эшишишим ҳам тузук. Қулогим ғувулаши асабдан (нервдан) экан.

Мени сўраганларга салом. Болаларни ўтиб қўй — мен учун! Мирзага эҳтиёт бўл, сал гапга косал бўлиб қолади! Болаларнинг дарсини суриштириб тургун. Йил бошидан яхши ўқишиса, кейин қийналмайди. Анажоннинг дарсини суриштириб тургайсан.

Москвага ўтсам, бугун хатда ёзганларингни олишга қунт қиласман. Ҳозир ҳам сенга 2 совға олдим, балки маъқул бўлар.

Хайр. Яхши кунда кўришайлик. Уйга, болаларга эҳтиёт бўлгайсан.

Ҳаммага салом.

Согиниб қолдим:

Миртемир.

13 сентябрь. Сочи.

17 дан сўнг бу ерда рухсат бўлмаса, Гаграга ўтаман. Ёзib маълум қиласман”.

Миртемир Сочидаги “Чайка” санаторийсида даволаниб бўлгач, Гаграга, Кавказдаги ёзувчиларнинг Ижод уйига борди. У аввалдан келишиб қўйган бўлса керак, Ижод уйида кўнглига

яқин кишилардан бири шарқшунос олим ва таржимон Шоислом Шомуҳамедов билан учрашиб, ижодий ҳәётининг энг шукуҳли кунларидан бирини шу ерда у билан бирга ўтказди. Бу 1962 йил кузининг мусаффо ва серфайз кунлари эди. Ўзбекнинг икки ажойиб ўғлони хуш ҳавоси ва хуш манзаралари билан машхур бўлган Гаградаги Ижод уйида маскан қуриб, шөрният ва бадиий таржима оламига гарқ бўлиб яшадилар.

Шубҳасиз, бу жаннатмакон манзилга борган кишининг абҳаз ютидаги меъморий обидалар, бир-биридан гўзал боғ-роғларни зиёрат қилиб, улардан завқ-шавқ олмаслиги нодонлик бўлур эди. Шу важдан улар ёзувчилар учун ўқтин-ўқтин ташкил этилиб турган экспурсиялардан бирида Пишунда ярим оролига бориб, XII-XIII асрлардан қолган бир калисони томоша қилдилар. Бу калисо (чёрков)нинг узоқ асрлардан бери турили табиий оғатлар ва одамларнинг ўзаро можароларига қарамай, ўтмишнинг маданий обидаси бўлиб, сақланиб келиши бежиз эмас эди. Шоислом Шомуҳамедовнинг фикрича, буннинг сабабларидан бири ички безакларнинг бойлиги, нақшлардаги бўёқларнинг гўзал тароватида эди. Аммо Миртемирни ҳайратга солган бутунлай бошқа нарса бўлди. Бу жаҳсигина чакалоги Исони бағрига босиб, баланд гумбаз остидан зиёратчиларга шаҳло кўзлари билан боқаётган Биби Марямнинг мислсиз даражада гўзал тасвири эди.

* * *

“Инжил”нинг “Матто баён этган муқаддас хушхабар” деган қисмида Биби Марям ҳақида бундай сўзлар битилган:

“Исо Масиҳнинг туғилиши шундай содир бўлди: Унинг онаси Марям Юсуфга унаштириб қўйилган эди. Уларнинг ниҳоидан олдин Марям Муқаддас Руҳдан (Худонинг Руҳидан – Н.К.) ҳомиладор экани маълум бўлди. Унинг эри Юсуф эса солиҳ одам бўлиб, Марямни шарманда қилишни истамай, яширинча қўйиб юбориш ниятида бўлди. Буни ўйлаб кўрганидаёқ, Худованднинг бир фариштаси тушида унга кўриниб: «Эй Довуд ўғли Юсуф! – деди. – Сен Марямни ўзингта хотинликка олишдан қўркма; чунки унинг вужудидаги ҳомила Муқаддас Руҳдан (Худонинг Руҳидан – Н.К) пайдо бўлган. У ўғил туғади ва Унинг исмини Исо қўясан; чунки У ўз халқини гуноҳларидан кутқаради. Буларнинг бари эса Худованднинг пайғамбар орқали айтгани бажо келиши учун рўй берди. Пайғамбар:

*“Қиз ҳомилали бўлғай ва ўни түкқай,
Унинг исмини эса Иммануил қўйорлар”, –*

деб каромат қилган эди. Иммануил – “Худо биз билан” демакдир.

Юсуф уйғонгач, Худоваңдинг фариштаси унга буюрганилек қилди ва Марямни хотинликка олди. Лекин у тумагунча унга яқинлашмади. Ниҳоят, Марям ўзининг тўнгич ўелини туғди ва Унинг исмини Исо қўйди¹.

Исо пайғамбарнинг онаси Биби Марям (Мария) ўзга диний эътиқодга мансуб бўлганига қарамай, мусулмон оламида алоҳида ҳурмат ва эҳтиромга сазовор бўлган аёллардан саналади. Масиҳий ва ислом уламоларининг муштарақ фикрларига кўра, эркаклар орасида камолотга эришганлар кўп, аммо аёллар орасида фақат учтадир. Булар – Марям бинти Имрон, Осиё бинти Мазоҳим (фиръавннинг хотини) ва Ҳадича бинти Ҳувайлиддир.

Биби Маряннинг дунёга келиши ҳам мўъжизавий воқеа. Қуръони шарифда ёзилишича, унинг онаси Ҳанна бинти Фокуз ҳали ҳомиладор бўлмасдан туриб, бўлажак фарзандини Парвардигорга бағишлаш истагида бўлган. Ҳанна эри Имрон билан фарзанд кўрмай ўтаётган кунларнинг бирида Парвардигорга ёлбориб, бола беришни сўрайди. Аллоҳнинг инояти билан фарзанд кўргач, у ўзини дунёдаги энг бажтиёр она хис этиб, Парвардигорга шукроналар айтиб, дейди: “Парвардигорим, мен қиз туғдим-ку!”. Ҳар нарсани билгучи Аллоҳ: “Ҳар қандай ўғил бу тугилган қизчалик эмасдир”, деб жавоб беради. Ҳанна яна Аллоҳга мурожаат этиб: “Мен бу қизни Марям деб номладим ва бу қизга ҳамда унинг зурриётига шайтоннинг ёмонлигидан паноҳ беришингни илтижо қиласман”, деб Уни дуо қиласди. Мұхаммад пайғамбарнинг айтишича, ҳар бир бола дунёга келиши билан шайтоннинг қўли унга тегар ва чақалоқ шу сабабдан йиглаб-чинқирап экан. Бундай қисматдан Ҳаннанинг дуолари гуфайли фақат икки киши – Биби Марям билан Исо пайғамбаргина халос бўлган эканлар.

Биби Марям мусулмон оламида энг мўмина аёл, жаһнатдаги оналарнинг раҳнамоси сифатида эъзозланиб келади. Туркистонда Биби Маряма ҳурмат юзасидан мўмина аёлларга нисбатан “биби” атамаси қўшиб айтиладики, бу бежиз эмас.

¹. Инжил. Стокгольм, 2-3-саҳифалар.

• * •

Шоислом Шомуҳамедовнинг Пицунда ярим оролига бориб, калисо гумбази остидаги Биби Марям тасвирини биринчи куриши эмасди. Аммо у бу санъат асарининг сеҳркор ва мағфтункорлигини Миртемирчалик сезмаган эди...

“Миртемир ака, — деб хотирлайди Ш. Шомуҳамедов, — унга бўқдилару лол қолдилар. Бир оздан кейин ташқарига чиқиб, боғ кезиб, ўрмонда сайр эта бошладик. Аммо менинг ёнимдаги дилқаш ва ҳушёр йўлдошдан, ҳар луқма сўз, ҳар бир ҳаракатимни эътибордан қочирмайдиган меҳрибон устоздан асар қолмаган эди.

Энди Миртемир ака ҳеч нарсани эшитмас ва туймас, унинг бутун борлигини Биби Марям хаёли чулғаб олган эди. Ёнимда пичирлаб шеър тўкиб борар, сатрларни кўрсаткич бармоқлари билан ҳавога ёзар, шу ондаёқ қераксиз топиб, кескин қўл ҳаракати билан ўчириб ҳам ташлар эдилар. Теплоходда қайтишимиз ҳам шу тахлитда ўтди. Гаграга қайтиб келдик.

Эртасига пешингача устоз уйларидан чиқмадилар, фақат тушга яқин долондан ўтиб борар эканман, кутубхонанинг ярим очиқ эшигидан:

— Где мой сын? — деган овозлари қулогимга чалинди.

Бизнинг доим бирга юришимиизни кўриб, у ердагилар ҳазиллашиб бизни “отец и сын” дейишар эди. Миртемир ака мени ўз хонамдан топмай, кутубхоначидан сўраб турган эканлар. Мен югуриб кирдим. “Юр”, — дедилар мени кўрибоқ ва хоналарига сургадилар. — Мана, бир шеърни қорашиб қўйдим, эшил”.

Хона бўйлаб “Биби Марям” шеърининг қўйма сатрлари жаранглай бошлади:

Чинакам сулӯсиз, чинакам барно,
Тенги кам сиймо,
Кўзингизда асрый ва сирли маъно,
Мужассам зако.
Жумбоқдай хилқатсиз, сўз иўқ, бибижон,
Яратганинг ўзи яратиб қўйиб,
Ўзи шайдо бўлиб, ўзи саргардон,
Томоша қилармиш аршидан тўйиб...
... Осмондай гумбаздан мана ҳозир ҳам
Карап кўзларингиз, самовий кўзлар,

*Тангри маъшуқаси, о Биби Марям,
Бу муңглуғ қараашлар не ҳикмат сўзлар?*

Биз Миртемир илҳомининг бу баркамол мевасидан баҳрамаңд бўлар эканмиз, шоирнинг “Кумушбиби” билан учрашуви ва унга бағишлиланган шеъри ёдимизга тушади. Назаримда, бу икки шеърни ўзаро бирлаштириб, уларни “Икки сулув” деган ном остида эълон қилиш мумкин. Лекин сўнгти шеърга тийранроқ назар ташланса, Биби Марямнинг “Кумушбиби”га асло ўхшамаслиги кундек равshan бўлади. Агар “Кумушбиби” ернинг, Марғилоннинг маликаси бўлса, Биби Марям ердан қўтаришган, Аллоҳ сари яқинлашган малика, Исо пайғамбарнинг онаси. Шунинг учун шоир унга ҳатто арз қилиши, Парвардиор эътиборини ер юзида кечачётган ноҳуш воқеаларга қаратиши мумкин. Шоир шундай умид биланми, давом этиб ёзди:

*...Кулаб тушди Зевс ҳам, Лоту манот ҳам,
Иблисдан топ тортмас бўлди одамзод,
Лекин олам қолди ўшандай ношод,
Ўзингиздай муңглуғ қолди ҳаёт ҳам...*

Шоир – шеърнинг лирик қаҳрамони – минглаб-миллионлаб кишиларнинг Биби Марямга топинишини яхши билади. Унинг ўзи ҳам дунёдаги бу энг иффатли аёлни чин дилдан ҳурмат қиласди, унинг гўзаллигидан ҳайратта тушади. Лекин Биби Марям – бошқа руҳоний оламнинг маликаси. Бинобарин, унинг гўзаллигига бегоналик бор:

*Ҳо, сизни севмаслик душвор, бибижон,
Лекин кечиргайсиз, шукрким юз бор,
Бу иллатдан қалбим покиза, омон.
Агар йигит қалбим севган ўша ёр -
Дуҷ келиб қолсайди шу олис ёқда,
Жаннат қирғоқда,
Дарҳол топинардим ўшанга, балки.
У шундай дунёвий, шундай гўзалки,
У менинг илоҳам...
Кечиринг, Биби Мариям!..*

Шоир ва унинг лирик қаҳрамони шу сўнгги сатрларда ўз миллатига, ўз миллий қадриятларига содик инсон сифатида бир поғона юқори кўтарилади.

* * *

Миртемир шеърни ўқиб бўлгач, суҳбаидошининг ёш қалқиб турган кўзларига тикилиб, сўрайди:

— Қалай?

Шоислом Шомуҳамедов лол қолган эди... У бир оғиз сўз ҳам айтмай, ўз хонаси сари равона бўлди. Бир оздан сўнг шеърдан олган таассуроти ёзилган бир варақ қоғозни кўтариб чиқиб, устозга ўқиб берди:

*Шоир бўлмоққа, эй устоз, не керак?
Фақат икки нарса – бердингиз дарак:
Бир олам билимки, кексаларга хос
Ва гўдак тилидек покиза трак.*

Адабиётлар дўстлиги

Олтмишинчи йилларда, жамиятнинг бошқа соҳаларида бўлганидек, адабий ҳаётда ҳам муҳим ўзгаришлар рўй берди. Шулардан бири шу вақтгача миллий адабиётларнинг Москвада ўtkазилиб келинган ўнкунлик ва ҳафталикларини ўтказиши ҳуқуқи энди республикаларнинг ўзларига берилди. Бу, маълум матьнода, мамлакат ҳаётини озми-кўпми демократлаштириш йўлида ўйлаб топилган тадбирлардан эди.

1959 йилнинг 14-24 январь кунларида Москвада ўзбек адабиёти ва санъатининг сўнгги ўнкунлиги бўлиб ўтади. Шу йилнинг сентябрь ойида Ўзбекистонда Москва ёзувчиларининг ижодий кечалари, октябрь ойида эса Ўзбекистонда украин адабиёти ҳафталиги ўтказилади. 1960 йил январидан бошлаб ҳафталиклар адабий ҳаётнинг узвий қисмига айланади. Шу йилнинг январь ойида озарбайжон ёзувчилари Ўзбекистонга, май ойида эса ўзбек ёзувчилари Озарбайжонга ташриф буюрадилар. Бундай тадбирлар собиқ СССР халқлари адабиётлари ва ёзувчилари ўртасидаги дўстлик муносабатларининг ўрнатилишига имкон беради.

Миртемирнинг шу давр шеъриятига назар ташлатан киши “Украинамсан”, “Қозогим”, “Киргизистон”, “Киргиз халқи-

га”, “Чагалай”, “Махтумқули тўйида ўзбек кўзаси” (1960), “Қор қўмсаш”, “Обой-бобой”, “Мухтор оға мотамида”, “Со-бит оға олғмиш ёшга тўлганида ва Тошкентга қўноқ бўлиб келганида айтганим” (1961), “Қимиз”, “Кончи чироги”. “Қарқараалик” (1962) сингари қардош халқлар ўртасидаги дўстлик мавзуига бағишиланган шеърлари устуворлик қилганини кўра-ди. Бу шеърлар гарчанд даврнинг ижтимоий буюртмаси билан ёзилган бўлса-да, уларда қардош халқларнинг азалий дўстлигиғояси шоирнинг шахсий туйғу ва кечинмалари билан тўйин-ган ҳолда ифодаланган эди.

1960 йилнинг 6-13 сентябрь кунлари Ўзбекистонда қозоқ адабиёти ҳафталиги бўлиб ўтди. 1962 йил май ойининг иккинчи ярмида эса ўзбек ёзувчилари Қозогистонга жавоб сафари билан бордилар. Шундай ҳафталиклар 70-йилларда ҳам давом этди ва бундай ҳафталиклар ўзбек-украин, ўзбек-белорус, ўзбек-арман, ўзбек-озарбайжон, ўзбек-қирғиз, ўзбек-тожик, ўзбек-туркман адабиётлари ўртасидаги ижодий алоқаларнинг яхши йўлга қўйилишига сабаб бўлди. Қардош халқлар ёзувчиларининг энг яхши асарлари ўзбек тилига таржи-ма қилинди. Ўз навбатида, ўзбек ёзувчиларининг энг яхши асарлари ҳам қардош халқлар тилига йўл излай бошлади. Адабиёт байрамлари ҳашаматли театр залларида ўтказилибгина қолмай, корхоналарда, жамоа ҳўжаликларида, мактабларда ҳам давом этди.

Миртемир табиатан меҳмондўст инсон эди. У Тошкентга адабий ҳафталикини ўтказиш учун келган қардошларни, айниқса, қозоқ ва қирғиз ёзувчиларини ўз уйида кутмай, уларга ўзбекона меҳрини изҳор қилмай, она юргларига асло юбор-мас эди. Улар ҳам Миртемирнинг уйида ўз уйларига келгандек эркин ҳис этардилар.

* * *

«...Катта дарвоза олдида кўшкарнай, кўшсурнай, кўш чилдирма, кўш ўйинчи – қиз ва йигит. Ялла авжид. Давра кенг, одам гавжум. Сурнай садоси. Чилдирмаларнинг такатумлари шундоғам ёқимли, шундоғам жарангдор. Оламни гумбурлатиб, осмон қулоғини қоматга келтиргандай.

Нима гап ўзи? Ошиқ ва маъшуқ қовушадиган оқшомми бугун? Ё олтин тўйми? Ё йигирма йил бедарак кетмиш аскар йигит эшиқдан кириб келди-ю, ўшанинг суюнчисига чалина-

ётган шодиёнами? Ё армонли бир ота соқолига оқ тушганда фарзандлик булдими?

Йўқ, анчайин гап. Бу меҳри тошқин ота авлод, она авлод ўзбек шоирларини кутиб олмоқдайди. ўзбек шеърининг обрўйини шодмон куй қанотларида кўкка кўтармоқдайди. Дарвозада соч-соқоллари қорлек, асосиз, нуроний бобо турибди. Чинордек бобо...

— Хуш келибсиз, соғинган эдик, — дейди бобой.

Юзларда ним кулгилар, кундузdek ёруғ жилвалик. Кўзлардаги меҳр оловлари чақмоқ чаққандек, кучоқлар ҳам кўкракларицек ва юракларицек очиқ. Бу анов-манов тўй эмас, минг йиллик жигарларнинг ўз жигарларини ёдга олиши, излаб келиши... Суюнчини қаерга қўйишини билмай, гангид қолган эди одамлар..."

Миртемир 1966 йили Сайрамда ўтказилган ўзбек адабиёти кунларининг очилиш маросимини шундай оташин сўзлар билан эслаган эди.

Олис замонларда ҳозирги Ўрта Осиё, Қозогистон ва Сибирия бўйлаб чўзилган улкан кенгликлла туркий тилда сўзлашувчи турфа қабилалар яшаган. Улар секин-аста ўтроқлашиб, бир халқни — туркий халқни ташкил этганлар. Дараҳт ўсиб, бақувват шохлари турли томонларга чўзилиб ёйилганидек, туркий халқлар ҳам турли златларга ажралиб боргандар. Уларнинг бир қисми ўз тараққиётида давом этиб, ўзбек, қозоқ, қирғиз, туркман сингари мислатлар сифатида шаклландилар.

60-йилларда ўрта Осиё ва Қозогистон республикаларида қардош адабиёт кунларининг байрам янглиғ ўтказилиши, Миртемир ёзганидек, минг йиллик жигарларнинг ўз жигарларини ёдга олиши, излаб келиши, қайта қадрдонлашишига сабаб бўлувчи воқеалардан эди.

1970 йилнинг 1-10 июнь кунларида Қирғизистонда ўзбек адабиёти ва санъати ўн кунлиги бўлиб ўтган. Ўн кунликнинг Фрунзе (ҳозир Бишкек) шаҳрилаги тантанали очилиш маросимида Қирғизистонда хизмат кўрсатган ҳалқ оқини Эстебес Турсуналиев меҳмонлар шаънига навбатма-навбат дил сўзларини айтиб кутлар экан, Миртемир шаънига бундай сатрларни бағишилаган эди:

*Хурматли оға Миртемир,
Элга манзур ёзганинг.*

*Күтлүг бўлсин қадаминг,
Таржималаб тузганинг.
“Манас”нинг икки жислди
Жуда равон, тингласанг.
Ижодингнинг ҳар дамин
Манас руҳи қўлласин.
Жадал ташла қадамни,
Олтмиш ёш – бу ўрта ёш.
Яна олтмиш ийл яша,
Ёшларга сен бўлиб бош...*

Миртемир декада кунларида ўзини ҳардош биродарларининг ахил оиласида юргандек ҳис этиб, кайфи юят чоғ бўлди. У худди узоқ сафарлардан қайтган кишидек, Аали Тўқимбоев, Кувончбек Маликов, Чингиз Айтматов, Темуркул Уметалиев сингари дўст-ёрлари бағрида яйраб-яшнади. Декада иштирокчилари икки гурухга ажралиб. қирғиз диёрининг шимолий ва жанубий вилоятларига қараб кетдилар. Миртемир Яшин раҳбарлигидаги гуруҳ билан бирга жанубий томонга борди.

“Жалолобод щаҳрига келганда, – деб эслаган эди Маҳмудали Юнусов, – шоир кўркам хиёбондаги Онанинг йиглаб турган ҳайкалини кўрдию қалби жунбишга келди. Ўша соатларнинг узида “Азалик” деб номланган бу ажойиб шеър қаерда ўқилмасин, ҳаммани ҳаяжонга сола берди.

*Мотамсаро онажсон!
Кўтар эгик бошингни.
Оқ сочинг силагани
Келдик бугун биз ахир.
Қайрилиб бир қарагин,
Тўкмагин кўз ёшингни,
Сенга умр тилагани
Келдик бугун биз ахир...*

*...Узлуксиз йиглашдасан,
Расо йигирма беш ийл
Ўшани, ёлғизингни
Кутасан ҳануз-ҳануз.
Бўзлашингдан сел бўлди,
Ўт бўлди тагин кўнгил,*

*Қабр бошида наҳот қон
Ютасан ҳануз-ҳаңуз...*

Ана шу биринчи банддан кейин келадиган бандлар ритмик равища тақорланиб борадиган ундалма оҳангдаги “Йигла!.. Йўқ, йиғламагин!” сўзлари билан бошлангани ва ғоят таъсирли бўлганидан тингловчиларни қайғуга шерик қиласарди. Мен залда ўтирганларнинг кўзларига ёш келганини кўрганиман. “АЗалик” бир нафасда туғилган шеърий мўъжиза бўлиб қолди”.

Ушбу шеър Мотамсаро Она ҳайкалини зиёрат қилиш чоғида туғилғанлиги сабабли унинг ижодий жараённи меҳмону мезбонларнинг кўз олдидаги кечган. Шу жараённи ўз кўзи билан кўрган ва ўз қалби билан ҳис этган Жуманиёз Жабборов адабиётшунос олим фикрларини давом эттиргандек, бундай ёзган: “Шоирнинг ўша мансара қошидаги ички ҳолатини, киприкларига қалқан ёшни, унсиз фарёдини тасвирилаш учун худди ўша шеър янглиғ бир асар керак бўлар. Шеър тахминан бирор соатлардан кейиноқ қоғозга тушиб бўлган эди. Шеър куйма эди, ўша оний изтиробдан туғилган буюк инсоний хужжат эди. Лекин бу шеър заминида шоир юрагида нечаче йиллар мобайнида йигилган фифон мужассам бўлганини пайқаш қийин эмас”.

Агар бу шеърга теран назар ташласак, шоирнинг Мотамсаро Она қиёфасида ўз онасини кўргандек бўлганини, она билан дафъатан учрашув унинг қалбидаги туганмас жароҳатларни очиб-янгилаб юборганини сезамиз.

Декада кунларида Киргизистон халқ шоири Совранбой Жусуев Миртемир билан қорақалпоқ шоири Ибройим Юсповни уйига меҳмонга таклиф этди. Миртемир бу шоир билан бундан ўн йил аввал, 1960 йили Маҳтумқули туғилган куннинг 225 йиллиги муносабати билан Ашхабодда бўлиб ўтган тантаналарда танишган эди. Совранбой шу куни меҳмонларга ўзининг “Турмакланган булутлар” деган янги китобини эсдалил ҳати билан совғоз қиласди. Миртемир китобни варақлар экан, ундаги шеърлардан бири эътиборини тортди ва у овоз чиқарип ўқиди:

*Мен сиғинсан - тоғларга сиғинаман.
Мен ийқилсан - тоғлардан ийқиламан...*

Бу мисралар узбек шоирига манзур бўлди. У китобни яна бир оз варактаб, деди:

- Совранбой, китобингда тоғлар ҳақида шеърлар кўп экан. Мен Ибройим Юсуповнинг асарларини ўқисам, қорақалпоқ ҷалаларини кезгандай, Амударё соҳиларида сайр қилгандай бўламан. Модомики. Қирғизистон тоғлар юрти экан, уни қойишилатиб ёзиш сизларнинг бурчингиз. Шоир ўзи яшаётган замин ва замондошлари тўғрисида бор гапни ёзмоғи лозим, уни ё ошириб, ё камситиб ёзиш ҳақиқий шоирга ярашмайди.

Совранбой устознинг бу сўзларини тинглар экан, Ашхабодда бўлган учрашувлар, сухбатлар хотирасиға келди

- Миртемир оға, — дейди у, — ёдингиздами, Махтумқулининг юбилейида бир зўр гапни айтган эдингиз? Менинг қулоғимга михланиб қолган ўша сўзлар. Деган эдингизки: “Алт шеърият, алт шоирлар мероси замонлар оша авлодларга мерос бўлиб қолади. Бу сўзнинг ҳақиқат эканлигини Махтумкули исботлаб турибди. Шоирнинг қандай эканлигини эл баҳолайди. Баъзан устига серҳашам ёпқич ташланган отларни “Бу учкур, бу фиркўк!” деб мақтовчилар ҳам бўлади. Баъзан бундай таърифларга ишониб кетасан, киши. Лекин яқинроқ бориб, ҳашамдор ялтироқ ёпқични бедовнинг устидан олсанг, унинг фиркўк ҳам, учкур ҳам. бедов ҳам эмас, балки хачир эканлиги ошкор бўлиб қолади”. Баҳтга қарши, ҳаётда шундай воқеалар тез-тез учраб туради, оға. Бундай хачирлар бизнинг шоирларимиз орасида оз эмас. Балки сизнинг шоирларингиз орасида ҳам шундайлари йўқ эмасдир. Лекин сиз ўзбек шеъриятининг учкур тулпорларидан бири siz, десам хато бўлмас...

Шундай адабиёт байрамларида меҳмонларга кўрсатилган иззат ва ҳурмат, балки, зиёда бўлғандир. Лекин Миртемир сингари шоирлар ўзлари тўғрисидаги илиқ ва самимий фикрларни илк бор эшитган бўлсалар ажаб эмас. Аммо бундай адабиёт байрамларининг аҳамияти аввало шунда эдики, қардош халқлар шу байрамларда иштирок этган шоир ва ёзувчилар тимсолида бир-бирларини билиб, бир-бирларига меҳр туйиб, уларни бир-биридан ажратувчи ларёлар устига дўстлик кўприларини куришга рағбат сездилар. Қардош шоир ва ёзувчилар эса ўзаро дўстлашибина қолмай, олган олам-олам таассуротлари асосида янги асарлар яратдилар.

• • •

... Қозоқ адабиётининг Ўзбекистонда ўтқазилган ҳафталикларидан бирида Сирбой Мавленов қаламкаш дўстлари Гўлажен Айбергенов ва Таниш Дауренбеков билан Миртемир хона-донига дафъатан кириб келишади. Миртемир азбаройи курсанд бўлганидан ўзини кўйишга жой тополмай саросимада қолади. Ҳатто меҳмонларни кутиб олишга тайёр эмаслиги ҳам унинг қувончига соя ташламайди. У, аксинча, меҳмонларнинг ўз машиналарида келганиларини кўриб, чеҳраси янала равшанлашиб кетади.

— Машинада келганингиз жуда соз бўлибди. Менда транспорт йўқ. Бола-чақа миниб кетса, хавотир олиб ўтираманми, деб машина сотиб олмайман, — деди у меҳмонларни уйга бошлаб. Сўнг давом этди: — Менинг уйим — сизнинг уйингиз. Сизнинг машинангиз — менинг машинам. Сизлар юз-кўлингизни ювив тургинингизгача мен гир этиб бозорга бориб келаман. Бензинини ҳам тўлдириб келаман. Қайтар чоғингизда бензин ахтариб ўтираймайсиз.

У шу сўзларни айтдию машинага ўтириб жўнади. Ярим соатдан мўлроқ ўтган бўлса керак, у келтирган мева-чевалари билан дастурхонни тўлдириб ташлади.

— Тоға, — деди Сирбой Мавленов дастурхонни кўрсатиб, — Олой бозорини кўчириб келдингизми?

— Олой бозорини қандай кўчириб келай, жиян? Олой бозорининг ярми ўзбекники бўлса, ярми қозоқники. Ўзбекдан қолган ярмини Чимкент кўчириб кетади, — деб жавоб берди Миртемир ҳазилга ҳазил билан.

Меҳмонлар дастурхонни безаб турган ноз-неъматлардан баҳраманд бўлиш билан бирга суҳбат лаззатини ҳам унугмадилар. Миртемир Қозогистондаги шоир дўстларининг ҳаёти ва ижоди билан қизиқди. Меҳмонлар ўзбек шоирларининг ҳол-аҳволи ва ижодига доир саволлар бериб, жавоблар олиши...

Одатда, суҳбат мавзуи кичик миший мақуддан бошланган бўлса-да, секин-аста даврадошларнинг қизиқиши доираси кенгайиб, ажабтовур тарихий воқсалар хотирланди, ўтган улуг ёзувчилар ёд этилиб, уларнинг ўлмас сатрлари дафъатан жаранглаб кетди. Ўша куни ҳам шундай бўлди. Қандайдир муносабат билан жаҳон шоирларининг бобокалони Ҳомер эсланди. Миртемир ўша кезларда “Одиссея”ни таржима қилишга киришган эди. У антик адабиёт дурдонасининг ўзбек тилига ўтиришган эди.

ган ва ҳали ҳеч ким тингламаган бир парчасини ўқиб, меҳмонлар ҳукмига ҳавола қўлди:

*Муза, ўшал жаҳонгашта
Эр ҳақида менга сўзлагил,
Қандай қишиб ўз қўлида
вайрон бўлгач эзгу Элион,
Қанча шаҳар, урфу одат,
одам кўрди кезиб элма-эл,
Денгизларда қайғу чекди
ўз бошини қутқариш учун,
Тагин барча йўлдошиарин
юртларига қайтариш учун,
Лекин қанча уринмасин,
йўлдошиарин қутқаролган йўқ,
У нодонлар ҳалок бўлди
ўзларининг қишимшиларидан...*

— Қаранг, — деди у ўқишни тутатиб, — ҳали битга фикр ҳам тутаганича йўқ. Ҳомер бобонинг ҳар бир сатри ўн ети хижодан иборат. Ўқиганингизда нафасингиз етишмай қолади. Бунинг устига сатрлар қофияланмаган. Ҳомер бобо “Одиссея”-да нақл қилинадиган воқеалар тасвирига ҳали киришмай туриб, шунча гапни айтаяпти-я! Бу асарда Одиссейдан ташқари яна қанча қаҳрамонлар, қанча жанг жадаллар, қанча фалокату қаҳрамонликлар тасвир этилади. Шуларни ўйласам, жаҳон адабиёти карвони бизга етиб келгунига қадар жуда ҳам майдалашиб кетганга ўхшайди.

— Бундай гаплар билан бизни қўрқитманг, — деди меҳмонлардан бири ҳазири оҳангиди. — Ҳомер бобо яшаган давр бошқа эди, бизнинг давримиз бошқа. Замон Ҳомер бобонинг олдига “Одиссея” билан “Илиада”ни ёзиш вазифасини қўйган бўлса, бизнинг олдимизга бошқа вазифаларни қўймоқда.

— Ҳамма гап шунда, жиян, — деди Миртемир бу сўзларга жавобан. — Замондан ташқари, шоир ва ёзувчи ҳам ўз олдига катта-катта вазифаларни қўйиши даркор. Акс ҳолда адабиёт адабиёт бўлмай қолади.

Миртемир сўхбатнинг жиддий тус ола бошлаганини сезиб, гапни бурмоқчи бўлади:

— Айтгандай, Ҳомер бобо асарлари қозоқ тилига таржима қилинганди?

— Йўқ, ҳали таржима қилинмаган. Қувондиқча ўхшаш таржимонларимиз Ҳомер бобонинг кўчманчи сўқмоғидай узун сатрларини таржима қилишга сабри чидамайди.

Миртемир кулиб юборди.

— Қувондиқ — зўр оқин, баҳувват таржимон. У Шарқ адабиётини ҳам, Фарб адабиётини ҳам яхши билади...

Сұхбат шу тарзда давом этди. Бундай гурунглар ўтган асрнинг 60-70-йилларида Тошкент ва Олмаота, Тошкент ва Фрунзе (Бишкек) шаҳарларида тез-тез бўлиб турди. Миртемир адабиёт байрамларига келган қардош биродарлари шарафига Тошкентнинг Ишчилар шаҳарчасидаги хонадонида бир неча бор дастурхон ёзди. У шундай пайтларда, иложи бўлса, меҳмонларнинг барчасини кутиб, улар кўнглини олишни истарди. Унинг назарида, дўстга бўлган меҳрни сўз билан эмас, амалий иш ёки хатти-ҳаракат билан изҳор қилишдан улуғроқ нарса йўқ эди.

Нақл қилишларича, ҳафталикка келган қозоқ ёзувчиларининг самолётга чиқиб учишларига бирор соат қолганда, Миртемир Сирбой Мавленовнинг меҳмонхонадаги номерига бир лаган иссиқ паловни кўтариб борган. У уйига кела олмаган меҳмонлар олдиладиги “қарз”ини шу тарзда узмоқчи бўлган эди. Афсуски, улар бундан икки соат аввал меҳмонхонадан чиқиб кетишган экан. Буни эшитган Миртемир Сирбой “жиян”ига қараб:

— Ўзингдан қолар гап йўқ: самолётни қувиб етолмайман. Қолган қозоқларнинг ҳаммасини чақир. Ўзбек янгаси пиширган паловнинг таъмини тотиб кетишсин, — деди жилмайиб. Меҳмонлар паловнинг чангини чиқариб юборгандаридан кейин эса қўшиб қўяди: — Бўш лаганин уйга кўтариб юрмай, “жиян”. Гулжамол келинимга совға бўлсин. Ма, ол!..

* * *

Отаёрнинг “Миртемир” эссе-китобида гаройиб бир воқеа ҳикоя қилинган. Лекин бу воқеани баён қилишдан эзвал шоирнинг гул ва гулзорларни хуш кўриши ҳақидаги фикрлари билан танишсак. У “Шайдолик” деб номланган насрий шеърида гулга бўлган меҳрини бундай ифодалаган: “Мен гулни гўдакликдан ардоқлайман... Лекин ҳозирги гул севишим сал

бошқачароқ. Бўш пайтларим гул кўйида ўтади, холос. Кўчада дуч қеламанми, йўлда қўраманми, боғда учраб қоламанми – ҳайтовур, гуллардан кўз узолмайман, сира-сира. Ҳудди чақалоқдай эркалагим келади, силагим келади. Ҳар нозик баргидан ўпич олгим келади. Ҳидлаб тўймайман. Гир-гир айланишимни қўймайман. Гўё мен гул жинниси. Қаранг: пушти, қирмизи, оқ, нофармон... Бари нозик, ярқироқ, хушбўй, жимир-жимир. Ёноғида кулгичи бор сулувлардек ҳамиша жилмаяди гуллар..."

Кунларнинг бирида Миртемир қандайдир муносабат билан Олмаотага борганида ёмғир челяқдан қўйгандек қўйиб турган экан. Сирбой Мавленов тайёрагоҳда "тога"сини кутиб олиб, унинг истаги билан Қозогистон Ёзувчилар уюшмасига олиб бормоқчи бўлибди. Шаҳарнинг марказий хиёбонларидан бирида гул дўкони бор экан. Миртемир шу ерга келганда гулларни курибди ю шайдолиги тутиб кетиб, машинани тўхтабиди. Тушиб, бир даста гулни сотиб олибди. Сирбой Мавленов "тогам" бу гулларни уюшмадаги сулувларни хурсанд қилиш учун олган, деб ўйлабди. Улар машинага ўтириб, манзилга этиб келганларида, бир қиз ёмғирда увиб, жунжикиб, ўксик бир ҳолатда турган экан. Миртемир қиз билан сўрашиб, гулдастани берибди ва унга дилидаги энг яхши сўзларни айтибди, сўнгра "жиян" и билан бирга йўлида давом этибди. Шоирнинг бу хатти-ҳаракатидан ҳайрон бўлган С.Мавленов сўрабди:

– Тога, бу қизни танийсизми? Аввал ҳам кўрганмисиз уни?

– Йўқ, танимайман, – жавоб берибди Миртемир. – Умримда биринчи бор кўришим. Аммо гулдек қизнинг ёмғирда қалтираб турганини кўриб раҳмим келди. Уни нима биландир хурсанд қўлмоқчи бўлдим. Қизлар гулни яхши кўришади. Улар гулни кўрганда, баҳорни, ёзни эслашади. Ҳозиргидек кузни унутиб, диллари яйраб кетади. Дили бир яйрасин, дедим-да, қизнинг...

Бу шоирнинг сўз билан эмас, хатти-ҳаракати билан изҳор қилган меҳр-муҳаббати эди.

* * *

Миртемир бирор қариндошининг оиласида тўй ёки аза бўладиган бўлса, хасталигига қарамай, албатта, Туркистонга бориб, ўзининг қариндошлик бурчини адо этиб келарди. Ада-

биёт байрамлари ўтказила бошланган йилларда у шундай сабаб билан Туркистонга борганида, ҳунук бир воқеанинг устидан чиқади. Туркистонда раҳбарлик лавозимида хизмат қилаётган кимсалардан бири ўзбекларга қаравалий яйловларни тортиб олиб, яқинда кўчириб келтирилган қозоқларга бериш ҳақида қарор чиқарган экан. Шу қарор муносабати билан минг йиллардан бери ўзбеклар фойдаланиб келган яйловлар зўравонлик билан тортиб олина бошлабди. Натижада ўзбеклар билан қозоқлар ўртасида қирғин хавфи пайдо бўлибди.

Бу ўйламай чиқарилган қарорнинг фожиали оқибатларга олиб бориши мумкинлигини сезган Миртемир ўша куниёқ Чимкентга бориб, у ердан самолётта ўтириб, тўппа-тўғри Олмаотага учди. У машҳур қозоқ адаби Собит Муқоновнинг уйига бориб, унга воқеани бутун гафсилотлари билан айтиб берди. Собит Муқонов депутатлик мандати ва Халқ ёзувчиси унвонидан фойдаланиб, Қозогистон Республикаси Олий Совети Президиумининг Раиси хуэурига кирди. Рўй берган нодонликнинг қирличоқقا олиб бориши мумкинлигини сезган раис ёна бошлаган низо оловини ўчиришга эришди. Масала тинч йўл билан ҳал этилиб, туркистонлик ўзбеклар Одам Ато замонларидан бери фойдаланиб келаётган яйловларни қайтариб олишга муваффақ бўлдилар.

Содир бўлган воқеани унугиши ва ўзбеклар билан қозоқлар ўртасидаги азалий дўстлик ришталарини қайта тиклаш учун Туркистонда яраш-яраш маросими ўтказилди. Қирқ қулоқли қозонлар осилиб, боғловда турган қора мол ва қўйлар сўйилди. Ҳар икки элнинг оқсоқолларига сарполар кийдирилади...

Адабиёт байрамларининг аҳамиятли томонларидан яна бири шунда эдики, бу тадбирларда иштирок этган раҳбарлар ҳам, халқ оммаси ҳам бирор нодоннинг касофати билан чиқиши мумкин бўлган миллий низо ва келишмовчиликларни оқилона ҳал қилиш чораларини излаган ва топган бўларди.

“Манас”

1975 йилнинг сентябрь ойида Қирғизистонда СССР халқлари адабиёти кунлари бўлиб ўтган эди. Адабиёт байрамининг қирғиз пойтахтидаги тантанали очилиш маросимидан сўнг делегация аъзолари ижодий кечада учрашувларни ўтказиш учун

республиканинг турли вилоятларига чишиб кетишиди. Миртемир делегация аъзоларини вилоятлар бўйича тақсимлаш чоғида эски қадрдони Совранбойдан илтимос қилди:

— Совранбой бўтам, мени Таласга борадиган ёзувчилар гуруҳига қўшиб қўй.

Омадни қарангки, Совранбой Қирғизистон Ёзувчилар уюшмасининг Таласга борувчилар гуруҳига масъул вакил экан. Узбек шоирининг илтимосини бажонидил бажарди.

Таласликлар Миртемирни ўз оғалариdek самимиш кутиб олишиди. Уни Кенгкўлдаги қирғиз халқининг афсонавор баҳодири Манас шарафига ўрнатилган маҳобатли ёдгорликка олиб боришиди, кўрсатишиди. Миртемир яқинда таъмирланган ва янада салобатли тус олган рамзий қабр олдида узоқ ўйланиб қолади. Балки шу пайт унинг кўзи ўнгига устига совут қийиб, кўлига қилич-қалқон ушлаган Манаснинг алп қиёфаси пайдо бўлган, балки достоннинг жўлдикун сатрлари қулоқлари остида жаранглаб тургандир...

Делегациянинг бошқа аъзолари ёдгорликдан анча узоқлашганлари учун Совранбой Миртемирнинг ёнига келиб, уни силжитиш мақсадида сўрайди:

— Толиқиб қолмадингизми, оға?

— Бу ёдгорлик менга бардамлик багишламоқда, бўтам, — жавоб берди Миртемир ва ўз навбатида ундан, — бу ерга Манаснинг хоки дағи этилганми? — деб сўради ва жавоб кутмасдан сўзида давом этади. — Бу ер мен учун ўта муқаддас замин. Ниҳоят, ниятимга етдим, Совранбой! “Манас”даги қаҳрамонлар кўз олдимдан бирма-бир утаяпти. Улар миямга шу қадар ўрнашиб қолган эдикни, юрсам ҳам, турсам ҳам Алмамбетларнинг руҳи мени тарқ этмасди.

Шу пайт таласлик шоир Талант Бойғабилов уларга яқин келиб, бирга суратга тушишни илтимос қилди. Учовлон суратга тушишиди. Оқшом чоғи бўз ўтовда дастурхон атрофида турли тилларда гурунг бошланди. Таласликлар ҳурмат рамзи сифатида Миртемир устига кимхоб чакмон ётиб, бошига оқ қалпоқ кийгизишиди. Сўнгра улар узатган заранг косадаги қимизни қўлда тутган ҳолда миннатдорчилик билдириб, деди:

— Ардоқли таласлик қардошларим! Мен бир неча йилдан бери Алп Манаснинг юртига келиб, унинг шаънига ўрнатилган ёдгорлик олдида таъзим қилишни орзу қилиб юрган эдим. Бугун шу орзуимга етиб, унинг эвара-чеваралари қўлидан туз-

намак тотиши бахтига мұяссар бўлдим. Совғаларинг учун минг бор қуллуқ. Сизларга айтадиган истагим щуки, барчангизни ҳар доим Манаснинг рухи қўллаб юрсин!

У шу сўзларни айтиб, қимизни сипқорди.

* * *

1951 йил январь ойининг охири – февраль ойининг бошлирида Қирғизистон мухтор совет республикаси ташкил этилган куннинг 25 йиллиги нишонланган. Бу тантанали воқеада иштирок этиш учун қирғиз пойтахтига барча собиқ шўро республикаларидан ҳукумат делегациялари келган. Ўша йилларда қувғинда бўлганилиги туфайли Миртемирнинг Ўзбекистон ҳукумат делегациясига аъзо қилиб киритилиши амримаҳол эди. Лекин у, бизга номаътум сабабларга кўра, юбилей тадбирларида иштирок этади. Ҳатто Қирғизистон Компартиясининг биринчи котиби Исоқ Рассоқов билан учрашиб, у билан чақчақлашади. Эҳтимол Исоқ Рассоқов Тошкентдаги Эрлар билим юртида, бир синфда ўқиган болалик дўсти Миртемирнинг бошига тушган савдолардан дарак топиб, уни юбилей тантаналарага шахсан ўзи таклиф этгандир. Ҳар ҳолда у Миртемир билан учрашибина қолмай, унга қирғиз ёзувчиларининг бир неча асарларини совға ҳам қилган. Шу асарлар орасида Тўхтагул Сотилғоновнинг “Тўғалоқ Мўлда” деган машҳур асари ҳам бўлган. Миртемир нафақат ўзбек, баълиқ қозоқ ва қирғиз халқларининг ҳам оғзаки ижодини севгани туфайли ўша кунларда китоб дўконларидан “Тўштук” деган ажойиб достонни сотиб олиб, бир кечада ўқиб туширган. Ўша кезларда “Манас”дан кичик парчагина нашр этилган бўлиб, Миртемир шу китобдаги кириш сўз орқали қирғиз халқининг буюк эпоси билан илк бор танишган.

“Қирғизнинг; – деган эди Миртемир адабиётшунос Фаффор Мўминов билан сұхбаги чоғида, – “Тўштук”, “Манас”-дан парчалар, туркманларнинг “Ошиқ Фарид ва Шоҳсанам” достонлари, қозоқларнинг эпосларини жуда синчилаб. ёйилиб, завқ билан маза қилиб ўқирдим. Нечундир фольклор менинг руҳимга, қараашларимга, ўйларимга, бадиий фантазияларимга ўта яқинлитини ёшлигимдан сезардим. Шеърларимдаги фольклорнинг таъсири халқ ижодига бўлган ана шу муҳаббатим, ундаги мотивларнинг қон-қонимга сингиб кетганлиги-дан бўлса керак.

Умуман, фольклор – тушунгандан одамга кагтакон бир хазина. Мен балъзан ҳозирги қўлига қалам олган ёшларга деярлик ҳасад билан қарайман. Биз қўлга қалам олган пайтда на Навоий засарларининг нашри бор, на бошқа мумтозларнинг девонлари!.. Рус ва бошқа қардош ҳалқлар мумтозларининг энг йирик асарлари, Европа мумтозлари деярлик таржима қилинмаган эди. Фольклор баҳшиларнинг юракларида эди. Фақат уни тўйларда, давраларда эшиштардик”.

Халқ оғзаки ижодига бўлган шундай беадад меҳр Миртемирни “Манас”ни таржима қилишга ундали. У бир неча бор қирғиз диёритга бориб, Фанлар академиясининг “Манас” бўлими ходимлари ва “Манас”нинг турли нусхалари билан танишди. Ҳар бири 25 минг сатрдан иборат 4 та китобни ўзбек тилига таржима қилиш осон эмас эди. Ўзбек халқ достонларида бўлганидек, “Манас”да ҳам юзлаб тарихий ва жуғрофий атамалар, этнографик либос, таом ва ҳоказоларнинг номлари бор эдик, уларни ўзбек тилига билиб-тушушиб таржима қилиш, кўплаб тақрорлар ва ўхшашликларни қисқартириш, воқеалар узилиб қолмаслиги учун қисқартирилган жойлар мазмунини наср билан баён қилиш лозим эди. Масаланинг шундай нозик томонлари бўлганлиги сабабли Миртемир таржимани қирғиз мутахассисларининг муҳокамасига қўйди. Чингиз Айтматов, Қувончбек Маликов, Туманбой Бойзоқов, Али Тўқамбоев каби олим ва ёзувчилардан иборат 17 киши муҳокамада қатнашиб, қимматли фикр ва мuloҳазаларни баён қилишли.

Қирғиз халқ ижоди дурдонасининг биринчи жилди шу тарзда ўзбек тилига таржима қилиниб, сайқал берилиб, ҳётга йўлланма олди.

Фольклоршунос олим Малик Муродовнинг шоир ҳақидаги хотираларида бундай сўзлар бор:

“Ниҳоят. орзиқиб кутилган кун ҳам етиб келди. “Манас”-нинг ўзбекча таржимаси яхши безаклар билан босилиб чиқди. Китобдан икки нусха сотиб олдим-да, Миртемир оғани табриклиш ва одатим бўйича дастхат ёздириб олиш учун уйларнига бордим. Ўзбек ва қирғиз фольклори, хусусан, анъанавий достонларимиз, баҳшилар санъати борасида узоқ сұхбатлашдик. Сұхбат мавзуи тагин “Манас”та қайтгач, Миртемир оғанинг фарҳ ва ифтихор билан: “Ҳар ҳолда “Манас”дек қомусий достоннинг таржимаси икки оға-ини халқ ўртасидаги дўстлик-

биродарлик, қардошликтининг чинакам тимсоли бўлди...”, — деган сўзлари ҳамон хотирамдан кўтарилимайди. Дастхатда қуйидагилар ёзилган эди: “Доно ва баҳодир Гўрўлибекнинг эвара-чевара, балки набираларидан бири, фольклоршунос укам Малиюконга яхшилик, эзгулик, қон-қардошлик ва баҳодирликка ундовчи қирғиз халқининг ўғлони Манас ҳар доим ҳамроҳ ва кўмакчи бўлсин. Миртемир”.

* * *

Камина “Манас”нинг катта ижодий меҳнат эвазига таржима қилинганини айтар эканман, бир воқеани эслаб ўтмаслик тўғри бўлмаса керак.

Опера ва балет театридаги адабий эмакдош лавозими 1945 йил октябрида тутатилгандан сўнг, Миртемир 1954 йил ноябрида Ёзувчилар уюшмасига адабий маслаҳатчи этиб тайинлангунинга қадар бирор жойда ишламаган. 1954 йил кузидан 1958 йил априлига қадар Ёзувчилар уюшмасида адабий маслаҳатчи, Ўзбекистон Давлат нашриётида бўлим мудири, “Ўзадабийнашр”да катта мұҳаррир, 1960-1962 йилларда яна Ёзувчилар уюшмасида адабий маслаҳатчи. 1963-1965 йилларда эса яна “Ўзадабийнашр”да катта мұҳаррир лавозимларида хизмат қилган. Бир томондан, бағри кенг, қўли очик, меҳмондўст, иккинчи томондан, нафақат ўз фарзандлари, балки Тошкентга ўқишга келган қариндош-уругларининг фарзандларидан ҳам иборат катта оиласи бўлган шоир асан қалам ҳақи ҳисобига рўзғор тебратиб, тўй-ҳашамларини ўтказган.

Кунларнинг бирида Миртемир қайсиdir фарзандининг никоҳ тўйини ўтказаётган эди. Биз, унинг яқин кишилари, шоир хонадонига одатдагидек “Бизга қандай хизмат бор?” деб сўрагани бордик. Миртемир “Пича ўтириб туринглар чой-пой ичиб, мен ҳозир бир жойга бориб келаман. Сўнг бозор қилишига қарашиб юборасизлар”, деб чиқиб кетди. Орадан бирор соат ўтгач, ёмон кайфиятда қайтиб келди ва бизнинг кўз олдимизда “мана, мана” деб бир кучоқ қўллэzmани йиртиб, майдамайда қилиб ташлади. Кейин билсак, Миртемир нашриётга “Манас” таржимаси учун қалам ҳақини олгани борган, яммо нашриёт директори таржимага энг паст ставкани қўйган экан. Тўй ўтказаётган шоирнинг бутун умили шу қалам ҳақида бўлгани ва шогирди даражасида бўлган директорнинг инсофсизли-

гидан қаттиқ ғазабланған ва аччиқ устида “Манас”нинг қолған таржимасини йиртіб ташлаган эди.

Иэтироб ва эъзоз

Умрининг олтмишинчи баҳори яқинлашганига қарамай, Миртемирнинг ишләші суръати сусаймади. Аксинча, 60 йиллик юбилей кунларига муносиб совға билан бориш учун утинмай меҳнат қилишда давом этди.

Устоз шоирнинг Дўрмонда неча-неча тунларни бедор ўтказганини ўз кўзи билан кўрган Тураб Тұла ёзганидек, “Миртемир чарчашни билмасди, қаттиқ ишларди, молдек ишлайман-да, деб куларди ўзи ҳам. Миртемирнинг айтишича, шоирнинг бошқа касб эталаридан тағин бир муҳим фазилати бор: у умри бўйи дам олмайди, умри бўйи ишлайди, ҳатто уйқусида ҳам. “Бошқаларни билмайману, мен шунақаман”, дерди. “Мабодо, – дерди тағин, – дам олиш шоирга ҳам насиб бўлса, фақат қаттиқ ишлаганида дам олади, ишлаб дам олади”.

Шоир Ҳусниддин Шарипов хотирлашибича, бир куни Ёзувчилар уюшмасидаги мажлисларнинг бирида Миртемир билан иттифоқ ёнма-ён ўтириб қолган. У устознинг кўлидаги сўнги китобларидан бирини кўриб қолиб, уни сўраб олган ва варақлай бошлаган. Эвоҳ, не кўз билан кўринган сатрларнинг аксари қалам билан таҳрир қилинган ва қарийб шеърларнинг “соғ жой”и қолмаган эди. У ҳайратга тушиб, бундай “шафқатсизлик”нинг сабаби билан қизиққанида, шоир: “Ишлаб юрадиган китобим. Ишлайман деган кишига иш топилаверади”, деб камтарона жавоб берган.

Шундай қаттиқ ишлаш, бир томондан, шоирнинг сиҳат-саломатлигига салбий таъсир кўрсатаётган бўлса, иккинчи томондан, Ёзувчилар уюшмаси раҳбарияти унинг ўзбек адабиёти олдидаги хизматларини назар-писанд қилмасликда давом этаётган. раҳбарият атрофида гирдикапалак бўлган айрим ёзувчиларгина барча мукофоту имтиёzlарга муюссар бўлаётган эди. Миртемир нафақат уюшма, ҳатто республика раҳбарияти, балки китобхон ҳалқ зътиборини қозиниш, унга муносиб асарлар яратиш учун бошқалардан кўра кўпроқ ишлашни лозим, деб билди.

Ёзувчилар ҳам Худонинг хом сут ичган бандаларидир. Ўзи қатори, ҳатто ўзидан паст ёзувчиларнинг “Ўзбекистон халқ ёзувчиси”, “Ўзбекистон халқ шоири” унвонлари, Ҳамза номидаги Республика Давлат мукофоти ҳамда орден ва медаллар билан тақдирланаётганини кўрган Миртемир ўзини шогирдлари ва оила аъзолари олдида ноқулай ҳис этарди. Гўё улар: “Нега сизга эътибор беришмайди? Сизнинг фалончилардан қаерингиз кам? Ёки Ёзувчилар уюшмаси раҳбарлари олдида бирор айбингиз борми?” деганшек қарашарди назарида. У шундай изтиробли вазиятдан чиқиш, бошқа нишондор ёзувчилардек магруона юриш учун Ленин ва партияни шарафлайдиган, газеталарнинг биринчи саҳифаларида босилиб, раҳбарлар эътиборини қозонадиган шеърлар ёза бошлайди. Кимларнингдир маслаҳати билан шундай шеърлар ёзишда давом этиб, 1969 йилда “Лениннинг жилмайиши” деган шеърлар китобини нашр эттириди.

Бу, Сталин қзатагончилик сиёсатининг фожиалари фош этилиб, сабиқ шўро мамлакатининг барча йирик шаҳарларида яна инқилоб доҳийсининг муҳташам ҳайкаллари ўрнатила, яна унга ҳамду санолар ўқила бошлаган давр эди.

Орадан бир неча йил ўтгач, ошкоралик ва қайта куриш даврида маҳфий архивлардаги темир сандиқлар очилиб, Лениннинг қандай жаллод бўлғанлиги ойдек равшан бўлди. Шундай кунларнинг бирида машҳур рус шоири Е. Евтушенко бундай деган эди: “Биз, олтмишинчи йилларнинг фарзандлари, кўп нарсани билмасдик. Биз Сталинни ГУЛАГ ижодкори ҳисоблаб, унга қарши курашдик, Сталинни Ленинга – унинг камтарлиги, эзгулиги ва ҳоказоларига қарши қўйдик. Архивлар очилиб, ўз кўзимиз билан ўқиш имкони берилганида, кўнглимииздан қандай ҳис-туйгулар ўттанини ёлғиз Аллоҳ билади. Мен биринчи концентрацион лагерь 1918 йилда Лениннинг кўрсатмасига биноан пайдо бўлганини тасодифан билиб қолдим. Бу қанчадан-қанча кишилар ҳалок бўлган машҳур Соловки эди. Кўзимиз кўп нарсага очилди...”

Тақдир Миртемирга шу даврни кўриш имконини бермади. Агар у 80-йилларнинг ўрталарига қадар этиб келганицида, “Лениннинг жилмайиши”ни йиритиш ҳам гапми, ёниб турган ўchoқقا ташлаб, кулга айлантирган бўларди.

1970 йили Миртемирнинг дунёга келганига 60 йил тўлди. Сўнгги вақтда қабул қилинган тартиб-қоидага кўра, Миртемир даражасидаги ёзувчиларга “Ўзбекистон халқ ёзувчиси” ёки “Ўзбекистон халқ шоири” унвони берилар, бундан ташқари, улар, албатта, совет давлатининг бирор ордени билан тақдирланар эди. Аммо ўша йилнинг 26 марта шоирга “Шавкатли меҳнати учун” медалининг берилиши унинг бундай хурмат ва эъзозга умид қиласлигига ишора бўлди. Буни сезибми, шоирнинг Қирғизистонлик дўстлари “Манас”ни ўзбек тилига таржима қиласи ва Қирғизистонга бағишлиланган туркум шеърлар яратгани учун Миртемирга “Қирғизистон халқ шоири” унвонини бериш масаласини кўтардилар. Қирғизистон компартияси Марказий Комитети Ўзбекистондаги тегишли идораларга Миртемирни “Қирғизистон халқ шоири” унвони билан тақдирлаш ниятида эканлигини маълум қилди ва ахлоқ-этик сабабларга кўра, улардан розилик сўради. Аммо Ўзбекистон компартияси Марказий Комитетининг тегишли бўлими ўзбек шоирини Ўзбекистондан аввал Қирғизистоннинг бундай унвон билан тақдирлаши жамоатчилик томонидан нотўри тушунилиши мумкин, деган мазмунда рад жавобини берди.

Бу қирғиз дўстларининг эзгу ниятлари ва хатти-ҳаракатларидан яхши хабардор бўлган шоирга катта зарба бўлди.

Унинг назаридаги, булар ҳаммаси сиёсий идораларнинг найранги эди. У кўчада орқами-орқа келаётган кишилардан шубҳалана бошлади. Уюшманинг бошқа миллатга мансуб аъзолари орасида Миртемирни сахий инсон ҳисоблаб, унинг йўлига мунтазир бўлган кимсалар оз эмас эди. Улар мабодо Миртемир бирор қаъвахонага кирадиган бўлса, биз ҳам Аллоҳ неъматларидан баҳраманд бўлиб қоламиз, деган умид билан унинг ортидан эргашиб юрадилар. Миртемир орган одамлари ҳисоблаб, уларга уч-тўрт сўм бериб қутулганидан ҳам курсанд бўлар, ҳам изтироб чекиб эзиларди. У яна қамоқقا олинишидан кўркиб яшарди. Унинг Ленинни алқаб шеърлар ёзишининг сабабларидан бири ҳам шунда эди.

* * *

Шоирнинг отмиш йиллиги арафасида уни республика раҳбари қабул қиласиган бўлди.

“Ёзувчилар уюшмасининг ўша вақтдаги раҳбарларидан бири,

— деб ҳикоя қиласи Тўра Сулаймон. — уч кун мобайнида устозга тинчлик бермади. Ундан бўлиб боринг, бундай бўлиб боринг. Ўзингизни ундан тутинг, бундай тутинг, деб. Охирги телефон қилинганда домланинг жаҳли чиқиб кетиб:

— Жуда қийин бир кунга қолдим. Яна нималар қилишим керак, айтинг! Ахир мен бунақа катта маҳкамаларда сизчалик кўп бўлмаганман, ҳукумат раҳбарлари билан сизчалик кўп гаплашмаганман. Ё менинг ўрнимга ўзингиз бориб қўя қоласизми?.. — дедилар-да, телефон тутқичини тарақлатиб кўйиб кўйдилар.

Шароф Рашидов Миртемир акани ўта самимий қабул қилибдилар. Ҳол-аҳвол сўрабдилар. Каму кўстингиз бўлса айтинг, дебдилар. Хуллас, устод жумҳурият раҳбаридан шодмон бўлиб келдилар”.

Миртемир шу қабул пайтида ортидан кимларнингдир пойлаб юришини, ўзининг Ваган ва партияга ўта садоқатли шоир эканлигини эйтиб: “Шароф Рашидович, мени қамашмоқчи! Доим орқамдан одам юргани юрган”, деб шикоят қилди. Саркотиб эса кулиб: “Йўқ, Миртемир ака, у замонлар ўтиб кетган. Сизни ҳеч ким ҳеч қачон қамамайди. Ташибланманг. Марказком сизнинг ўзбек адабиёти олдидағи катта хизматларингизни қадрлайди. Ҳали сизга аталган совға-саломларимиз бор. Вақти келганда топширамиз”, деб уни яхши кайфиятда кузатди.

Миртемирдек содда, ёмон замонларда юрагини олдирган за-бардаст шоир билан бўлиб ўтган сұхбатдан сўнг саркотиб Ёзувчилар уюшмаси раҳбарларига қўнфироқ қилиб, шоирга ҳар томонлама ҳурмат ва иззат кўрсатиш, унинг кўп жилдлик асарларини нашрга тайёрлаш ва нашр этиш ҳақида топшириқ берди.

1971 йил 17 июнь куни Ўзбекистон Совет Социалистик Республикаси Олий Совети Президиумининг қарори билан Миртемирга Ўзбекистон ҳалқ шоири унвони берилди.

Ўша кунларда Тошкент қурилиш ҳавзалари билан ўралган эди. 1966 йил зилзиласидан сўнг республика пойтахтини қайта қуриш ва ободонлаштириш ишларига катта зътибор берилгаётган ва шу зътиборнинг белгиси сифатида “Тошкент қурувчи-сига” деган нишон жорий этилган эди. Ўзбекистон Ёзувчилар уюшмаси Тошкент шаҳри ижроия комитети томонидан ёзувчилар учун ажратилган шундай нишон ва ёрлиқни Миртемирга беришни лотим топди. (Кейинчалик айрим шоир ва адабиётшунослар Миртемирнинг шўро даврида ҳаддан зиёд камси-

тилганини асослаш юстагида гүё унга ўт ўчирувчилар нишони берилган, деб келадилар.)

Ўша йилнинг 25 июнь куни Билимтар уйи (ҳозиргى рус драма театри) биносида Миртемирнинг 60 йиллиги нишонланди. Кўп ўтмай, СССР Олий Совети Президиумининг қарори билан Миртемир Мехнат Қизил Байроқ ордени билан мукофотланди. Юбилей мұносабати билан 1971-1972 йилларда шоирнинг уч жилдлик “Асаrlар” тұтлами нашр этилди. Аммо ассоция тантаналар шоир туғылган Ийқон қишлоғида ўтказилди.

* * *

1971 йил июнь ойининг сұнгы кунлари. Ҳамид Гулом бошлигидаги бир гурӯҳ ёзувчилар, олимлар ва санъаткорлардан иборат делегация эрта билан машиналарга ўтириб, Туркистанга, Аҳмад Яссавий ватанинга жүнади. Ўша пайтларда бундай талбирлар ўта тантанавор руҳда ўтказилар, юбиярни ва делегация аъзоларини қарийб ҳар қадамда саф тортган ёшлар гуллару куйлар билан кутиб олишарди. Ҳаётнинг бундай лаззатли дақиқаларини Миртемир илк бор ва, афсуски, сұнгги марта кураётган эди. У она юртига шундай ҳурматлы ижодкорлар ва санъаткорлар даврасида Ўзбекистон халқ шоири бўлиб бораётганидан, айниқса, мамнуну масрур эди. Сафардошлар орасида Озод Шарағидиновдек ҳазил-хузил усталари, Ҳамид Гуломдек шириңсухан суҳбатдошлар, бели чивин раққосалару чилдирмасини чертганда момагулдирак ҳам уялиб қоладиган соғандалар бўлганлиги учун Ийқон қишлоғига кўз юмиб очгунча етиб боргандек бўлдик.

Қишлоқ этаги донгдор юргдошини кутаётган қора кўзларга тўла эди. Ҳамма хурсанд. Гүё Ийқон шеърият осмонига парвоз қилиб келган фазогирини кутиб олаётгандек шод. Чилирмакашлар қўллари қавариб яра бўлгунча, карнайчилар эса сұнгти нафаслари чиққунча чалиб, еру кўкни рақсга таклиф этардилар... Ийқон Ийқон бўлиб бундай тантанани кўрмаган эди.

Миртемир Ийқоннинг шу дақиқалардаги кўтаринки ҳолатини тасвирлаб, бундай ёзган эди:

*Кишлоғим, нечоғлик сулувсан бугун,
Яшилга бурканиб, яшнабсан шунча.
Нечоғлик тўқиссан, нечоғлик тўқин,
Мени ўраб олди хаёл, тушунча:*

*Қай құрага кирсанғ – зишигі очиқ,
Бир нима татийсан, қүймас асло оч.
Қора қумғон қайнар, ёзилур чочиқ,
Зогорами, сүкми, ёғлон ё умоч...*

*...Агар сүйгән бүлса улоқ ё құзи,
Үхү нүхот шүрва ёки кулчатой.
Жуда қашшоқ бүлса – бор яхши сүзи,
Шундоқ яхши сүзки, гүё саримой...*

Миртемирнинг жигарлари күп экан. Улар бир-бирларига тулаш уйларда яшагани ва ҳар бири күй сүйиб, қозонга гүшт ташлаб меҳмонларни ингизорлик билан кутаётгани учун. шоир ёзганидек, ҳар бир құрага кириб, жуда бүлмаса, бир пиёла қимизни күтариб, бир ушоқ нонни тишлиб, эшикда кутиб турган бошқа жигарининг үйига тезрок боришга мажбур әдик. Олисдан келаётган карнай-сурнай садолари эса тезрок түйхонаға стиб боришимизни ёдга тушириб турарди...

Жамоа хұжалиғи раҳбарларидан бирининг катта болғыда жой тайёрланған экан. Дастанхоннинг ноз-неъматлар билан түкинлиги мезбонларнинг ўта меҳмоннавозлигини, шиша күтариб келаёттан йигитлару “түйбола” устиға чопон ёпмоқчи бүлған кексаларнинг кети узилмаганини айтмаса ҳам бўлади. Кимлардир нозу неъматлардан, кимлардир нозу қарашмалардан масту мажнун бўлди.

Базми жамшид сұнгти мэррасига яқынлашиб қолғанда жамоа раиси ўртага бир отни етаклаб чиқиб, шоирни муборак олтмиш ёшта түлғанлиғи билан самимий табриклаб. отни соғва қилди. Сұнгра Ийқондаги булоқлардан бирини таърифлашга киришди-да, шоирдан булоққа исм беришни сўради. Миртемирнинг энг севимли сўзларидан бири “суюқ” сүзи эди. У бирор китобига дастхат ёзадиган бўлса, албатта, “суюкли фалончига”, деб имзо чекарди. Шоир узоқ ўйлаб ўтирмаи, булоққа Суюқ номини берди. Шу кундан бошлаб Суюқбулоқ деб аталажак булоқ ийқонликларнинг машҳур ҳамюртларига аталган энг катта армуғонлари эди.

Саккизинчи фасл

СҮНГИЙ ЙҮЛ

*Қаңча йүллар босдим, гоҳида толдим,
Лекин халқ номига юқтирмадим гард.
Фарёд солар чоқда жим бўла олдим,
Халқим дарди эди дил ўртаган дард.*

Миртемир.

Беморлик мавсуми

Адабиёт оламига кимдир адашиб, кимдир адабий истеъдодининг дарввати билан киради. Аммо ҳаётнинг ажабланарли томони шундаки, истеълод кучасидан етти маҳалла нарида туғилган кишилар адабиётда ҳам, санъатда ҳам пешқадамлик дарвоси билан яшайдилар. Ҳатто адабиёт ва санъатнинг шоҳ супасига чиқиб олиб, иссиқ жойларини истеъдод эгаларига бермаслик учун шундай маҳорат билан иш юритадиларки, улар қаламига мансуб асарларда шу маҳорат зарраларини ҳам кўрмай доғда қоласан киши.

...1967 йилнинг апрель ойи бўлса керак, Ўзбекистон Ёзувчилар уюшмасининг навбатдаги пленуми бўлиб, унда СССР ёзувчиларининг І қурултойига делегатлар сайланган. ҳаётнинг маҳбуслик кунларини кечиргани учун СССР ёзувчиларининг І қурултойида иштирок эта олмаган Миртемир навбатдаги ахжуманларда делегат бўлиб қатнашишни орзу қилиб юради. 50-йилларда унинг ижодида рўй берган кўтарилиш, унинг адабий ҳаётдаги кун сайин ўсиб бораётган мавқеи бунга тўла ҳуқуқ берарди. Аммо пленум қатнашчилари эътиборига ҳавола қилинган рўйхатга Миртемир номи кирип олмаган эди. Бу ҳол зални жунбишга келтирди. Ўша йилларда адабий мунаққид сифатида танила бошлаган Озод Шарафиддинов пленум аъзолари эътиборини бу кўнгилсиз воқеага жалб этди. Йигилиш раиси рўйхатнинг раҳбар идоралар тасдифидан ўтганигини пеш қилиб, унга бошқа бирор ёзувчини киритиш иложсиз эканлигини айтди. Аммо Озод Шарафиддинов ҳам, зал ҳам бўли келмади. Йигилиш раиси ниҳоят яна ўрнидан туриб:

“Хўш, кимнинг ўрнига Миртемир номзодини тавсия қиласиз?” – деб сўради. Озод Шарафиддинов рўйхатдаги беш-олти фамилияни тилга олиб: “Шулардан қайси бири адабиётга Миртемирдан кўпроқ хизмат қилган ва хизмат қилаяпти? Қани, айтинг!” – деб туриб олди... Хуллас, Озод Шарафиддинов бошлигидаги зал ғолиб чиқиб, Миртемир совет ёзувчиларининг навбатдаги қурултойига делагат этиб қайланди.

Шундай қилиб, Миртемир орзуси рўёбга чиқиб, Москва-та, ёзувчиларнинг ЙУ қурултойига музaffer жангчидек хуш кайфият билан борди. Аммо...

“Москвада ҳам домланинг иши юришмади, – деб эслайди қурултойга делегат бўлиб борган Сайд Аҳмад. – Вакилларга меҳмонхонада яхши жойлар беришди. Ҳаммамиз чемоданларимизни кўтариб хонамизга кириб кетдик. Туроб Тўла билан буфетда чой ичиш учун чиққанимизда Миртемир домла меҳмонхонага кираверишдаги жойда ҳали ҳам чемоданини тагига кўйиб ўтирибди.

У кишидан “нима қилиб ўтирибсиз?” – деб сўрадик.

– Менга жой йўқ экан. Беришмади.

– Узбекистонликларнинг рўйхатини кўрмадингизми?

– Кўрдим, – деди у кўл силтаб. – Йўқ, номим йўқ.

Маълум бўлишича, Тошкентдан қурултой бошланмасданоқ рўйхат юборишган экан. Миртемир ака қўшилган рўйхат Москвага юборилмаган.

– Энди нима қиласиз? – деди Туроб. – Яшин акани то-пиш керак...

Домла кўл силтади.

– Тошкентта қайтиб кета қолай. Катталарнинг кўзига ху-нук кўриниб нима қиласан?!.

Туроб Яшин акани қидириб топди, ахволни тушунтириди. Бир оздан кейин раисимизнинг ёрдамчиси пастга тушиб, Миртемирнинг чемоданини кўтаришиб, лифтда олиб чиқиб кетди. Кейин билсак, Яшин ака у ёқ-бу ёққа телефон қилиб, домла-га жой олиб берибди”.

* * *

1969 йилнинг куз ойлари. Ҳамид Олимжон туғилган куннинг 60 йиллиги муносабати билан Жиззахдаги “Москва” жамоа хўжалиги худудида баҳт ва шодлик куйчисига бағишланган музей очиладиган бўлди. Музей очилишига икки кун қол-

танды Миртемир икки-уч шоир билан бирга Жиззахга етиб борди. Ёзувчилар уюшмасининг топшириғига күра, улар шоир туғилған заминда юбилейга тайёргарлик ишларининг бориши билан танишишлари ва юбилейнинг юқори савияда ўтишига ёрдам беришлари лозим эди.

Музей экспозициясини яратиш учун Тошкентдан, Алишер Навоий номидаги Адабиёт музейидан бир гурӯҳ мутахассислар жалб этилган эди. Шулар орасида фольклоршунос олим Малик Муродов ҳам бор эди. Миртемир Жиззахга келган кундан бошлаб у билан бирга бўлган.

“... Миртемир оғанинг тоби йўқроқ бўлса-да, – деб ёзган эди у шоир ҳақидаги хотираларида, – ярим тунгача сұхбатлашиб ўтиризик. Нафаси қисар, дамба-дам йўталарди. Аммо ҳадеб: “Музейга нималар қўйилди? Ҳамиджонга оид фалон нарса назарларингдан четда қолиб кетмадими?..” деб суриштиарди. “Зап савобли иш бўлди-да! Ҳамидга атаб ўнлаб музей ташкил қўлса ҳам оз!” дерди. “Дам олинг, толиқиб қоласиз. Эрта ва индинги программа жуда катта”, деб қанча қистамайлик. ҳеч ҳам кўнмади, яна ва яна Ҳамид Олимжоннинг адабиёт, санъат ва маданият тараққиётига қўшган ҳиссаси, ўзбек фольклорини ўрганиш, тўплаш ва тарғиб-ташвиқ ишлари... хусусида ўзига хос куйинчаклик билан сўзлади. Ярим тунга боргач, Миртемир толиқиб қолди: бора-бора аҳволи жуда оғирлашди. Мен Ҳамрокул Носировга телефон қилиб, воқеани айтдим. Раис тезда врач юбортирди. Туни билан Миртемир оғанинг ёнида бўлдим: иссиқ чой тутдим, суюқ овқат тайёрлатиб ичирдим, врач тайинлагандек массаж қилдим... Ҳайрият, эргаси куни соат ўнларга бориб ўзини бир оз яхши сеза бошлади...”

* * *

Шу воқеадан кейин Миртемирнинг юраги тез-тез безовта бўла бошлади: унинг сиҳат-саломатлиги анча ёмонлашган эди. Биз ўша кезларда шоирни кўргани борган кунларимизда Адабиёт жамғармаси қошидаги поликлиника бош шифокорининг тез-тез келиб, бемор қон томирининг уришини ўлчаётгани ва тиббий маслаҳатлар бераётганига гувоҳ бўлар эдик. Шундай кунларнинг бирида бош шифокор билан бемор ўртасида бундай савол-жавоб бўлиб ўтган эди:

Шифокор:

— Миртемир ака, юрагингиз чарчаб қолибди... Ишлар чатоқ...
Шифохонада ётиб даволанмасангиз бўлмайди.

Бемор:

— Бўтам, ётишга тоқатим йўқ. Бола-чақам безовта бўлади.
Қолаверса, ёзадиган-чизадиган ишларим кўп...

Шифокор:

— Агар ётиб даволанмасангиз, бола-чақанғизнинг ташвиши
янаям оргади.

Бемор:

— Шифохонада ичиладиган дорини уйда ҳам ичишим мум-
кин. Шифохонада қилинадиган уколни сизлар уйга келиб ҳам
қилсаларингиз бўлади. Агар сизларга малол келса, ўзим бора-
ман укол олгани!..

Шифокор бир оз ўйланиб қолди. Сўнгра:

— Жуда қайсарсиз-да. Миртемир ака, жонингизни ўйла-
майсиз... Майли, нима ҳам қилдик... Бир чорасини топишга
мажбурмиз. Аммо сиз ҳам бизнинг шартларимизга кўнишин-
гиз лозим.

Бемор:

— Нима демоқчисиз, айта қолинг. Шифохонага бормасам
бўлгани!

Шифокор:

— Кулданни кўриб турибман, кўп чекар экансиз...

Бемор:

— Ҳа, бўтам, шундай айбим бор.

Шифокор:

— Буфет тирқишидан шишалар ҳам кўринаяпти. Китдай-
қитдай қилиб ҳам турадиганга ўхшайсиз.

Бемор:

— Бўтам, шундай айбим ҳам йўқ эмас...

Шифокор ўйлаб, агар шундай “гуноҳли ишлар” баҳри-
дан ўтишни маслаҳат қилсан, bemor қийналиб қолар, ҳар
ҳолда организми кўниккан кўринади, деган хаёл билан бун-
дай дейди:

— Миртемир ака, юрагингиз ҳилвираб қолибди. Ўзингиз-
ни эҳтиёт қилмасангиз бўлмайди энди. Агар бу номаъкул одат-
ларнинг ҳаммасини тарқ этинг, десам, сизга жабр бўлади.
Лекин чекишини ташлашингиз шарт. Дунёда папирос, сигарет
деган нарсанинг борлигини тамом унунтинг. Ичкилик масала-
сига келсак, бу ҳам кони заар, аслида. Майли, хумор қилиб

қолганида, баъзан-баъзан бир пиёла чойга тўрт-беш томчи конъяк томизиб ичишингиз мумкин. Конъяк юрак томирларини кенгайтиради...

Миртемирнинг қулоғи оғирроқ эди. Аммо қулоғига пакта тикқан ҳар бир одам ҳам ўзига керакли гапни, албатта, эшигади. Миртемир ҳам конъяк сўзини эшитиб, дилига шартта тутиб олди. Ичкилик хумор қилиб қолган пайтларда бир пиёла конъяк устига беш-олти томчи чой қуиб ичадиган бўлди.

* * *

Миртемирнинг бу дунёда орттирган бойликларидан бири шогирллари эди. У уюшма қошиладиги ёшлар семинарига раҳбарлик қўлган кезларидан бошлаб ўнлаб ёшларнинг шеърият дононларини забт этиб, таниқли шоирлар қаторидан жой олишига муҳим ҳисса қўшган. Таниқли ёзувчилардан бири ёзганидек, “Эркин Воҳидов билан Абдулла Орипов, Омон Магчон билан Ҳалима Худойбердиева, Носир Фозилов ва Азиз Абдураззок, Юсуф Шомансур билан Ҳайридин Салоҳлар Миртемирнинг тўнидан чиққан, десак хато бўлмас”. Камина Миртемирнинг шу шогирллари рўйхатига Андижондан Тўлан Низом, Муҳаммад Али, Олимжон Ҳоддорни, Сирдарёдан Тўра Сулаймонни. Тошкент вилоятидан Барот Исроил билан Отаёрни, тошкентлик Ҳайдар Муҳаммадни ҳам, албатта, қўшган бўлардим.

Миртемирнинг садоқатли шогирлларидан бири Тўра Сулаймон эди. Устоз, бошқа шогирллари қатори, унинг ижодий улғайишига кўмак берибгина қолмай, оиласвий-маиший ҳаётининг изга тушишида ҳам меҳрини аямаган. Хасталик кезларига қарамай, унинг илтимоси билан Сирдарё вилоятидаги учрашувлару ижодий кечаларга неча маротаба борган.

Кунларнинг бирида китобхонлар билан учрашув ўтказиш учун устоз билан шогирд Зомин туманига йўл олишди. “Ўша кезлари, – деб хотирлайди Тўра Сулаймон, – домланинг бетоб чоғлари эди. Оғриғи қайталаб қолди. Шунга қарамай, учрашувни бир амаллаб ўтказиб олдик. Гулистонга етиб келгач, Сирдарё вилоят шифохонасининг бош врачи Шодиёр Бегимқуловга хабар қўлдим. Дам олиш куни бўлишига қарамай, у киши бизни тўғри уйига олиб бордилар. Мутахассис шифокорларни чақириб, даволашга тушдилар. Уч-тўрт соат ичидаги домла бир қадар ўзларига келдилар. Шу-шу домла умрининг

охиригача Шодиёр Бегимқуловни тилларидан туширмадилар. Миннатдор бўлиб юрдилар...”

Миртемирнинг “Бетоблигимда” деган васият-шеъри беморликнинг шу жиддий хуружи таъсирида ёзилди.

*Мажнунтол тагига ўтқазинг мени,
Коврлмай тоғаслик алангасида.
Мажнунтол тагига ўтқазинг мени,
Нафасимни ростлаш кўланкасида.*

*Мажнунтол тагига ўтқазинг мени,
Қушлар эвозига қулоқ солайин.
Мажнунтол тагига ўтқазинг мени,
Хаёл оғушида ором олайин.*

*Мажнунтол тагига ўтқазинг мени,
Шу кунгача ўзни мен чеклаб бўлдим.
Мажнунтол тагига ўтқазинг мени,
Мен учун йигласин, мен йиглаб бўлдим.*

Бу шеърнинг ҳар бир сатри ва ҳар бир ҳужайрасидан ҳаётдан дод деб қетаётган шоир қалби зарб бериб туради.

* * *

1971 йил бошларида “Гулистон” журнали Миртемирнинг бир туркум шеърларини беришни режалаштирган эди. Журнал бош муҳаррири Асқад Мухтор бу шеърларни ундириб келиш вазифасини шоирнинг юртдоши Сайдулла Сиёевга топширди.

Сайдулла таҳририят топшириғини бажариш учун Ишчилар шаҳарчасидаги қадрдон хонадонга келди. Эшикни очиб, кен-найининг таклифи билан ичкарига кириб, хонадон соҳибидан дарак бўлмаса ҳам, янги келган газета ва журналларни варақлаб ўтириди. Анчадан кейин, қиши бўлганилтиги сабабли, эгнига иссиқ жун кўйлак, бошига берет кийган шоир хонага кириб келди. Устоз билан шогирд кўришиб, бир-бирларининг ҳол-аҳволларидан хабар топгандаридан кейин Сайдулла муддаога ўтди:

— Тайёр шеър бўлса, олиб кетмоқчийдим. Анчадан бери “Гулистон”да чиқмаяпсиз. Асқад aka шу сонга Миртемир ақадан уч-тўртта шеър ундириб кел, деган эдилар.

— Тайёр шеърим йўқ, бўтам, — жавоб беради шоир.

— Унда янгисини ёзib берасиз. “Гулистан”ни унугиб қўймангт. Асқад аканинг сизга бўлган ҳурматини яхши биласиз. Иложи бўлса, “Гулистан”нинг ҳар бир сонида сизнинг шеърларингизни беришни хоҳлади Асқад ака, — дейди Саъдулла чечанлиги тутиб.

— Тўғри айтгасиз, — деди Миртемир, — “Гулистан”да анчадан бери чиқмаяпман. Ёзib бераман. Бирор долзарб мавзуда. Беш-олти кундан сўнг бир қайриласиз-да.

“Қайриладиган” кун етиб келганида, Миртемир тоби қочиб, шифохонага тушиб қолди. Саъдулла кўргани борганида бемор бир ўзи бир хонада ётар, дераза ёнига қўйилган Каравотнинг бош томонида дид билан тахланган қалам-дафтарлар, газета-журналлар, китоблар, катта-кичик шишаларда дори-дармонлар саф тортиб турарди. Миртемир Саъдуллани кўриши билан касаллигини ҳам, шифохонада ёттанини ҳам унугиб, бир чеккада турган пакетни очди-да, дастурхонга нон-пон, мева-чеваларни қўйди. Сўнг кимнидир чақириб, чой олиб келишни буюрди.

Миртемир шифохонага тушган кунларида ҳам, қўшни республикага ижодий сафар билан борганида ҳам зиёратчиларга дастурхон ёзив, улар кўнглини олишни ўзининг инсоний бурчи, деб билар, ҳатто ўндан пайтларда уйига кунгироқ қўлиб, ўзи истеъмол қилиши мумкин бўлмаган таомларни-да пишириб-тайёрлаб келишни буюрарди. Бу Миртемир инсоний сажиясининг ажралмас белгиларидан бири эди.

Саъдулла борган куни ҳам шундай бўлди. Миртемир ўзи емай-ичмаса ҳам меҳмонни едириб-ичирди. Сўнг Саъдулланинг бехуда келмаганини сезиб, гапни узрдан бошлади:

— Журналларинг олдида уятликман, бўтам. Туппа-тузук юргандим, бирданига бундай бўлиб қолди... Ҳозир ҳийла яхши-ман. Шеърни ёзив бераман, қоралаб қўйганман. Тунда, соат ўн бирдан кейин дўхтирилар хоналарига кириб кетади. Шунда эшикни бекитиб оз-оздан ишляпман. Бир куни дўхтирим қўриб қолиб уришли. “Ахир мен бу ишдан роҳат қилиман, ишласам енгил тортаман”, десам ҳам кўнмайди-я! Худди атайлаб қилгандек, дўхтирилар навбатчилик қиладиган хона рўпарасида ётган эканман. Алдаб бўлмаяпти. Уларнинг кўзидан узокроқ ерга кўчмоқчи бўлиб турибман...

70-йиллар Миртемир умрининг беморлик билан ўтгаň йиллари. десак хато бўлмайди. Биз шифохонада узоқ ётмай. турли баҳонаи сабаблар билан чиқиб келавергани ва тинмай ижодий меҳнат билан машғул бўлгани туфайли шоирнинг тез-тез хаста бўлишига кўнишиб қолган эдик. Ҳэтто унинг янги келган газеталарни ҳеч кимга кўрсатмай туриб, тўртинчи бетининг этагидаги икки энлик жойини секингина йиртиб, фижимлаб, қаергадир ташлаб келишига ҳам аҳамият бермаганимиз. Кейин маълум бўлишича, газетанинг шу икки энлик жойида кимнингдир ё кимларнингдир вафоти муносабати билан таъзияномалар чиқсан бўлар ва Миртемир ўз хонадонига ҳэтто бирор шум хабарнинг ҳам йўламаслиги учун шундай ирим-сирим килишга одатланган экан.

Аммо шоир ўз умри оз қолганлигини сезарди. Айниқса, етмиш ёшни қоралагани ва шифохона унинг иккинчи уйи бўлиб қолганидан сўнг, у ўлим ҳақида тез-тез ўйлайдиган бўлди. 70-йилларнинг бошларида марказий газеталарда “кафанигача олтиндан бўлган номдор бир жангчи”нинг қабри топилганлиги ҳақида хабар чиқиб қолди. Миртемир бу хабарни ўқиб, ўзидан нима қолиши мумкинлигини ўйлаб кетди. Айни пайдада, бояги жангчи сингари, агар ўзим билан олиб кетишими мумкин бўлса, нимани олиб кетардим, деган саволга жавоб ахтаради.

“Эшиккўл этагида қадимги бир жангчининг қабрини топишибди. Кафанигача олтин эмиш. Ханжари, этиги, қиличи, дубулгаси, энтил-боши, қўйинг-чи, косаси, пиёласигача қўйма олтин, тобути ҳам...

Бу бизнинг боболаримизнинг боболарига хос бурунги ергани сағаналаридан. Номдор ва салтанат эгаларидан бирининг сағанаси...

Агар мен мангулик уйқуга кетар кун бирон буюм ола кетиш эрки берилиб қолса... не олиб кетаркинман?”

Миртемирнинг “Агар мен...” деб номланган сочмаси шундай сатрлар билан бошланади. Агар биз шоирнинг: “Не олиб кетаркинман?” деган саволига ўзи берган жавобни ўқийдиган бўлсак, унинг бояги жангчидан ҳам кўпроқ нарсани олиб кетиш истагида эканлиги маълум бўлали. Бироқ у олтиндан ясалган асбоб-анжомлар, кийим-кечакларни эмас, бошқа нарсаларни — ҳовлисидаги оқ гулларнинг бир ҳовуч атрини, Ҳалима

хоним свозида янграган Навоийнинг бир сатрини, Ойбек берган “ўша қалам”ни, она қабрини тополмагани сабабли суяксуякларига сингиб кетган қирқ йиллик аламни, қуйинг-чи, шоир учун нима азиз бўлса – ўшани, нимани куйлаган бўлса – ўшани, нимани орзу қилган бўлса – ўшани олиб кетиши истагида!

Сочма бундай сўзлар билан тугайди:

“Ўлгандан кейин бирон буюм олиб кетиши эрки берилса, мен шуларнигина ола кетишни истар эдим. Лекин ҳали ўладиган тентак йўқ, гап шунда...”

Бу сўзлар шунчаки айтилган сўзлар эмас.

Хасталик соя янглиғ Миртемир билан изма-из юрганига қарамай, шоир яшаш ва ижод қилиш учун куч топишга интилди. У шундай кучнинг борлигини биларди. Бу куч сувда чўқмайдиган, ўтда ёнмайдиган Мұҳаббат эди. У ҳатто хасталик кунларида ҳам шу Мұҳаббатни алқаб, жўшиб куйлади:

*Ором оғушида мудрар эди тун,
Сукут бузар ёлғиз сув шовуллаши.
Ўлгунча эсимда сақланар беун
Кўзлар ловуллаши, қалб ловуллаши...*

*Сочларинг толаси қўлимда ҳануз,
Атри эса гариб жонимда бутун.
Кўрку латофатинг кўнглимда ҳануз,
Бебошвоқ жўш урад қонимда у тун...*

Бахтсиз тасодиф

Инсон зотининг ҳаёти кўп нарсаларга боғлиқ. У ҳар бир ҳатти-ҳаракатини қанчалик идора қилиб, соғлом турмуш кечирмасин, бахтсиз тасодифлардан ҳоли бўла олмайди.

Миртемир хасталик туфайли шифохоналарда ётиб даволанишга қанчалик кўнинкан бўлса-да, 1974 йил 29 июль куни рўй беражак воқеа хаёлига ҳам келмаган эди.

Ўша куни у Ёзувчилар уюшмаси қошидаги Адабиёт жамғармасининг раиси Фани Жаҳонгиров билан тушлик қилиш учун Тошкент шаҳрининг Алоқа бекати яқинидаги лағмонхонага бормоқчи бўлди. Бу таклиф жамғарма раисидан чиқди. Миртемир билан анчадан бери ҳамсуҳбат бўлмай, соғингани

учун Фани Жаҳонгиров, тушлик баҳона, шоир билан отамлашмоқчи булди. Тасодифни қарангки, таомхонага яқинлашиб қолганларида, қаршидан келаётган юк машинаси улар тушган машинага бехос урилиб кетиб, ҳалокат юз берди. Иккала йўловчи қаттиқ шинкастланди. Фани Жаҳонгиров мушкул ҳолатда булишига қарамай, “тез ёрдам”ни чақиртириб, Миртемир билан бирга 1-шаҳар шифохонасига аранг етиб боришиди.

Бу ноҳуш ҳодиса хабари бир зумда шаҳар бўйлаб тарқалди. БизFaффор Мўминов ва Ҳусан Рўзметов билан шифохонага етиб борганимизда, ҳар икки жабрдийда кичик бир хонада ҳали ўзларига кела олмай инқилаб ётишган эди. Ҳайтовур, улар олган жароҳат хавфли бўлмагани учун бизнинг саволларимизга қийналиб бўлса-да жавоб беришиди.

Маълум бўлиничча, ўша кунларда Тошкент телевидениеси Миртемир тўғрисида маҳсус кўрсатув тайёрлаш ниятида бўлган, кўрсагувни шу куннинг эртасига ёзиб олиш ва намойиш этишни режалаштирган экан. Миртемир телевидениенинг бундай эътиборига камдан-кам мұяссар бўлгани учун телекўрсатувнинг бекор қилиниши мүмкинлигидан афсусланётганини яширмади.

Ўша кунларда техник янгиликлар жинниси бўлган дўстимиз Носир Фозилов қўлда олиб юрадиган жажжи телевизор сотиб олган эди. У ҳаммамизга нисбатен янгиликпарвар кишилар қавмидан бўлиб, шаҳар дўконларида транзистор ёки кўлбола телевизор пайдо бўладими, анқонинг уруғига ўхшаш бошқа бирор ноёб нарсанинг келганини эшитадими. Ўшани дарҳол сотиб олмаса, ухлай олмас эди. Биз Миртемир акани Носирнинг уйилаги янгиликдан хабардор қилиб, кўрсатувни пала тада ўтириб, Носир олиб келган телевизорда кўришингиз мумкин, деб юпатган бўлдик.

Буни қарангки, кўрсатув “Шоир Миртемир ҳузурида” деб номланган экан. Кўрсагув бахтсиз тасодиф туфайли 30 июль куни шоир хонадонида эмас, балки кундузи, телестудия павильонида ёзиб олиниди. Кўрсатув ёзиб олиниши билан унда қатнашганд аданбиётшунос Маҳмудали Юнусов бемор шоирни кўриш учун шифохонага борди.

“Телестудиядан чиққиб, – ёзади Маҳмудали Юнусов, – тўғри Миртемир аканинг олдига бордим. Ҳар икки жабрланган битта кичкина палатада ётишар, аҳволлари анча оғир эди. Бир оз ўтириб кўні ил сўраган бўлдим ва шифо тилаб, уйга жўнадим.

Йўлда: “Бугунги “Адабий портрет”ни Миртемир аканинг ўзи ҳам кўрса яхши бўларди”, деган фикр хаёлимгә келди. Кўшним Носир Фозиловнинг кичкина телевизори борлигини билардим. Чиқиб воқеани айтганимда, у дарров рози бўлди. Кўрсатув вақтига мўлжаллаб телевизорни олиб бориб, палатага ўрнатди. Бирдан чиройли музика садолари янграб, экранда “Адабий портрет. Миртемир” деган титр пайдо бўлди. Судбат бошланиб кетди. Шоир экрандан кўзини узмай, томоша қилиди”.

* * *

Маҳмудали Юнусов билан Носир Фозиловнинг жаста шоирни кўргани боришгани Отаёрнинг шоир ҳақидаги китобида бундай ҳикоя қилинади:

“Домла: “Тавба! Қэндай кўргилик бўлса, менга ёпишади-я... Нима бўлгандаям омон қолдик-ку”, дер, шифокорлардан гоҳ Фани Жаҳонгировнинг, гоҳ шофёрнинг аҳволини сўрар, хуллас, оғриқ азобига чап бериб ётарди.

Сўраб келганларга шифокорлар рухсат беришмас, “безовта қиласизлар”, деб киритишмасди.

Шундай бўлсаям, Азиз Абдураззоқ шифокорларни кўндириб, ишлата кирдию домладан ҳол-аҳвол сўради:

— Тинчликми, домла? Сал яхшимисиз энди?
— Тинчлик бўлса, бу ерда ётармидим, фалокат-да, мана, қаранг. одамларга иш орттириб ётибман. Қовурғаларимдан анчали синган эмиш... Манави шишаларни танамдан олишиб, — Миртемир ака машина ойнасининг синиқларини кўрсатди. — Тузатамиз, дейишаяпти...

— Вой-бў... — деди Азиз Абдураззоқ, — бу шиша дегани буюмлигига чиройли кўринаркан, мунча хунук...

Миртемирнинг чиройи очилиб, юракдан кулди...

Шу пайт телевизор кўтарган Носир Фозилов билан Маҳмудали Юнусов йўлини қилиб кириб қолишиб.

Ҳол-аҳвол сўрашгач, Носир Фозилов домлага деди:

— Телевизор кўришга рухсат этишадими?

— Ҳа... Айтгандай, бугун эшиттириш бор эди-я. Овора қилдим-да ҳаммани.

Носир Фозилов индамай телевизор кулогини буради. Диктор, орадан бир пас ўтиб, зълон қилди:

— Энди “Шоир Миртемир ҳузурида” номли кўрсатувимизни бошлаймиз...

Миртемир ёнбошлаб оларкан, ўтирганларға ҳайратомиз ти-
клиди.

— Менсиз қандай?.. Бу ахволда ётган бўлсан...

Аммо кўрсатув гўё Миртемир қаёқладир сафарга кетгану усиз
утаётгандай, ўта савиляли даражада ниҳоясига етди...

Миртемир гўё фалокатга учрамагандек эди, очилиб кетди.

— Эртага мўмиё билан даволашда довруни оламга кетган
Одил Шокиров келармиш, — деди у. — Ҳадемай дўстлар қато-
рига тушиб кетсан ажаб эмас...

Ҳақиқатан, эртасига Одил Шокиров келди. У Миртемирни
жуда яхши кўрағ: “Киройи шоир бўлсанг, Миртемирдек
бўлсанг-да”, дегувчилардан эди. Шокировнинг қўли енгил экан,
Миртемир оёққа туриб кетди...”

* * *

Бахтсиз тасодиф рўй берган куни отахон шоир Зокиржон
Холмуҳаммад ўғли Ҳабибий гуғилган кунининг 80 йиллиги
тонг саҳардан нишонлана бошлаган эди. Каминанинг шогирд-
ларидан бирни Ваҳобжон Дарабоев Ҳабибий ижоди билан шу-
ғуланиб, диссертация ёзаётганилиги туфайли биз домланинг
уйига тез-тез бориб тураг, Ваҳобжон эса домланинг фарзан-
дидек бўлиб қолган эди. У тонг саҳарда поезддан тушиб, Ан-
дижондан олиб келган дон-дуналарини кўтариб, домланинг
уйига кириб борди. Кенг ҳовлида нима қилишни билмай тур-
ган кўни-кўшнилар, қариндош-уругларни ишга солиб, бир
зумда ҳовлига байрам тусини берди. Тушлик чоғида келиб,
домлага ҳукумат орденини топширажак республика раҳбарини
кутиб олиш чораларини қурди. Сўнгра кечки катта байрам та-
раддуллари бошланди.

Шу куни кечқурун домланинг Камолон маҳалласидаги ҳов-
лисида дастурхон ёзилиб, кекса шоир муборакбод қилинди.
Оқсоқол шоирни қутловчи шоир ва санъаткорларнинг кети
узилмади. Бир маҳал даврага раислик қилаётган Сайд Аҳмад
“Эндиғи табрик сўзи шоир Миртемирнинг фарзанди Миржа-
лолга”, деб қолди.

Миртемир Ҳабибий домланинг тўйидан хабардор бўлган-
лиги туфайли шахсан ўзи келиб, отахон шоирни бағрига бо-
сиб, чин дилдан табрикламоқчи бўлган экан. У шифохонада
азоб чекиб ётганига қарамай, Ҳабибий домлани қутлаш ва
узбекона совға билан сийлаш учун тўнғич ўслини юборган

экан. Миржалол Турсунов отасининг узрли сабаб билан кела олмаганини айтиб, оқсоқолнинг устига унинг номидан түн ташлади.

Вазиятдан яхши хабардор бўлганим учун хаста Миртемир-нинг бу олижаноблигини кўриб, кўзим ёшга тўлди.

* * *

Телекўрсатув бўлган куннинг эргасига, 31 июль куни, Маҳмудали Юнусов шаҳар кўчаларидан бирида Ҳабибий домла силан тасодифан учрашиб қолди. Кекса шоир адабиётшунос олим билан қуюқ саломлашиб “Миртемир жисмоний азобда ётган кунларда сизлар руҳий жиҳатдан даволадинглар, фоят мамнун бўлдим”, дебди.

Бахтсиз тасодиф... Ҳатто шундай нохуш ҳодисалар ҳам инсоннинг асл моҳиятини очиб, гўзал қирраларини дафъатан нурлантириб юборади.

Туркистон ёди

Аввалии фаслларда айтиб ўтганимиздек, Миртемир ҳаёти-нинг сўнгги йилларида туркистонлик бирор яқин қариндошининг фоний дунёдан боқий дунёга рихлат қилганини эшитиши билан, хасталигига, ҳатто шифохонада ётганига ҳам қарамай, чала-ярим даволаниб, қариндошлиқ бурчини адо этиш учун Туркистонга борарди.

Шоир кексайиб, сиҳат-саломатлиги заифлашиб қолганлиги сабабли эшикнинг бехос тақиљлашидан баъзан эсаблари жунбушга келиб, кўз олди қоронғилашидан бўлди. У руҳиятида кечган шундай ҳолатлардан бирини “Гоҳи...” деган шерьида бундай тасвирлаган:

*Гоҳи кимдир қўйқус чертади эшик,
Чертмайди, дарғазаб тақиљлатади,
Кўзимга кўринар тобут ва бешик,
Ажал шундоқ лақиљлатади...*

Ўша куни ҳам эшик бехос чертилиб қолди. Нонушга чогида гангир-гунгир қилиб ўтирган оила аъзоларидан бири югурга бориб, эшикни очганида, ҳовлига чўпоннамо кийинган, юзлари офтобда қорайган, барвастагина қозоқ чол кириб:

— Миртемирдинг уйи сулми” — деб сўради.

Меҳмоннинг алашмаганига амин бўлған фарзанд чолга салом бериб, ҳурмат ва одоб юзасидан уни дастурхонга таклиф этади. Нафақат вилоятлар, балки Қозогистон, Қорақалпогистон, Қыргизистондан ҳам каттгаю кичик қатамкашларнинг “Асалому алайкум” деб кириб келаверишларига кўнишиб қолганлиги учун эшик очган фарзанддек, уй соҳиби ҳам меҳмон билан самимий сўрашиб, курсига ўтиришни сўралди. Улар бир оз қозоқчалаб чақчақлашгандаридан сўнг ўринларидан туриб кучоқлаша кетдилар. Маълум бўлишича, меҳмон Миртемирнинг болалик чоғларида “Туркистоннинг қайноқ тупроқлари ни ялангоёқ бирга тўзғитиб ўсган” жўраларидан экан. Бу уларнинг ярим асрдан кейин бир-бирларини кўриши ва бир-бирлари билан дийдорлашуви эди.

Чол, туркистонлик бошқа оқсоқоллар сингари, болачалик, невара-эваралик, ўзбекона айтганда, пири бадавлат кишилардан эди. Аммо оқсоқол барча фарзанду неваралари оддий колхозчию ишчилар бўлиб улғайгани, бошқа тенглошларининг болалари эса ўқиб, эл-юрт ҳурматини қозонган кишилар бўлиб яшаётгани учун кенжатойини яхши ният билан Олмаотадаги қайсиdir бир институтга ўқишига юборибди. Бироқ кенг дала-даштда эркин яшаб, эркин меҳнат қилишга кўниккан кенжатой Олмаотага икки-уч йил қатнаб ўқибдию у ёғига тиши ўтмай қолибими ё дангасалиги тутибми, кўчини кўтариб, Туркистонга. бобосининг бағрига қайтиб келибди. Чол кексайган пайтида шу оддий орзусининг ҳам ушалмаганидан қаттиқ изтироб чекиб “Шоирларнинг обрў-эътибори катта бўлади. Шояд Миртемир дўстим кенжатойимнинг илмли ўқимишли бўлишига ёрдам берса”, деган уй билан поездга тушиб, Тошкентга, шоирнинг Ишчилар шаҳарчасидаги уйига келибди.

— Айнанаёв, ширағим, шу баламга кўмакласиб жубар, — деб илтимос қиласди чол.

Миртемир чолни облон меҳмон қилиб, кўп ҳурмат билан кузатиб қўйгач, фарзанди Миржалолни чақириб:

— Мана сенга пул. Тўғри аэропортга бориб, Олмаотага шу бугунга иккита билет олиб кел, - деб буюрди.

Миртемир сўнгти чоғларда соғлиғи кўнгилдагидек бўлмагани сабабли бирор олисроқ жойга боргудек бўлса, тўнғич ўелини ўзи билан бирга олиб кетарди.

Хуллас, шу куни ота-бола самолётга утириб, Олмаотага учишли. Миртемир меҳмонхонада тунаб, эрта билан кенжатой таълим олган дорилфунунни ахтариб топди, сабиқ талабанинг домласига учраб, у билан сұхбатлашши, қайси фанлардан “думлар” и борлигини аниқлаб, шу фанларнинг домлаларига пири бадавлат отасининг илтижоларини етказди. Боланинг бошқа курсдошларидан анча орқада қолганини кўриб, унга “академик таътий” беришларини сўради. Домлалар туркистонлик ўзбек шоирининг сўзларини ерда қолдирмадилар. Улар сабиқ талабанинг ўқишини давом эттириши учун ҳар қандай ёрдамга тайёр эканликларини айтиб, шоирга таскин бердилар.

Миртемир бажарган ишидан қаноат ҳосил қилиб Тошкентга қайтди.

* * *

Кимдир қўққисдан эшикни чертганила, ҳатто, шоирга туйилганидек, дарғазаб тақиллатганида, шоир кўзига ҳаёт ва момот тимсоллари – тобут ва бешиккина кўринмай, Туркистоннинг олис йиллардаги манзаралари ҳам унинг хаёлини чулғаб оларди.

“Гоҳи” шеърини ўқишда давом этайлик:

...Эсимга тушади оқсоч Туркистон,
Нодонлик, сарсонлик, гўллик, сўқурлик.
Бўйинтуруқ, жувоз, ташналик, ёвғон,
Култепа, ютөқ жар, қора чуқурлик.

Кингир кўчалару, қора йўл, бекат,
Бўзагар, маст сурон, ёқалашганлар.
Ёнгирсиз ўти келиб, кўкармай кўкат,
Маҳалла-маҳалла сув талашганлар...

Эсимга тушади гўдаклик замон,
Ўт ўриб, даладан ҳориб келганим.
Ҳали оловнафас ва сўлқилдоқ нон,
Совуқ сувга ташлаб еганим...

Шоир болалик чоғларидаги Туркистоннинг аянчли манзараларини беҳуда кўз олдига келтирмайди. У чинакам ҳаққоний санъаткор бўлгани учун XX аср бошларига қадар давом этган

ўзбек халқи ҳаёти манзараларини икки-уч тафсил ёрдамида яққол гавдалантириб, халқнинг бир аср давомида босиб ўтган йўлини кўрсатиб беришни ўз олдига мақсад қилиб қўйган. Биз юқоридаги сатрларни ўқир эканмиз, Некрасов достонининг Миртемир таржимасидаги “қора сатрлар”и ёдга келади. Аммо Миртемир, рус шоиридан фарқли ўлароқ, Туркистон халқларининг кейиниг ҳаётидаги ўзгаришлар ва юксалишларни бир образ ёрдамида кўрсатишни ўзига ният қилиб олали. Бу образ эса “ўзи ҳам ё саккиз ёки ўн яшар” қиз образидир.

*...Қўшини чол боғига сув ўтар биздан,
Ундан сўнг таралур улкан қишлоққа.
Хаёлим айрилмас шу боғбон қиздан,
Қайдан илағишибман шу қўнирчиққа...*

Орадан бир қанча йил ўтгач, шоир она қишлоғига келганида ўша боғбон қизни учратиб қолади:

*...Ўша жажжси сулуғ, ўша боғбон қиз,
Сизга айтайними – не сир бўлибди:
Ўша жайрондай шўх, ўша жонон қиз
Талай неваралик кампир бўлибди.*

У оддий кампирлардан эмас, балки ўз меҳнати билан қадрдан қишлоққа маърифат ва маданият нурларини олиб кирган, қишлоқ қиёфасини тамомила ўзгартириб юборган “кампирлар”дан – меҳнат фахрийларидан эди...

* * *

Миртемир 1974-1975 йилларда Туркистонга қилган сафарлари таъсирида бир қанча гўзал шеърлар яратди. Бу шеърларнинг бир қисмида ёшлик хотиралари, иккинчи қисмида эса қишлоқ манзаралари тасвири балқиб туради. Аммо каминани ларзага келтирган нарса, аввало, унинг қишлоқ аёлларига башишланган туркум шеърларидир. Бу аёлларни ўзаро бирлаштириб, уларга қаҳрамонлик мақомини берадиган, улар руҳий оламидаги абадий гўзаликни дафъатан юзага чиқариб-порлатиб юборган нарса бу – уруш эди. Улар инсоният тарихидаги энг даҳшатли урушлардан бири бошланганида ҳали қелинлик либосини ечмаган эдилар. Мана, уруш тугаганига ўтиз йил

ҳам бўлибдики, жанітга кетган йигитлардан ҳамон дом-дарак йўқ. Лекин бу аёллар уларнинг бир кўлсиз ё бир оёқсиз бўлсада, келишларини ҳали-хануз интиқиб кутишади. Агар сиз шоирниң “Норбуви”, “Паттининг ҳасратлари” ёки “Тошибу” шеврларини ўқисангиз, шоирниң аёл руҳияти, фожиаси ва ҳатто баҳтини қанчалик чукур ҳис қилиб, юксак бадиий маҳорат билан акс эттирганидан ҳайратта тушасиз. Бу шеърларда тасвирланган аёлларниң ҳар бири қалбидэ урушнинг оғир жароҳати бор. Улар гарчанд жанг майдонларига бориб, душманга қарши юзма-юз курашмаган бўлсалар-да, фронт орқасида шундай ишларни амалга оширганларки, бу ишларсиз фронтга ўқдори, кийим-кечак, озиқ-овқат етиб бормаган бўлармиди...

Миртемир шундай қаҳрамон аёллардан бирига Тошибу деб ном берган. Биз Тошибу ҳаёти саҳифаларига шоир ёрдамида на зар ташлар эканмиз, тарихнинг суронли Йилларида унинг пўлатдек тоблангани, бурмалик кўйлагу тилла сиргаларни сандикқа жойлаб, эгнига қалта тўн, оёғига этик кийиб, қош қорайгунга қадар жўяклар ичидан чиқматанини кўрамиз:

*Ўн жувонга бошлиқ – кўп ҳам осонмас,
Тун оғир ва узун, бўлар эдинг хун.
Бу тўй кунидаги қувноқ жавлонмас,
Тер тўқдиган ҳам ўзинг, ҳам эринг учун.
Қироғ кетмасидан ташидинг ўғит,
Тўқилтоқ арава – уловинг эшак.
Ўн жувон измингда – маслаҳат, ўғит,
Дардошлиқ ҳам оғир, кўп оғир бешак.
Ўз бўйингда эди сув, ўток, чопиқ,
Эсда турмас эди соч тараши ҳатто.
Шўх ҳисларга қалбинг дарчаси ёпиқ.
Қулиб қараганга жўн қараши ҳатто.
Далага эргашар икков боланг ҳам,
Бири чой қайнатар, бири ташир сув.
Эркак меҳнатига кўниқдиган кам-кам,
Бу ҳам жанг эди-да, қаттол жсанг, Тошибу!*

Бу – уруш Йилларидаги ўзбек аёлининг қаҳрамонлаштирилиши!

Узбек шоирлари уруш ва урушдан кейинги дастлабки Йилларда шу қаҳрамон ўзбек аёлинин унуммаган бўлсалар-да,

кейинчалик улар образи адабиётимизнинг шоҳсупасидан тушиб қолди. Миртемир тарихий ғалабанинг 30 йиллиги арафасида ўзбек адабиётилаги шу қусурни сезиб, Норбуви, Патти, Тошбу сингари буюқ ўзбек аёллари образини яратди ва уларни адабий тип даражасига кўтардики, бу унинг том маънода ҳалқ дарди билан яшаган катта санъаткор бўлганидан шаҳодат беради.

Тошбу, ҳар ҳолда, омадли экан, унинг суянчиги ажал майдонидан тирик қайтади.

Шоир давом этиб, ёзди:

...Толеинг бор эмиш, толе ёр эмиш,
Келди ахир жсангчи: бас, деб шум фироқ.
Үпкисида мошдек ўқ ҳам бор эмиш,
Тирсакдан бир қўйл иўқ... Сендан ғаш ишроқ.
Сени сал хўрлаган сира инсонмас,
Кўзларингда гуурур ва баҳтдан ёш бу.
Сенсиз Ўзбекистон – Ўзбекистонмас,
Сенсиз кенг жаҳон ҳам сира жаҳонмас,
Тошбу!

Буни қаранг: Миртемир Тошбуни шундай баландликка кўтарики, назарида, усиз Ўзбекистон Ўзбекистон, ҳатто кенг жаҳон ҳам жаҳон бўлмай қолади. Агар бу фикр тагидаги маъно гавҳарини чақиб кўрсангиз, Тошбудек буюқ матонатли, меҳнатсевар, сабр-бардошли, эл-юргита, ёрига, зътиқодига садоқатли кишилар бўлмаса, Ўзбекистон, албатта, Ўзбекистон бўлмаган бўлур эди. Шундай аёлларгина она бўлиб, мард, танти, жасур, ор-номусли, истеъдоли, келажак бешигини тебратадиган фарзандларни дунёга келтирадилар.

Миртемир ана шундай Аёллар образини яратар экан, биринчи навбатда, уларнинг маънавий юксаклигини, севги ва садоқат фаришталари эканлигини кўриб, ўзи ҳам ҳайратга тушади, бизни ҳам ҳайрат оғушига чорлайди. Унинг эстетик оламидаги Аёл, аввало, севги ва садоқат фариштаси, бу ёруғ оламни ўз меҳри ва меҳнати билан покловчи, шарафловчи ва сақловчи буюк Зотdir.

Пианино учун мавзу

Аниқ айтотмайман, 1977 йилнинг охири ёки 1977 ил аввалидами, Муқимий номидаги ўзбек мусиқали драма театри грузин драматурги Гешадзенинг “Самодаги учрашгув” (“Встреча в небесах”) пьесасини саҳналаштирадиган бўлди. Собиқ иттифоқнинг бир қанча саҳналарида намойиш этилиб, томошабинлар олқишига сазовор бўлган бу асар ўзбек тилида ҳам жаранглаб, ўзбек томошабинларига ҳам манзур бўлиши мумкин эди. Театр раҳбарияти шу йилларда Ҳамид Гулом, Жуманиёз Жабборов сингари шоир ва драматурглар билан ҳамкорлик қилганлигига қарамай, бу асарни таржима қилишни нима учундир Миртемирдан илтимос қилди. Балки бунинг сабаби таржиманинг ўзига хослигига бўлса ажаб эмас. Маълумки, мусиқали драма асарида драматургия қанчалик катта аҳамиятга молик бўлмасин, у композитор томонидан яратилган мусиқага тамомила бўйсуниши лозим. Бундай асардаги ҳар бир ария, ҳар бир хор ва ҳар бир речитативни таржима қилишда таржимон композитор томонидан белгилаб берилган ритм ва оҳангга қатъий риоя қилиши керак. Бу ҳол таржимонни “музиқий” сиқув остида ишлашгэ мажбур этади ва унча-мунча таржимонлар бундай машақватли ишдан ўзларини четга олиб юрадилар.

Муқимий театри шу масалада Миртемирга мурожаат этганида умрининг “ҳасталик мавсуми”ни кечираётган шоир шифохонада даволанаётган эди. У бирор нашр ёки бирор муассаса таклифини рад этишга кўнікмагани учун Муқимий театрининг таклифини ҳам истар-истгамас қабул қилди. Зоро, Миртемир Алишер Навоий номидаги опера ва балет театри учун “Евгений Онегин”, “Кармен” ва “Улугбек” опералари, Муқимий театри учун эса “Баядера”, “Полтавалик Наталя” мусиқали драма либреттоларини таржима қилиб, шу соҳада музайян ижодий тажриба ҳосил қилган эди.

* * *

...Иккинчи жаҳон урушининг оғир йиллари. Ўзбекистонга душман босиб олган Россия, Украина, Белоруссия, Молдавия худудларидан минглаб ўйсиз-жойсиз қолган аҳоли, ўнлаб заеводлар, институтлар, театрлар кўчириб келтирилган пайт. Шундай театрлар орасида Львов шаҳридаги Иван Франко номида-

ги театр ҳам бор эди. Мазкур театр Тошкентдаги фаолияти давомида Муқимий театр билан ҳамкорликда машхур украин композитори Иван Котляревскийнинг "Полтавалик Наталка" опереттасини ўзбек тилида саҳналаштиришга қарор қилди. Асар либреттосини таржима қилиш Миртемир зиммасига тушди. Хуллас, "Полтавалик Наталка" уруш ва урушдан кейинги йилларда Муқимий номидаги ўзбек мусиқали драма ва комедия театрида муваффақият билан намойиш этилди.

Орадан ўттиз йилдан зиёд вақт ўтиб, "Полтавалик Наталка"ни таржима қилгани ҳам, украин режиссёри Юра Гнат билан ҳамкорлик қилгани ҳам Миртемирнинг хотирасидан паришон бўлганида, кутилмагандা, машхур украин шоири Микола Бажандан Ўзбекистон Ёзувчилар уюшмасига хат келди. Бу хатда у уруш йилларида эвакуацияга келган кўп миллатли ёзувчилар ва санъаткорларга меҳр-оқибат кўрсатгани учун ўзбек ҳалқи шаънига миннатдорлик сўзлари ёзилган ва айни пайтда "Полтавалик Наталка"нинг ўзбек тилида саҳналаштирилишига алоқадор театр рисоласи (программаси)ни Иван Котляревский музейига юбориш сўралган эди. Миртемир республика Ёзувчилар уюшмасининг илтимоси билан "Полтавалик Наталка" рисоласининг ўз архивида саклананаётган ягона нусхасини Микола Бажан номига ёзилган қуйидаги хат билан юборади:

"Кўп ҳурматли Николай Платонович!

Салом.

Ўзингизга маълумки, урушнинг оғир кунларида Украина академик театрни ҳам Тошкентда фаолият кўрсатган эди. Ёдингизда бўлса, ўша театрдан кимдир (балки украин ёзувчиларидан бири) Иван Котляревскийнинг "Полтавалик Наталка" асарини рус тилига сўзма-сўз ҳолида таржима қилган эди. Мен ҳам шу таржима асосида уни ўзбек тилига ўгирдим. Муқимий номидаги ўзбек музикали комедия театрида қўйилган "Полтавалик Наталка"нинг саҳналаштирилишида Юра Гнатнинг шахсан ўзи бош бўлди.

Асар кўп вақт театр сафнасидан тушмади.

Унгача ҳам улуғ Т.Г. Шевченконинг "Чўри" достонини таржима қилганман ва ўзбек тилида бир неча қайта нашр этилган. Мен бу билан украин ҳамда ўзбек ёзувчилари ва сағна усталари-нинг ҳамкорлиги, учрашувлари хусусида фикрлар билдиromoқчи эмасман. Шундогам ҳаммаси табиий ва тушунарли.

Ўзбек тилида чиққан “Полтавалик Наталка”нинг бу жаҳж-
жи нусхасини Иван Котляревский музейига йўллар экинман, унинг
музейда ўрин топишими, ҳалқларимизнинг метин дўстлигидан,
ёрқин ҳамкорлигидан бир ифода бўлиб қолишими истайман.

Сизга хурмати баланд

Миртемир.
1976”

“Осмондаги учрашув” спектаклининг Муқимий театрида
саҳналаштирилиши масаласи билан Маргарита Александровна
исм-шарифли концертмейстер шуғулланган. Асар қисқа муд-
датда саҳна юзини кўриши лозим бўлганлиги сабабли у Мир-
темирнинг хасталиги билан ҳисоблашмай, шифохонага келиб,
уни ҳоли-жонига кўймаган. Сўнгти марта келганида эса, шо-
ирни эртага театрда кутиши ва асарга ёзилган мусиқани эши-
тиши зарурлигини айтган. Театрга бориб, кимдир шовқин-су-
рон билан бутафор идиш-товоқларни кўтариб кетаётган, ким-
дир шоти кўтариб келиб, “Бир пас чеккага чиқиб туринглар!”
дейдиган, кимдир авжи иш қайнаб турган чоқда директор ча-
қирайпти, деб, сизни ё шеригингизни олиб кетадиган бозор
шароитида ишлаш истиқболи хаста шоирга, албатта, ёқмайди.
У Маргарита Александровнага:

— Мен ҳали тамом тузалиб кетганим йўқ. Театрнинг шовқ-
ин-суронли шароитида ишлайлигиган пайтим ўтиб кетган. Ях-
шиси, сиз уйимга кела қолинг, — дейди.

— Бизга пианино керак. Сизнинг уйинлизда пианино бўлма-
са, мусиқани қандай қилиб чалиб кўрсатаман? — дейди театр
ходимаси.

— Нега бўлмас экан?! Ҳалқ шоирининг уйида пианино
бўлмаса, кимнинг уйида бўлади!..

Миртемир бу сўзларнинг оғзидан қандай чиқиб кетганини
ӯзи ҳам билмай қолди. Аммо энди чекинишнинг иложи йўқ. У
Маргарита Александровнанинг қайта саволига “Ҳа, бор”, деб
дадил жавоб берди.

Хуллас, Маргарита Александровна эртага шоирнинг хона-
донига келиб, спектаклга ёзилган мусиқани пианинода чалиб
эшилтиришни вайда қилди.

Одатда, шоир шифохонада ётганида, иштаҳаси бўлса-
бўлмаса, оиласига бир-биридан тансиқ таомларни тайёрлаб
келишини буюрар ва у бу таомлар билан зиёратга келган шо-

тирдлари ёки қўшни палаталарда даволанаётган таниш-билишларини меҳмон қилишни севарди. Шундай пайтларда бирор муассасада хизмат қилмаётган, бинобарин, ойлик маоши томиб турмаган соҳиби хонадон киссасида шамол хуштак чалиб юрган бўларди. Шунинг учун ҳам шоирнинг тантанавор ваъдасидан хабар топиши билан кеннойи ҳаловатини йўқотиб кўйди. Ўзбекона одобга кўра, уйдаги борни ошириб, йўқни яшириб юрган кеннойи энди нима қилишни билмай қолди. Ўйлаб-ўйлаб, хонадонга тез-тез келиб турадиган, анча-мунча ашуалар ёзган бўлса-да, пианинони сотиб олиш тушига ҳам кирмаган шоир Ҳайдар Муҳаммадни чақиртироқчи бўлди. Ҳайдар Муҳаммад ўша кезларда Миржалол билан бир нашриётда хизмат қилгани учун ўғлидан илтимос қилди: Ҳайдаржонга айтгин, домласига пианино сотиб олиш шарт эмаслигини келиб тушунтиурсин. Арzon бўлганида ҳам майлиди, бир чеккада чанг босиб тураверарди. Аммо не қилайликки, ҳозир адангнинг кўли қисقا. Бунинг устига хасталикдан боши чиқмай турган пайт, – деди у. Миржалол эрталаб ишга бориши билан Ҳайдар Муҳаммадга учрашиб, онасининг илтимосини етказди. Ўзига катта масъулият тушганини сезган Ҳайдар иш тутагунга қадар устоз шоирга айтмоқчи бўлган доно сўзларини бир неча бор такрорлаб, ахийри, ёд олганига ишонч ҳосил қилганидан сўнг. Ишчилар шаҳарчасига, устоз хонадонига йўл олди.

* * *

Миртемир Маргарита Александровна шифохонани тарк этиши билан шу ерда ётган, хаста бўлса-да, бўйнидаги бўйинборини ҳам, бошидаги шляпасини ҳам ечмай юрадиган кишиларни ўта маданиятли ўйлаб, улардан пианинонинг қаерда сотилиши, қандай маркалари бўлиши, Германияда ишлаб чиқарилган пианинодан афзал ё ноафзал томонлари ва бошқалар ҳақида маълумот олмоқчи бўлди. Яна кимларгадир қўнгироқ қилиб, пианино деган жонворни қаердан ва неча сўмга сотиб олиш мумкинлиги ҳақида ҳам аниқ маълумотга эга бўлди. “Йигит сўзидан, арслон изидан қайтмас”, деганларидек, эртасига эрталаб қаердандир пул топди-да, нашриётга қўнгироқ қилиб, Миржалолни чақиртириб олди.

* * *

Ҳайдар Муҳаммад радио кўмитасидаги ишларини тутатиб, овози ширали чиқиши учун икки дона тухум ютиб, соч-почларини тараб, Миртемир яшаган уйга башанг бир ҳолда яқинлашганида, пианино юк машинасидан туширилаётган экан.

“Шундай қўчаларига бурилсам, - деб эслайди Ҳайдар Муҳаммад, - юк машинаси турибди. Ичида пианино. Шофёри бортни очяпти. Миржалол пианинони тушириш учун уйдан тахта олиб чиқаётib, менга кўзи тушди-да, мийифида кулиб қўйди. Унинг бу кулгусида “сўзларини қайтаролмадик...” деган маънони уқдим.

Пианино оғир экан. Зўрга машинадан туширдик. Амаллаб ҳовлига кирийтдик. Домла хурсанд эдилар. Атрофига айланниб, қопқоғини очиб, бир-икки клавишларини босиб, даранглатиб кўрдилар. Мен ўйлаган ҳамма гапларим бекор бўлди.

Одадагидек ҳовлидаги столга таклиф қилдилар. Суҳбат да-вомида “Миртемир ака, пианино олиш зарурати туғилиб қолдими?”, деб сўрадим Миржалол билан бўлган суҳбатни сир тутиб.

— Мен, хабарингиз бор, Муқимиy театри учун гуржи ёзувчиси Гецадзенинг “Встреча в небесах” муздрамасини таржима қиляпман. Ашулаларини эквиритмик таржима қилмаса бўлмайди. Стационарда ётганимда концертмейстери Келиб шоширди. У ерда врачлар рухсат беришмади. Концер-мейстер:

— Стационардан чиққанингиздан сўнг, театрга борасиз, — деб кетди. — Театр, биласиз, тўпаланг жой. Одам хотиржам бўлмаса, ижод қилиб бўлмайди. Эквиритмик таржима мураккаб, сўз оҳангта тушиши керак. Шунинг учун пианино сотиб олдиртирдим, яна кўп режаларим бор. Ҳозирча қизалоқ Гулнорага эрмак бўлиб турар. Невараларнинг бири балки композитор бўлар. — дедилар”.

Фалакнинг гардишини қарангки, пианинонинг сотиб олинишига сабабчи бўлгизн концертмейстер қандайдир иши чиқиб, ўша куни ҳам, кейин ҳам келмади. Халқ шоирининг уйида пианино бўлишини ҳам, шоир невараларнинг пианино атрофидаги “самовий учрашувлар”ини ҳам кўрмади.

Тўртинчи дарвеш

Кунларнинг бирида чор дарвеш сафарга чиқиб, шаҳару қилиш-лоқларни, дарёю тоғларни ошиб, бир манзилга етиб келибди. Кечки тамаддикдан сўнг бир оз ҳордиқ олиб, сўнгра уйқуга кетибди. Кўп ўтмай, дарвешлардан бири бехос уйғониб, тева-рак-атрофни айланниб келганидан кейин ҳам узоқ вақт ухлай олмабди. У касби қўғирчоқбоз бўлгани сабабли бедорликнинг азобли дақиқаларини ўтказиш мақсадида қўғирчоқ ясабди. Шундан кейин уни уйқу босиб, пинакка кетибди. Орадан ҳийла вақт ўтгач, иккинчи дарвеш уйғонибди. Қараса, қархисида бежиримгина бир қўғирчоқ, худди тирик қизалоқдек, қопкора қўзлари билан унга қараб мўлтираб турибди. Бу дарвешнинг касби тиқувчилик экан, шунинг учун у бир зумда хушбичим либос тайёрлаб, қўғирчоққа кийгизибди-да, бошини ёстиққа қўйиши билан хурракнинг “катла ашула”сини бошлиб юборибди. Орадан яна бир мунча вақт ўтганидан сўнг, учинчи дарвеш уйғонибди. Қараса, рўпарасида нафис либосга бурканган, қош-қўзлари қопқора, жонон бир қўғирчоқ турибди. Дарвешнинг заргарлиги тутиб кетибди: бармоқларидағи тилла-кумуш узукларни бир зумда эритиб, қўғирчоққа бир-биридан гўзал турли-туман тақинчоқларни ясаб, уларни қулоқлари билан кўлларига тақиб қўйибди. Ниҳоят, тўртинчи дарвеш уйғониб қараса, ҳозиргина тушиға кирган гўзал бир паризод унинг қархисида қўғирчоқ қиёфасида гўзал либос-у, антиқа тақинчоқлари билан ял-ял товланиб турган экан. Унга бирор либос тикий деса, либоси бор, уни бирор қимматбаҳо безак билан безай деса, безаклари ҳам зиёда. Дарвеш нима қилишини билмай, охири Аллоҳга илтижо қилишдан бошқа нарсани ўйлаб тополмабди. У Аллоҳга муножот қилиб, бундай дебди: “Эй ер юзидағи жамики жонзодларни яратгувчиси! Сенинг қудратинг билан биз, чор дарвеш, дунёга келиб, улуғ сафарга кетаётган эдик. Сенинг марҳаматинг ва қудратинг билан биз, дарвешлардан биримиз бедор соатида жонон бир қўтиричоқ ясабди; иккинчимиз унга шоҳона либос тикиб, бояги қуғирчоққа ясантириб қўйибди; учинчимиз эса, бармоқларидағи узукларни эритиб, гаройиб тақинчоқлар ясабди-да, қўғирчоқнинг қулоқлари билан кўлларига тақиб қўйибди. Энди навбат менга келганида, бу қўғирчоқнинг фақат биргина камчилиги борлигини кўриб турибман. Бу камчилик эса унга жон ато этилмага-

ницир. Жонни эса қўғирчоққа фақат сен, етти иқлимдаги жонзодларни яратган Аллоҳгина бера ғолишинг мумкин. Эй курратли ва марҳаматли Аллоҳ, сендан илтимосим шулки, шу гўзат қўғирчоққа жон бағишилаб, унинг баркамол инсон бўлишида меҳру муҳаббатингни, туққиз юз тўқсон тўққиз минг хунарга қодирлигинг-у кароматларингни аяма!” Дарвеш шу сўзларни айтиши билан қўлпикларига уйқу фаришталари қўниб, ухлаб қолибди. Дарвешлар эрталаб Аллоҳнинг амири билан барэвар уйғониб қарасалар, мисли бу иқлимда бўлмаган, хуснда ҳам, фаҳму фаросатда ҳам баркамол, гўзат бир паризод чор дарвеш қаршисида етти букилиб, салом бериб турган эмиш...

Миртемир бу ривоятни ғоят севар ва уни ўқтин-ўқтин нақл қилиб тударди. Унинг назарида, ҳақиқий шеърнинг, гўзат ва баркамол шеърнинг майдонга келишида шоир, дастлабки уч дарвешдек, ҳалол меҳнат қилиши, сўнг, тўртинчи дарвеш бўлиб, Аллоҳдан мадад олган ҳолда унга жон ато этиши лозим. Агар шоир шеърга жон бағишилай олмаса, бу шеър китобхон қалбига етиб бормайди, бинобарин, узоқ яшамайди. Шеърият унинг учун Каъбалек муқаддас маскан эди.

*Каъбамсан, шеърият, эзгу эҳромим,
Оғу ҳам бол тўла бебаҳо жомим.
Амалим ва ишқим, умиду армон,
Үйқусиз тунларим – жиндак илҳомим...*

*Керакмас инжу ҳам сенсиз, ҳақиқ ҳам,
Керакмас шадлод ҳам сенсиз, дақиқ ҳам.
Ҳаёт ҳам мен учун сенсиз бемаъни,
Сенсиз ўтмасин-да ҳатто дақиқам.*

Бу шеърнинг ҳар бир сатри, ҳар бир ҳужайрасида шоирнинг тирик қалби зарб бериб туради.

Шоирнинг фарзанди Миржалол Турсунов отаси ҳақидаги хотираларининг бирига амакиси Тўра аканинг куйидаги сўзларини эпиграф сифатида жалб этган эди: “Даштда сўфитўргай деган қуш бўлади. У ҳар баҳорда тухум қўйиб, бола очади. Полопонлардан бири булбул бўлиб, қолгани оддий тўргай бўлади. Ўша булбул – отанг!”

Тўра ака ҳақ. Сўфитўргайнинг ўnlаб полопонларидан бири булбул бўлиб туғилганидек, XX асрнинг 20-йиллари охирида

ўзбек адабиётига кириб келтан ўнлаб шоирлар орасида Миртемир булбул бўлиб туғилган эди. У умрининг охирига қадар она-Ватанини, инсонга ҳаёт бағишловчи Онани, севги ва садоқатни, ўзининг исходий ва жисмоний меҳнати билан қадрдан диёрининг гуллаб-яшнашига буюк ҳисса қушган ватандошлиарини булбул янглиғ жўшиб куйлади.

* * *

1976 йилнинг сўнгги кунлари эди.

“Замоннинг зайлими, умрларнинг ўтиб бораётганидан огохлантиришми, – деб эслаган эди Зулфия, – яна касалхонага тушиб қолган эдим. Декабрь ойи эди. Миртемир оға ҳам шу ерда даволанаётган эканлар. Дори-дармон аста шифо бағишлаб, баъзи-баъзида коридорда кўришиб, аҳвол сўрашадиган бўлдик...

...Мен бир куни наебатчи врачдан сўрадим:

- Устозимнинг ҳоллари нечук?
- Кимни сўраяпсиз?
- Миртемир домлани-да?
- Турсунов? Ҳа, у киши шоирми?.. Ҳар қалай, қаратган қараб қолмас, деганларидек, анча тузалиб қолдилар.

Бир куни эрталаб домлани жуда хушҳол кўрдим, чехраларига ранг киргандек, қадамлари ҳам шахдамроқ. Жуда хурсанд бўлдим.

Докторларимиз кўриб чиқишли, ҳамширалар ҳам ўз вазифаларини ўтаб бўлдилар. Тушки овқатдан кейин Миртемир домлани дераза олдида - менинг хонам тўғрисидаги дераза ёнида узоқроқ туриб олганларини пайқаб, дарҳол хонамдан чиқдим.

- Қалайсиз, домла? – дейман.
- Яхшимэн, анча яхшиман, – дейдилар.

Кейин кўкрак чўнтакларидан таҳланган оптоқ қофозни (улар ҳамиша шеърни энг яхши қофозга битар эдилар) олиб:

- Мумкинми? Айбга буюрмасангиз, озгина вақтингизни олсан, – дейдилар менги илтижо тўла боқиб. Ё раббий, киши ҳам шунчалик камтарин бўладими, дейман ўзимга-ўзим.
- Марҳамат, домла, ўқиймизми?
- Ҳа, агар!..
- “Агар” нимаси, киринг, – дейман эшиклари очиқ палатамга таклиф қилиб.
- Мумкин бўлса, бизнинг хонага кирсак, эшикни очиб

қўяман, — десалар борми. Бир мулзам бўлдим, бир хижолат бўлдим. — Мен ўзингизнинг синглизман-ку, марҳамат!

Хона ораста, стол устида бир чойнак, икки пиёла ва қалам.

— Мақсад махсум (“Совет Ўзбекистони” газетасининг редактори М. Кориев) йигитларидан бирини юбориб, қутлов шеърини ёзиб беришни сўраган эдилар. Бугун кечга ваъда қилган эдим. Бир кўздан кечирайлик.

— Янги йил ҳам келиб қолдими, домла? Қани, ўқийлик, бир гўзал шеър ёзилган бўлса керак.

— Билмадим, сиз ўқинг, — деб шеърни менга узатдилар.

— Йўқ, домла, ўзингиз ўқинг, мен тинглаймэн.

Ҳай, бўлмади, истаклари билан мен ўқийдиган бўлдим.

Бу шеър — “Йил боши орзулари”ни 1976 йил 29 декабрда газета редакциясига жўнатдилар...

Янги, 1977 йилнинг дастлабки кунлари республиканинг марказий газетасида эълон қилинган бу шеърда Янги йил қутлови йўлланмаган бирор соҳа, бирор шаҳар ёки қишлоқ қолмаган, шоир уларнинг ҳаммаси шаънига дилидаги қайноқ туйғуларини жўшиб изҳор қилган эди. Узунгина шеър шоирнинг Янги йил орзулари балқиб турган бундай сатрлардан иборат эди:

...Тўкинчилик эртакдаги
Беҳиштлардан тўқисроқ, соз.

...Ҳандалаклар шафақ ранглиқ,
Кўйма сехр, тарам-тарам,
Йўловчининг димогига

Атир турккай полиз бу ёз.
Дону дун ҳам орзумиздай

Тепа-тепа, гарам-гарам...

Бундан 35-36 йил муқаддам ёзилган ва шампан виносиdek кўпириб-тошиб турган бу сатрларни ўқир эканман, уларнинг бир неча соат аввал юқори ҳарорат остида ётган шоир томонидан ёзилганидан ҳайратга тушаман. Шоир қалбининг жарангдор торлари узилиш олдида турганига қарамай, у рубоб “қулоқ”ларини бураб, шундай сайратиб юборган эдики, бунга ажабланмасликнинг иложи йўқ...

Бу лирик чекинишдан сўнг яна шоира Зулфия хотиралари ни ўқишида давом этсак:

“...Ҳамон эсимда. Ўқиб чикқанимдан кейин қўлимга қалам бериб, “Шу ёрга имзо чекиб қўйинг”, деб қистадилар.

Жуда хижолатда қолганимни сезган домла “Шуни хоҳладимда, хоним, бу мулоқотдан хотира бўлади”, дедилар.

Юрагим орқага тортиб кетди. Менинг ҳам ҳаётим, назаримда, қўл устида тургандай эди. Маъюс тортиб кетдим.

Шеър эса ёрқин, ниятлар тўла бир дунё,

Ватанга туркираш, ҳалқقا бутун истиқбол тилаги билан жаранглаган, майли, байрамона дабдаба ва тантанавор бўлса ҳам, унда гўзал, ёрқин юрак уриши, бетакрор, ҳалқона росманалик, қуюқ муҳаббат туйғулари фақат у кишига хос тўлақон образлар силсиласидан жаранглаб турад эди”.

* * *

Янги 1977 йилни шоир ўз хонадонида, оиласининг иссиқ бағрида кутиб олди. Сўнгра Туркистонга бориб, қайтиш қилган қариндошларидан бирининг хотирасини эъзозлаб келди. Февраль ойида устози Сотти Ҳусайнга бағишлиган хотира кунларини ўтказиш учун Фарғона водийсининг Қўқон шаҳрига бориб, айни пайтда кўхна меъморий обидаларни зиёрат қилди. Июнь-июль ойларида Андижонга ижодий сафар билан бориб, талайгина учрашувлар ва мушоираларда иштирок этди. Бу сафарлардан олган таассуротларига шеърий либос кийдириб, китобхонларига тақдим қилди...

Миртемирнинг сўнгти шеърларига назар ташлаган киши унинг лирик шеърлар билан бирга сюжетли, воқеабанд шеърлар ҳам ёзганини, табиат манзаралари тасвирланган шеърлар билан бирга ижтимоий лирика намуналари ҳам яратганини кўради. У шеъриятнинг барча тур ва шаклларида камолот чўққисига кўтарилиган эди. Аммо шеърият, соҳибжамол қизлар сингари, шоирдан муҳаббатни, беадад ва бегидир муҳаббатни талаб этади. Агар шоир шеъриятнинг шундай оташин шайдоси бўлмаса, унинг шеърлари нурлар ва ранглар чамани ўлароқ асло товланмайди. Миртемир шеъриятга бутун қалби ва шуурини тўла бағишилган шоир эди.

1977 йилнинг апрель ойида, туннинг сеҳрли соатларида шоир иттифоқо гуллаган бодом дараҳтини кўриб қолади. Ушбу оддий манзара шоир қалбини жунбишга келтиради. У ёзади:

*Сутдек ойдин эди, боғ нимхуш салқин,
Суянгандим бодом бутоқларига.
Расо гуллати боғ – кўзларда чақин,
Эгилдим гўё қиз дудоқларига.*

*Оқарди аввало, қизарди кейин,
Қийнар эди гўё қизлик хаёси.
Тўсат бўса олдим, сўз йўқки, қийин,
Оҳ, ойдин тунларнинг телба савдоси...*

*Бодом ниманидир ҳадеб пичирлар,
Новдалари гўё кучар бўйнимдан.
Қайдам не ҳодиса – не сехр, не сирлар.
Гаслим бўлди магар, жиглас қўйнимдан.*

Оҳ, ойдин тунларнинг телба савдоси.

Бугун бундай латиф шеърларни ўқиган киши шоирнинг уларни оғир хасталик йилларида, қолаверса, умрининг сўнгти поғонасида ёзганига асло ишонмайди. Ҳолбуки, шеър шундай лакмус қоғозики, у кимнинг ва қачон ёзганини ошкор қилиб туради.

Миртемир шундай порлоқ шеърлар ёзаётган бўлса-да, унинг давр бўронларини кўрган юраги чарчаб, ҳаддан зиёд ҳолдан тойган эди.

1978 йил январининг 18-куни шоир юраги уришдан тўхтади. “Билим” жамиятининг Навоий театри бағридаги биносида шоир билан видолашув маросими ўtkазилди. Сўнгра Миртемир ижодининг беҳисоб муҳлислари ва шогирлари устоз жасадини Форобий қабристонига олиб бориб, Ойбек ваFaфур Ғулом, Мақсуд Шайхзода ва Абдулла Қаҳдорлар руҳи кезиб юрган заминга дағн этдилар.

Миртемир умрининг шу сўнгти кунларида яқин жигарларидан ташқари, яна кимларнидир кўриш, уларга сўнгти сўзларини айтиш истагида эди. Миртемир ҳурмат қилган шундай кишилардан бири Зулфия бўлиб, уни йўқлашини кугди. Буни сезган кеннои шоир вафст этганидан кейин кунгил сўраб келган шоирдан сўради: “Нега келмадингиз?”.

- Ёнларига врачлар ҳеч кимни кўймаётган эди, – деди Зул-

фия ўзига қаратилган таъна тошларига чап бериб. — Қолаверса, безовта қилишни истамаган эдим. Устоз оғаларни йўқлаб беморхонага киришни одобдан деб билмасдим, келинойи!

Аслида у кучли шахсларни ҳаёт шомлари яқинлашиб, ўта заифлашган, тақдир олдида таслим бўлган ҳолда кўришни асло ёқтирасди. Бундай дақиқаларда хаста кишилар шоира кўзига қулаб ётган чинор янглиғ кўриниб, уни руҳий мувозанатдан чиқарив юборарди.

Миртемир вафоти ўзбек адабиёти учун оғир мусибат бўлди. Бу мусибат юки унинг шогирдларини, айниқса, эзиб юборди. Буни ўз кўзи билан кўрган Зулфия Миртемирнинг шогирдларидан бирига хат йўллаб, унга бундай таскин сўзларини айтмоқчи бўлди:

“...Инсон нималарга кўникмайди. дейсиз, лекин номлари, ҳаётлари азиз кишиларимиз ёдга тушганда, бағримиз куяди. Шундай унугтилмас кишилардан бири сизнинг суюнган тогингиз, бизнинг фахру ифтихоримиз Миртемир домла энди йўқ. Ҳақиқатан ҳам етим бўлиб қолдик. Эндиги бирдан-бир йўл – у кишининг руҳларини ўз ижодимиз билан шод қилишда. Азиз номларига дод туширмасликда. Сиз ёзинг, ёзганларингизни юборинг. Мени ўзингизнинг эгачингиз, деб билинг...”

* * *

Шогирдлар устоз вафотидан сўнг ўнлаб ёдномалар, достон ва шеърлар ёзиб, унинг порлоқ хотираси олдида бош эгиб, ҳурмат билдирилар.

1979 йили Миртемир вафотидан сўнг унга Қорақалпогистон Автоном республикасининг Бердак, Ўзбекистон Республикасининг Ҳамза Ҳакимзода Ниёзий номидаги Давлат мукофотлари берилди.

2002 йили эса қаламкаш биродарлари Мақсуд Шайхзода ва Миркарим Осим билан бирга мустақил Ўзбекистоннинг “Буюк хизматлари учун” ордени билан тақдирланди.

Миртемирнинг иккинчи ҳаёти бошланган эди. Шояд бу ҳаёт устозлари Ойбек ва Faфур Ғуломнинг, тенгдошлири Шайхзода ва Абдулла Қадҳорнинг, синглиси Зулфиянинг иккинчи ҳаётидек ёрқин, баҳтли ва чексиз бўлса...

МУНДАРИЖА

<i>Асрор Самад. Саксон ёшли на夙қирион йигит.</i>	3
<i>Дебоча</i>	9
Биринчи фасл. ШОЙР ТУГИЛГАН ТУПРОК	
Жафокаш Туркистан	12
Ийқон қишлоғи	15
Шоирнинг болалиги	17
Қишлоқ манзаралари	23
Үқиш истаги	28
Иккинчи фасл. ШУЪЛАЛАР ҚЎЙНИДА	
“Алмай” иш мактаби	32
Билим юргида	33
Сотти Хусайн тўтараги	44
Тонг шуълалари	48
Шингил хотира	57
Зафар ва хатар	62
Билим юргидан сўнг	66
Миртемир ва Олтой	68
Илҳом чечаклари	71
Тош отувчилар ўйини	75
Кора булутлар	80
Учинчи фасл. ТАҚДИР СЎҚМОҚЛАРИ	
Ушалган орзу	85
Мудҳиш кун	87
Самарқанд ертўласида	88
Тошкент ертўласида	92
Меҳнат-тузатув лагерида	94
Этап	99
Дмитлаг	101
Канал қурилишида	103
Сўнгги найза	107
Тўртинчи фасл. ОЛОВЛИ ЙЎЛЛАР	
Қадаҳ	111
Бир гўзал	113

Иккинчи она.....	118
1937 йилнинг оддий кунлари.....	120
Адабиёт байрамлари.....	124
Гўзал Фаргона.....	134
 Бешинчи фасл. МАРДЛАР МАЙДОНИ	
Зафар келар қон ичинда.....	144
Биринчи топшириқ.....	149
Она ва ўғил.....	154
Фронт сафари.....	162
Кутлув кун.....	168
 Олтинчи фасл. ҲАЁТ ТЎЛҚИНЛАРИ	
Байрамдан сўнг.....	172
Кутилмаган учрашув.....	177
Мусаввир устахонасида.....	181
Тошкентда Қорақалпоқни соғиниш.....	186
Нажот излаб.....	193
Ойнинг ёруғ кунлари.....	196
Тунги қароқчилар.....	203
 Еттинчи фасл. ПОКИЗА ОҚИМ	
Чексиз армон.....	210
“Кумушбиби” билан учрашув.....	216
Биби Марям.....	222
Адабиётлар дўстлиги.....	228
“Манас”.....	238
Изтироб ва эъзоз.....	243
 Саккизинчи фасл. СЎНГИ ЙЎЛ	
Беморлик мавсуми.....	249
Бахтсиз тасодиф.....	257
Туркистан ёди.....	261
Пианино учун мавзу.....	267
Тўртинчи дарвеш.....	272

Адабий-бадиин нашр

Найм КАРИМОВ

МИРТЕМИР

Маърифий-биографик роман

*Рассом Шуҳрат Мирфаёзов
Саҳифаловчи дизайнер Нулуфар Мавлонова
Мусаҳҳиҳа Маҳмуда Абдуллаева*

Нашр лиц. АI №104, 15.07.2008. Босишга 11.11.2012 йилда
рухсат этилди. Қоғоз ўлчами 84x108 1/32. Офсет босма.
Оқ қоғозга босилди. Times UZ гарнитураси. Буюргма № 65.
Адади 500 нусха. Баҳоси келишув асосида.

“MERYUS” XНМК босмахонасида чот этилди.
Манзил: Тошкент, генерал Узоқов қўчаси, 2“а”-уй.
Тел.: 228-94-11.